



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

8.47. 8 10.



E. BIBL. RADCL.

16 B. 6.




Payne & Tofa  $\frac{5}{40}$


2345 e. 53











*Hic jam terga fugae, jam pugnae pectora praebent.*

*F. Agnir sc.*

*Ex Ovidio*

# HISTORIA DE ABIPONIBUS

EQUESTRI, BELLICOSAQUE  
PARAQUARIÆ  
NATIONE


LOCUPLETATA

COPIOSIS BARBARARUM GENTIUM, URBIVM,  
FLUMINUM, FERARUM, AMPHIBIORUM, INSECTORUM, SFR-  
BENTIVM PRÆCIPVORVM, PISCIVM, AVIVM, ARBORVM,  
PLANTARVM, ALIARVMQVE EIVSDEM PROVINCIÆ,  
PROPRIETATVM OBSERVATIONIBVS,

AUTHORE

MARTINO DOBRIZHOFFER

PRESBYTERO, ET PER ANNOS DUO DE  
VIGINTI PARAQUARIÆ MISSIONARIO.



---

V I E N N Æ,  
TYPIS JOSEPHI NOB. DE KURZBEK  
CÆS. REG. AUL. TIPOG. ET BIBLIOP.  
ANNO 1784.

Pluris est oculatus testis unus, quam auriti  
decem;

Qui audiunt, audita dicunt, qui vident, plane  
sciunt.

Plautus in truculento 2. 6.





# PRÆFATIO A D LECTOREM.

---

**I**n America de rebus Europæis: In Austriam post annos duos, & viginti redux de Americanis interrogabar identidem. Alios sciscitandi, me respondendi onere ut levarem, ad hos commentariolos lucubrandos animum, manumque adjeci, virorum etiam principum hortatu. Rem & ancipitis aleæ, & fastidii plenissimam sum aggressus; hac scilicet ætate, Aristarchorum feracissima, qui partus non nisi suos, vel suorum dilaudare, alienos foetus, ceu abortivos aspernari consueverunt.





De Paraquaria, quis nescit? scripsere multi multa: Pauci, quos æquus amavit Jupiter, ingenue: Nemo omnia. Eandem a me crambem recoqui, cave, existimes; Historiæ equidem. meæ argumentum sunt Abipones Barbari, bellicosique equites, quorum ne nomen quidem, postquam libros Americanos ad unum omnes excusseris, vix aliquando, ac ne vix quidem uspiam deprehendas, Paraquariensibus etsi provinciis, si quod aliud, magnopere formidandum; Ea enim natio avitæ libertatis usque tenax, non bellatorum numero, sed nocendi artibus eximia præ cæteris Barbaris arma, terroremque late circumferebat. Hispanus miles, Americam ingressus, quantum magnitudine animi, armorumque felicitate ante alias Europæ gentes fuit, tantum per omnes antipodum fines victoris timendi nomine inclaruit passim. Vix jam, qui vim vi repellerent, Indi erant super, Hispanica virtute Americanam multitudine opprimente. Si qui tamen imprudentiausi vomentibus ignem tubis clavas, hastas, sagittas, fundas, lignum scilicet, lapidem, arundinem ferro, ærique opponere, perspexerunt denique satis esse, ut se quis victum fateretur si cum celtiberis advenis dimicasset. Hi parva sæpe manu ingentes Barbarorum exercitus deleverunt alias, alias ne tentato quidem certamine Hispanus triumphum, Indus receptui canebat. Peruviano, Mexicanoque imperio, chili, Quito, Paraquaria, Tucumana, alias ut taceam vastissimas provincias, insulasque, sub jugum missis, nationes pleræque omnes etsi Hispano dudum parerent dominatui, Abipones tamen jam astu ad fugam, jam armis ad victoriam usi libertatem



tem ad nostra usque tempora sartam, rectamque servarunt suam; Quin per annos sat multos Hispanorum colonias perpetuis incursionibus, cladibusque cruentis toties cheu! funestarunt. Anno demum 1747 per nostros homines ad colonias sensim adducti sunt, ubi humanitatem juxta, ac Deum docerentur, inciperentque, quod dudum oportuit, Monarchæ Catholico, Paraquariæ universæ dominatori, obtemperare.

Septennium ipsum in quatuor Abiponum coloniis versatus illorum mores, ritus, superstitiones, militarem disciplinam, acceptas, illataque clades, politicas, œconomicaeque rationes, coloniarum recentium vicissitudines cominus inspexi, ac nunc fide, quam elegantia majori conscripsi, venia certe dignus; Ecquis enim Livii, Sallustii, Cæsaris, stradæ, vel Maffei amœnitates a me expectet, cui tot annos nullum cum Musis commercium, cum latio nullum intercessit. Quamvis, de Barbaris dum scribo, ne barbara quoque oratio prodiret, aut proletaria, religiose curavi. Omne tulisse punctum mihi videbor certe, ingenuitatem si perspexeris meam. Candor equidem historici luculentissimus semper fuit historiæ ornatus. Vera, & quoad eius fieri potuit, certissima scribere, id maxime mihi cordi erat. Non ut me legas, me admireris, me laudes, sed ut fidem mihi habeas, id jure abs te peto. Incredibilia videbuntur non pauca, vel exaggerata illis, qui, quantum America ab Europa abest, tantum Americanos Barbaros a cultioribus Europæis differre, ignorant.



Rerum Abiponensium narrationi antiquitatis jam exempla, jam sententias, ut sale cibos condire solemus, frequenter inspersi, non philologi famam, quod ridiculum, aucupaturus, sed ut Abiponum seu ritus, seu opiniones apud alios Europæ, Asiæque populos dudum viguisse, intento veluti digito monstrarem. Multus, fateor, sed neutiquam nimius in Abiponum bellis describendis fui, in quibus plus clamoris fere, quam sanguinis profusum. Id enim vero Titi livii exemplo faciendum duxi, qui non solum cruenta ad cannas, ad Trasymenum lacum, ad Trebiam, ad Thermopylas prælia, sed & tumultuarias Romæ nascentis velitationes cum Albanis, sabinis, Fidenatibus, Vejentibus, aliisque vicinioribus populis susceptas proluxa narratione est prosecutus. Quamvis Abipones populabundi magis in Hispanorum fines excurrerent, quam iusti belli more, repetitis tamen identidem assultibus per annos plurimos tantam hominum contrucidarunt multitudinem, ut fidem, ac prope dixerim, numerum excedat. Tempora, quibus res quæque gestæ sunt, rarius adnotavi, partim hallucinandi periculo absterritus, partim brevitatis studio compulsus; Malo equidem nonnulla, in quibus parum momenti, te ignorare, quam decipi. Præcipua hæc mihi scribenti cura, & legis instar semper fuit, ne quid dubium, neu minus mihi exploratum pro certo affirmarem. Si quæ mihi haud usquequaque comperta ex idoneis authoribus refero, ii tales erant, quibus perinde, ac oculis meis fidem a me deberi existimabam. De rebus a me seu gestis, seu toleratis frequens, ut res ferebat, mentio recurrit, ne

man-



manca esset historia. Ecquis id mihi vitio dederit, nisi & (si parva cum magnis conferre liceat) Julio Cæsari, & Paulo Apostolo succenseat; quod tum facinora sua, tum ærumnas ipsi literis consignarint. Hactenus scriptionis meæ argumentum, causas, institutumque exposui. Jam, ne historiæ meæ lectio tibi offensiculæ, mihi fraudi esset, monitis pauculis mihi videbaris præmuniendus.

Ab aliis Americæ historicis negari quædam, quæ affirmo, affirmari, quæ nego, si quando intellexeris, cave, quæso, præcipiti iudicio seu me, seu alios, qui repugnare videntur, erroris, falsitatisve insimules extemplo. Quid si utrique verissima referant? aliis scilicet de Mexico, de Peruvio, de California loquentibus, me Paraquariæ res duntaxat enarrantes; Quod enim de Americæ regione altera certissimum, de altera haud item affirmari potest. Provinciæ illæ ut immensis a se terrarum spatiis sejunguntur, sic Cœlo, solo, rebus, rerumque proprietatibus differunt magnopere. Quot, quantaque, superi boni, discrimina regionum, gentium, linguarum, morum, fructuum, ipsius observavi! Non omnis fert omnia tellus. Peruvium, Mexicum, chili, Quito &c. auro, argento, gemmis, unionibus abundant; Paraquaria his omnino destituitur, sed omni pecorum genere ad invidiam opulentissima. Abipones, Mocobii, Tobæ, Quaykurus, Aucàs bellicosissimi non nisi ad pugnas aspirant; E contrario Vilelæ, lules, chunipies, Quayakies &c. otium, pacemque impense colunt. Quid quod



& varii eiusdem provinciæ tractus incredibiliter a se discrepent. Quam dissimilis sui ubique Paraquaria! Hinc in immensam camporum planitiem ad ducentas leucas quaquaversus excurrit, quin vel arborem usquam deprehendas, rarissime, nisi Cœlo pluvio, aquam. Illinc in arduos montes assurgit, sylvisque perpetuis cingitur, quin Campum detegas vel palmarem. Istinc Abiponum in territoriis per longissima terrarum spatia nec in superficie, neque in visceribus telluris lapillum unicum inveneris; Alibi longe, lateque vias faxis asperas, rupes altissimas quaquaversus suspicies. Sæpe diebus pluribus iter faciens stillam aquæ, quæ aviculæ sufficeret, nequidquam desideres; sæpe alias cum fluviis, amnibus, lacubus, paludibusque timendis quotidie luctandum tibi erit. Si igitur Paraquariam planam, Campestrẽ, palustrem, aquosam scripserit alter, alter aridam, montuosam, sylvestrem, saxosamque affirmarit, utrique tuto credes, cum hic de isto, ille de alio territorio egisse videatur. Hæc usus circumspeditione historicos multos mendacii suspitione absolves, vix tamen poteris omnes.

Enim vero risum mihi sæpe, sæpe bilem civere libelli, qui absurdissimas de America fabulas pro historiis, ficta pro factis, opiniones, conjecturas, imo & somnia pro veritate lectori venditant, multo tamen ære eoemuntur, multorum manibus, nec sine assensu teruntur passim. operæ præmium facturus mihi videor, si errorum, qui in Americanas irrepsere historias, fontes detexero. Multis, dum vix a litore America



mericam salutarunt, jam ad scribendum pruriunt manus. Ad pascendam Europæorum aviditatem mira, ac inaudita potius, quam vera nunciare curant. Ex ore obvii Hispani, Indi, æthiopis pendunt, & quidquid rumusculorum de Indiarum proprietatibus, de Indorum ritibus collegere, literis mandant. Decipiuntur ipsi, decipiunt alios; Nam linguæ seu Hispanicæ, seu Americanæ ignari, vel eius scientia leviter tincti nec interrogare indigenas rite norunt, heque perperam respondentes intelligere; quippe quibuscum nutibus, signisque potius, quam vocibus loquuntur. Nautarum rudium, Militum, mercatorum, aliorumque, qui litoralia Americæ loca turbinis instar pervolarunt potius quam perlustrant, narrationes profecto infaulti illi canales sunt, per quos tot fabulæ, erroresque historicis, geographicisque lexicis affluerunt. Vix ullam Americanæ provinciæ, urbis, nationis, fluvii nomen in illis videas, quod literarum jam adjectione, jam subtractione miserrime mutilatum, mancumque aliqua sui parte non esset. Ex tot imperitorum hominum, ut vulgo inscribuntur, itinerariis Europæi lexicorum, encyclopædiarumque textores rerum mirabilium promiscuam farraginem corradunt, miscent quadrata rotundis, falsa veris substituunt, verbo, centonem, ni chaos mavis dicere, conficiunt, omnium, qui Americam diutius, penitusque inspexerant, risu decumano explodendum.

Næ illud scriptorum genus multo pestilentius, qui jam partium studio, jam invidia, odioque afflati putidissimis mendaciis, atrocibus




calumniis paginas omnes impudenter referciunt. Laudandos vituperant, vituperandos laudant. Quis demum enumeret istiusmodi de Paraquaria libellos, quos cordatior quisque non publica typi luce dignos, sed infami rogo mulctandos judicavit. Res christiana in nulla Americæ parte luculentiores fecit progressus, quam in Paraquaria apud Quaranos, duorum supra triginta oppidorum, quæ sibi condiderant, habitatores. Nusquam certe florentior pietas, magnificentior cultus divini, templorumque status, ordo, concinnitasque; Nusquam stabiliores rei domesticæ opportunitates, & artium utilissimarum exercitatio major. Nulla, nisi vehementissime fallor, Americæ natio Regiis in castris seu frequentiore, seu utiliore operam in alterum jam seculum navavit. Hæc omnibus, qui de Paraquaria norunt aliquid, prorsus indubitata. Sacerdotes tamen impigri, quorum sudore, ac sanguine a gente olim ferocissima id impetratum est, calumniatores, insectatoresque plures, quam Penelope procos, semper numerarunt. Ad conflandam illis invidiam nullum fecere finem aliâ, atque aliâ confingendi. At enim laudes amplissimæ, quibus strenuos Quaraniearum coloniarum cultores tot Hispani Monarchæ, tot Episcopi, tot gubernatores, Præfectique Regii liberaliter prosecuti sunt, apud prudentiores, sanæque mentis Europæos plus utique ponderis, quam malevolorum frivola criminationes, habuerunt.





Liber de Quaranicis oppidis lingua gallica scriptus dudum in manus forte incidit meas. Tribus paginis vix dum perlectis sex, & viginti enormia, quæ excusari neutiquam possint, mendacia detexi, calamoque annotavi; Verum numerando alia, atque alia demum fessus librum tot calumniis fartum indignabundus abjeci denique. Paraquariam se vidisse (in mappa fors geographica) affirmat mendax blatero, sed id ut crederem, induci haud possum; Nam hyemem istic inchoari mense Augusto scribit, qui tamen mensis hyemis exitus, veris principium est, quo & reflorescunt arbores, & aves nidos architectantur suos. Id Paraquariensium nemo ignorat. Hic tamen commentarius, et si mendaciorum colluvies, ac calumniarum sit, in vasto, celebrique historiarum peregrinarum volumine nobilem obtinuit locum, & Sol Paraquariæ perperam creditur, quamvis ad cæcandas Europæorum mentes unice natus. Alium de Paraquaria, in quo pariter sancta veritas crudelissime vapulat, libellum gallica quoque lingua vulgatum multis abhinc annis pervolvi. Mirabar historici mendacis, & acerrime dudum refutati, impudentiam simul, simul incredibilem multorum assensum, eorum maxime, qui styli amœnitate capiuntur, corticemque pluris, quam nucleum faciunt. Anglus quidam, homo festivus, de hoc authore nuperrime scripsit: *Amplissima stolidæ audaciæ, & impudentiæ suppellectili est dotatus. Multum peregrinatus fuit, sed & multum mentitus &c.* Multis osculis veneror Britannicum penicillum, quod vivis adeo, sincerisque coloribus authoris istius, Europæ aliis nominibus notissimi, imaginem depinxit.

Plu-



Plures alii de Paraquaria libelli in Europæorum manibus versantur passim, in quibus quo minus veritatis, eo plus convitiolorum deprehendi. Sed enim ut falsa interdum veris videntur probabiliora, Aristotele restante, sic scriptores mendaciores præ veracibus, sincerisque majori sæpe in pretio a rudibus habentur. Nil id miror; Nam & vespertiliones caliginem noctis præ luce meridiana amant.

Opportune mihi hoc loco in mentem venit illius, quod librorum censor Luxemburgensis in suo: *journal historique, & littéraire* anno 1782 die 15. Junii scripserat, dum literæ, ut vulgo inscribuntur, ædificantes (*lettres edifiantes, & curieuses écrites des missions étrangères*) In Gallia rursus duobus, & viginti voluminibus typo edebantur, quæ literæ ut dilaudatæ fuerunt a viris clarissimis Fontenelle, Buffon, Mayran, Montesquieu, le Franc &c. Sic ab alio quodam hominum genere convitiis perditissime exagitantur. Legitur, ait dictus criticus, quod *Missionarii in exteris, transmarinisque provinciis de moribus, ritibus, institutis variarum gentium, De artibus item, & scientiis investigarunt. Magni sunt sapientissimæ illorum industria, quibus usi sunt ad detegendam verum veritatem, & ad seipsos ab erroris, opinionumque vulgarium periculo eximendos; Quidni igitur viris eiusmodi, qui, annos complures in remotis provinciis versati, sagaci oculo, animo sincero, & spiritu scientiis variis illustrato observarunt omnia, fides habenda erit tutius, quam peregrinis illis vagabundis, arrogantibusque, qui, quin ad interiora regionum illarum penetra-*  
*runt*



runt unquam, quin linguas, quæ istic in usu, condidicerint, iudicium tamen ferunt de universa aliqua natione ex illis duntaxat rebus, quas in litoribus, ubi e navi exscenderant, obiter spectarunt, Missionariosque illos ceu fanaticos, superstitiosos, ignorantesque per ora hominum traducunt, qui imaginariis, quas venditant, eorum observationibus videntur refragari. Hactenus ille. Verissima hæc viri in omni scientiarum genere versatissimi sententia quem non convincat? Præclare tamen mecum agi existimabo, si cruditorum, qui ne latum quidem unguem a patrio unquam recessere nido, vulgus Paraquariæ res penitus non perspexerit, quam ego, qui eas coram vidi tamdiu. Multi, quo rudiores sunt, eo magis præcipites ad carpendum quemvis esse solent, helleboro, quantum Anticyra habet, vix denique curandi.

Quæ longo viginti duorum annorum usu apud Paraquarios didici, quæ in Indorum, Hispanorumque coloniis, in crebris, diuturnisque per sylvas, montes, campos, fluviosque vastiores itineribus ipsius spectavi, si minus facunda, splendidaque, certe, quantum licuit, accurata, candidaque narratione exposui, ut adeo saltem fide dignus mihi videar. Haud tamen cum me puo, qui nec hallucinari possem, neque corrigi vellem. De errore si me conviceris, victas dabo manus. ut mollem intra digitos ceram me experieris. Lente equidem festinandum suadeo; Nam & ego scribendo peccare potui, & tu perperam iudicando. Tantum abest, ut opusculum meum numeris omnibus absolutum unquam crederem, ut etiam, ante-



antequam typo, ac luci publicæ daretur, de  
eo elimando dein', poliendoque cogitarem.  
Verum ætate mea in sextum, & sexagesimum  
annum declinante parturire diutius mihi haud  
licuit, ne partus posthumus evaderet, jure me-  
tuenti. Hæc habui, quæ præloquerer. Vale,  
quisquis es, lector charissime, erroribusque  
typi da veniam, quin & meis. Nihil enim hu-  
manum a me alienum puto.









# LIBER PRODROMUS DE PARAQUARIÆ HABITU.

---

**D**e Abiponibus, equestris Paraquariæ populo; scripturus, ipso in limine rudem provincie totius imaginem propono. Hæc lucis plurimum adferet historiæ; Equidem regionis cognitio ad perscrutandam incolarum habitudinem magnopere valet, & quæ aut vero minus similia, aut obscuriora, facis instar illustrabit. Ingens illa America, qua Austrum spectat, portio Paraquaria immensis terrarum spatii, quasque versum protenditur. A Brasilia ad Peruvianam, Chilenseque regnum septingentas leucas Hispanicæ illi vulgo tribuunt. Ab ostio fluminis argentei, quod



Anstrum respicit, ad Amazonum regionem Borealem centum supra mille. Anglus anonymus in libello de Paraquariæ rebus (Hamburgi a typographica societate 1763 vulgato) ab ortu in occasum leucas Anglicanas ultra mille: ab Austro in Boream mille quingentis plures Paraquariæ asserit. Plures alii, alii pauciores numerant leucas, dum hi Germanica, illi Gallica, vel Hispanica milliaria computarunt. Certam hac de re sententiam ne expectaveris, neque judicem. Amplissimi terrarum tractus, qui a Colonis longissime recedunt, necdum rite explorati; quid si nunquam porro explorandi?

Rara avis isthic Geometra. Et si cui ea scientia tineto metiendi terras animus fuit, animi defuere illas adeundi, vel barbarorum metu, vel viarum difficultate iter retardantibus. Tabulas chorographicas Paraquariæ ex nostrorum hominum observationibus potissimum descriptas, nemo ignorat; Qui, ut barbaros Deo, Regique catholico conquererent, sylvarum recessus, alpium culmina, fluminumque remotissimorum ripas scrutati omnem late provinciam, quantum licuit, suis obiere pedibus, nunquam sine capitis periculo, sæpe cum ejus jactura. Quatuor supra viginti equidem Jesuitas, Apostolicis per Paraquariam expeditionibus immortuos, barbarorum telis occubuisse, constat. Illorum nomina, mortis genus, tempusque alio loco adnotabo. Nulla in opulento Peruvio, Mexicoque latebra, quam auri odore tracti Europæi non excussissent; Quo illicio cum careret metalli omnis expert Paraquaria, magnam partem ignoratur etiamnum. Quidquid compertum est, id Missionariorum pedibus fere, oculisque deberi quis neget? Quos pedibus emensi sunt campos, flumina quæ transmisere, locorum intervalla fide quidem maxima, arte,

ante, accuratissimeque non semper pari adnotarunt. Morum ex documentis aliis, atque aliis Paraquariensis soli icones jam Romæ, jam Matriti æri incisæ sunt, sed mendis scatent ad unam omnes. Numeris omnibus absolutam nusquam sane deprehendi. Quæ nostro P. Iosepho Quiroga auctore ante annos non multos Matriti in lucem prodiit, præ reliquis fidelior est secundum illa loca, quæ ipse, mathematicæ gnarus, observavit. Ibat, quæ poterat. Mappa Geographi regii Domini d'Anville magnopere mihi probatur vel eo etiam nomine, quod Colonias seu Hispanorum, seu Indorum jam everfas diligenter, ut pleraque alia, expresse. Neque omni tamen caret navo. Mihi ad Abipones festinanti haud vacat mapparum errores indicare. Operæ pretium facturus mihi videor, si, quæ ad Paraquariensium cognitionem faciunt, perstrinxero.

Paraquaria omnis uni paret Hispaniarum Regi, cuiusque nomine a tribus Gubernatoribus, Episcopis totidem procuratur. Singulis singulæ subsunt provincie. Prima est fluminis argentei, ad cuius ripam Boni aeris urbs, reliquarum facile princeps, Gubernatoris regis, & Episcopi sedes. Academia, monasteriis utriusque sexus, portu, castroque ad architectonicas recentioris leges mediocriter munito gaudet, quod adversus barbarorum, civiumque assultus valet equidem, adversus machinas bellicas Europæorum minime, a legionario etsi milite defendatur. Flumen, cuius litori incumbit, murorum supplet infirmitatem. Navæ enim bellicæ per fyrtes ab accessu arcentur, ut adeo tormentorum ictibus non pateant. Muro cæterum, fossa, portis, atque adeo sepius quibuscunque hæc caret civitas, ut reliquæ per provinciam universam urbes, quas, quemadmodum

4

sol astra minora, ædium numero, splendore, commercio, opibus, incolarum frequentia antecellit; Horum ad quadraginta millia censentur. Doinus circiter ter mille, cocto plerumque ex latere, ac imbricibus tectæ, sed, si complures duarum contignationum excipias, humiles. Tempia vel Europæorum iudicio venusta. Bina, quorum Primoli, Romanus, laicus noster, architectus jam Romæ clarus, citra controversiam emineat. Fontes publicos, colossos, Divorum simulacra nusquam in foro videas. Carpentia Viennæ Austriæ plura una in calle unam per horam numerabis, quam hic tota in urbe per annuū. Equites per momenta singula spectabis plurimos; Neque mirum, omnes vel mediocris fortunæ homines Cavalleros lingua Hispanica compellari. Marchiones, Comites, Barones hic loci ne quæsseris. Militari præfectura, urbis magistratu, dignitate quacunque, vel opibus conspicui pro nobilissimis habentur. Civium divitiæ pecoribus potius, quam pecuniis definiuntur. Circumfusa urbi tellus, qua seu Magallanicum solum, seu Tucumaniam respicit, ad duas prope leucas in planitiem excurrit arboribus passim, & ni pluat liberaliter, sæpe aquis destitutam; Tritici tamen feracissimam, & lætam pascuis, ubi armentorum, equorum, mulorumque infinitas oberat. Quoquo te vertas, equorum sylvestrium occurrent agmina, qui primi, ut ajunt, capientis. Præter salices, quæis fluminis abundant insulæ, ad alendum focum pomi perficæ quotidiano sunt usui; Hæ manu conficæ celerrimè adolescunt.

Hanc Boni aeris civitatem clariora inter Americæ emporia connumerandam utique, existimo, mercibus vel ex Hispania advectis, vel Lusitanorum ex vicinitate clanculum illatis, Opulentiores ex mulorum, her.

herbaeque Paraquariæ, quam ad Peruvium, Chilen-  
semque devehunt provinciam, mercatu luculentiores  
proventus habere consueverunt. Cœli temperies hu-  
mida, procellis, turbinibus, fulminibusque formi-  
dabilis; Tempestates equidem nullo mensium discrit-  
mine quavis anni parte atrociter sæviunt, continuato  
sæpius diebus, ac noctibus tonitru; quod toti, qua  
patet, Paraquariæ commune. Nubes jam ignibus,  
jam aquis foetæ non solum terrent, sed necant cre-  
bro hominesque, pecudesque vel fulmine, vel gran-  
dine incredibilis magnitudinis, cui parem vix viderit  
unquam Europa. Boni aeris nomen urbs casu for-  
tita est. Dum classis, Petro Mendoza archithalasso,  
flumen argenteum subierat, ejus affinis Sancius del  
Campo inter primos ad novum litus scapha elucta-  
tus est. Qui cum, nescio, quibus favoniis afflaretur:  
*Que buenos ayres son estas!* quam bona est hæc aura?  
exclamasse, scribitur. Dictum subitum experientia  
posteritatis confirmavit. Urbs sita est in gradu 34.  
26 m. latitudinis australis, & 321. 3. m. longitu-  
dinis.

In adverso fluminis argentei litore, quod orien-  
tem solem spectat, Boni aeris urbi opponitur Colo-  
nia SS. Sacramenti, quam Hispani, suo scilicet in solo  
a Lusitanis conditam olim, munitamque, expugna-  
runt toties, totiesque, dum pax in Europa coalesce-  
ret, pactorum vi reddidere, palam plaudentibus Bo-  
ni aeris inquilinis, in quos ex clandestino cum Lusi-  
tanis commercio plurimæ redundabant utilitates. Ast  
privatorum hominum lucra catholici Regis ærario  
fraudi erant inaximopere ob debitorum vectigalium  
imminutiones. Urbecula hæc, tot discordiarum po-  
mum, editiori fluminis ripæ incubat. E domibus &  
paucis, & humilibus componitur, pago, quam urbi  
fini-

6

simillor. Neque spernenda tamen; Miseris enim sub  
tectis opulenti mercatores, omne mercium genus,  
aurum, argentum, adamantes delitescunt. Muro  
simplici ac pertenui clauditur, militari præsidio, ma-  
chinis bellicis, armorum suppellectili, annona ad su-  
bitos belli casus affatim instructa. Nihil æternæ  
aut elegantiz, aut roboris ostentat. Oculos testor  
meos. Nam anno 1749 navi lusitanica ex Europa  
hic appulsi per transennam circumspexit omnis  
Territorium, quod lusitanici erat juris, tam exigui  
est ambitus, intra semel horam a pedite vel languis-  
sima perambulari ut possit. Naves lusitanicæ An-  
glorum, Batavorumque mercibus, & quæ ingenti  
cum fœnore in America veneunt, mancipiis Afri-  
canis onustæ certatim ad hunc confluxere portum, &  
quo delusis, vel ære corruptis Hispanis excubitori-  
bus in Paraquariam, Peruvium, Chilenseque regnum  
res venales clanculum deportabantur. Fidem superat,  
quot milliones ex verito hoc mercatu Lusitanis acce-  
verint, quot periverint Hispanis. Prona hinc est  
conjectura, cur hanc coloniam quantovis demum  
sumptu conservandam Lusitani, quam primum ever-  
tendam Hispani sibi semper putaverint.

Me isthic per biduum commorante, ea erat  
loci facies, ut a centuria legionariorum uno impetu  
illum capi posse, existimarem. Verum ingruente  
dein belli metu veteri muro novas munitiones tumultu-  
ario labore fuisse adjectas, nil dubito, cum illius  
obsidio labore, temporeque tanto constiterit Petro  
Zevallos Hispanorum Duci bellica arte, victoriisque  
clarissimo, qui, dum aperto muri hiato assultum pa-  
rabat, urbem numerofo præsidio, bellicisque machi-  
nis securam oblati demum conditionibus cepit. 21.  
Octobris anni 1762. Murosum ruinis nondum re-  
fectis

factis aderat classis e duodecim, si rite memini, Anglorum, Lusitanorumque navibus bellicis conflata, Hispanos urbis jam Dominos exturbatura. Strepitu maximo, pessimo successu remi egere suam hostes. Tria admodum globorum millia navibus e tormentis urbem versus ictu rarius prospero vibrata sunt. Hispani par pari reddiderunt. Dimicationem, quæ horas aliquot tenuit, casus fortuitus diremit. Prætoriam Anglorum navi flammis consumpta, cæteræ fugam in Brasiliæ portus accelerarunt, Anglis Lusitanorum ignaviam, Lusitanis projectam Anglorum audaciam accusantibus: Hi enim, ut destinato ictu hostem læderent, cominus: Illi, ne quovis ictu ab hoste læderentur, eminus pugnare. Hoc alter alteri exprobat. Petrus Zevallos expugnatæ, propugnatæque Coloniz gloriam propitiis Superis tribuit; victoriæ tamen fructus minime diuturnus pro Peraquaria fuit. Nam pace Europæos inter Principes composita Hispani, ut Havanam in Cuba insula, Manilamque in Asia Philippinarum metropolim ab Anglis ereptas recuperarent, Coloniam Lusitanis ultro reddidere. Eandem recrudescere aliquot post annis bello idem Petrus Zevallos, subacta S. Catharinæ insula, denuo expugnavit. Ultima demum pace, quæ Matritensem, Ulyssiponensemque inter aulam sancita est, Colonia penes Hispanos permansit. Acerba hæc quidem, tolerabilis tamen Lusitanis jactura, quibus canalis, per quem immensa illis opes affluerant, unus obstructus, plures alii aperti sunt, nova limitum, fluminumque cessatione; Cuyaba auriferæ, Matogrosso, Rosæ municipiuncula (la Estacada dicitur) aliisque Colonis, quas condidere, illorum ditioni adjudicatis. Sunt, quibus tanta propinquitas Peruvio periculosa, Hispanis noxia, opportuna Lusitanis videatur; Hi equidem, in finibus regni proferendis nunquam somniculosi, armis perinde

de, ac viarum asperitatibus a puero assueti bello gliscente quidni pedes, manusque extendent Potosium in montem, qui quidem argento, haud item ferro, ferreisque ad vim propulsandam viris abundat? Prætoriorum memoria metum futurorum iniecit. Annis superioribus, me in Paraquaria agente, manipulus Lusitanorum S. Rosæ munitiunculam (la Estacada) adversus numerosum Hispanorum, Indorumque assilientium agmen, Potosii conscriptum, strenue defendit, aggressoribus turpissime repulsis. Sub idem prope tempus Lusitani perpauci eadem ex munitiuncula profecti Peruviano in solo S. Michaelis oppidum ab Indis christianis, quos Moxos vocant, habitatum per insidias noctu oppressere, binis sacerdotibus nostris, oppidi curatoribus e lecto in captivitatem abductis, quorum alter ætate provectior viæ immortalis, publicum in carcerem dein coniecto altero. Indi, qui fuga non evaserant, abacti, dissipati. Direpta omnia. Sed apage tragicas relationes! Haud enim juvat recentium vulnorum, quorum vix dum obducta cicatrix, refricare memoriam, tristiaque præfigere in posterum. Quin utriusque florentissimæ nationis felicitati, securitatique postremo pacis fœdere ut optime consulatur, id boni omnes optamus, omnemurquo. Cum in publicis belli, pacisque historiis Colonie Lusitanicæ mentio identidem recurret, ut amplitudine Lutetiæ Parisiorum, munitionum firmitate Luxemburgo par videri posset rudibus, ad errorem eliminandum mea longius narratio excurrit.

Eodem in litore quinquaginta admodum a Colonia leucas Austrum versus recedit Montevideo. exilis civitas, anno 1726 a D. Brunone Mauritio Zavala Boni aeris Gubernatore condita; subinde ad coercendos Lusitanos, Quaraniarum opera, ananis, castro,

varius



ariis hinc atque hinc tormentorum suggestibus probe munita. Præter legionarioſ milites, Hispanosque incolæ habet, Canariis ex insulis huc translatos. Quaquaverſum ager tritici feraciſſimus, ampla prædia, æmentorum, equorumque incredibilis multitudo urbem circumſiſtunt. In promptu eſt Colonis prædiorum fructus, quotidiana prope rem frumentariam, pecora, bouum pelles vendendi opportunitas; Naves enim, quæ hoc ex portu ſolvunt frequenter, commeatu indigent, multis qui menſibus ſufficiat. Vix una abit navis, quæ vicena, tricenave bubularum pellium millia non devehat in Europam. Dolendum ſæpe, tantas opimi campi amœnitates barbarorum equitum inſidiis labefactari; Hi ſuis e latebris turmatim proſilientes exdibus, latrociniiſque, ut occaſio tulerit, ſtragem inferunt ſæpe, ſæpius terrorem. Nullis in hanc diem artibus domari poterant, nullis officiis ad religionem, Hiſpanorumque amicitiam traduci. In alterum jam ſeculum & militum, & ſacerdotum operam luſere, belluis ferocioreſ. Sitæ eſt urbs in gradu 34. 48. m. latitudinis. 222 grad. 20 m. longitudinis. De illius portu, inferius plura.

Ab hoc 30 circiter leucas abeſt ſinus Maldonati, qui ſtationem offert navibus etiam grandioribus opportunam. Præter aliquot excubitores nil, niſi tæguria paucula, in quibus miſeria habitat, hic deprehendas. Quamvis ſæpe, diuque optatum, hunc ut portum, natura egregium, ars quibuſcunque impenſe communiret. Vicina eſt inſula a ſupis marinis duntaxat habitata. Hæc vivæ cum rupi inſiſtat, mediæque fere fluminis argentei occupet, ſi duplici tormentorum ſuggeſtu inſtrueretur, nunc! ad arcendos a Paraguaria hoſtes plurimum conferret. Neque enim ad eludendos machinarum bellicarum ictus occiden-

tem versus recedere licebit navibus, ni Anglicanas inter syrtis ( Banco ynglés ) fluctibus sepeliri, arquisque malint.

Ad Boni aeris praefecturam pertinent urbes sanctae fidei, & Corrientes: Haec orientali, illa occidentali Paranáe litori imminet. Prima elegantior, locupletiorque. Ex commercio vario, pecorumque omnis generis, quae dinumerare vix queas, cultura opes non mediocres colligit. Per barbaros Abipones, Mocobies, Tobas, & Charruas prope ad incitas, atque adeo in solitudine redacta fuit annis superioribus. Meliora, remotioraque praedia everfa. Medio in foro vel sub ipsum meridiem patratæ caedes. Ne quis civium, nisi catapulta armatus templum audent, lege publica cavebatur. Coloniae S. Xaverii, S. Hieronymi, Conceptionis, sanctorum Petri & Pauli, ubi barbari ad humanitatem, religionisque disciplinam erudiebantur, per nos conditis respirare domum cepit urbs diu calamitosissima, ac resflorescens securitatem nobis in acceptis retulit suam. A fronte, a tergo, a lateribus fluviis stipatur, qui, quoties redundant, exitium minantur incolis, quamvis extra alluvionum tempora utilissimi. Sitae est in gr. 46 m. latitudinis. Ab urbe Boni aeris centum distare leucas, dicitur, a me visa, habitataque saepius.

Civitas altera, quam de la Siete Corrientes dicunt Hispani, nomen accepit a septem riparum angulis in Paranáe flumen prominentibus, quibus cum impetu impacta aqua refringitur cursuque rapido naves adverso flumini obstantes repellit, ni velis vento turgidis promoveantur. Scapha, quae remis impellitur, in fluminis trajectory multas per ambages circumducenda diu ad declinandam aquarum rapiditatem,

tem, ut ipse toties sum expertus, dum in S. Ferdinandi oppido Abipones yaucarigas inter versabar. Neque id mirandum; nam eodem, quo civitas consistit, loco magnus fluvius Paraguay in majorem Paranaem irruit ea tamen ratione, ut hic cursum, ille nomen mutet suum. Siquidem Parana ab oriente semper ad occidentem properans Paraguayo conjunctus cum illo Austrum versus devolvitur. Paraguayus Paranae associatus jam Parana apud omnes audit. Incredibile, quam vasto aquarum gurgite hi fluviorum principes unum in alveum coeuntes superbiant. Pelagus diceret, illorum ni margines videres. Hic locus, si xdes e limo potissimum compactas, palmarumque tectas consideres, solo nomine urbs, urbis nomine vix dignus. Incolæ oris venustate, ut plurimum, excellunt, quæ fascinati Euphororum plurimi nuptiis irretiuntur, per omnem vitam pœnitendis. Fœminæ improbo labore se pene conficiunt, texendis, acutissime pingendis vestibus, quas Ponchos vocant, occupatæ. Viri natura agiles, festivæ indolis, equites dexterrimi; sed quia inertes sæpe, otiosque amantiores, egestate premuntur, omnibus abundaturi, si modo glebæ fertilis, fluminisque, quæ situs offert loci, opportunitatibus uti possent. Pacatis tandem Abiponibus, qui annos plurimos omnem late viciniam cædibus, rapinisque exhausserant, ut de urbe deferenda jamjam ageretur, collocatisque in S. Ferdinandi nova colonia, revixere cives; Reditus camporum, sylvarumque trans flumen usus. Illæ eximii arboribus præditæ planstris, navibusque fabricandis nobilem suppeditant materiam. Illi pecoribus omnis generis educandis insigniter conducunt. Ex utroque quæstus non mediocris in Colonos derivatur, cujus occasionem barbarorum quotidie infidantium metus, S. Ferdinandi oppido non.

nondum condito, illis diutissime intersluffit. Urbis  
 situs est 27 gr. 43 m. latit. 318 gr. 57 m. longit.

Gubernatoris Boni aeris juribus obnoxia item  
 sunt triginta Quaraniorum oppida, quæ Paranz, u-  
 ruquayi, Paraguayi fluviorum ripis propinquiora.  
 Hæc uno nomine Doctrinas, vel terram Missionum  
 Geographi: Regnum Jesuitarum: Rebellem Catho-  
 lico Regi Rempublicam vel rudes, vel malevoli im-  
 pudenter suis in libris appellant, coloribusque,  
 quos seu invidia, seu calumniandi libertas porrexe-  
 rat, nigerrimis expingunt. Quam expeditus mihi  
 foret calamus ad refellendas istorum criminationes,  
 si apologias, si satyras historię inspergere in ani-  
 mum induxissem mentem. Paucula tamen, ut calum-  
 niarum mendacia eluceant, hoc de argumento o-  
 biter perstringenda, duxi. Jesuitas missionarios ad  
 has colonias seu condendas, seu conservandas Re-  
 gis Hispani sumptibus ex Europa venisse: Annuo  
 Ejusdem stipendio alii solitos, quis ignorat? Quara-  
 nios Regi annum tributum pendere: sine stipendio  
 ullo, quoties, & quotquot demum illorum millia a  
 regio Gubernatore ad castra regia evocabantur, in  
 alterum jam seculum militasse: Magistratus oppido-  
 rum ab eodem Gubernatore quot annis confirmari,  
 Jesuitasque regia autoritate parochos constitui: Il-  
 lorum parochias, quoties collibitum, ab Episcopia  
 visitari: Eos honorificentissime accipi, lautissimeque  
 haberi multis sæpe hebdomadibus: Castrum utrum-  
 que, quo Boni aeris, & Montevideo urbēs glorian-  
 tur, Hispanorum ductu quidem, sed Quaraniorum  
 manibus exadificatum: Exercitum regium ex Quara-  
 niis nostris potissimum fuisse conflatum, qui, ut cor-  
 pus ab anima, a paucis Hispanis regebantur, quo-  
 tiescunque seu contra bellicosos barbaros, seu con-  
 tra

tra Lusitanos, eorumque coloniam toties oppugnatam, expugnatamque, seu contra seditiosos urbis Assumpcionis res erat: Perspecta hæc omnia, explorata, ac sole meridiano clariora. Quod si ita, sententiam ferat sanior Europa, num assensum mercantur illi, qui has Quaraniarum colonias rebellem Regi provinciam, Jesuitarum regnum appellare audent. Si mentiendi tanta est cupido, vero saltem similia confingerent! Regebantur a Jesuitis Quaranii, non ut servi a dominis, sed ut filii a patribus, quibus catholicis a Regibus datum negotium, illorum curam ut gererent. Et vero ad legum Regiarum amussim gubernata hæc oppida, utilitate Hispanicam monarchiam redundante.

Duorum prope seculorum laboribus Quarani olim vagi, & anthropophagi, Hispanorum pertinacissimi hostes ad humanitatem, ad religionem, Regibus catholici obsequium sunt tradacti. Quanto fide, quot Jesuitarum sanguine hoc negotium constiterit, quantum tricena hæc oppida incolarum numero, christiana morum disciplina, templorum splendore, officiosa in Hispanos Monarchas voluntate, artium, mechanicæque peritia, militari promptitudine præ reliquis Americæ populis eminuerint, discas, si lubet, ex Regum, regionum Gubernatorum, Episcoporum Hispanorum, quæ typis excusæ passim prostant, literis; Ex libris item Doctoris D. Francisci Xarque Decani de Albarrazin testis oculati; Doctissimi Abbatis Antonii Muratori, & Angli anonymi ex Anglico in Germanicum traducti Hamburgi 1768. Hic, licet hallucinetur in quibusdam, a me cum voluptate, & sæpius non sine risu perlectus est, præsertim, dum ait: Desipimus nos Europæi, dum Jesuitas Paraquarios vituperamus. Cogitandum nobis potius

patius esset, qua demum ratione id in Europa consequamur, quod illi sine vi, sine pecuniis apud Indos Quaranijs præstiteret. Illorum in oppidis singuli laborant pro omnibus, omnes pro singulis. Quin aut emere, aut vendere cogantur quidpiam, unicuique in promptu sunt omnia ad vitam commode tolerandam necessaria: Victus, vestitus, habitatio, medicina, institutio. Pecunia deficiente deficiente sibi omnia ajunt Europæi, Quaranii contra auri licet, argentique omnino expertes, omnis monetæ lascii quotidie experiuntur verissimum illud Veterum: *Diis laboribus omnia vendens*. Pro ætatis, sexus, æt virium ratione occupantur semper, nunquam labore opprimuntur. Nesciunt lautitias. Superfluis non abundant, opulentissimis tamen quibusque beatiores, quia paucis contenti. Felix equidem ille, non cui multum est, sed cui parum sufficit. Jesuitæ sacerdotes, qui Quaraniorum animos procurabant, illorum quoque corporibus consulere. Cum solius Catholici Regis; regionumque Gubernatorum imperiis obnoxii, non privatorum Hispanorum timendæ servituti, Indorum aliorum more, mancipati essent, nobis curantibus nova identidem oppidorum accessione, oppida incolarum numero quotannis, mirum quantum, augebantur. Anno seculi labentis secundo supra tricesimum in triginta Quaraniorum coloniis centum quadraginta unum millia ducenti quinquaginta duo incolæ censebantur. Verum lethifera variolarum contagio, quæ paulo post hæreserat, ad triginta capitum millia absumpsit. Annorum aliquot intervallo rediens mîtor fuit, nam undecim duntaxat millibus lethalis. Morbilli, perinde ut Variolæ, Americanis pestilentes iterum iterumque incredibilem edidit stragem. Utrumque expertus id scribo; Nam & Variolas, & Morbillos patientibus diu, noctuque

ope

operam navavi sacerdos, mensum plurimorum spatio. Fames præterea ex diuturna cœli siccitate, & quæ inde consequebatur, agri sterilitate orta tumulo Quaraniis opplevit. His adde bello consumptos regis in castris, in quibus quina, sena interdum millia Quaraniorum annis pluribus detinebantur. Matres Quaranicæ iterando in partu licet neutiquam aut segnes, aut potius supplere numerum eorum haud valebant, quos aliz, atque aliz, quæ sibi successerant, calamitates extinxerunt. Anno 1767, quò Americæ valediximus, centum circiter Quaraniorum millia his in oppidis numerata. Novi Hispanos complures honesto loco natos, qui, Quaraniorum ut contuberni per omnem vitam sibi frui liceret, efflicium optaverunt. Nec abs re Muratorius Quaranicis de oppidis rite instructus suo in libro illorum incolas christianos felices vocat, probatque.

Hunc clarissimi authoris commentarium : *Il Cristianismo felice*, aliæque, quorum supra memini, literarum monumenta qui inspexerit, ambabus profecto manibus tanget mendacia, quæ ab aliis vel opinatoribus, vel obrectatoribus de Paraguarina impudenter effutiantur. Risi toties, & cachinno quidem decumano, dum variorum lexica, geographicos, historicosque codices forte percurri. Videbantur mihi hæc, quoties de Quaraniorum oppidis mentio incidit, vel a somniantibus, vel a sponte delirantibus conscripta. Adeo toto cœlo a veritate aberrant. Alio, atque alio modo me afficit ejusmodi librorum lectio. Jam me miseret scriptorum ignorantiz. Interdum bilem mihi ciet illorum impudentia, quod partium studio, odio, invidia cæcati commentitias, rancidasque fabellas pro historia Europæ obtrudunt. Sæpe alias tantam quorundam admiror credulitatem, qui, quam

ingenue scribentibus negant, calumniantibus, fabulantibusve adhibent fidem. Omnium manibus teruntur Hybneri lexica, in quibus tamen, dum de Quaranicis Paraquariæ oppidis agunt, præter errores, calumniasque nobis intolerabiles invenio nihil. Ut illi artifici nulla dies sine linea; sic hoc in opere nulla linea sine mendacio. De Paraquariæ rebus id dictum velim; De cæterarum veritate conjecturam peritioribus relinquo. Idem lexicon secundis filii authoris curis in lucem editum legeram non sine stomacho Ulyssipone anno 1748. Nam quascunque de Paraquariæ fabulas credulus congesserat olim genitor, ejusdem filius typis vulgaverat denuo, sub finem tamen hæc adjecit verba: *Vetum hodie alias de his Missionibus veritas habemus.* Ecce, amabo, quæ falsa id temporis agnoscebantur, non expuncta, correctaque sunt illico? Nam posteriores editiones absurdis erroribus expurgatz prodierint, nescio.

Domini Ludovici Antonii de Bougainville liber: *Voyage autour du monde*, typis datus in Neuchatel 1772 caute legendus, quia callidissime scriptus. Eximius equidem laudibus ornat, oneratque Jesuitas, sed mox trecenta commemorat, quæ, ut veritati planissime contraria, sic nobis, Quaranicisque coloniis minime honorifica. Tacitus in vita Agricolæ *pestimum inimicorum genus*, laudantes vocat. Hi laudes illius præmittunt, quem depressum cupiunt, ut assensum extorqueant denique, dum eundem criminantur, quem laudaverant. Vix tamen inducor, ut credam ad hanc versipellium classem referri unquam posse authorem multis nominibus celebrem, de Marte, de Neptuno, de Musis omnibus, ni fallor, optime meritum. Scripsit perperam de nobis, de nostris Quaraniis, non iniquo alienis laudibus animo, sed alienis narrationibus



aibus infelicitèr deceptus. Quarantica oppida ne emi-  
 nus quidem vidit, sed, utinam vidisset! Melioribus,  
 nil dubito, coloribus ad exprimendam Indorum,  
 Missionariorumque imaginem fuerat usus. In ur-  
 be Boni aeris, Paraquariæ portu, ac limine, tantum  
 hæsit tantisper. Istic ex pessimis fontibus pessimas  
 hausit notitias, quas Europæ pro veritatibus subinde  
 vendidit. Ea cheu! erant tunc tempora, ut qui op-  
 time de nobis senserant, optime de nobis loqui sine  
 periculo non possent. Sol oriens, non occidens a  
 plerisque laudatur. Idem nobis tunc fatum. Nec  
 plura de hoc. Hispanus non spernendæ authoritatis  
 mentem suam his aperuit verbis: si cætera omnia,  
 quæ de aliis scripsit provinciis Dominus de Bougain-  
 ville perinde falsa sunt, ut illa, quæ de Paraquaria  
 adnotavit, illius historia ad aromatopolium pro  
 involvendo pipere, quin ad viliorem officinam erit  
 releganda. Excandui, profecto, dum hunc libellum,  
 tot, tantisque erroribus refertissimum apud viros illu-  
 stres & assensum. & plausum tulisse, intellexi. A-  
 micorum rogatu ante annos complures compluribus  
 foliis errores absurdiores refutavi. Refutationem huic  
 loco insererem, ni brevitati consultum vellem.

*Regnum Jesuiticum Paraquariæ* abortus, & som-  
 nium est Bernardi Ybáñez Hispani, bis ex nostra  
 tunc societate ejecti. Ab homine huius furfuris,  
 vindictæ avido, quis veritatem petat, vel Iesuitarum  
 laudes expectet? Missionarii munere nunquam fun-  
 ctus est apud Quarantos, de quibus scribit. Quan-  
 tum risi, dum istum a scriptore, cætera probo, ut  
 authorem veracem, sapientemque in Hispania cele-  
 brari, legeram. Hispani sanz mentis omnes illius &  
 nomen & delirium execrantur. Librum: *Il passag-  
 ero Americano*, obiter inspexi aliquando, & mox ab-  
 jeci.

fecit. Tantum mihi, quod in descriptione coloniarum Quaranicarum futilis, & ridiculus sit, primo aspectu displicuit. Authoris nomen ignoro etiamnum. Infinitus sum, si memorem ceteros, qui oppida, Missionariisque Quaraniarum libellis mordacibus criminantur. His refellendis ego opponerem historias P. Nicolai del Techo. P. Antonii Ruiz de Montoya *la conquista espiritual*. P. Petri de Lozano. P. Antonii Sepp familiares ad fratrem suum epistolas. P. Francisci Xaverii Charlevoix lingua gallica; Nam in Germanicum traductus miserrime mutilatus est, variisque in locis corruptus. Annuas provinciarum Paraquariz typis datas Romæ. Verum istos authores, Cicerones pro domo sua loquentes, atque adeo de veritate suspectos dices, amice lector? Quasivero Julio Cæsari de bellis, victoriisque suis scribenti nulla fides deberetur? fallere potuit, non inficior; sed nemo melius, pleniusque illo, quid actum sit, nosse potuit. Si tamen nostris disfidere relationibus pergas, age, attentis oculis inspicere regias literas Philippi quinti, binas ejusdem epistolas ad Paraquariz missionarios nostros anno 1743 die 28 Decembris ex arce Buen retiro datas. His insertam epistolam perlege illustrissimi Boni aeris Episcopi Josephi de Peralta ex clarissimo divi Dominici cœtu, qua eundem Regem Philippum de florentissimo coloniarum Quaranicarum statu testis oculatus edocet. Hæc maximi momenti documenta in latinum traducta typisque data 1745 passim prostant. Quaraniæ Regi catholico non morigeros duntaxat, verum & ad propulsandos hostes perquam promptos; utilesque semper præ aliis Indis Américæ existuisse, ex hac lectione discas.

Verum objiciet aliquis seditionem, quæ anno 1753 apud Quaranos Uruquayi fluminis accolæ exarsit,

est, exasperatos scilicet Regio decreto, quo septem oppida sua omnium, quotquot Paraquaria habet, præstantissima Lusitanis tradere, triginta incolarum millia emigrare in solitudinem, vel in aliis Paranz coloniis precario habitare jubebantur. Huic decreto pedibus, manibusque diu repugnarunt Indi, non Regis, qui exilium imperabat, odio, sed patriæ, qua exulare jubebantur, amore. Quidni idem facturos Hispanos, Germanos, Gallos existimabimus, si ad patriam suam hostibus relinquendam Regum suorum adigerentur imperio? Dulce enim solum patriæ quibuscunque; Americanis dulcissimum. Hinc Indorum Uruquayensium repugnantiam esse probet nemo, excusandam tamen aliqua ex parte, condonandamque quis non putet? Intellectu magis, quam voluntate ab illis peccatum est. Animo in Regem catholicum semper erant propensissimo, integerrimoque. Nulla missionariorum eloquentia induci poterant, ut crederent eam esse optimi Regis voluntatem, patrio solo extorres hostium Lusitanorum in gratiam æternum ut exularent, miserimeque. Nihil sane (suis in literis ad Gubernatorem regium Iosephum Andonaegui datis, aiebant) adversus Regem a nobis, Majoribusque nostris peccatum est unquam. Nil injuriæ illatum Hispanorum coloniis. Ecceur innocuos nos Regis optimi sententia exilio multandos, credamus? Avi, atavi, atque adeo fratres nostri omnes Regis sub signis adversus Lusitanos militarunt sæpe, sæpe contra barbarorum phalanges. Nostrorum, qui hostium manibus cæsi vel in acie, vel in toties repetita coloniz Lusitanicæ expugnatione occubuerant, quis numerum inerat? Superstites etiamnum nostræ in Regem fidelitatis, strenuitatisque monumenta cictices circumferimus. Hispanici imperii fines proficere, tuerique contra quoscunque nobis usque cor-



di fuit. Nunquam vitæ, nunquam sanguini peperimus nostro. Hæc nostra de Hispanis merita acerbissimo supplicio, patriz, templorum insignium, ædium, agrorum, prædiorumque amplissimorum jactura, tristi exilio pensanda velit Monarcha catholicus? Id enimvero fidem excedit omnem. Quodsi tamen hoc verum, quid demum incredibile porro putabimus? Regiis Philippi quinti literis ( quæ eodem jubente e publicis templorum pulpitis nobis lectæ olim ) monebantur identidem; Lusitanos nostris propinquare finibus ne unquam pateremur; illos & suos, & nostros esse hostes acerrimos. Nunc, ut nobilissimam, amplissimamque terrarum portionem, quam natura, quam Deus, quam Hispaniæ Monarchæ nobis concesserant, quam uno, & quod excurrit, seculo sudore tanto excolimus, Lusitanis cedamus, Regem velle, diu, noctuque nobis clamitant. Ecquis sibi persuadeat, Ferdinandum optimæ frugis filium id nobis mandare, quod Philippus optimus illius genitor toties nobis interdixerat? Quod si tamen, ut frequens est temporum, animorumque vicissitudo, conversis forte in amicitiam similitudinibus gratificari Hispanus Lusitano cupiat, campos vastissimos, qui incolis, colentisque vacui passim suppetunt, illi tribuat, per nos licet. Quid? oppida nostra Lusitanis dedamus, a quorum majoribus tot centena nostratium millia partim trucidata, partim in servam Brasiliz servitutem abrepta fuerunt? Hoc sane ut intolerabile nobis, sic omnino incredibile. Dum Christi sacra amplexi Deo, Regique Hispano sacramentum diximus, Regiam amicitiam, tutelamque perennem & sacerdotes, & Gubernatores regii uno nobis ore sponponderunt. Nunc, quod acerbissimum nobis, ac penitus exitiale, criminis nullius rei, optime de Hispana gente meriti solum vertere

authoritate Regia cogamur? Tam desultoriam, fluxamque amicitiam, tam versatilem in promissis exolvendis Hispanorum fidem quis bonæ mentis arbitretur? — — — In hanc sententiam scripsere Indorum primates Gubernatori regio, qui, ut erat optimo in Regem, Indosque animo, visis literis ægre lacrymas tenuit; Verum commiseratione per militarem cbedientiam suppressa haud destitit decreti Regii executionem pro viribus tringere, minitarique tergiversantibus extrema omnia.

Fuere, quis credat? Hispanorum de vulgo homines profligatæ conscientiæ, qui Indorum in aures insusurraverant: Regem oppidorum deditionem neutiquam præcepisse, sed hæc illorum oppida lesuitas vendidisse Lusitanis. Tam explorata Quaraniis erat Patrum suorum erga se benevolentia, ut pestilens hoc commentum assensu quidem caruerit; suspitionis tamen aliquid inbecilliorum mentibus iniecit. Multi profecto missionariorum, qui migrationem ex oppidis ardentius, &, ut paucis dicam, imprudentius urgebant, capitis periculum apud Indos dolore patriæ amantes incurrerunt identidem. Illorum nomina, rerum gestarum seriem exponerem, ni hæc per transennam duntaxat memorata vellem. P. Bernardus Nussdorfer Quaranicorum oppidorum, ut dicitur, Superior, gestis apud nos magistratibus, provecta ætate, linguæ Indicæ egregia scientia, authoritate, gratiaque apud omnes conspicuus septem illa oppida percuravit, atque, Regi catholico morem ut gererent, omni argumentorum genere usus oppidorum incolas iterum, iterumque hortabatur. Et vero visus est illis, quod optaverat, persuasisse. Ast, ut varius semper, ac mutabilis Indorum animus, dum de executione agebatur, promissorum, propositorumque immemo-

res, ne mentionem quidem migrationis ferebant, Patrem Ludovicum Altamiranum Jesuitam, qui Regis nomine ex Hispania in Paraquariam missus, ut oppidorum deditionem acceleraret, Indi & Jesuitam, & Hispanum esse negarunt, quod illum in vestibus, videlicet ratione a nobis differre aliquantulum viderant. Quid, quod & ausi sunt illum Lusitanum mercatorem Jesuitarum veste tectum pleno ore dictitare. Hic fuga, ne quid periculi subiret, intempesta nocte sibi consuluit in s. Thomæ oppido, rumore de Indis sibi propinquantibus percussus. Periculo defunctum in sanctæ fidei urbe ad Abiponum colonias properans illum deprehendi, risique. Profecto, si qua contentione focii dubitantium, tergiversantiumque Indorum animis obedientiam inculcaverant, eadem alacritate monitis obtemperatum fuisset, negotium citra omnem strepitum velociter, feliciterque compositum vidissemus. Verum surdis plerumque canebatur fabula. Publicæ per forum supplicationes ad flectendos animos susceptæ, sub quibus sacerdos noster, corona spinea caput redimitus, circumstantes lamentabili voce, minis, gemitibus ad migrationem accelerandam e pulpito hortatus est eo fructu, ut morem gesturos sese plerique sponderent. Nec intra verba restetit. Postridie missionariis ducibus iter caeptum ad stationes novis oppidis designandas, sed paulo post recurrenre animis oppidi natalis memoria abruptum. Rursus, ut Ovidius l. i. eleg. 4. ingemuit, *amor patriæ ratione valentior omni* ad remetiendam viam pertraxit omnes. Senserunt Patres, quam arduum sit invitis arare bobus, & adverso flumine navigare. Artis prodigium putatur, si quantacunque demum eloquentia de naturali instinctu triumphet.

Inter ea ut primum percrebuit rumor, Gubernatorem fluminis s. Januarii in Brasilia Gomez Freyre de Andrade, totius tragoediae authorem, suis cum copiis Uruquayense in territorium irrepisse, ad arma conclamatum est, alios aliis eodem impetu, ceu praecipitis amnis alveo, non tam trahentibus, quam rapientibus. Hannibalem novum ad portas stare credidisses. Dumque vim vi repellunt Quaranii pro aris, & focis pugnantes, rebelles declarantur; Re tamen ipsa miseratione, quam supplicio digniores. Nam Lusitanorum nativo odio, patriæque desiderio furentes suæ ferebantur, quo cæcos impetus rapiebat. Hispanorum jugum excutere, vicinis Hispanorum coloniis, ut poterant, damnum inferre, nulli eorum, in mentem venit. Ardebat semper illorum in pectore antiquus adversus Monarcham suam amor, tantus tamen is haud fuit, innatus amor patriæ illo extingui ut posset. Certissimum illud Nasonis: *Nescio, quo natale solum dulcedine cunctos ducit, Et immemores non finit esse sui.* Ulysses quantum sapientia exornatus, tantum scribitur patriæ amore insanivisse. Ultro, citroque peregrinatus optabat fumum de patris posse videre facies. Et qualis demum illius patriæ Ithaca? *Hanc maris Ionii exilem insulam in asperrima saxulis, tanquam nidulum, affixam.* Cicero dixit i. de orat. Cui mirum porro videatur, Indos, tantillæ mentis, nullam non movisse lapidem, patrio ne exturbentur solo, quod situ amœnum, aere saluberrimum, longe, lateque patens, templis, ædibusque ad Hispanarum urbium invidiam, ornatum, sylvis, campis uberrimis, fluviis, omnibus denique, quæ ad vitæ usus pertinent, opportunitatibus liberaliter instructum non poterant non amare. Ioachimus de la Viçña urbis Montevideo gubernator cum equitum turma ad explorandas locorum opportunitates Hispani-

ris e castris præmissus editiore in colle ex equo defiliens s. Michaelis oppidum a septem Indorum milibus habitatum, templo magnifico, concinna ædium serie splendidum tubo oprico speculatur. Visa loci amplitudine attonitus: Heus vos, ad circumstantes equites exclamat, Matritenses nostri delirare mihi videntur, hoc qui oppidum nulli Paraquariæ secundam tradi Lusitanis velint. Hæc ille, quamvis ceterum Lusitanarum partium studiosissimus, ut apud Hispaniæ Reginam Barbaram gratiam iniret. Sex alia quoque sanctorum Angelorum, s. Ioannis Baptiste, s. Aloysii, s. Nicolai, s. Borgiæ, s. Lanrentii oppida ut numero incola, sic templis elegantibus, aliisque rei domesticæ prerogativis gloriabantur. Nullum tamen horum muro, fossa, sudibusve munitum, vel porta clausum. Omni ex parte omnibus patebant semper.

Ad horum defensionem ab Uruquayi accolis magni undique fiebant concursus. Sed tumultuarium hoc agmen rudis erat, indigestaque moles, accipientis, quam inferendis cladibus opportunior, quod Duce artis bellicæ vel mediocriter gnaro destitueretur, armisque imparibus in aciem prodiret, Europæo belatori ridendum magis, quam formidandum. Arboris folium ore bajulantes formicas videbar mihi videre, dum Indos sagittis, hastisque ligneis onustos conspicebam, agebat mihi militum Lusitanorum aliquis. Novimus tamen, Quaraniarum equitatum Lusitanis sæpe formidabilem fuisse, ac periculosum. Nec aut tempus, aut locus ullus vacuus a metu, ac sollicitudine illis erat, quoties hastati Indorum equites turmatim affiliere, omnia aufuri, si ducem idoneum nacti fuissent. Istud ephemerides lusitanicis in castris Gomez Freyre scriptæ, & ad Lusitanos limitum designatores



tores datae, a me in Correntina urbe perlectæ iterum, iterumque significarunt. Minutissima sæpe animalcula, quia numerosa, vel leonibus sunt metuenda. Longis utriusque factionis itineribus, velitationibus varia fortuna habitis bellum præsens definiebatur, finiebaturque. Plus certe strepitus excitatum utrinque quam sanguinis fufum. Quod Livius l 7 de bello Macedonico dixerat, hic quoque locum habet: *Erant, qui fama id majus bellum, quam difficultate rei fuisse, interpretantur.* Illud tamen ex omnium sententia certissimum: Europæos per tot sylvarum, rupiumque fauces, ubi multi a pauculis repelli poterant, ad septem illa oppida penetraturos fuisse nunquam, si triginta, quæ Quaranii numerant, coloniarum incolæ omnes Uruquayensibus suppetias venissent. Sed illi, qui ad Paranz ripas habitant, licet ad ferendam fratribus suis opem prurientes, in officio retenti Patruræ opera, & ne armorum societatem cum tumultuantibus inirent, feliciter cohibuit fuerunt. Ex hoc conijce, quid sentiendum de illis, qui nos rebellionis authores, rebellantium duces audacter, impudenterque scripsere. Illorum libelli ut copiosi, sic periculosissimi, quia licet præter obtrectationes, & commenta adferant nihil, argumentorum ficta evidentia, testium autoritate convincere lectores volunt, & assensum extorquere, explodendi certe ab universa Europa, si omnibus perinde, ut nobis, constaret, quales illi fuerint, quorum testimonia allegantur. Lipia notum est, ac tonsoribus, multos multa adversus nos, adversus veritatem scripsisse, garrivisque vel alterutrius aulæ metu, vel dignitatum aulicarum spe vel placendi illis, quorum gratiam prensabant, studio. Possem hoc loco istorum nomina, conditionem, fallacias, & mille nocendi artes recensere. Sed tutius fuerit, tempori, quod detegit omnia, hoc relinquere.

Interea dicam tibi aliquid ad aurem, amice lector! si Quaranii turbulenti Jesuitas hortatores, ad-  
jutoresque habuissent, nã! Regiis copiis multo plus  
negotii potuissent facessere. Patrum consilio, præs-  
sentiaque destituti rem suam stupide, ut assolent,  
infeliciterque gesserunt luculenta Hispanorum, Lusit-  
anorumque utilitate. Istorum victoria illorum stupi-  
ditas fuit. Sub initium barbarum sibi ducem contra  
Lusitanos Iosephum (cognomen ignoro) oppidi s.  
Michaelis prætorem, qui Corregidor, vel Capitan ab  
Hispanis dicitur, delegere. Hic ut manu promptus,  
animique intrepidi partes boni militis implevit sem-  
per, Ducis nunquam, quia Strategiam tantum cal-  
luit, quantum ego necromantiam. Isti in fortuita ve-  
litatione trucidato subrogatus ab Indis est Nicolaus  
Neenguiru oppidi Conceptionis per annos complures  
prætor, musices, quam militiæ scientior. Hoc bel-  
lum non dexterrime gubernante spes Uruquayensium,  
resque omnes paulatim cecidere. Septem illa oppida  
Regiis copiis tradita fuerunt. Sed heus tu, quis quis  
es, qui hæc legis! Nicolai Neenguiru nomen dum  
pronuncias, age, caput aperi tuum, in genua pro-  
cumbere; quin potius, si sapis, in risum totus effun-  
dere! Hic equidem ille est celeberrimus Nicolaus,  
quem inscia omni Paraquaria Paraquariæ Regem dix-  
re Europæi, atque adeo timere. Non sine solu-  
tissimis cachinis in Paraquaria legimus illorum folia,  
qui per Europam suis ephemeridibus eventus recenti-  
ores nunciant, vel comminiscuntur. Eodem prorsus  
tempore quo conficta Paraquarii Regis mæstæ om-  
nium ora, typographæ omnia fatigabat, hunc Ni-  
colæum Neenguiru in Conceptionis oppido nudis pe-  
dibus, Indorum cæterorum more vestitum, jam equi-  
tantem, boumque catervam pro oppidi laniena præ-  
se agentem, jam publico in foro ligna secantem vi-  
di.

di, consideravi, risi. Manum, ut Indi fastidant, meam osculo veneraturus accessit; Notas musicas, symphonias pro fidium, quas callebat, usa a se describendas enixe a me flagitavit. O factum bene! quod misellus hic Americanus se Regis nomine a transmarinis populis honorari ne per somnium quidem noverit, talem si sese putasset, nunquam sane tam abjectæ fuisset indolis, servili ut operi operam daret, manibusque osculum impertiretur meis, suam mihi probabilius dexteram osculandam porrecturus.

Liceat mihi, quod res est, ingenue dicere. Nicolaus Rex illius tantum in cerebro fuit natus, qui totâ nos Paraquaria exturbatos dudum peroptavit, ut nobis Hispanicæ dominationis illa in provincia acerrimis defensoribus amotis uruguayensem, quanta quantæ est, regionem Brasiliæ adieciat finitimæ. Et vero, dum paucos ante annos Hispanis ad fluminis grandis ripas subita aggressionem oppressis belkim moverunt Lusitani stragibus per viam editis ad urbis Montevideo fines progressi sunt, obstante nemine, quod quidem nobis Quaranicas colonias olim procurantibus nec cogitare ausi, nec facere permitti unquam fuerunt. Nostra absentia audaces reddidit Lusitanos, dum denique a Petro Zevallos cum copiis Hispanicis advolante repulsi, victique. En Nicolai Regis genesium! Ad tegendam fraudem, conciliandamque impio commento veritatis speciem ingentibus præmiis Quitensi in regno conductus quispiam, qui cudi monetam, & Nicolai Regis nomine signari curaret. Nummi adulteri (fateor tamen, me nullum vidisse) per orbis utrinque provincias circumferebantur, illosque in Paraquaria excusos esse a confecto Rege, nemo fuit, qui dubitaret, ubi tamen, deficiente omni metallo, non catholicis quidem Regibus ulla unquam fuerat monetaria officina.

officina. Verum patuit fraus denique. Ipse harum monetarum color I. C. 1700 anno 20 Martii literas ad Regem dedit, quibus fatetur: *occultis mordacis conscientia stimulis compelli se ad detegendum flagitium Sc. Mo vob forzado* (verba sunt Hispani) *por unos secretos remordimientos de Conjuencia a descubrir está iniquidad Sc.* Hoc scripto detegitur venalis fidei, & profligata conscientia vir, a quo ad eudendos Nicolai Regis nummos fuerat instigatus. Nomen hujus, & cognomen, tota licet Hispania pervulgatum, P. F. M. M., reficendum putavi, ne illi hominum classi, ad quam pertinet, maculam adspargerem. Gaditana in urbe versabatur anno 1768, dum ego cum sociis in vicino Gadibus portu s. Maris ex America redux aliquamdiu agebam.

Regis Nicolai fama, sparsaque ejus nomine moneta aulam jure terruit Matritensem; sed terrorem hunc Panicum fuisse missus ad vindicandam Paraquariam cum copiis Petrus Zevallos suis vidit oculis, datisque ad Regem literis declaravit identidem. Quod siquid dubitationis de mea hæc scribentis veracitate animo infederit tuo, age, ephemerides (Gazetas de Madrid) Matritenses anno 1768 mense (ni vehementissime fallor) Octobri editas, inspicere. Leges hæc verba: *Quidquid de Nicolao Rege sparsum, constat jam commensum, fabulamque fuisse.* Quid brevius? quid clarius? quid ad refellendum mendacium validius dici potest? Hæc folia, a censoribus aulicis Matriti visa, probataque, ipse ego hisce oculis perlegi. Si convinci porro argumentis validioribus optas, auscultata. Sedatis in Uruquaria tumultibus, traditisque, quæ petebantur, oppidis ipse Nicolaus Neenquiru ultro Hispanorum castra adiit, sua sponte Regio tum Gubernatori Iosepho Andonasegui coram se stitit, omnium,

anum, quæ gesserat, rationem reddidit. Placide auditus, impune diuissus, & veteri pratoris officio, quod dudum in Conceptionis oppido fungebatur, fungi porro permissus est; compedibus onerandus, retro claudendus carcere, suppliciis atrocissimis excrucians utique, & in trecenta frustra discerpendus forsitan, si de Paraquariæ regno, de Regis titulo affectato vel suspectus haberetur. Nemo sane in historia rerum Americanarum tam peregrinus fuerit, ac hospes, ut nesciat, quanto rigore inperduellionis reos animadvertere consueverint Hispani. Memineris certe, Atahualpam, vel ut alii, Atabalibam Ingam Peruvii; Montezumam Mexici Monarcham de fidelitate suspectos Hispanorum sententia olim trucidatos, alios aliis suppliciorum generibus interemptos. Num parcendum fuisse existimabis misero Indo Nicolao Neenquiru, si de regis dignitatis ambitu, de cuspis suo nomine monetis, de periculosis Catholicum in Regem consiliis levis suspicio in illum cecidisset? Hebetiore sit, oportet ingenio, qui his intellectis ad ridendam Nicolai Regis fabulam non moveatur. Sed accipe jam fabulæ primam originem.

Tritum hispano sermone adagium est: *la mentira es hija de algo*. Mendacium rei alicujus est filia. Rumores falsissimi, qui urbem sæpe, sæpe orbem omnem pestiferæ luis instar pervagantur, ex nullius momenti recula originem traxerunt suam. Tale omnino fuit Nicolai Regis commentum, quod ex ignorantia linguæ Quaranicæ enatum primo, mox malignorum, ut dixi, hominum linguis quaquaversus sparsum est. Ordine rem exponam. Vox: *Tubicha* Quaraniis magnum significat. *Mburubicha* Rex, Cazi-  
quius, Capitaneus, quiscunque præses dicitur. Indorum manipulis, qui ad arandos campos, ad ligna  
cæden-

czdenda, vel convehenda, ad remigandum in flumine ex oppidis mittuntur, præfici solet aliquis, qui, quid singulis faciendum, imperet, cuius nutibus obtemperandum; Tali: *Nanderubicha* noster præfectus, vel Capitaneus, dicunt Indi Hispanorum more, a quibus, qui Gallinarum in navibus bellicis curam gerit, *Capitan de las Gallinas*, Capitaneus Gallinarum dicitur. Qui pueris, quorum est navis pavementum verrere, invigilat: *Capitan de las escobas*, Capitaneus scoparum vocatur. Hac ratione Uruquayenses Indi ductorem suum Nicolaum Neenguiru: *Nanderubicha* Capitaneum suum appellarunt. Quod cum audirent Hispani ex Assumptionis, & Corrientes urbibus oriundi, qui lingua utuntur ex Hispanica, & Quaranica pro cuiusque arbitrio mixta, & neutram harum plene norunt, inepte, nequiterque affirmarunt; Nicolaum ab Indis Regem dici suum. Apud Quaraniis certe nostros more receptum est, ut Hispaniæ Regem *Mburubichabese*, vel *Mburubicha quazu*, vel *Carayrubichabese* summum, magnum Capitaneum, vel Hispanorum summum Monarcham appellarent. Plerisque tamen familiare erat, quoties de Rege mentio incidit, cum venerationis tenerrimæ significatione lingua semi-hispanica dicere: *Nande Rey marangatu*. Noster bonus, vel sanctus Rex. *Nande* enim Quaraniis *noster* significat, *Rey* Rex est apud Hispanos. Vox *marangatu* bonum, vel sanctum exprimit. Hinc & cœlites quosvis, dum precantur hoc epitheto *marangatu* prosequi consueverunt. Ex his liquet, linguæ Quaranicæ inscitiam seu causam seu occasionem fuisse, ut Nicolaus Neenguiru Rex putaretur. Neque silentio hic prætereundum, ex interpretum Hispanorum, Lusitanorumque ignorantia sinistras de rebus nostris opiniones sæpius profluxisse, calumniasque execrandas. Rudissimi hi homines, & sæpe non piissimi, quia lingua

gua latina, vel Quaranica ne mediocriter quidem tincti, literas nostras perperam interpretati sunt toties coram Gubernatoribus hispanicæ duntaxat linguæ gnaris, quo factum, ut actiones, locutionesque prorsus innoxie pro flagitiis haberentur. Ineptissimæ ejusmodi interpretationes, quarum exempla non pauca mihi in promptu sunt, risum nobis aliquando, aliquando gemitus extorserunt, innocentia plurimorum unius interpretis hallucinantis errores luente, dum illius testimonia in tribunalibus ceu instrumenta judicialia adferuntur, ac cœn veritatis oracula libros historicos implent citra omnem falsitatis suspensionem. Sed redeamus ad Nicolaum, cui partim error, partim malevolentia Regios titulos affixit.

Extra controversiam est, illum ex parentibus, avis, ac atavis utrinque Indis Quaranis in Conceptionis oppido prognatum, ibidem multis abhinc annis Indæ Quaranæ matrimonio junctum, variis magistratibus functum esse. Gloriabatur P. Ignatius Zierhain jam senex, celebrem hunc, si superis placet, Paraguarie Regem Nicolaum id temporis juvenem ob errorem, nescio, quem publice vapulasse se, dum Patrochi vices obiret, imperante. Conjugem illius vetulam, rugis liberaliter, & canis obsitam, vastissimi capitis, formæ ad terrendos mortalium oculos idoneæ, & si rite memini, semper improlem hisce vidi, quibus scribo, oculis, parumque absuit, quin Megaram crederem. Maritus illius Nicolaus proceri erat, macilentique corporis, honesti vultus, obtutus, severioris, parcior verborum. Cicatricem luculentam facie circumferebat. Ex his conjice, quam absurde fabulam fabulæ adjecerint, qui fictum Regem Nicolaum societatis tunc nostræ fratrem laicum fuisse confluxerunt. Quini duntaxat fratres laici per universas Quæ-

Quarriorum colonias ea tempestate nobiscum versabantur, quorum duo chirurgi ægris curandis, tertius parandis vestibus præerat. Quartus templis pingendis œcuppabatur. Postremus denique senio, morbisque confectus & suam, & nostram patientiam exercuit-Europæi ad unum omnes. Nemo illorum Nicolai vel nomine, vel cognomine insignitus. Adhæc Indis parentibus ortus nec in sacerdotum nec in fratrum numerum a nobis in Paraquaria unquam fuerat cooptatus. Fateor equidem Indos non sagacissimos esse, haud tamen tam stipes sunt, ut, si in delirium deligendi sibi Regis incidissent, fratrem laicum designassent, neglectis sacerdotibus, quorum dignitatem sapientiamque tantopere suspiciunt. Fingamus, Jesuitas Paraquarienses tanta mentis vertigine fuisse exagitatos, ut ad regiam coronam adspirarent aliquando, hanc utique non rudis laici capiti, sed prudentia, virtute, meritis ante alios eximii sacerdotis imposuissent, ut Gallus anonymus in libello 1759 vulgato: *Nouvelles pieces interessantes, & necessaires &c.* sapienter adnotavit, pagina 18. Ridiculi de Nicolao fratre laico Paraquariæ Rege, commenti ridiculum tibi fontem monstrabo.

Confabulantes Hispani agricolæ ad fallendum tempus de rebus, quæ in memoriam, buccamque venerant, sermonem miscuere. Injecta forte mentio est de turbis ad Uruquayum flumen nuper coortis. Enimvero, ajebat quispiam, Jesuitæ, si sapient, Iosephum Fernandez laicum suum bello gerendo, Indisque gubernandis præficient. Hic in Hispania natus desultorios inter Regis equites procenturio olim, ac militari scientia conspicuus fuerat. Ut famam eundo crescere ubique gentium experimur, sic fortuita de fratre laico Indis tumultuantibus præficiendo u-



alius cogitatio, ac futilis conjectura ad alias, aliasque  
aures delata est eo successu, ut quod faciendum for-  
te dixerat alter, alter jam factum fuisse palam, pro-  
terveque affirmarit, reliqui haud timide crediderint.  
Sic maxima de nihilo nascitur historia. Historiam,  
que dubitationem excludat omnem, Europæorum ple-  
rique putarunt, re tamen ipsa impudens, nobisque  
pestilentissima fabula fuit, Quippe que Nicolaum Ne-  
enguiru Indorum principium in Paraguarie Regem;  
Josephum Fernandez fratrem laicum ab Uruquayo  
flumine quadringentas facile leucas distantem ridicula  
metamorphosi in Nicolaum Regem transformarit.  
Memoratus frater Fernandez, mihi notissimus, Cor-  
dubæ Tucumanorum scholæ publicæ, ubi legendi,  
scribendique ætatem hispani pueri docentur, præfuit  
durante per Uruquariam tumultu, notandus profecto  
ab illa numerosa urbe, si vel unum diem a schola  
abfuisset. Annos plures pædagogi officio perfunctus  
vicinum urbi prædium, cui a Iesus, Maria nomen,  
aliquamdiu proceravit adeo, ut a religionis ingressu  
territorium Quaranicum, quorum Rex spargebatur,  
ne emittus quidem spectarit unquam. En! habes  
compendio fabulae originem, que tot libellis putidis  
toties decantata, tam infusa, tam absurda est, ut ex-  
plodi potius, quam refelli mereatur. Mirabar sæpe,  
& vix mihi credebam, hoc ævo, quod de sapientia  
tantum sibi plaudit, fuisse tot, tantosque homines,  
qui hanc de fratre Nicolao Rege ineptissime procusam  
fabulam, ceu historiam, assensu dignam ambabus, ut  
ajunt, manibus amplecterentur, infantibus per similes,  
quibus volupe nutricularum fabellas, narratiunculas-  
que absurdas audire, crepitaculum, & quidquid  
porrigitur, avidè arripere; Liceat mihi Gallici scri-  
ptoris infantilem nultorum in hoc genere credulita-  
tem damnantis ore loqui, que non verisimilitudinis

impulſu, ſed odio, quo in nos ferebantur, ſtimu-  
lante illorum in animos irrepiſit. Conceptæ de Ni-  
colao Rege opinioni immortituros non paucos, vix  
ambigo, eſt ſolum tales, qui ſponte ſua cœcutiunt,  
vel credendi facilitate, vel hauſti erroris pertinacia,  
quique in ipſo meridie haud vident ſagacioribus ce-  
teris exploratiſſima, clariffimaque. Poſt meum ex  
America reditum in variis Europæ provinciis cum om-  
ni hominum genere verſatus comperi, futiles de Ni-  
colao Rege ſtrepitus deſpicatui eſſe apud illos, qui  
proſapia, prudentia, dignitate, virtute præſtant, ac  
totoverſite eminent ex reliquis; Illos e contrario,  
qui rancidis de Nicolao Rege nugis veritatem ſubeſſe,  
etiânum contendunt, nullius nominis, nullius mo-  
menti eſſe, nec ingenio, nec authoritate pollere,  
partium ſtudio, malevolentiaque cœcari, paſſim ob-  
ſervaveram. Sed quis demum de iſtorum iudicio an-  
gatur?

Ne quando, amice lector, cum hallucinante  
vulgo ſentias, patere, corollaria pauca adjiciam ad  
confirmandum, quidquid de hoc argumento ſcripſi,  
magnopere ſervitura. Ex ſeptem illis ad Uruquayum  
oppidis, queis facta deditioe Hiſpanorum præſidia  
impoſitum, tricies mille, & quod excedit, Indi  
incolæ exceſſerunt. Tot innocentes exules, infantu-  
lorum, decrepitorumque agmina qui ſine lacrymis  
ſpectaret, nemo fuit. Emigrantium quindecim mil-  
lia in oppidis ad Paranam hoſpitiſ accepta, ſtrami-  
neisque in tuguriis locata ſunt, quibus in patria ædes  
e ſaxo affabre ſtructæ, commodæque ſuppeteabant an-  
tea. Totidem prope Indorum migrantium millia per  
remotiores Uruquayi campos, armentis confertiſſimos  
ſparſa ſunt, ubi victum in promptu habuere. Nul-  
lis enim aut precibus, aut imperiis impetrari ab illis

potuit, ut Uruquayo transmissis terga patrio solo verterent, ac mendiculorum more alienis in oppidis, aliena liberalitate victitarent, qui prius omnibus abundabant adeo, ut annis prope singulis ingentem pecorum, gossypiique multitudinem Paranensibus suppeditarent. Vacuata incolis suis oppida ex mutuo utriusque aulæ pacto a Gubernatore Hispano Lusitanis oblata, sed neutiquam acceptata fuere. Præter alias tergiversandi causas hæc passim vulgabatur: quod Lusitani diligenter nunc inspectas, lustratasque ad Uruquayum terras auri, argentique fodinis omnino destitui planissime intellexerint, quas suspicionibus nixi, tumusculisque variis uberrimas sibi antea pollicebantur. Hæc dum in Paraquaria geruntur, Barbara, Lusitana origine, Hispaniarum Regina, quæ patriæ suæ studiosior hanc terrarum in Paraquaria permutationem urgebat maxime, utut ætate florens acerbissimo, diuturnoque morbo confecta occubuit. Haud multo post delectissimam conjugem Ferdinandus sextus Rex piissimus, longa pariter ægrotatione exhaustus ad tumulum secutus est. Quanta hic de providentissimi Numinis consiliis dicenda, admirandaque occurrunt! Carolus tertius, qui hodiedum imperat, hereditario jure Ferdinando fratri successerat suo. Dum utrique Siciliæ dominabatur, illas fratris sui cum Lusitanis pactiones de permutandis in America territoriis palam, providenterque improbavit; Illas ad Hispaniæ thronum Neapoli translatus rescidit illico, abolevitque, ut Monarchiæ suæ noxias, certe periculosas. Quarantos exules decreto Regio oppidis restituit suis; sed talis prope horum erat facies, qualem Hierosolymarum deprehenderant Hebræi e Babylone reduces. Exhausta pecoribus prædia, agros spinis, insectisque horrentes; domos vel flammis absumptas, vel prædiorum Hispanorum incuria mi-

sere labefactatas, & alicubi jam tigris, serpentiumque latibula attoniti viderunt. Jesuitis antiquam, nulla re immutatam Quaranicarum coloniarum administrationem confirmavit Rex novus Carolus, quos spoliatos illos, relegatosque nec quidquam cupiebant lusitanicæ factionis homines. Si belli prioris incentores, ut maligni criminabantur, nos Rex existimasset, curæ, fideique nostræ numerosum Quaraniarum populum haud quaquam demandasset. Sub idem tempus regiis literis Zeno Marchio de la Ensenada ab exilio Matritum revocatus. Hic præcipuus aulæ administrator, longo rerum usu, ingenii perspicacia clarus, de omni Hispania optime meritis, atque adeo Ferdinando Regi percharus pactam cum Lusitanis terrarum permutationem a sincerioribus senatus regii proceribus, Americæque gubernatoribus impensissime improbatam, disvalsamque nunquam ratam habuit, quin & Carolo Siciliæ Regi, quem Ferdinandi aliquando successorem norat, per literas significavit de Monarchiæ incolumitate magis, quam de Reginæ Barbaræ gratia felicitus. Hoc, si publico per Hispaniam rumori fides est, Marchioni de la Ensenada criminum dabatur, ob quod captus, exauctoratus, exulare jussus est. Haud equidem illa tunc erat temporum felicitas, ubi sentire, quod velis, & quod sentias, dicere licebat.

Rex Carolus a fratris obitu initis cum Lusitania pactionibus non solum non acquievis, sed bellum etiam Lusitanis extemplo indixit, ad quod gerendum sex Quaraniarum millia regis in castris strenuam navarunt operam, Petro de Zevallos duce, qui occupata Lusitanorum colonia Brasiliam ipsam victor ingressus, aggressusque est; Ast nuncius de pace in Europâ restituta victoriarum cursum stetit. Repetitis liti-

ris expeditionum suarum felicitatem Quaraniis magna ex parte deberi, Regi Carolo ingenue testabatur Zevallos vir animi & magni, & semper æquissimi, invisus tamen sæpe, sed invidis duntaxat, vel utilitates privatas sectantibus. Quam volupe superi boni! quam expeditum mihi foret hoc loco in tanti viri laudes excurrere! Familiari ejus consuetudine usus sum aliquandiu. Spectare nunquam illum potui, quin suspicerem, amaremque; Tot naturæ, tantisque dotibus pollebat. Parce, si propensione meæ tantillum indulgeam, velut aliud agens & per transennam rudem duntaxat viri immortalis imaginem exhibebo, quam vivis coloribus expingat melior in Hispania penicillus. Nobili apud Hispanos genere illustris Patrem habuit regium Canariis in insulis gubernatorem, qui coorta incolas inter seditione fortiter pro Rege occubuit dudum. Forma erat Petrus Zevallos tam liberali, tam concinna corporis proceritate, ut pulcherrimis, quos vidi uspiam, eum adnumerandum putem. Corporis venustatem morum elegantia, ac suavitas mirum quantum auxit, & perinde, uti adamas annulum aureum, illustravit. A fastu, ac fuce omni, a supercilio longissime abfuit semper. Lenitate condire severitatem militarem, gravitati, quæ belli imperatorem deceat, comitatem summam, facilitatemque novit adspargere. Quoties cum amicis sermocinabatur, nemo illo suavior, nemo gravior, dum cum militibus illi res erat. Tonare mihi videbatur, citra commoti tamen animi indicium, ac verborum acerbiter. Vel solus illius adspectus amorem, reverentiamque imperavit summis, medijs, infimis. Ubi ubi demum versaretur, in urbe, in castris, in itinere probissimæ christiani, præclari ducis, integerrimi judicis, & si res ferebat, strenui militis partes implevit. Vidisses illum, dum per nego-

eia vacabat, genibus humi nixum, immotis oculis ad  
 binas sæpe horas in templo precationem producere,  
 rarissimo ad circumstantes spectaculo. Octiduum  
 animo meditationibus sacris excolendo quotannis tri-  
 buere consuevit. Conjugii per omnem vitam expers  
 ea nitebat innocentia, morumque integritate, ut ne  
 Momus quidem, etsi Argus, totusque oculusque esset,  
 quod carperet, in illo quidquam detexisset. Istius sa-  
 ne exemplo patuit: Militiam pietati, pietatem mili-  
 tiæ neutiquam repugnare, quin potius aliam ab alia  
 mirifice iuvare, ornarique. Suis in castris religionis  
 contemptores averfatus semper, ac omni virium con-  
 tentione infectatus est, qui nulla conscientie ratione  
 habita in omnes turpitudines licentissime effusi militi-  
 am malitiæ officinam putant, ubi ille optimus, qui  
 pessimus. Illustres victorias, quas plaudente Hispa-  
 nia Hispanus hic heros de Lusitanis reportaverat, non  
 fortunæ, sed egregiæ illius pietati tribuendas jure ex-  
 istimavimus, superis coopta ejus quotidie fortunanti-  
 bus, suppleantibusque interdum copiarum paucitatem.  
 Singulari rerum divinarum studio virtutes militares;  
 quot quot sunt, pulcherrimo vinculo conjunxit, quas  
 in Ducibus singulis optamus, in paucissimis depre-  
 hendimus. Acerrimo ingenio, judicio sagaci, ani-  
 mo ad quidquid audendum expedito, diligentia diu  
 noctuque invicta, longa belli experientia, integerri-  
 ma in patriam, patriæque principem fide, si quis-  
 quam alter, plurimum excelluit. Prodesse Regi suo,  
 quam placere ardentius curavit. Assecutus est utrum-  
 que, etsi obtrectatorum artificiosis regia gratia semel,  
 ac iterum exciderit. Nec insolitum hoc, nec mirum,  
 quia vlr̃is de publica re optime meritis commune  
 fatum. Nam & sol, beneficentissimum illud sidus,  
 lunæ oppositu obscuratur aliquamdiu; ast mox ple-  
 no lumine, quod non amisit, sed abscondit tantisper,  
 denuo

denovo splendescit. Detectis, spretisque æmulatorum machinationibus Petri Zevallos merita, ac habilitates exquisitas perspexit denique Matritum. Rege Carolo imperante negotiorum causa ad Neapolitanam, Parmensemque aulas legatus est. Ut armis vincere, sic verbis persuadere assuetus calamum perinde, ac gladium pari semper dexteritate tractavit. Extra controversiam est vel Anglis, Lusitanisque testibus, illum rei militaris scientiam penitissime omni ex parte caluisse. Nihil egerat non diu ante meditaturn. Ut optatus exitus proposito responderet, noverat subsidiis uti exquisitissimis, expeditionibus maxime eximios, quorum scilicet explorata dudum esset fides, virtusque militaris, præficere tribunos, impedimenta removere, difficultates vincere, pericula præmeditari, & si astu eludi haud poterant, viribus superare, nihil, quod præstare hodie licebat, posterum in diem differre, nullam rei bene gerendæ occasionem negligere, in fluminum, paludumque trajectu, per latissime patentem planitiem, ubi nec aquationis, nec li-  
guationis opportunitas, tempestive copiarum securitati, commoditatique consulere, nihil impetu, omnia consilio patrare; Verum licet in audendoissime præceps, in laceffendo hoste nunquam pro-  
dus, in pugnis tamen, & locorum oppugnationibus acerrimus æque, ac pertinacissimus fuit. Neque adversis rebus terreri unquam, nec secundis inflari, minus victoriis ad crudelitatem concitari poterat, sui semper similis. Militem, ad nutus omnes sibi morigerum ut experiretur, benevolentia, præclarisque exemplis sibi devincire conabatur. Atque hanc ego causam fuisse existimo, cur exiguis semper copiis res multas, magnasque feliciter gesserit. Haud satis illi fuerat, imperasse facienda, num, quæ imperavit, rite facta essent, ipse coram inspicere solebat. Mi-

rabat sæpe illius minutissimis de rebus sollicitudinem, dum cum copiis iter aggressurus plaustra inspectavit ipse, num necessaria armorum, annonæque suppellectili onerata, num custodibus rite munita essent, minutatim percontari solitus. Vagis rumoribus, ambiguis responsis, oculis alienis raro acquiescens, suis, quoties licuit, oculis explorare, manibusque, ut ita dicam, contingere omnia, ac de rebus momenti certior fieri satagebat, ne quid detrimenti exercitus pateretur, neu hostium insidias pateret, consiliisque succumberet. Concubia nocte, aperto in campo, sparsos remotis in stationibus excubitores equites equos ipsa lustravit identidem, somni vel immemor, vel, ut ceterarum deliciarum, insignis contemptor. Ducis vigilantiam, obedientiamque militis præsidium esse tuissimum exercitus, ac victoriarum matrem, dictitabat. Dicti veritatem læti in illo experti sumus.

Hoc virtutum militarium comitatu stipatus cum castra adierit, nil mirum, pleraque omnia illi ad votum fluxisse semper. Felicitatem, cœli munus, illi sacramentum dixisse, ejusque sub signis militasse, passim dicebamus. Postremo, quod in Italia Hispani gessere, bello cum laude interfuit centurione, an tribunus id temporis, ignoro. Quidquid isthic fortiter gessit, præludium fuerat illorum facinorum, quæ in America meridionali dein adversus Lusitanos bello duplœi patravit. Neque putes, velim, amplissimis Petri Zevallos meritis regias remunerationes defuisse. Insigni præfectura equestri sancti Jacobi ordinis ornatus, S. Januarii equitum numero adscriptus, Matriti ipsi militaris gubernator est præfectus. Aliquot post annis olavim auream, singularis in aula prærogativa indicem, a Carolo Rege accepit. Rumore de Paraquariis turba Hispaniam pervagante tum denique



patuit, quanti Ferdinandus Rex Petrum Zavallos faceret, quantumque in ejus virtute fiduciam omnem collocatam haberet. Commissa illi provincie Boni aeris gubernatione ad pacandos Quaraniorum animos, septemque, ut dixi, oppidorum deditionem accelerandam eo navigare jussus est cum quingentis equitibus legionariis, qui ex singulis, quas Hispania numerat, desultoriorum legionibus excerpti fuere. His accesserant septem, si rite memini, peditum centurie, ex transfugis Germanis, Gallis, Italis, paucis Polonis, & aliquot, quod mirere, Russis conflatae, ac Parmensi in ditione a tribuno Hispapo magnis sumptibus paulo ante conscriptae. Plerique horum veterani erant milites, militari indole feroces, praelisque in Europa defuncti. Quoties cum hostibus res erat, haud equidem operam desiderari suam passi sunt in Paraquaria. Ceterum ut patrio in solo repetitis transfugis affveti, sic apud antipodes quoque, dum occasio se dabat, turmatim fuga dilapsi sunt, nuptiarum, vitaeque mellioris desiderio. Ut adeo certissimum: Illos, qui trans mare currunt, coram, non animum mutare.

Procelloso mari diu, multumque jactatus Petrus Zavallos anxias toto pectoreolvebat curas de tranquillanda Paraquaria, quam bello ardere intestino etiamnum, Regique Nicolao devotam, ut rumor ferebat, suspicabatur. Boni aeris litora conspicatus, ne copiarum subitam exscensionem discrimini objiceret, milites speculatores scapha praemissit, qui concurrentem ad ripas argentei fluminis populum solenni illa Hispanis excubitoribus interrogatiuncula eminus inclamaverant: *Quien vive?* Quem scilicet hic loci Regem agnoscerent? Risus omnium pro responso fuit. Ferdinandum sextum, quem diu sospitem praestarent su-

peri, sibi Regem esse, futurumque, dum superfluo fuerit, uno omnes ore profitebantur. Ad abstergendas advenarum suspiciones hoc satis, superque fuit; Rumusculis enim Europæis delusi putarunt Regem Nicolaum maximo sanguinis & sui & alieni impendio vix, ac ne vix quidem e solio deturbandum esse. Obstupuit sane ipse Petrus Zevallos, dum pacatam provinciam, morigeros dudum Quaraniōs certis authoribus intellexit. Nullam enimvero cum Indis dimicationem, plurimum tamen negotii, contentiones acerrimas cum Hispanis præfectis lusitanicæ factionis porro habuit, quos inter eminuit utique Marchio Valde lrios, cui authoritate regia datum negotium transigendi pro arbitrio cum Lusitanis de re quacunque, quæ ad pactam terrarum permutationem pertinere videretur. Vir, cætera bonus, voluntatum tamen Reginæ Barbaræ æquo studiosior, dignitatunque, quæ illa pollicebatur, expectatione ebrina Lusitanorum emolumentis maxime consultum ibat, Petro Zevallos, cui Hispaniæ salus magis, quam Reginæ favor cordi fuit, pro viribus repugnante. Hic circumspectis, ac citra partium studium diligenter excussis omnibus, quæ suum ante adventum durantibus turbis acciderant, multa adversus Quaraniōs, eorumque missionarios vel temere scripta, vel nequiter exaggerata comperit, & quod res erat, ingenue ad aulam perscripsit, Quaraniōrum, ad quos coercendos, plectendosque venerat, subito vindox, acerrimus defensor, laudatorque. Hoc veritatis, æquitatisque studio quorundam odia sibi conscivit quidem, sed patrefactis æmulorum fallaciis, æternam apud bonos omnes memoriam commeritus, triumphum æcinit denique.

Reginæ Barbaræ, & Ferdinandi Regis obitum ingens rerum conversio, totiusque, ut ita dicam, theatri mutatio subsecuta est. Bello enim a Carolo fratris successore Lusitanis indicto Petrus Zevallos Quaraniis, ad quos debellandos venerat, ceu validissimis instrumentis usus est feliciter ad Lusitanos oppugnandos. Sexies mille Quaranii, illo vocante, ad regia castra advolarunt. Suis ex oppidis per annos complures non militibus duntaxat, sed & limitum definitioribus hispanis alendis multa boum millia, farinam, omne annonæ genus, & quidquid ad commeatum pertinet, liberaliter, prompteque suppeditarunt. Si quam prius nomini suo adpersere maculam, quod de regia voluntate dubii sua Lusitanis cedere oppida renuerint aliquamdiu, armisque defenderint, illam absterferunt profecto, expiaruntque, dum semper alias integerrimæ in Hispaniæ Monarcham fidei luculenta adeo documenta dederunt Petro Zevallos testante, demirantibus universis. Hæc ad vindicandam veritatem Quaranicis de rebus inspergenda historiæ putavi. Si tot alijs licuit impune fabulari, impudenterque mentiri, cur mihi integrum non sit cæta, indubitataque in lucem proferre? Clarius, uberiusque hoc de argumento scriberem, ni famæ multorum parcendum existimarem. Tuum erit, lector sapiens, dispicere, utrum libellis vel criminandi, vel placendi studio procusis, an mihi istarum rerum spectatori fides debeatur. Verum etsi assensum merear, vix tamen ab omnibus expecto. Falsa enim, philosopho teste, veris aliquando credibilia videntur. Ratio, quam reginam esse ac gubernatricem voluntatis oportebat, ejus pedissequa fit heu! toties, ut adeo natura propensi simus, facilesque ad credenda illorum vituperia, quos invidia stimulante odio habemus. Credat quisque, quod lubuerit. Mihi istic nec feritur,

neque metitur. Si hujus ætatis homines inveteratis præjudiciis fascinati assensum mihi negaverint, posterius saltem dubitandi rationem invenient de veritate rerum, quæ contra Quarantos tot linguis, tot calamis semper celebratos, nunquam satis celebrandos, perpetram scriptas circumferuntur. Victorias, aliaque præclare facta Petri Zevallos, cuius virtutes hic strictim memoravi, suo loco a me inspersa invenies.

Tucumania altera Paraguayensis provincie præfectura, latissime quaquaversus porrigitur. Ad ortum Boni aeris ditionem, ad occasum Chilenfes alpes, ad meridiem immensos campos, qui ad Magallanicam regionem usque excurrunt, ad septentriones Tarijense territorium, quod de chichas vocant, attingit. Cyriacus Morelli (vero nomine, Dominicus Muriel Hispanus, meus quondam in Paraguarie socius) in fastis novi orbis anno 1776 Venetiis typodatis suspicatur: Dioecesim Tucumanensem, nisi Quebocum forte excedat, toto orbe amplissimam esse haud equidem subditorum numero, sed terrarum, quas complectitur, spatio. Ad fidem opinioni suæ conciliandam literas recitat, quas Petrus Michael Argandoña Tucumanorum Antistes, mihi Cordubæ notissimus, anno 1750 pridie nonas Decembris ad summum Pontificem Benedictum quartum decimum dederat. *Dioecesis hæc, ait inter cetera, latissime patet a Septentrione ad Austrum per quadringentas leucas præter præter.* Ab ortu ad occasum ducentas circiter leucas excurrere videtur, quod quidem ille Episcopus non memorat, cum barbaris ingentem terræ portionem hinc, atque illinc occupantibus arduum sit certos Hispanicæ ditionis limites definire. Ex quo liquet, dictionarium Historico-geographicum Americæ meridionalis Coletti insigniter, ut sæpe alias, hallucinari, dum ait:

*Tucumania extenditur a Meridie ad Septentrionem plus quam  
centum sexaginta leucas; & nonaginta sex ab ortu ad occasum.  
Rifu quoque dignum, quod in ephemeridibus Vien-  
nensibus gallica lingua scriptis anno 1775. 8 Julii le-  
geram Matrito 30 Maji nunciatum: — — — Gu-  
bernatoris Tucumanie, provincia inter fluvios Pardum,  
Paraguayum, & Orinocum sita. On vient, d'être infor-  
me ici par des lettres du Gouverneur de la province de Tu-  
cuman, située entre le rto Pardo, le Paraguay, & l'O-  
renoque. &c. Ecquis somniavit unquam his Tucumaniam  
fluminibus cingi, quæ omnia, Paraguayo excepto, longissimis  
terrarum intervallis ab illa ab-  
sunt? Cur fluvius Pardus, infimæ notæ exprimitur,  
& ingentia flumina Uruquayus, fluvius Niger, &  
magnus S. Petri tacentur? Si lubido fuit peregrina,  
remotissimaque flumina memorare, eccur Maragnoni;  
S. Francisci, S. Januarii fluminum non fit men-  
tio? Quid negotii, vel affinitatis Tucumanie cum  
flumine Orinoco? quod totius Brasiliæ, ut alias ta-  
ceam provincias, interjectu per novum regnum Gra-  
natense decurrit. Visum mihi est hanc errorem per-  
stringere, ut palam facerem, quam absurde aliqui  
misceant quadrata rotundis, dum de remotissimæ A-  
mericæ rebus historias, lexicaque conscribunt. Au-  
giz stabulum citius, quam ista perpurgaveris.*

Tucumania Governatorem, Episcopumque pro-  
prium habet. Hic Cordubæ, ille Saltæ residet, quæ  
quidem urbes facile principes. Reliquæ celebritatis  
parum, nihilque splendoris obtinuerunt. Córdoba,  
quam Rex Philippus quintus, literis ad Stephanum  
Urizar gubernatorem datis, Tucumanie metropolim  
dixerat, ædium honestate, academia celebri, colonis  
& numerosis, & opulentiæ eminent. Nusquam seu  
paseua lætiora, seu quavis generis frequentiora pe-  
sora.

cora. Plura mulorum millia quptannis venalia in Peruvium ex his prædiis mittuntur. Rupes altissimæ per Cordubensis agri tractus passim assurgunt. Pau- cas ab urbe leucas abest locus, ubi calx conficitur, ad amnis Pucara, qui Cordubam alluit, ripas. Huc missus nocte serena, cælo sudo, aere tranquillo hor- ridos fragores, qui machinæ bellicæ tonitru imita- bantur, exaudivi identidem. Castrum aliquod repe- titis tormentorum ictibus ab hoste oppugnari, juras- sem. Ast tonitrua istiusmodi propinguis rupibus pro- pria, ac prope quotidiana esse, adstantes incolæ as- firmarunt. Aer intra montium cavernas compressus, dum per meatus fors tenuiores erumpere nititur, ast saxorum claustris impeditus, anfractibusque reper- cussus mugire horrendum in modum, ac tonare vi- detur. Illud tamen miror, me, cordubenses alpes toties pervagatum, nihil ejusmodi fragoris usquam percepisse. In ipsa urbe Cordubensi noctu auditur sæpe murmur quoddam obtusum, quale edi solet, dum pistillo quidpiam ligneis in mortariis contunditur. Surdus hic, & nescio, quid triste sonans strepitus ex alia in aliam plateam excurrit; Ab Hispanis *el pisen* dicitur, quod paviculam significat, illud scilicet in- strumentum, quo viarum structores lapides contun- dunt. Rudis plebecula, spectrum aliquod, lemorum de genere, urbis plateas obequitare, credit, tremi- que. Mihi vero, qui toto biennio semel duntaxat nocturnum illud murmur perceperam, dubium non fuit, vento subterraneo idtribuendum esse, qui per terræ hiatus procurrens vehementiore impulsu sibi ex- itum quærat; Terræ motibus enim crebrioribus cam- pum, cui urbs insidet, excavatum, debiscentemque sæpius observavi. Salta urbs, per quam commeatur in Peruvium, e mulorum transitu præcipuas colligit utilitates. Jacobopolis (Santysago del estero) urbs

Tucu-

Tucumanorum antiquissima, ac diu tum Episcopi, tum regii gubernatoris sedes. Aedibus nec copiosis-  
 sumis, nec elegantissimis definitur. Innocentius duode-  
 cimus superiori seculo exeunte episcopalem sedem  
 Cordubam transtulit. S. Jacobi urbs templa satis de-  
 cora ostentat; Alluitur a fluvio dulci; Hic annua al-  
 luvione turgidus altissimos arenarum montes aggerit,  
 qui propugnaculorum instar cives, si obsiderentur,  
 contra tormentarios globos insigniter tueri possint.  
 Ditionis Jacobopolitanae incolis quo minus faculta-  
 tum, eo plus animorum in barbaros semper fuit.  
 Militari virtute reliquis Paraquariae Hispanis, ut Spar-  
 tiatae olim quibuscunque Graecis, antecellunt. De  
 hac illorum prerogativa suo loco plura. Ex ceræ  
 commercio, quam per remotissimas sylvas nativis ex  
 alvearibus laboriose colligunt; Ex tritico item, quod  
 ad Boni aeris portum devehitur, proventus haud equi-  
 dem uberrimos habent, lucro laboribus, molestiisque  
 semper minori. Pecora illis minime numerosa, ob  
 camporum, ubi pascerentur, exilitatem, qui arenis  
 undique obstiti gramen parce suppeditant vel eo etiam  
 ex capite, quod hybernæ prunæ, caloreque æstivi  
 hic sæviant atrocius, cælumque septem interdum men-  
 sibus nec stillam aquæ effundat. Equos, quod hye-  
 mæ nil pabuli usquam in campo suppetat, arborum  
 ramos, caprarum more, quin & stipites aridos avidè  
 rodentes, ipse vidi toties; Nè exundans quotannis  
 fluvius dulcis omnem late agrum affatim rigaret, ut  
 Nilus Ægyptum, nullæ prorsus fruges istic nasceren-  
 tur. Solennis hæc alluvio circa Januarium fere in-  
 gruit ex nivibus Chilensum, Peruviensumque alpi-  
 um solis æstu liquefactis orta. Menses equidem No-  
 vember, December, Ianuarius uti hyberni Europæis,  
 sic Americæ meridionali æstivi sunt. Advenis terri-  
 bile visu, sed agricolis dulce spectaculum, dum flu-  
 vius

vius hic gracilis alias, & vadosus aquis peregrinis in-  
 mectus repente extra alveum effunditur, lit ra su-  
 perat, camposque circumjectos plurium sæpe hebdo-  
 nadum spatio liberaliter rigat. Incredibilis inde a-  
 groium fecunditas. Nusquam uberius triticum om-  
 nis generis videas, nusquam pepones, quos aquati-  
 cos dicimus, aut grandiores, aut dulciores. Nubes  
 insoliti coloris alluviam prænunciant indigenis. Ex  
 Chaco provincia iter faciens in Tucumaniam horis  
 antemeridianis flumen dulce eques transmissi Pro-  
 pinquis in ædibus prandi. Hispanus advena, qui ei-  
 dem mensæ accubuit, alluvionem solitam (El baña-  
 do dicitur) nobis proinquam sancte affirmat. Que-  
 renti mihi conjecturæ ejusmodi fundamenta: vidi nu-  
 bes alluvionis prænuncias, reponit. Augur fuit. Vix  
 semihora fluxerat, adest nuncius, omnem late vicini-  
 am innatare aquis, anhelus refert. Exivi Pontum  
 esse undique, ubi paulo ante campus erat, obstupui.  
 Adeo flumen dulce, jam a se aliud, solum omne in  
 salum convertit, relicta tamen aquis dulcedine. De  
 tempestivo Tucumanum ad litus transitu identidem mihi  
 gratulabar, trepidationis memor, cum qua superio-  
 re anno in sancti Jacobi urbis conspectu idem flumen,  
 alluvione superbum trajeci pelle bubula vectus, quam,  
 ut istic ob cymbæ, pontisque inopiam moris est,  
 natans Hispanus loro trahebat.

Circumfusa Jacobopolitano territorio nemora si-  
 liquam græcam (S. Ioannis panem vulgus nostrum  
 appellat) ab Africana tamen illa, vel Hispana diver-  
 sam, copiosissimam producant, quæ mortario con-  
 trita potum, in farinam redacta mellitum panem præ-  
 bet, quin seu esca, seu pota medicinam; virtutem illi-  
 us celebrant Europæi in America e nephritide, vel  
 stranguria laborantes, Americanis, quæ nephritia



ne de nomine quidem nota, Cachexia, phtisi, macie, tabescentibus, incredibile, quantum vires restaret. Plura de saluberrimo hoc fructu inferius, ubi de plantis sermo erit, dicemus. Ipsae adeo bestiae, equi, muli, boves nullo pabulo citius, certiusque pinquescunt. Idem, cujus facta mentio, fluvius dulcis annonae supplementum est accolis. Per hunc annis prope singulis, incerto tamen tempore, confertissima piscium (zabalos vocant Hispani) multitudo defluit, continuata in dies plurimos successione; Hostem terga prementem eos fugere diceres. Nec astu, nec reti opus est ad hos capiendos. Manibusprehenduntur tanto numero, ut his servandis vix vasa sufficiant. Eo tempore, quo ille piscium affluxus (Cardumen dicitur ab Hispanis) feruet, nullae praeterea dapes vulgi mensas occupant. Fora, templa, scholae, piscem olent. Illud indagatione dignum, cur sine admittance alterius speciei squamigerarum solos pisces zabalos gregatim velut alio transmigrare videamus; Fortassis, quia isti omnium frequentissimi, atque ideo per antonomasiam *piscer* ab Indis vocantur. Sic *Nsaya* Abiponibus pisces generatim, & proprio nomine zabalos significat. Idem in lingua Quichua Peruviana usuvenit. Alio in fluvio, qui ad Paraquayi litora in Timbó properat, sed proprio nomine caret, ejusmodi piscium demigrantium iter multis diebus observavimus, hoc tamen discrimine, quod promiscua piscium turba affluerit. Multi peregrini, nunquam alias illic in loco visi a nobis capti sunt. Quae res tantae emigrationis causas investiganti mihi lucis aliquid aspersit. Pauca millaria à nobis distabat flumen grande, vel Vermejo; ab Abiponibus *Inaté* dicitur; Exundans latissime extra ripas effundit sese. Opinor, praecipiti aquarum decurrentiam impetu omne genus piscium abripi.



devolvique ad vicinos amnes, qui cum aquas vel amaras, vel salsas, certe acidulas vehant, advenis piscibus dissipant adeo, ut amaritiam, saluginemque pertæsi secundo flumine ad aquas dulciores, quibus nativo in fluvio assueverant, ubi ubi quærendas turmatim festinent. Hæc mea conjectura in fluvio dulci locum vix habet, ubi extra diluviei tempora solos zabalos, non item aliud piscium genus, subito adventare experti sumus.

Huic affine quid P. Jacobus de la Torre refert in suis de Peruvio relationibus Romæ primum, dein anno 1604 Moguntiz editis. Cum Cælum Peruvianum aquam pluviam neget semper, rore nocturno, anniumque e rupibus erumpentium beneficio duntaxat illud solum rigatur. Agro autem juxta urbem Aricas, qui utroque hoc subsidio destituitur, alia Deus ratione consultum voluit. Nam, audi verba ipsius authoris, *quo tempore sementis fieri consuevit, infinita sardorum turba (notum piscium genus) in litora maritima se effundit. Iis mox accolæ naviculas suas complent, capita Sardorum refecant, insertoque in ea unico frumenti (Mayz dicitur) Turcici grano seminant, fructu haud minus uberi, quam si irriguo rore, vel lympha perfusa fuissent. Corpora (Sardorum) in fini vicem cedunt; quo, uti & marisimarum volucrum cadaveribus, ærva mirifice pinquescunt. Hactenus ille, qui Peruvianæ Provinciæ nostræ Procurator fuit. Ad dictorum confirmationem juvat his attexere aliud de piscium migratione experimentum. In nostra ad Americam navigatione promontorio viridi, seu Hesperidum insulis a tergo relictis trium hebdomadum spatio infinitam piscium catervam eadem via, nescio, quo properantium quotidie spectavimus. Illos lusitani Melotas vocant. Vastissimi sunt corporis, sed non longi. Caput illis*  
in-

ingens, & globi instar rotundum. Magna cum jactatione, nec minori cum strepitu aquis immergunt se identidem. Emergentes ex lato, quod in capite patet, foramine incredibilem aquarum vim in altum jaculantur cum susurro. Neque fontes, quocunque demum artificio, Regiis in hortis structi ad tantam altitudinem undam attollunt. Quo instinctu, quae de causa, ad quem scopum innumerabilis hæc piscium multitudo fugientium more proficiscatur, id aliis discutiendum lubens permitto. In nostro per eundem oceanum ex America quadrimestri reditu ne unicus quidem illorum piscium nobis in conspectum venit. Discriminis huius causam liceat mihi conjectare. In Americam navigantes piscium migrantium agmina octubri mense exeunte, ac Novembri ineunte aliquamdiu observavimus, quo scilicet tempore Boreali in Hemisphærio hyems, in Australi America æstas initium sumit. Ad hæc pisces illi, de quibus mihi sermo, Melotæ a Borea Austrum versus nil variato itinere cursum direxere suum. His consideratis quid si dicamus: Pisces memoratos mare Boreale hybernis turbinibus procellosum jactationis metu fugere, & ad Australe æstivis mensibus magis tranquillum malaciæ, quietisque desiderio properare? Eo fere instinctu, quo hirundines bruma ingruente ad calidiora se recipiunt loca. Bestias plerasque futuram tempestatem præsentificare nemini non exploratissimum. Ut alia omittam experimenta, lupos aquatiles, dum adverso flumine catervatim natantes in Paraquariæ fluviis navigantes vidimus, de portu quo nos tneremur, actutum cogitabatur; Turbinem enim, procellamque minacem nobis imminere, nemo unus dubitavit. Et vero hæc luporum prælagia nunquam fallere, toties experti sumus.



Sancti Jacobi urbs colorias Indorum quam plurimas suis olim juribus obnoxias numeravit, quos vel armis, vel armorum terrore primi subegerant Hispani. Hodie coloniarum istarum rudera passim conspiciuntur, incolis, Hispanorum privatorum scilicet mancipiis, jam variolarum peste, jam miseria inediaque consumptis. Restant etiamnum oppidula: Matarà, Salabina, Moppa, lasco, filipica, lindongasta, Mañogasta, Socconcho; A presbyteris secularibus procurantur, habitanturque a pauculis singula Indis, Hispanorum, qui illis immixti degunt, servitute potissimum occupatis. Miserrima illorum conditio, ruditas incredibilis, sordida tuguria, & templa tuguriis vix meliora. Quantum hos inter Indos, Hispanorum privatorum servituti mancipatos, Quaraniosque nostros solius Hispanici Monarchæ imperio subditos intersit, attonitus, & non citra commiserationis tenerrimæ sensum toties vidi. Idem prorsus de Indorum oppidulis, quæ in aliis Paraquariz districtibus adhucdum supersunt, sentiendum.

S. Michaelis urbecula, quæ vulgo Tucuman audit, alpibus chilensibus finitima, a collibus, Campis, rivis grandiusculis, sylvisque amœnis ambitur; Hæ altissimis arboribus conspicuæ insignes e Cedrotabulas, trabesque ædificiis maximis paræa toti late provincie offerunt, quæ quidem, cum 400 facile milliarium spatio plaustris advehantur, in Boni Aeris urbe magno pretio Veneunt. Neque id mirum; nam asseres non serra, quam aquarum illapsus moveat, sed operarum manibus laboriose, lenteque confieri solent. Ejusmodi serræ machinam ad opportuni fluminis ripam paraverat artifex Germanus, quam tamen, etsi magno usui fuerit aliquamdiu, incolæ antiqui moris tenaces pessumdedere illico. Sudare ma-

lunt,

lunt, quam exteriorum ingenio juvari. Tucumaniam provinciam sylvis nudatam, immensaque planitie, quin vix unam arborem deprehendas, circumscriptam dicit rerum Americanarum scriptor nostra ætate clarissimus. Miseret me viri optimi, qui diligens cætera veritatis investigator, alienis testimoniis circumventus sit toties. Quis nostrum risum teneat, dum Tucumaniam arboribus, nemoribusque Carere legit? Hoc scilicet fatum omnibus commune, qui solum, quæ ex libris didicerint, non quæ suis oculis spectarint, de America scriptitare consueverunt. Istius tamen generis historici præ aliis plausum ferunt, minime invidendum, quia offensæ veritatis præmium; quippe qui mirabilia, etsi minus vera solent adferre, admiratione digni plebeculæ, cordatorum assensu nequaquam.

Rioja, & S. Ferdinandi vulgo Catamarca urbiculæ montes inter sepultæ latitant. Ex vinearum aiquot, & piperis cultura quæstum faciunt potissimum. Piper enim illud rubrum, quod turcicum dicimus, quotidiano usui, quin & pro deliciis est Hispanis. Non cibos solum quoscunque, sed & Caseum, qui pro immensa armentorum multitudine in Boniæ Aeris, Cordubæque prædiis rarissime conficitur, purpureo illo mordacique pipere ita farciunt, ut lactis candore, dulcedineque oblitteratis rubentis cerasi referat colorem, tantamque acrimoniam, cui ferendæ non sint Europæorum fauces. Vinæ per universam Paraquariam digitorum, quos singulis manibus gestamus, numerum vix æquant. Cælum, solumque vitibus quidem apprime propitium, idoneumque experimur, ni illorum radices a formicis insolentissime dominantibus corroderentur. Hispani, qui Germanorum more vinum & bibere, & colere norunt præ-

clare, vinearum culturam abiecere penitus, suam ludi quot annis operam, dudum experti. Formicis, quod fortunæ magis, quam quibuscunque artificiis tribuendum, interneclione deletis si uvæ prodeant, eas ab advolante columbarum sylvestrium, Vesperturumque exercitu devoratas postridie lugebis. Modicum tamen, quod conficitur, vinum, fuscum, spissum juris instar, ac generosum est, licet Europæis recens advenis pharmacopœum olere videatur. Mustum ex uvis expressum ad focum coquitur, & spissatur. Qui vitam sine vini usu intolerabilem sibi putat, a Paraquaria sibi caveat; Noverit enim, istic anserum, anatumque potum plerisque omnibus familiarissimum esse, neque hunc semper ad votum suppetere. Tanta sæpe est vini penuria in coloniis remotis, ut diebus etiam festis interdum divino sacrificio abstinere cogeremur. Quid quid enim vini seu ad mensam, seu ad aram consumitur, chilensi ex provincia potissimum longointere, sumptu maximo est advehendum, sæpeque nullis precibus, nullo pretio impetratur. Verum quamvis Paraquaria vino prope modum careat, ebriis, ebriosisque incolis abundat. Hispani equidem jam ex sacchari arundinibus contritis, jam ex pomis Perficis, Aureis, citrinis, cydoniis aliisque ignis ope vinum, quod crematum, vel aquam vitæ dicimus, extorquent, licet quam plurimis turbandæ mentis, mortisque accelerandæ instrumentum esse soleat. Indi barbari, quin & Hispanorum vulgus ex siliqua græca, ex melle, ex Turcico frumento, ex aliis frugibus aqua mixtis, ac innato calore tandem ebullientibus potiones sibi parant, quæ ad ebrietatem adsciscendam passim abutuntur.

In territorio urbicularum, de quibus agere cæpi, Rioja, & Catamarca ingens pecorum, quis  
cam-

camporum, penuria est, quæ tamen agri, arborumque fertilitate, ac incolarum industriis pensatur; Hi namque ficus exsiccant, e lana usitatissimum vestis genus contexunt, boum, oviumque alibi conquistæ exuvias scitissime concinnant, variisque aptant usibus, ephippia, arculas, & alia id genus e corio construunt, mercibus aliis alibi subinde permutanda. Xuxuy sancti salvatoris civitas ad Tucumania limites, qui Peruvium spectant, sita licet infrequens, Regii tamen per Tucumaniam ærarii præfectorum sedes. Aqua vicinis e montibus scaturiens ut tertianæ febris, sic strumarum istic origo. Talavera de Madrid, alio item nomine Esteco opibus quondam, sed & vitiis affluens civitas ad fluvii salsi (Rio salado) ripas violentissimo terræ trementis hiatu superiore jam seculo absorpta dicitur, incolis, ædibusque universis contumulatis; sola illa infami columna, quæ ubique gentium rejs plectendis destinata, medio in foro remanente. vidua quoque integritatis laude florens sua cum ædícula superstes in suburbio fuit. Hoc, ut scripsi, Hispanorum ex ore intellexi, tantam stragem Dei vindicis pœnam interpretantium. Addunt: Hodie non nisi scrobes, tumulosque sepultæ urbis vestigia superesse. Rem ea, qua accepi, fide refero; Ipse enim, quamvis per biennium haud multorum milliarium intervallo ab illa vicinia abfuerim, hoc iræ divinæ monumentum nunquam spectavi. S. Franciscus solanus vaticinio illustris urbis Esteco excidium dicitur prædixisse.

Tarija urbs non ignobilis ad Peruviensem præfecturam de Chichas pertinet quidem, Paraquarienses tamen Jesuitas habuit incolas, qui ut Chiriguas barbaros Hispanis semper infestos mansuefacerent Evangelio, nec sudori, nec sanguini pepercere suo.

fuo. Quinque illorum equidem barbara crudelitate contrucidati sunt.

Santa Cruz de la sierra suo cum territorio, quamvis ad occasum Peruvii finibus stipata, Paraguaricæ ditioni accensetur. Sita est in gradu longitudinis 314. latitudinis meridionalis 21. gubernatorem, Episcopumque proprium habet, cui sub sunt chiquitorum indorum oppida, quos nostri socii per annos sat multos remotis in montibus conquestos religionem, humanitatem, artesque utiles docuerunt. Anno 1766. in denis chiquitorum oppidis, quæ nostri condiderunt, numerabantur 5173 familiæ, quæ 23788. Capitibus definitæ sunt. Mortuorum numerus numerum nascentium annis prope singulis longe excedit. Sobolis paucitatem num Cælo, sub quo vivunt, num aquis, quas bibunt, an alimentis, præsertim frequentissimo testudinum terrestrium esui, vel innatæ forsitan parentum sterilitati tribuere nos oporteat, illi norint, qui cum illis versati sunt. Fateor equidem, me chiquitorum vel terram, vel umbram nunquam vidisse. Illud sæpius a me auditum: Ni nostri homines multos quotannis e sylva barbaros adduxissent, hæc oppida dudum fuisse expiratura. Prostat chiquitorum historia auctore P. Joanne Patritio Fernandez, quamvis ab hoc in Hispanicum duntaxat traductam illam, & a Jesuita, Italo chiquitorum Missionario conscriptam mihi affirmaverit dudum vir fide dignissimus. In hanc historiam irrepsere aliquæ Indorum relationes, quas de credulitate nimia suspectas meus nunquam stomachus digessit. De chiquitorum moribus, rebusque frequens porro mentio recurret.



In singulis Tucumaniz, Paraquarizque urbibus S. Dominici, S. Francisci, S. Petri de Nolasco, qui a Mercede vocantur, alumni, & Jesuitz domicilia habuere suum Sacrz Deo virgines, varii instituti. Cordubz duntaxat, ac in urbe Boniaeris habitarunt. Tucumaniam provinciam Americz meridionalis pauperrimam ipsi Hispani arbitrantur, quia metallorum expertem, quamvis pecoribus omnis generis refertissimam. Præter alios S. Franciscum solanum religionis magistrum nacta est. Hoc ad Peruvium evocato integræ aliquando civitates sacerdotem vel unicum nequidquam desideraverant. Franciscus Victoria ex clarissimo Divi Dominici cætu primus Tucumanorum episcopus anno 1581 invenit solos quinque sacerdotes seculares, & pauculos Religiosos, presbyterum linguæ Indicæ gnarum omnino nullum, licet Indorum Colonis tota late provincia abundaret. Divinæ gloriæ sitientissimus Præsul Jesuitas aliquot, jam tum per reliquam Americam de re christiana bene meritos a Patre Joanne Atienza in Peruvio, & a P. Josepho Anchieta in Brasilia eorum provincialibus per literas impense petiit, impetravitque. Tucumaniam ingressi Patres Leonardus Arminius Italus. Joannes Saloni Valentianus Hispanus. Thomas Filds Hybernus. Emanuel Ortega & Stephanus de Grao lusitani, e Brasilia per mare missi, ab Anglis acatholicis capti, pessime aliquamdiu habiti, ac denique scaphæ impositi, ventisque ac fluctibus permitti; Verum Deo gubernante Boniseris portum, quem optaverant, feliciter tenuerunt. E Peruvio jam dudum Tucumanis suppetias missi Patres Franciscus Angulo, & Alphonsus Barzena virtutum splendore, linguarum peritia, animique ad omnia impigri magnitudine egregius. Hunc Victoria Præsul optimus Vicarium, ut vocant, generalem creavit, tantique semper fecit, ut palam



diceret: Episcopatu abdicaturum se se, si Patris  
 Barzenæ jacturam faceret. His alii atque alii per  
 bina prope secula suecessere nostræ tunc societatis  
 homines. Ab Episcopis, Gubernatoribusque Regiis  
 postulati, a catholicis Regibus ex Europa missi, per  
 omnes immensæ Paraquariæ angulos sparsi quam  
 strenuam operam & Deo, & Regi navaverint,  
 haud mei est instituti memorare. Multa magnac  
 molis volumina de hoc argumento prostant. Tot  
 centena barbarorum millia ad Dei, Regisque obse-  
 quium traducta, tot ubique locorum structæ colo-  
 niæ, tot augusta templa Numini condita, tot Hispa-  
 norum urbes literis, & pietate, imbutæ testabuntur  
 seræ posteritati: nos apud antipodas saltem aliquid  
 præstitisse, quantumvis quidam homines nullum non  
 moveant lapidem, ut vel nominis nostri memoriam  
 extinguant. Sed actum agunt, nō & bibliothecas  
 omnes in cineres redigant. Libri superstites, quid  
 pro publica salute ubique gentium a nobis actum,  
 scriptum, toleratumque sit, loquentur. Illud extra  
 controversiam est: uberiores multo fructus ab Apō-  
 stolicis nostris operis colligendos fuisse, si Europæi  
 homines utilitatum suarum, quam Indorum salutis avi-  
 diores optimis illorum consiliis identidem non obsti-  
 tissent. Nemo usquam barbarus per universam Ameri-  
 cam hodie foret super, si, qui christi legem profi-  
 tentur, ei mores conformassent suos, suosque cona-  
 tus conatibus nostris diligenter conjunxissent. Hoc,  
 quod scribo, me audiente in Boniæ templo co-  
 ram Regio gubernatore, auditoreque omnis condi-  
 tionis frequentissimo ex Cathedra audacter, sed ve-  
 rissime fuit pronunciatum, tantoque argumentorum  
 pondere stabilitum, ut nemo omnium dubitare,  
 sacroque obstrepere oratori auderet.

Tertia, a qua toti provinciae nomen adhaesit, praefectura est Paraguay, a fluvio cognomini, cui adjacet, sic dicta. Spectatis dominii juribus quaequa versum latissime patet; verum hinc Barbarorum, illine lusitanorum periculosa vicinitate pro incolarum numero angustiores intra limites coarctatur. Immenfis, fertilissimisque seu ad occasum in adversa fluminis ripa, seu ad septentrionem campis vicinorum, quos dixi, metu uti recusant, quia a metropoli remotioribus. Ad Austrum Correntinus ager pro limite habetur. Incolarum numerum quis definjat? Dena bellatorum millia, si res ferat, in promptu esse, sunt, qui affirmant. De solis Hispanis sermo est; quodsi enim Indos inquilinos, aethiopes, & reliquum sclavorum gregem militare jusseris, facile tricies mille in acie numerabis. Ast tales, cheu, erunt istorum plerique, ut eorum vexillis hoc tuto inscribas: *Nos numerus sumus, & fruges consumere nati.* Paraquariz Gubernatorum aliquis olim conqueri auditus est: Multos sub signis numero milites; sed paucos sclopo instructos; Qui sclopo uti noverint, ac collineare, paucissimos. Metropolis, la assumption, ab assumpta in Caelum deipara nomen traxit. In gradu 25. 8 m. latitudinis, longitudinis vero 319. 41 m. Sita ipsi Paraquayo flumini incumbit, quod navibus commodum portum, incolis commercii opportunitatem praebet; sed & exitium urbi minatur, quod magismagisque propinquans ejus alveus & ripam, & ripae insidentes aedes evertat. Splendorem aedificiorum, urbisve munitionem qualemcunque hic ne expectaveris, Domos videbis permultas e saxo, vel cocto latere constructas, imbricibus tectas, sed humiles omnes, & sine contignationibus. Ejusdem prorsus formae monasteria. Nihil, quod in templis suspicias, deprehendes. Plateae omnes distortae, sero-

serobibus, lapidibus temere projectis impeditæ, ab imbre præcipiti exesæ equiti perinde, ac pediti transitum reddunt asperrimum. Forum, si rite memini, unicum gramine obductum. Gubernatoris, Episcopique jam inde a Caroliquinti Regis ætate hic sedes, neutri tamen proprium est domicilium. Præter grammaticam Philosophiæ quoque ac Theologiæ nostræ in Collegio discipuli frequentes operam dedere. Æthiopibus, Indis, aliisque mixti generis, quos Mulatos, mestizos, Puchuelos &c. vocant, parochus, ecclesiæque parochialis propria est. Matronæ etiam nobiliores, pueri, puellæ, vulgus omne lingua Quarantica ceu vernacula fere utuntur, quamvis & Hispanicam mediocriter calleant plerique. Dicam, quod res est. Utramque commiscent linguam, neutram rite norunt. Hanc provinciam, quam Indi Carii, seu quaranii olim insederant, postquam primi Hispani occuparunt, illorum filias, cum Hispanæ feminae deessent, in conjugium sibi passim adscivere. Quotidiana consuetudine mariti conjugum, conjuges maritorum linguam combiberant denique; sed, ut adultis fere usu venit peregrinas linguas discuntibus, Hispani Indicam, Indæ Hispanam misere corruperunt; Inde e duabus linguis tertia quaedam enata est, quæ hodie utuntur.

Tres omnino menses hac in urbe commorantem me multis quotidie horis sacrum pœnitentiæ tribunal occupavit, quia linguae utriusque scientem. Hispanorum pars maxima per pagos, prædia, & oppidula, ubi scilicet agrorum, pascuorumque opportunitas major, degit. Urbem, præter metropolim, habent nullam. Villa rica, & Curyquati loca tenuia sunt, & urbicularum umbræ. Coloni, per repetitas lusitanorum metu migrationes, prope ad incitas

re.

redacti. Xerez, & la ciudad Real del Quayra urbium nomine quondam gloriabantur, sed dudum jam desertæ, destructæque per lusitanorum incursiones, qui in urbe S. Pauli, Mamaluccorum latibulo, collecti Quayrensi agro opimo hodie potiuntur, Hispanis nobilissimam territorii sui partem sibi ereptam usque lamentantibus, patienter tamen ferentibus; Norunt equidem vanas sine viribus iras fore.

Ex antiquis oppidis, ubi Hispani Indos seu bello, seu Evangelio subactos olim collocaverant, supersunt hodie: Caazapa, yuti, ytape, yta, & a seraphicis Patribus procurantur. Caazapa ducentis circiter e familiis coalescit. Armentorum multi tudine reliqua superat. Ad viginti vitulorum millia quotannis numerat. His, qui feliciter adolescunt, supersitibus, si tertiam vitulorum partem, qui a verminibus, feris, prædonibusque absumpti sunt, accenseas, facile Centum millia vaccarum, taurorumque hoc oppidum possidere, conicies. His adice equorum, mulorum, oviumque incredibilem numerum. Pascua lætissimo in campo ad multa excurrunt milliaria collocat variis per intervalla stationibus Indi pastores, & quod per Paraquariam nusquam vidi, stationibus singulis ejusdem coloris animalia assignata. Hic equidem equos, boves, oves, quin & Gallinas pastorum ad unam omnes albi coloris deprehendes; Istic non nisi nigri; Alibi varii coloris. Hæc colorum divisio non fortuito contingit, sed pastorum opera, quam alii superfluum, putant, impetratur. Oppidum ytape viginti circiter familias alit. Yuti, & yta aliquantulum plures. Parochis Ecclesiasticis subsunt: Atira, & Altos unum in oppidulum conflata. Quarambare. Tobati, exigui singula numeri. Yaguaron e ducentis familiis componitur. Hæc oppida, cum Indi

Indi incolæ plerique Hispanorum nobilium servitute identidem occupentur, nec populi frequentia, neque morum disciplina, templorumque splendore in comparisonem venire possunt cum nostris Quaraniorum oppidis, qui è privatorum hominum servitio exempti solius Regis Catholici voluntatibus, obsequiisque ultro se subdiderunt.

Ditionis Paraquayensis sunt Tria alia Indorum oppida a nostris hominibus condita, conservataque. S. Joachimi oppidum post varias migrationes in gradu 24. 49. m. latitudinis. 321. longitudinis situm intra montes, ab arbore Tarumay dictos annis yu ripis incumbit. Anno 1767 bis mille septemdecim incolas Christianos numerabat. Hos Hispani Tobatines perperam appellant, cum ipsi sua se lingua Quaranica ytatines, seu ytatinguas dicant. Jam anno 1697 a nostris Patribus Bartholomæo Ximenez, & Francisco Robles Tarumensibus in sylvis detecti circiter quadringenti, oppidoque antiquo Nostræ Dominæ a sancta fide 150 leucas distanti aggregati sunt, ubi per annos complures christianæ disciplinæ tenaces perstiterunt. Ad avitas, ubi inventi olim, sylvas libertatis desiderio transfugæ vix denique repetitis nequidquam nostrorum itineribus anno 1721. a Patribus Polycarpo Dnfo, & Michaelæ Hassner reperti. In ipso, quem Taruma vocant, loco oppidulum illis conditum, & anno 1723 Trecentis plures sacro laticè expiati numerabantur. Sed partim ob pascuorum tenuitatem, partim ob bellum tumultus, quos occasione Josephi Antequera intrusi gubernatoris Hispani factiosi excitaverant, ytatines opera P. Josephi Pons ad oppidum Nostræ dominæ a sancta fide rursus translati fuere. Hac in statione per decennium magna sui Commendatione substituerunt.

runt. Verum cruenta Hispanorum Vicinorum seditione, fame, variolarumque pestiferarum stragibus perterriti anno 1734. fugam Cepere, remotissimis, quæ insueverant, in sylvis securitatem, alimentumque sibi quæserunt. Patres etsi 400 familiarum fugam dolerent maximopere, plus fugientium calliditatem admirati sunt, cum una nocte clanculum dilapsi quam demum viam iniverint, quorsum deflexerint, nullo e vestigio conjectari posset. Missi subinde Patres Sebastianus de Yegros, Ioannes Escandon, Felix Villagarzia, Lucas Rodriquez, qui fugitivorum latibulum indagarent. Mensium octodecim spatio fluviis tot paludibusque superatis, nemorum remotissimorum latebris sagacissime excussis, ne leve quidem dilapsæ gentis indiciumprehenderunt. Anno demum 1745, quod labor non potuit, casus fortuitus detexit, quem longum sit referre. Superiorum iussu P. Sebastianus de Yegros in viam se dedit illico continuatis imbribus, fluviorum eluvione, paludibusque periculosis undique impeditam; Asperrimo quadraginta novem dierum itinere defunctus intra sylvas Tapebi ytatinesprehendit. Illis minime repugnantibus patrio in solo structum oppidulum, sacro fonte aliquot, qui post suam ex oppido fugam in sylvis nati, centuriæ lustratæ, Ex antiquis oppidis pecora omnis generis, vestimenta, secures, suppellex domus necessaria, Indi cum suis familiis aliquot musices, aliarumque artium magistri cetera cunctationem mittebantur. Ad votumfluxere omnia.

Ast repentinus terror optatissimum novæ coloniz cursum interruptit. Barbari equites, quos Hispanus Quaycurus, vel Mbayas vocat, cædibus, & rapinis vicina Paraquariensium prædia exhauriebant; Hos & suis jamjam imminere cervicibus rati ytatines nullam

Ce-

Cepere quietis partem. Novis identidem de propinquo hœste rumusculis perculsi insomnes plerumque egerunt noctes, & apertis vel in ipso meridie oculis pericula somniant. His alia accessit calamitas, aquarum pluviis deficientibus penuria. Ad invenendum igitur & timoris, & sitis remedium Patribus, Indisque visum est 25 Leucas Austrum versus commigrare, ubi tot sylvarum asperrimarum interjectu adversus Mbayas equites se tuerentur, perennique aqua gauderent. Anno 1753. relicto templo, Patrunque domicilio, quæ e lateribus structa, in colle, quem yu amnis lambit, extemporali labore oppidum construxere, quod subinde optimis ad normam Quaranicarum Coloniarum legibus institutum, familiarum accessione auctum, stabilitumque est. Ipsum octennium huic oppido operam non poenitendam navavi. Illustrissimus D. Emanuel de la Torre Assumptionis Episcopus dum de more nos inviseret, nostris in ædibus dies sexdecim commoratus, disciplinæ christianæ rigorem, divini cultus accuratorem, templi, musicæque concinnitatem, rerum omnium ordinem apud homines nuper sylvicolas admiratione, laudibusque eximiis prosecutus est. D. Carolus Morphi Hybernus Paraquariæ Gubernator expeditionum, victoriarumque, quas a lusitanis reportaverat Petrus zeballos, omnium particeps, musices, linguarumque Europæarum scientissimus solatiis prope diffuxit, dum quinque dies apud me hospes ageret. Obstupuit Indorum sylvestrium cum in musicis instrumentis, tum in armis tractandis insignem dexteritatem; Illo enim spectante octingentis plures pedites alii, alii equites effuso cursu inveci sagittas eandem ad metam vibrarunt ictu tam certo, ut vix unus, alterve aberraret. Quo spectaculo diebus pluribus repetito fatiari haud potuit. Neque ego viri optimi

præ-



præsentia. Caziquiorum porro, quorum contubernales hoc oppidum incoluere, cognomina juvat memorare : Paranderi. Yazuea. Yeyu. Guiraquera. Xavier. Divi Francisci xavrii nomen illorum avo quondam inditum posteris cognominis instar retinuerunt.

Altera, quæ Paraquayensis ditionis est, Sancti Stanislai colonia oppidi S. Joachimi filia fuit; Indi enim pariter ytatinēs ab Indis, Patribusque S. Joachimi incolis in sylvis Caapivary, yeyuy, & Tapiraguay fluvios inter sitis detecti, ac, ut christiana sacra uno congregati in loco amplecterentur, adducti fuere. Sylvis nativis ut terga verterent, apertumque in campum prodirent, ab illis impetrare, perarduum erat negotium; celsissimarum enim arborum, quarum pedem sol nunquam viderat, umbræ assueti planitiem solis radiis patentem refugiunt, putantque illic seu vitam, seu libertatem quotidie periclitari suam, quam densas inter nemorum salebras adversus Hispanos, & quoscunque denuin hostes tutam opinantur. Et vero experientia niti hanc barbarorum opinionem haud diffitemur. P. Sebastianus de Yegros (Pey Sabba ab Indis appellatus) annum integrum in summa, quæ cogitari possit, rerum omnium penuria sylvas inter in Indorum contubernio consumpsit, illisque persuasit denique, ut nemore relicto ad propinquum Tapiraguay fluvio campum exirent, ubi Patres Emanuel Guttierrez, & Josephus Martin Mattilla cum Indis Christianis, pecoribus, & necessario comineatu missi sacram ædiculam, tuguriaque illis extruxere anno 1731 Indorum, qui hanc S. Stanislai Coloniam constituere, primipili erant Caziqui Arabebe, Tapari, & guirayu. Patrum, qui victum, vestitum, secures, cultros, globulos vitreos, alia id genus munuscu-

nuscula illis procuraverant, liberalitate, comitateque mansueti dociles se, ac Christianæ disciplinæ morigeros præbuerunt. Dum ex S. Joachimi oppido, in cuius territorio hæc nova colonia locabatur, ad illos sæpius excurrerem, gentis ligna inter natæ, educatæque placidissimam indolem, mores divinis legibus tam conformes non potui non admirari. Vix lacrymas præ solatii dulcedine tenui, quoties sacro in tribunali natos minimos majori cum doloris significatione mihi detexerant, quam multi christianorum Veterum atrocissima crimina sacerdoti iudici referre solent. Paucos intra annos incredibiliter auctum oppidum Indorum accessione, quos Patres Antonius Planes, Thaddæus Enis Bohemus, Anroninus corda arduo per loca inaccessa itinere quæsitos feliciter adduxerunt. Colonia hæc in gradu 24. 10. m. latitudinis. 321. 35. m. longitudinis sita anno 1767. trecentos aliquot supra bis mille incolas jam Christianos habuit, qui annis superioribus ferarum instar sylvas pervagabantur, ubi Hispani herbam, ut vocant passim, Paraquaricam, præcipuum commercii publici instrumentum conficiunt, de quo mox uberius differemus. Ut adeo ex oppidis S. Joachimi, & S. Stanislai conditis luculentus in totam provinciam quæstus redundaverit, cum amotis barbaris sylvas herbæ illius feraces jam citra trepidationem adire liceat Hispanis.

Memorabili experimento dicta confirmabo. Remotissimæ sylvæ, quas Mbaeverà rem coruscantem alii, alii Mborebiretā bestię grandis patriam appellant, fluviique grandiores Monday, & Acaray aluunt, arboribus passim abundant, ex quarum foliis herba illa Paraquarica paratur. Ad illam plurimum mensium spatio conficiendam ex Assumptionis urbe  
missa

missa est ingens Hispanorum turba, boum, item mulorum, equorumque multitudo necessaria. Sylva, per quam iter suscipiendum, arboribus, arundinibusque interpolatis undique clausa, sex & viginti fluvii, totidem prope paludibus longioribus impedita ad octoginta facile leucas excurrit, quin campum vel ad denos passus patentem deprehendas usquam. Ut hominibus perinde, ac bestiis transitus patefieret, sternendæ arbores, pontes omnibus imponendi, ramorum fascibus firmandæ paludes, complandæ montium declivitates; His ingenti labore, sumptuque pari præstitis, ubi ad locum herbæ colligendæ, conficiendæque perventum denique, tuguria pro Hispanorum habitatione, sepes pro bestiarum claustro, patibula e stipitibus partim humi defixis partim transversis pro arborum foliis lento igne torrendis construere oportebat. Dispositis ad inchoandum negotium omnibus dimmissi ad sylvas, ubi arboris illius folia colligerent, Hispani; sed heu illorum moderator Paschalis Villalba in barbarorum tugurium, licet incolis vacuum, incidit. Rei inopinata novitate perculsus ad socios properat, visa refert. Triste nuntium pro classico fuit, quo ad accelerandam fugam instigati omnes de vita servanda, non de arborum foliis porro conquirendis cogitant. Neque timiditatis, ignavæque arguendos arbitror eos propterea; Nam non uno agmine omnes, sed singuli diversas sylvarum latebras percurrunt quotidie, arbores, e quibus ramos secant, quæsituri; Ramorum fascibus onusti ad tugurium redeunt. Neque ullis præter cultrum, illud suum instrumentum, armis instructi per sylvam iter quotidie faciunt, ut adeo barbarorum irruentium insidiis pateant semper. Abjecta igitur negotii, ad quod venerant, cura mulis, equisque vecti præcipiti cursu ad urbem rediere. Villalba relictis sociis ad S.

Joachimi oppidum divertit. Patribus visa, factae nuntiat. Ad fidem dictis suis conciliandam ollas sagittasque exhibet e barbarorum tugurio illo aspectatas. Ut eos ad hoc suum deducere oppidum quocunque demum ratione conarentur, enixe rogat. Tres læto, promptoque animo operam addixerunt suam. Verum ambo tunc fractis viribus tanto itinere cum impares se se noscent, lectam Indorum suorum turmam citra cunctationem Villalba duce mittunt a barbaros illos inquirendos, amiceque explorandos eorum animos. Dierum aliquot itinere defuncti, cibariis viaticis præpropere voracitate absumptis, aquarum quoque penuria per viam sæpius tolerata domum rediderant, quin vel eminus attigissent illas stationes ubi barbarorum contubernia credebantur. Cassa igitur hæc Indorum expeditio, neque porro resumpta fuit, ut adeo barbaros illos seu quærendi molestia, seu reperiendi gloria mihi reservata videretur.

Superioris missu aliquot post annis ad S. Joachimi oppidum veni. De sylvicolis Mbae vera durabat rumor, durabat & metus Hispanorum propterea, qui, licet quæstus avidissimi, pedem inferre illis sylvis nunquam audebant, unde messem Paraque ricæ herbæ copiosam dudum expectavere. Re cum socio, Indisque meis collata profectionem ad decantata illa nemora constitui. Villalba duce, cum quinque & viginti Indis christianis in viam me deduxit, fluvii, paludibusque infamem. Pontes, aliaque ad transitum securitatem ab Hispanis, ut dixi, parata subsidia dudum periere. Superatis Indorum industria difficultatibus ad illum denique locum eluctati sumus, ubi barbarorum tugarii reliquæ videbantur. Simiorum, aprorumque, ac alcium, quibus vescuntur Indi, ossa, mortarium ligneum, alias id genus





genus quisquilias, tritici turcici spicas sat multas, semitam item, qua ad vicinum rivum aequatum itaverant, nudis Indorum pedibus tritissimam, sed vestigium recens omnino nullum usquam deprehendimus, quamvis dierum aliquot spatio missis quaque versum speculatoribus & sylvas finitimas, & Acaray fluminis palustres oras attentis ad omnia oculis circumspexerimus. Cum itaque nec Indi umbra, neque spes aliqua appareret, dies novemdecim tristem solitudinem pervagati, passique, quæ nec a me dici, nec credi ab aliis possint, omnia ad oppidum rediimus nullo, nisi patientiæ, fructu. Iter pedibus, & sæpe nudis feci. Si ab oriente ad Austrum deflexissem aliquantulum, Barbarorum, quos quæviseram, contubernia deprehendissem; id sequens me annus docuit. Hispani de sylvis Mbae vera diu, diligenterque a me excussis facti certiores, illarum incolas barbaros alio commigrasse, nihilque jam ab illis periculi superesse, sibi persuaserant. Hinc re-sumptis animis, via novis sumptibus instaurata magno numero, spe lucri majore eo profiscuntur. Sed en! negotio suo occupati barbaros alios, atque alios sibi adesse vident. Familiari alloquio deliniti, carne bubula, aliis munusculis donati nil hostile meditari videbantur, quin iterum, iterumque amicorum specie ad Hispanorum tugurium redibant; Interrogati; ubinam suis; cum familiis habitarent? Contubernia sua procul hinc abesse, neque, nisi multa paludibus superatis, accedi posse, callide re-posuerunt, sibi, suisque uxoribus male metuentes, si quando ab Hispanis inviserentur. Ne porro vestigiis suis terræ impressis suas ipsi exteris habitationes proderent, quoties ad illos visitandos venerant, hac sagaciter astutia usi sunt: si per Australem viam ad-

venere, per septentrionalem revertebantur, ut ne subolere quidem Hispanis posset vicinia, ubi latuere. Adeo nempe Barbari Hispanis, Hispani barbaris de proditione, fictaque amicitia erant suspecti. Mutua diffidentia, timor mutuus indies angescibat.

Securitati suæ consulturus Villalba de his, quæ gerebantur, me edocuit, deque barbaris illis, si redirem, inveniendis, securum esse iussit. Nec mora: Meis cum Indis notam viam lætus ingredior. Sed vix biduum magnis passibus in Mbaeverà properantes nos conjurati toto Cælo imbres opprimunt, & jam multum progressos diu, noctuque comitantur. Sub dio, in solo aquis innatante pernoctandum quotidie. Vestes etiam intimæ aquis diffluunt, quin eas vel ficcandi, vel permutandi opportunitas adesset. Caro bubula, præcipuum Indorum viaticum, & prope unicum, humore putrefacta. Fluvii, paludesque continuata per plures dies pluvia adeo jam intumuerant, ut transitum omnino negarent. Serenitatis propinquæ spes nulla, nullum indicium. Redire cogimur quotidianas per octiduum misérias experti, experturi majores, ni cœptum iter provide abrumpimus; Ad viginti enim dies imber pertinax producebatur. Re infecta quidem, haud tamen desperata ad oppidum regressus itineris quamprimum repetendi opportunitatem avidè præstolabar; Haud multum enimvero temporis abiit, cum tertiam (quæ mihi secundissima fuit) ad Mbaevera profectionem suscepi. Tandem metam attingi. Nam tria sat numerosa barbarorum Contubernia a me detecta, quibus totidem Caziquii, Roy, omnium Princeps, Tupanchichu, & Veraripochiritù præfuerunt capitaneorum, ut vocant, nomine. Primum, in quod incidimus, tugurium e palmis structum, gramine sicco contentum,



Etum, octo portis patens, a sexaginta incolis habi-  
 tabatur. Hinc atque illinc pendent retia, quæ &  
 noctu dormientibus, & interdum sedentibus sunt usui.  
 Familix singulæ singulos humi focos alunt. Circum-  
 stat ollarum, cucurbitarum ingentium, cantharorum-  
 que exercitus. Forma sunt plerique præsertim ado-  
 lescentes, liberali, quam Europæorum multi invide-  
 rent, suspicerentque. Facie candidula, quippe quam  
 nullus unquam sol tingit. Mares cuiuscunque ætatis -  
 crines sibi attondent, monachorum quorundam ritu,  
 circulo comarum per verticem relicto. Labium in-  
 ferius a primo ætatis septennio pertusum gerunt, fo-  
 raminiq; arundinem, quæ scriptorium calamus  
 æquet diametro, inserunt, more apud omnes prope  
 Americæ populos recepto. A' Quaraniis, quorum  
 lingua hi utuntur Barbari, *tembetâ* vocatur, om-  
 nes citra sexus, ætatisve discrimen concham vulga-  
 rem triangularis figuræ ex auribus suspendunt. Viri  
 nudi circumæunt semper, nisi quod tenui subligaculo,  
 fabrorum cæmentariorum more, pubetenus præcin-  
 gantur, naturalis verecundiæ instinctu. Fœminæ ta-  
 men omnes ab humeris ad calcem teguntur tela  
 alba, quam ipsæ ex cortice arboris Pinò conficiunt.  
 Ex cortice hoc siccato, subactoque fibræ, lino simi-  
 les, remanent, e quibus fila ducuntur, telæ te-  
 xendæ servitura. Tela eiusmodi levi negotio al-  
 bescit, coloris etiam cuiuscunque & patiens, & tes-  
 nax est. E contrario illa tela, quam nationes bar-  
 baræ pleræque ex Caraquata, seu, ut Mexicani vo-  
 cant, Maguey (de qua suo loco plura) conficiunt,  
 a candore abest longissime, alios colores difficillime  
 recipit, & citissime amittit. Rasum verticem coro-  
 na è psittacorum plumis longis, elegantissimisque con-  
 cinnata ornare consueverunt hi barbari. Sagittas ha-  
 matas, quæ aviculas etiam volantes dexterrime sters-

nunt, pro armis habent. Alcium, ferarum, avium-  
que omnis generis venatu se, suosque alunt. Sæpius  
inter virgulta latentes, astuta ruditus illarum imita-  
tione allectas alces telo configunt, interdum laqueis,  
decipulisque capiunt. Nec ab agricultura abhorrent.  
Incredibilis certe sylvas inter tritici turcici, aliarum-  
que frugum, uti & tabacæ ubertas. Hanc ingens  
illa domus, de qua dixi, pro sepibus habuit, foliis  
amplissimis, miraque proceritate sublimem. Ante-  
quam cubitum concedant, ollas carne, vel frugibus  
refertas foco applicant, ut expectatis in promptu  
sit cibus; Cælo enim vixdum albescente viri, quin &  
septennes pueri telorum falce armati per sylvas tur-  
matin excutunt feras, queis vescantur interdum, ve-  
naturi. Ni esurire, ni rideri velit liberaliter, ne  
vacuis domum redeat manibus, quisque cavet. Tex-  
tis è vimine corbibus proles teneras injiciunt matres,  
humerisque bajulant, quoties per sylvam iter faciunt.  
Mel quoque & nobile, & copiosum ut estui, sic  
potui opportunum ex alveariis legere norunt, qui-  
bus arbores passim scatent. Hunc in finem magni  
faciunt cultorum, securiumque è ferro supellestem.  
Fertea hæc instrumenta cum apud illos deprehende-  
rimus, Hispanis, quos herbam Paraquaricam in syl-  
vis conquirentes olim trucidaverint, erepta fuisse ne-  
mo unus dubitavit. Deus ab illis Tupa dicitur Qua-  
ranica lingua; verum quid Deus sit, quid velit, quid  
nolit, nosse parum curant, ut Nominis supremicul-  
tum, sic & idola nesciunt. Malum dæmonem Aña  
vel añanga appellant, nil tamen venerantur. Præ-  
stigiatores, rectius dicam, veteratores suos religiose  
colunt, metuuntque, qui de plenissima morbos,  
mortemque seu arcendi, seu arcessendi potestate, de  
futurorum præscientia magnifice se jactant, qui sui  
esse arbitrii affirmant, alluviones, tempestatesque so-

noras ciere, in tigrides se transformare, & nescio, quæ alia contra naturæ leges patrare. His fraudibus à timida plebe reverentiam extorquent. Polygamiam licere sibi, ut Americani reliqui, putant, paucissimi tamen hac licentia utuntur. Eo frequentior est apud illos uxorum repudiatio. Nuptias cum quibuscunque etiam remote cognatis horrent, refugiantque ceu nefandas. Suorum cadavera ingentibus cantharis ex argilla fictis, & ad ignem excoctis claudunt Quaraniorum veterum ritu. Tres ejusmodi cantharos, sed inanes, hoc in itinere per sylvam deprehendimus. Post obitum quæ fata vita functos maneat, de hoc nil admodum anguntur. Humanis carnibus, quod quidem sciam, jam non vescuntur, illas tamen Indi vicini inter cupedias numerant. Ab his devorata ferunt foeminam, quæ a marito suo transfuga alio properaverat. Contubernales in Mbaevera, qui illam e fuga retrahere volebant, ejus ossa, & anthropophagorum recentia vestigia deprehenderunt. Advenam quemcunque, Indum, Hispanum, lusitanum de hostili in se animo suspectum habent, & armati accipiunt hospitem, quia hostem credunt suum, libertatique suæ alienigenas insidiari autumant. Eadem illos de me, Indorumque meorum comitatu incessit suspicio, dum adventantes nos conspexere.

Primus, quem in sylva deteximus, adolescens erat elegans, qui avem phasianis huiatibus persimilem (yacu vocant) collo sagitta transverberato expirantem manu gessit. Adventu nostro non nihil attonitum accessi, in telis jaculandis singularem ejus dexteritatem dilaudavi, &, cum ad captandos iudorum animos dona præ verbis etiam blandissimis plus valeant, frustum assæ carnis porrexi. Hoc utraque manu prehensum avidis mox dentibus esuriens disce-

psit. Insperato jentaculo absterfus illico terror, quem  
 repentinus advenarum conspectus forte iniecerat.  
 Nomen adolescenti erat: *Arapotiyu*, Aurora. *Ara*  
 enim diem, *poti* florem. *yu* aureum quid vel flavum  
 significat Quaraniis; ut adeo per aureum diei florem  
 Aurora exprimitur. Et vero per Anroram hanc  
 solem, præcipuum vicinitatis illius Caziquium, ado-  
 lescentis patrem, capitaneum Roy invenimus. Multa  
 enim, quæ ad rem facere videbantur, amice per  
 contanti mihi placido respondit vultu, & Patrem  
 suum venatione occupatum haud procul à nobis ab-  
 esse, addidit. Agedum, lætus ajebam, ducem te  
 nobis præbe, ut illum quam primum conveniamus.  
 Id adolescens toto capite annuit, &, quod mireris,  
 ne latum quidem unquem à latere recessit meo.  
 Horæ unius spatium per sylvam progressi seniculum,  
 macie confectum, cultroimmani armatum, & à bi-  
 nis adolescentibus (quorum filius alter, alter captivus  
 erat, sagittarum fasciculo instructis, stipatum testu-  
 dineo gressu adrepentem conspicamur. Indi christia-  
 ni comites ad testificandam, ritu apud illos recepto,  
 amicitiam arcus, sagittarumque mucrones terram ver-  
 sus demittunt. Accedimus. Comitum meorum  
 quispiam ætate spectabilior sinistris genis Caziquii  
 oscuium infigit; pacis signum; simul adventus nostri  
 rationem reddens: Deus, ait, te servet, mi frater!  
 Adsumus en! ad vos amice invisendos. Sanguine  
 enim propinquos nobis vos arbitramur. Et hic Pa-  
 ter sacerdos (Pay Abare) quem comitamur, Dei  
 ipsius est vicarius. Ille equidem nos docet, nos alit,  
 nos vestit, nos tenerrime amat; Nam mortuos nos,  
 alba tela indutos, dum sepelit, nobis quoque Can-  
 tat. Plura locuturum Indum meum senex interpel-  
 lat ironica voce, & iracunda *Hinda!* ecce tibi iterum  
 iterumque repetita. Negat identidem, pernegatque:  
 sibi

sibi nobiscum cognationis aliquid intercedere. Iratissimis nos oculis circumspectat, quippe quos pro Hispanis, lusitanisve Brasiliensibus Indorum per sylvas venatoribus habuit. Mox voce, facieque ad me conversa: frustra venisti Pater sacerdos, concitata bile mihi ait; Nobis equidem Patre sacerdote nequam opus est. Nam sanctus Thomas (Hunc Christi Apostolum Hispani, lusitanique Americani in America fuisse, contendunt) dudum terris nostris beneprecatus est. Omne frugum genus nobis magnanubertate hic nascitur. Putabat enim barbarus rudis, sacerdotis praesentiam ad fertilitatem soli procurandam duntaxat conferre. Verum hoc illius errore dissimulato: Concedamus, reposui, Divum Thomam vestris in oris versatum fuisse quondam; Quae tamen de supremo Numine, de illius legibus majores vestros docuit, dudum cheu! vestra exeidere memoria. Haec documenta repetiturus vobis praesto sum. Sed heus tu bone senex! quamdiu colloquentes hoc in luto, cui immergimur, haerebimus? ecurr huic arboris trunco, qui extra paludem est, non insidemus ocyus? Placuit seni consilium. Confidemus. Itineris longicausas, molestiasque expono. Ad captandam torvisenis benevolentiam carnis assae, qua Indi mei per viam utebantur, portionem insignem adferri, jubeo, quam quidem ille avidissime arripuit, absumpsitque. Sedata fame animus quoque suspicionibus agitatusemitescere videbatur. Ad illius cor ut aditum mihi aperirem, vias pertentavi omnes. Hunc in finem Tabacam hispanicam mea ex pyxide illi propino. Ast ille averso vultu, ambabus repugnans manibus *Aquibys* Timeo, respondet, necromanticos hos pulveres ratus, & ad homines fascinandos utiles. Meum de invisendo ejus contubernio consilium illi aperio. Verum id fieri haud posse argumentis probat. Longissi-

giffimo hinc intervallo, ait, domus abest mea. Tres annes, paludes totidem, viz omnino pessimæ intercedunt. Hoc quidem argumento, reposui, à meo me proposito abstinebis nunquam, qui tot dierum itinere defunctus tot fluvios, tot paludes, tantas sylvas feliciter, patienterque superaverim. Sed novaris, opponit senex, me valetudine uti. haud satis firma, vizque tantæ imparem me mihi videri. Id eo lubentius credidero, respondi, quod & me haud optime valere experior hodie. Nec mirum: Cœli intemperies, imber tota nocte effusissimus, humentes sylvæ, viz luto turgentes, palus longissima, quam genuum tenuis aquis immersus transmissi, mons semper arduus, quem conscendi, stomachus in hanc horam jejunus, ambulatio ab Aurora ultra meridiem sine cessatione producta quidni frangant corpus, atque pessime afficiant? Sed languido quamvis corpore utrique nostrum tantum superesse roboris, existimo, tuam ad domum, ubi conquirere liceat, eluctari ut possimus. Lentè festinabimus. Robustiores præcursant; Nos infirmi lento passu sequemur. A meis tibi sane caveres ædibus, inquit senex; si quantum te, tuosque isthic maneat periculum, intèlligeres. Contubernales equidem mei malæ sunt iudolis: Exteros quosque mactare, mactare cupiunt. *Oporosyca* *ge*, *oparosyca* *ge*, *oparosyca* *ge* note. Id unum illis est in votis quotidie. Tales sint, cum risu respondi, contubernales tui, quales mihi pinxisti modo, nihil admodum angor propterea. Te enim totius late vicinitatis terrorem, magnanimitate, factisque clarissimum quamdiu amicum, defensoremque nostrum habuerimus, quis, amabo, mortalium nobis vim inferre ausit? Te lateri nostro adstante nil usquam reformidabimus. Hac fiduciæ significatione, his laudibus barbarum senis pectus expugnavi, ejusque mihi

hi animum devinxi. Bene est, ore hilari exclamat, mandatque binis, quibuscum venerat, adolescentibus: Agite, domum properate actutum, nostris nuntiate: Adesse Patrem sacerdotem, qui magni me facit, Indorumque manipulum (quindecim erant) qui se nobis sanguine propinquos dicunt. Mulieribus meo nomine præcipite, ne terreantur hospitum adventu, ne diffugiant; quin ædes nostras ut verrant diligenter, percipio. Hæc senex. De ædibus verrendis, mecum cogitaveram, enimvero parum laboro; Ne barbari primo conspectu nos omnes sagittarum fascibus evertant, evertantque, id sollicitum me habuit.

Missi nuncii Euro perniciores avolarunt. Nos illorum vestigia, quamvis pede tardiori, persecuti sumus, sene caziquio Roy lateri meo semper adherente. Cæli inclementiam, viarum asperitatem familiari colloquio lenivimus. Et dum Europæorum plerique (Tertia Bacchanalium dies erat) opipare epulantur, nos fractas difficili itinere vires haustu frigida rivorum in marginibus confidentes instauravimus. Præcipiti jam in occasum sole vastum illud, quod reliquorum metropolim jure dixeris, tugurium in oculos incurrit nostros. Incredibilis adventum nostrum excepit incolarum concursatio promiscua, solenni illo suo: *Ereyupa jam venisti*, me consalutantium, quibus consuetum: *Ayà anga Veni jam*, reponebam. Indi omnes sagittis, arcuque instructi, & psittacorum plumis coronati id genus officii mihi præstiterunt. Propinquabat mihi illorum quispiam, & sibimet, quod coronæ oblitus esset, indignantis specie currens recessit, moxque jam corona ornatus ad salutandum me rediit. Me cum meorum aliquot ad limen domus consistente ingens orta fœminas, prolesque inter trepidatio. Relictis ad focum, illis hac illac discurren-

tes, advenarum aspectu attonitz, & hostile quid suspicantes metum prodidere suum. Nihil est omnino (Indorum meorum senissimus illas inclamat) quod Vereamini, charæ sorores! Avorum sanguine vobis propinquos nos coram spectatis. Nemo nostrum mali est in vos animi. Ego omnium primipilus venio, & moderator. Certissima sunt (circumstanti turbæ dixi) quæ senex hic vobis edixerat. Nemo præsentium malo in vos est anime præter me, qui sum truculentissimus. Nam) composito ad severitatem vultu, editoque labiis sibilo id pronuntiaveram) rictu uno ternos, quaternosque pueros devorabo protinus. Faceta hac comminatione omnium terror in risum solutissimum desit. Ad suas reversæ stationes fœminæ, domum ut subiremus, una omnes voce Precabantur. Id quidem a me in petrabitis nunquam, respondi, vestris ut ædibus vel pedem inferam. Video equidem canes, catulosque vobis assidere. Ubi canes adsunt, pulices deesse, abesseque haud possunt. Hos cane pejus & angue pertimesco, quia somni turbatores, quo dierum plurimorum itinere defatigatum me video indigere. Verum a vestro contubernio, conspectuque haud multum recedam. Hac patente in area, ubi videre omnes, ab omnibus videri possim, fixum est mihi habitare. Et verò, ut decoro, securitatique consulerem, ipsum triduum, Cœlo etiam per intervalle pluvio, diu, noctuque sub dio fui, quin unquam barbarorum tuguria inirem.

Eodem vespere caziquio Roy insinuaveram: volupe mihi fore, loci incolæ omnes uno agmine collectos coram videre, affari, munusculisque idoneis exhilarare. Extemplo votis satisfactum est meis. Pulcherrimo circumfederunt ordine, modestia, silentio.



tioque tanto, ut sculpta hominum simulacra, non  
 homines obversari oculis putarem. Nemo hincere  
 ausus. Ad acuendam porro attentionem fidibus,  
 quæ ab amore nomen, ceteri aliquamdiu summa  
 omnium voluptate auditus. Musicorum omnia quam-  
 vis mihi videar, his in sylvis omnium alpha, atque  
 ipso orpheo, si superis placet, amœnior dicebar ab  
 illis scilicet, qui fidicinem nec meliorem, nec pejo-  
 rem audire unquam, soli, quam cucurbitæ agita-  
 tione ipsi edunt, harmoniæ assueti. Delinitis musica  
 auribus, animisque non concionantis, sed familiari-  
 ter colloquentis voce ad præsentis verba feci: Haud  
 me pœnitet, dicebam, longitineris, quod confeci,  
 fluminum, paludumque, quas transivi, molestiarum,  
 quas devoravi, dum incolumes vos, mihiq̃ bene-  
 volos coram intueor. Ut felices vos redderem, veni,  
 sum vester sincerissimo animo amicus. Sinite, ut,  
 quæ sentio de vobis, ingenue dicam. Miseret me  
 Vestri, quos intra nemorum tenebras sepultos video,  
 quin unquam mundi pulchritudines, neque illarum  
 conditorem Deum noscatis. Dei nomen pronuncia-  
 tis equidem, scio, sed qua ratione colendus sit Deus,  
 quid vetet, quid præcipiat, quid probis spondeat,  
 quid improbis minetur, usque ignoratis; Neque,  
 nisi sacerdotis opera edoceamini, perdiscetis unquam,  
 miseri dum vixeritis, post obitum semper miserrimi.  
 Summa religionis capita breviter, & qua potui,  
 claritate hic exposui. De his differentem me, ob-  
 strepente nemine, ausculturunt omnes arrestis auribus,  
 nisi quod pueri, dum de stygiis ignibus a me facta est  
 mentio, in risum tantisper eruperint Senex item  
 cæquius, nuptias cum proxime cognatis improbari,  
 prohiberique ex me audieus; Bene ais mi Pater, di-  
 cebat, tales nuptiæ sunt pessimæ, sed hoc jam no-  
 vimus. Ex quo jam tum conjeceram, incesta con-  
 jugia



jugia his barbaris execrabiliora videri, quam homicidia, & rapinas. Scilicet excusamus sæpe majora flagitia, quia nostra; Damnamus minora, quia aliena. Dum contra latrocinia, cædesque mihi sermo fuit, altum tacuit Caziquius forte, quia illis assuefactus. In propinquorum nuptias acriter invecus est, quia apud alias forsan barbarorum nationes usu receptas. Dictioni meæ jamjam finem impositurus assidentium turbam circumspexi attentius, stupentique similis exclamavi: In numerofo hoc præsentium Coetu ætate provectiores paucissimos ehen video! verum in promptu causa est. Quotidianæ, quæ vos circumstant, miseræ vestrum conficiunt corpus, vires atterunt, præcocemque vobis ante tempus accelerant mortem. Nudis artubus cœli injurias quotidie toleratis. Tectum ventis omnibus pervium quam parum vos defendit! Diebus integris, ferarum esuriëntium more sylvas percussatis omnes, Venaturque sæpe inuili fatigamini, cibo fortuito victitatis, quid mirum, si continua de alimentis sollicitudo animum excruciat vestrum. Incertus, cassusque sagittarum ictus longiori interdum inedia mulctatur. Nil memorabo vitæ discrimina, quæ passim incurritis, hinc tigridum unquibus, inde anquium mortiferorum morfibz obnoxii, quin & vicinorum hostium telis, dentibusque. Absint hæc omnia, solum nunquam non humidum, quale vestrum experior, ut culicum examinibus, animalculis pestilentibus aliis scatet, sic morborum seminarium esse, nil ambigo. Quænam, amabo, ex afflicta valetudine emergendi spes ægris superest in vestra hac solitudine, unde & medici exulant, & idoneæ medicinæ. Quos enim medicos (Aba paye) appellatis, veteratores sunt ad unum omnes, ad decipiendos vos, quam ad consanandos aptiores. Verbis meis fidem habere si tergiversamini,

ni, vobismet saltem, ista expertis, quæso, habeatis. Tantis incommoditatibus, periculisque fore vacant Indi, fratres vestri, qui eodem in oppido collecti juxta divinam legem, sacerdotumque institutionem vivere consueverunt. Superi boni! quantam istic decrepitorum multitudinem deprehenderetis. Neque mirum, plerosque ad extremum senium ætatem extendere suam, cum tot, tantæ illis in oppido suppetant præsidia, quæ ad producendam vitam, mortemque retardandam valent plurimum. Familiis singulis singulæ ædes designantur adversus Cœli vicissitudines oppido munitæ, quamvis non semper ornatiissimæ. Carnis bubulæ portio congrua quotidie omnibus porrigitur gratuito. Abundant fere frugibus, obsoniisque, quæ suus cuique ministrat ager. Annis singulis novæ tribuntur vestes universis. Cultri, securæ, alia ruris instrumenta, globulorum vitreorum fascæ, cæteraque ejusmodi, quæ ad ornatum pertinent, passim dono dantur. Ægrotantibus in arte medica aliquomodo versati diu nocturne præsto sunt, qui cibos Patris in domo paratos, opportunasque, ut res postulat, medicinas adferunt diligenter. Nequid istorum omnium Indi incolæ desiderent, Patribus, qui oppidum procurant, cordi, ac curæ est maximopere. Si tui vestrum ista magnificentius, quam verius Jactasse videar, en coram adstant Indi Christiani, fratres vestri, comites mei, ac clientes, quorum plerique, ut vos omnes, in sylvis quondam nati, educatique multis abhinc annis in S. Joachimi oppido mea sub disciplina vivunt. Illorum in vestes oculos conjicite. Ex illis vitæ rationem, quæ apud nos viget, percunctemini. Intelligetis profecto, sua eos sorte contentos esse, sibi que omni ex parte felicissimos videri. Fuere illi, quod vos modo estis. Esse potestis, quod illi sunt. Hanc, quæso, felicitatem

tatem, si sapitis, vobis ne inuideatis porro. Num has inter nemorum caligines tantis calamitatibus immorari vos, atque adeo immori vobis expediat, iterum iterumque omni mentis contentione dispicite. Vestri erit arbitrii, bene vobis consulenti mihi morem gerere. Ambobus vos brachiis recipiemus, amici amicos, ac citra cunctationem apud nos civitate donabimini. Id vobis ut suggererem, persuaderemque, iter & diuturnum, & quod ipsi nostis, molestiarum plenissimum vestri amore, ac desiderio suscepimus. Nec plura.

Orationi meæ pondus ut accederet, auditoribus singulis, habita conditionis, sexus, ætatisque ratione, munuscula porreximus, cultellos, forficulas, hamos, secures, specula, annulos, inaures, sphæricularum vitrearum, queis collum ornant, fasciculos. Id genus reulæ præcipua per Americam arma sunt, quibus barbarorum animi feroces expugnantur felicius, perinde ut infantes crepundiis tranquillatur. Dextera liberalis præ lingua facundissima plus apud illos potest. Veniat Demosthenes cum Marco Tullio, atque omni oratorum turba, apud ludos ad ravim declamitent, exquisitissimis Rhetorices artificiiis utantur, si vacuis manibus Venerint, surdas pulsabunt aures, actum agent. Quamvis optime dixerint, ni & benefecerint auditoribus, e pumice aquam postulasse se videbunt denique. Veniat ad Indos brutus, mutus, quovis cacabo nigrior æthiops, si copiosam ad illos donandos munusculorum supellectilem attulerit, audietur, amabitur, morigeros sibi habebit Indos, in Cælum, jusserit, ibunt. Non qui disertior, sed qui liberalior, Indorum voluntatibus dominatur. Hinc omne tulisse punctum mihi videbar hodie, quod orationi munusculorum largitionem

miscuerim. Nam fidem superat, cum quantis lætitiis, propensæque in me voluntatis significationibus soluto jam cœtu ad sua se stativa omnes receperint. Parum temporis abiit, cum caziquius Roy, gratum testificaturus animum aliquot mihi panes offert, quos mei causa a sua vetula conjuge paratos aiebat. Orbiculati erant hi panes e tritico Turcico, papyri instar tenues, calenti sub cinere cocti, cinerique concolores, verbo tales, ut vel eorum aspectus etiam rabidissime esurienti Europæo nauseam moverent. Dilaudavi tamen, ut tempori servirem, pistricis artificem manum, apinimumque adversus me egregie benevolumo. Dumque hunc panis abortum una acceptassem manu, altera suaviter reddidi: Pergratum mihi fore, dixi, si his cupediis illius proles ad celebraudam adventus mei memoriam fruerentur. Probavit senex meum consilium, panesque eadem, qua attulit, lætitia abstulit. Cavendum equidem maximum opere advenis ab esca, quam barbari obtrudunt, miscendi veneni scientissimi, & quamvis officiosi, semper timendi, quia alienigenarum hostes, Romanis antiquissimis haud absimiles, de quibus Cicero i. officiorum scripserat: *Hostis apud majores nostros it dicebatur, quem nunc peregrinum dicimus.* Ut adeo sylvestres inter Indos versanti suspicio nimis anxia, quippe timoris mater, vitanda quidem, nulla tamen circumspectio superflua videatur. Barbari, quantumvis ignorent cætera, norunt amicitiam perbelle simulare. Blandiuntur, dum cupiunt nocere, peregrinis. Nimium ne crede colori, eleganti sub flore anguem mortiferum latuisse, heu! quoties experti sumus.

Caziquius Roy pro se, susque familia sejunctam non nihil ab aliis habuit ædiculam, illo tamen tri-

duo, quod apud illos egimus, in vastis illis, quas dixi, ædibus pernoctabāt, utrum de nostra, an de suorum securitate sollicitus, nescio. Fors nobis, fors suis diffiderat. Quid si sibi met metuisset? Nos Barbarorum inter tuguria mediæ sub dio noctes egimus. Ut dormirent vigilantes, vigilarent dormientes, meos provide commonui, ne pauci somno oppressi a multis per insidias opprimeremur. Sed nullum unquam utrobique terroris seu indicium, seu argumentum fuit, quamvis periculi suspicio nunquam abesset. Postridie e comitibus meis quatuor lectissimos, adjuncto ad illorum securitatem caziquii filio Arepotiyū, misi, ut bovem, quem remotiori in statione ab aliquot Indorum meorum custoditum reliqueram, jugularent, ejusque carnes adferrent, barbarorum epulum futuras. Ad hos exhilarandos nihil opportunius poterat cogitari; Nunquam enim sinceriori lætitia gestiunt Americani, nunquam obediunt promptius, quam refertis carne bubula stomachis. Volupe erat Caziquio, horas plures interdum familiari mecum colloquio conterere. Affirmabat mihi ingenuè, se, suosque Hispanis, lusitanisque undequaque diffidere, illorumque verbis, ac amicitie nullam omnino habere fidem. Illius igitur fiduciam, benevolentiamque ut mihi conciliarem, me neque Hispanum, neque lusitanum esse identidem declaravi. Id ut persuaderem, patriam meam longissimis terrarum, Mariumque intervallis ab Hispania, lusitaniaque sejungi; Parentes, avos, atavosque meos ne unum quidem Hispanicæ lingue apicem calluisse; Multorum mensium calamitoso itinere oceanum me trajecisse eo solum fine, ut Americæ incolas Divinam legem, Cœlique vias docerem. Quam rem acriter a me inculcatam Caziquius per omnes innoxiorum circulos vulgabat, scilicet me nec Hispanum

ori.

origine, neque lusitanum esse, id quod maximerat  
momenti ad barbarorum animos novo amicitiz, bene-  
volentizque vinculo mihi arctius obstringendos.  
Memorandum hoc loco venit, quod a me sine ru-  
bore scribi, legi à te sine risu vix potest. Cazi-  
quius tabacæ fumum ex arundine hauriens affidenti-  
bus sibi Indis meis propositum suum, suam simul ig-  
norantiam detexit. Amare cæpi, ajebat, Patrem  
nostrum, certus jam illum non esse Hispanum. Fi-  
duciam omnem in illo locatam habeo. Nolle  
eius præsentia destitui, dum vixero. Est mihi filia,  
puellarum omnium venustissima; fixum mihi est il-  
lam nostro Patri in matrimonium dare, mea ut ma-  
neat in familia. Hoc meum consilium jam conjugii  
apertum meæ, quæ ejusdem mecum est mentis. Au-  
dita hac senis ineptia temperare sibi a risu Indi mei  
haud poterant. Risus causam rogati: Patres semper  
cœlibes vivere, legeque sanctissima nuptiis interdici,  
responderunt. Senex attonito similis: *Àñeyras!* ex-  
clamabat suspensa in aere arundine, ex qua tabacæ  
fumum suxerat, itane vero mihi rem inauditam, at-  
que adeo vix credibilem narratis? Admirationi suspiria  
admiscuit dolens, quod votis suis locus non esset.  
Arbores inter pone obambulans audiivi ridiculam ser-  
mocinationem, sed dissimulavi. Accessi denique,  
& quid sibi velit hæc cachinatio subita, Indos meos  
interrogavi. Puduit illos Caziquii absurdam de  
nuptiis propositionem mihi repetere. Rubore suf-  
fusi conticuere omnes. Si plures simul interroge-  
ntur, nemo respondet. Hoc solenne est Quaraniis  
Indis. Hinc definite unum aliquem interrogaveram,  
qui, licet cum trepidatione, totum colloquii, risus-  
que argumentum candide mihi aperuit. Mox ora-  
tione ad caziquium conversa gratias illi egi pro bene-  
volo, quem ergame patefecerat, animo. Me, uti

& sacerdotes omnes, illud vitæ genus profiteri, quod conjugium omne semper excludit, & perpetua castimoniz lege nos obstringit. Cæterum quamvis gener esse tuus nec possim, nec velim, amicum fidissimum, quin &, si id percupias, comitem, atque magistrum christianæ disciplinæ habebis me semper. His auditis caziquius & admirationem suam, & benevolentiz declarationes iteravit.

Barbarorum contubernium vix ingressus pridie, ut cursores expedirentur, poposci, qui vicinos, amicosque sibi Caziquios de nostro adventu certiores facerent, atque ad nos hic invisendos hortarentur; Neque enim de illorum habitationibus nobis constabat quidquam; vires præterea ex tanto itinere nobis residuas ad reditum oportuit reservare. Missi festim nuncii eo promptius, quod Indorum vicinorum adventu securitati consulerent suæ, si quid hostile adversus se meditaremur. Postridie sub meridiem (abebant enim a nobis aliquot horarum itinere) adfuere magno numero armati barbari suis cum familiis. Poles teneræ corbi insidentes a matribus bajulabantur. Caziquii bini agmen duxerunt. Primus Veraripochiritù dicebatur, qui nominis sui longitudinem corporis proceritate simul, simul amplitudine æquavit; Vir cætera, utut serius, comis tamen, ac docilis. Hic cum suis ex aprorum venatione redierat, quorum carnibus pinguisimis onusti omnes videbantur. Ejus filiolus, decennis puer, formæque elegantis vultum omnem minutissimis stellis, atro colore expictis, insignem habuit. Videbaris tibi, aiebam, stellulis nigris faciem ornare tuam, sed miserrime illam forcasti. Age sis hoc in speculo (quod dono dederam puero) temet contemplare attentius. Vultum tantisper speculatus suum ad aquam lavandus pro-



properavit; Absterfa fuligine jam Daphnis videbatur, qui nudus membra Pyracmen advenerat. Munusculis solitis donavi omnes cum singulis collocutus familiariter, sapissime cum illorum caziquio veraripochiritù, quem ad nostra sacra maximopere propensum illico adverti. Alter, qui comparuit cum suorum turma, Caziquius, Tupanchichù, homo vixdum quadragenarius, corporis, & lineamentorum conformatione honesta, sed candore, quo reliqui gaudebant, & vultus, & animi destitutus, arrogans, vaser, & periculosus, quippe qui frontis serenitate, suavit atque sermonis exitiale, quod pectore fovebat, nos enecandi propositum tegere prorsus norat, ab aliis subinde detectum. Adveniens mecum confedit, potionemque ex herba Paraquarica sibi impetrantis more poposcit illico. Habitis ultro, citroque amicis interrogatiunculis occasionem de Deo differendi, nescio unde oblatam, avide arripui. Esse unum aliquem, qui in cœlo sedeat, id dudum novimus, respondit. Huic ego: Deum omnium rerum conditorem, dominatoremque supremum, Patrem adhuc nostrum nos impensissime amantem, nostro amore, cultuque dignissimum vos dudum scire pariter oportebat, ac intelligere, quid illi placeat, quid displiceat. Edic, amabo, quid displiceat Deo, ajebat. Averfatur, reposui, plectitque acerrime adulteria, obscœnates, mendacia, calumnias, furta, homicidia — Quid? (me interpellans querit elato supercilio) Deus non vult, ut alios interficiamus? ecurr isti vecordes se non tuentur contra interfectores? sic ego facere consuevi, si quis mihi immineat. Conatus sum fanaticum opinatorem dedocere illique, humanæ cœdis horrorem injicere, quo successu, ignoro. Ex idoneis dein authoribus didici, barbarum hunc Tupanchichù, qui ut præstigiator maleficus à tota pas-



simi vicinia timebatur, suo in tugurio struem calvariarum ostentasse illorum scilicet, quos partim veneno, partim violenta manu trucidavit. Dicebatur idem cum suis adversus nos conjurasse. Ne ab illis noctu per insidias opprimeremur, caziquius Roy in propinquo nobis sub dio dormientibus tugurio noctes egit, pro nostra excubans securitate, qui, ut mox dicam, impiis crudelissimi Tupanchichu artibus paulo post occubuit, vitamque amisit suam, quia nostram servavit.


Caziquii præmissis colloquiis, deliberationibusque concordi sententia statuerunt denique, ac mihi supplicarunt, ut sibi nativo in solo colonia, aliarum, quas Indi christiani obtinent, more conderetur. Illorum votis annui eo libentius, quod structum in Mbae vera oppidulum maximas nobis opportunitates præberet barbaros alios, qui remotioribus in sylvis latitabant, conquirendi, christoque adjungendi. Tupanchichu à Christianorum sacris alienissimus licet, ausus tamen non est binis aliis caziquiis Roy, reliquorum Dictatori & verari pochiritu ætate, ac subditorum numero spectabiliore palam repugnare. Consensum simulavit callide, ut eo certius meditatum fruendæ coloniz negotium disturbaret. Triduo apud istos consumpto abiturum me postridie, sed procutis pecoribus, rebusque aliis, quæ ad oppidum seu eondendum, seu conservandum necessariæ, me rediturum subinde significavi omnibus. Iter ingressuro mihi ad testificandam benevolentiam suos caziquii filios adjunxerunt, qui ad meum me oppidum comirarentur. Tupanchichu versipellis, filio adulto quod careret, uxoris suæ fratrem, adolescentem formæ præstantissimum mihi associaverat. Caziquii Roy quatuor filii mecum venere, scilicet Arapotiyn nati.

maxi-



10  
-61

7  
5



maximus; Aratendi. qui ætate illi proximus, coelebs uterque. Alii duo adhucdum pueri, & Gatocaziquii captivus adolescens. His accessere alii conjugati, ut adeo decem & octo barbaros viz comites numerarem. Iter nobis omnino faustum, jucundumque fuit. Obvii Hispani dum me tot barbaris nudis, sagittarum fasce onustis, ornatisque psittacorum e plumis corona comitatum videre, primo terrore in gratulationes converso mihi liberaliter applauserunt. Uno omnes ore celebrabant meam magnanimitatem, quod barbarorum latibula adire ausus sim, Felicitatem, quod detexerim. Hispanorum aliquis captus adolescentis venustate, quem Tupanchichu mihi adjunxerat: Mi Pater, inquit, ecquid dolendum non esset, si faciem tam Hispanicam (Pulchram dicere voluit) malus dæmon aliquando raperet? S. Joachimi oppidum incolumes, & ovantium instar ingressi sumus denique, festis incolarum vocibus excepti. Hospites sylvicolæ liberaliter à nobis habiti, vestiti illico, securibus, cultris, globulorum vitreorum fasciculis, munusculis aliis prolixè donati. Post dierum quatuordecim quietem cum Indorum nostrorum comitatu ad suos remissi fuere præter Arapotiyu adolescentem. Hic ab illa hora, qua sylvarum inter latebras primus omnium mihi occurrit, à meo se avelli latere nunquam est passus. Explorata per menses aliquot illius constantia, rerumque, quæ ad religionem pertinent, cognitione sacris eum undis ablui, ac haud multo post christiano ritu matrimonio junxi. Recens quamvis oppidi nostri incola omni virtutum genere excelluit, Veteranus christi discipulus videri ut posset. Nullum fecit lamentandi finem, dum Regio decreto in Europam revocabamur, omnibus Indorum coloniis & suam, & nostram sortem complorantibus. Gatò captivus apud nos sorte

sua contentissimus pariter nostro remansit in oppido, talemque se præbuit, ut dignus & baptismate, & christiano conjugio videretur. Verum lenta tabe consumptus paucos post menses vivere desuit.

Indi nostri ex Mbaebera sylvis reduces, apud barbaros anginam contagionis instar periculose grassari mihi nunciarunt. Præstigiatores, maxime Tupanchichu eorum princeps, rudi plebeculæ, hanc luem a nobis invec tam esse, persuadere nitebantur eo animo, ut christianorum hominum horrorem injicerent. Ad nostrum Provinciale literas dedi confestim, quibus illum de meo itinere, de inventis barbaris, de Colonia, quam flagitaverant, illis condenda certiore feci. Ille multa cum gratulatione Consilium probavit meum, mihiq ue ad barbaros redituro Patrem alium in Divi Joachimi oppido mox substituit. Regius quoque Gubernator D. Josephus Martinez Fontes de rebus gestis, porroque gerendis edoctus est, ac facultatem construendæ coloniz pro more rogatus. Ad votum, repugnante nemine, mihi cessit negotium. Ast eheu! ortus felicem rerum cursum stitit, spesque omnes, quas concepimus, elusit, duplici usus instrumento: barbarissimo scilicet Tupanchichu, & Hispano opulento. Audi, ac exhorresce utriusque scelus execrandum. Non expectatus è Mbaebera adest cursor, qui caziquium Roy esu pomorum, quæ Hispani batatas, germani pomateræ, Quarani Yeti vocant, extinctum esse, quæ veneno infecta Tupanchichu porrexerat, ultimus Roy de nostra incolumitate sollicitudinem, dum ille ad nos enecandos advenerat; Impediturusque coloniz structuram, quam idem Roy impense urgebat, cupiebatque ardentè. Caziquii senis niece haud contentus Tupanchichu illius etiam viduæ insidiabatur, ut illa

Illa trucidata securibus, cultris, aliisque è ferro instrumentis, quæ maritus reliquerat, potiretur. Fœmina hac, illac fugiens, cum nullis sylvarum latebris tutam se putaret, sua cum familia ad nostrum se oppidum recepit navigantium more, qui procelloso è mari ad portum vicinum festinant. Filios quatuor, filias totidem numeravit, cœlibes omnes præter unam, sed à marito jam repudiatam. Iter centum prope milliarium, sylva continua, tot fluviis, paludibusque impeditum duæ exasperarunt filiæ, quarum una bimula, altera adulta quidem, sed pedibus, manibusque capta, ut sola gressum figere non posset. Ambæ alienis manibus gestandæ. Adultior illa reti imposita fratrum, sororumque humeris bajulabatur. Tantam barbarorum seu charitatem, seu patientiam ecquis non stupeat? Christianæ disciplinæ rudimertis solerter imbuta mater aliquot post mentes cum octo prolibus, unoque captivo eodem die sacro laticæ à me lustrata est incredibili circumstantium solatio; Quantum fuerit incum, cogitari potest, non item explicari. Hæc barbarorum decuria Christo per me adscripta, et si aliud operæ pretium deesset, meorum in Mbaebera itinerum fructus exstitit haud spernendus. Nefarium Tupanchichu venefici, qui cæquium Roy præcipuum Coloniz suis condendæ authorem interemit, facinus diris omnibus devovendum quamvis putem, detestabilior tamen mihi semper visa est illius hominis memoria, qui privatarum utilitatum cupidine sordida stimulatus coloniz, quam meditabamur, structuram ausus fuit frustrari. Is Hispanos inter in Paraquaria natus, sed non Hispano genere ortus. Nomen illius taceo, quia in aliqua Europæ provincia illustre, ac pervulgatum.

Hic vir opum, quam virtutum, studiosior audebat, agebatque omnia, quæ cum quæstu conjuncta ad augendam rem familiarem facere sibi videbantur. Prædium illi erat omni animalium genere perquam locuples, domusque in Assumptionis urbe. Ex commercio herbæ Thée Paraquariæ potissimum opes corrasit. Ad hæc omnia seu tractanda, seu conservanda ingenti servorum multitudine opus fuit. Indorum sin Mbaeberà contubernia numerosa à me detecta esse, illisque, ut religione imbuerentur, coloniam proxime struendam, intellexerat. Cœpit mox cogitare de istis barbaris ad prædium suum quacunque demum arte transferendis, ut illorum opera æthiopum loco uteretur, qui istic magno pretio venire solent. Hunc in finem idoneos, linguæ Quaraniæ mediocriter gnaros homines mittit, qui barbaris id, quod cupiebat, persuaderent, & quem solis verbis non possent, donis copiosis impetrarent illorum assensum. Aureos Hispanorum in terris montes, vestitum splendidum, mensam quotidie lautissimam, felicitates omnes pollicebantur, piscatores imitati, qui piscibus escam propinant, hamum lethalem abscondunt. Nulli pepercere artificio, ut Jesuiticarum coloniarum horrorem injicerent. In istis esuriem, & quidquid calamitatis est, habitare mentiebantur. Caveant sibi igitur à Jesuitis, & siquidem rebus suis consultum velint, ad Hispani NN. prædium abjecta omni cunctatione, deliberationeque se cum suis, conferant, suaserunt, quin tamen id vel uni persuaderent. Enim vero delirationis genus erat id ab Indis sylvestribus vel petere, vel expectare, qui servitutis metu Hispanorum vicinitatem, immo umbram quoque timent, fugiuntque, ac illorum blanditias prominis, insidiisque habent. Malunt nudi sui juris esse, quam bene vestiti, bene pasti duram servire  
servi-



servitutem. Dum contubernia sua Hispanis perspecta esse, secum ipsi reputaverant, de sua securitate actum esse omnino, seque Hispanorum insidiis undique patere existimarunt, quotidie sibi timendum esse rati, ne Hispano illo, cui morem gerere noluerant, jubente ab armata militum manu in servitutem, exiliumque abriperentur aliquando. Hoc discrimine eorum oculis diu, noctuque obversante, stativa sua mutare, remotissimas ab hac statione latebras circumspicere, statuerunt denique. Redactis mox in cineres tuguriis fugientium potius quam proficiscantium more migrarunt omnes. Quorsum? Id ne divinari quidem unquam potuit.

De hac barbarorum fuga certior factus, in viam me dedi illico cum quadraginta Indis christianis, quos inter Arapotiyū viarum, sylvarumque circum jacentium scientissimus. Verum cheu multa agendo, plurima patiando nihil egimus. Trium caziquiorum, apud quos triduum consumpsi paucos ante menses, gentisque universæ tuguria flammis consumpta deprehendi. Percursatis Monday, & Acaray fluminum litoribus, & quæ interjacent, sylvis ne vestigium quidem hominis videbatur usquam. Cumque spes nulla porro superesset, excussis longe, lateque sylvarum recessibus, lassī, inextique viam remensis sumus. Quæ res cum per omnem provinciam pervulgaretur, boni omnes incredibili læstu conficiebantur. Hispani, Indi christiani Ira exarserant in illum hominem, sua qui avaritia segetem jam messi maturam, ac propediem Ecclesiæ horreis inferendam vastare ausus est. Dum enim illos barbaros suos facere servos conabatur, ne supremi Numinis cultores, & Jesu christi discipuli fierent, impediit. Regius Paraguaræ Gubernator, injecta hujus facinoris mentione,

compresso pugno mensam, cui cum Hispanis primoribus assederam, quatiens: fateor, exclamavit irarum plenissimus, illum hominem quovis stygio dæmone, ipsoque Antichristo fuisse nocentiorum. D. Emanuel de la Torre Paraquariæ Episcopus, ob navatam rei christianæ tot itineribus operam summis me laudibus prosecutus est ore, calamoque; simul nefarium hominem, qui expectatis fructibus obstiterat, diris dignum, christiani, Hispanique nomine indignissimum me adstante pronunciavit, neque impunitum fore, comminatus. Verum comminatio intra verba stetit. Nam, quod quidem sciam, nec gubernator, nec Præsul aliquid contra impium ausus est cognatorum & numero & potentia formidabilem, quos irritare periculosum videbatur utrique in urbe ad seditionem prona, ut ex annalium monumentis patet. Verum magistratu in tanto flagitio connivente divina ultio impium caput multavit.

Multos ære conductos paranda per Mbaebera sylvas herba thée occupaverat. Ingens illius jam paratæ multitudo mulos, quibus in urbem asportaretur, expectabat in Hispanorum laborantium tugurio interim custodita Tugurium editiore in colle situm, arboribus hinc, atque illinc munitum propinques fluminis Acaray ripas junco palustri, altoque gramine luxuriantes despiciebat. Has ingens repente incendium corripuit, ignibus à barbaro subjectis, & rapido cursu progredientibus. Hispanus operis, operarumque præfectus tugurio suo metuens socios decem & octo, ignem propinquantem qui extinguerent, mittit, eodem igne mox extinguendos. Repentinus equidem turbo totam late planitiem celerrime ita inflammaverat. ut Hispani omnes, à fronte, à tergo, à lateribus igne involutos undique se viderent, nullo effugii

effugii loco relicto. In paludes alii insilierant, sed prope siccas. Luto se immerserant alii, sed omnis industria incassum cecidit. Non cremati quidem, sed flammaram imminentium aestu suffocati, tosti, ac vestitu apud plerosque incolumi ad unum omnes assi fuere. Eodem mox vespere tredecim miserrime expirarunt. Terni postridie. Binis aliis calamitosior, quia lentior mors fuit. Ulceribus fordibus, atque enatis inde vermibus scatentes, putrescentesque factorem tam tetrum toto è corpore exhalarunt, ut superstites socii pauculi ad cibum, potumque porrigendum non nisi clausis naribus tuguriolum illud subirent, ubi imoriturientes decubuerunt. Naso, auribus, oculisque orbatum vitam quavis morte acerbiorum denique clausit. Barbari speculatores hanc Hispanorum stragem, quin spectarentur, eminus spectarunt, visa eorum paucitate iam animosiores. Horum aliquis sagittis, clavaque minax, ferroque plumbeo cornatus Hispanorum in tugurium irrepsit, ubi illorum unicus, herbarum paratarum custos, remanserat reliquis tristicum nuncio in urbem regressis, vel per sylvam, nescio, quid quaerentibus. Siccine, torvo vultu illi ait barbarus, vos ausi estis his nemoribus pedem inferre, nunquam vestris? Num ignoratis patrium hoc nobis solum esse, quod ab avis, atavisque hereditarium accepimus? Necdum satis terrarum vobis est, qui campos inmensos, sylvas innumeras maioribus nostris vel repugnantibus, vel conniventibus nullo jure occupastis dudum, ac etiamnum impudenter usurpatis. Adeone pauperes vobis videmini, ut nostris in sylvis divitias quaerere, foliisque, quae potioni serviunt, nostras nudare arbores cogamini? Audaciarum, rapacitatisque vos pudeat vestrarum, poenitebit certe, nam morte luetis aliquando. Siquis nostrum vestro immineret territorio, nullus sum, si vi-

vus ad nos redierit. Exemplum vestrum imitabimur dein. Si sapitis ergo, si vita vobis cordi est, proparate, popularesque monete vestros, ab accessu nostræ sylvæ, ni mori malint, sibi caveant diligenter. Ista barbaro minaciter perorante obmutuit enimvero Hispanus, expalluitque lethalem ictum expectans. Ad vitam servandam secures, cultros, vestes, alias, quæ in promptu erant, reculas tremente porrexerat manu. Quibus donis placatus recessit, sociisque, qui prope latebant, se se adjunxit. Hispanus quamvis hac in statione moram sibi periculosissimam ratus iter fugiens ad urbem arripuit. illico, multis librarum millibus herbæ jam elaboratæ cuius demum fato relictis.


Hoc de 18 Hispanis campi incendio nuper enectis, & de barbarorum comminatione nuncium ingens civitatis perturbatio consecuta est, tantusque sylvarum Mbaebera metus omnium animis injectus, ne non nisi aliquot post menses maximaque mercede conducti invenirentur, qui relictæ istic herbæ multitudinem mulis ad urbem deportarent. Non medio cre damnum in illum redundaverat, qui lucelli desiderio, sordidaque avaritiæ abreptus meditatam pro barbarorum salute coloniam disturbavit. *Sera tamen, ut Tibullus cecinit, tacitis pœna venit pedibus.* Infelicitates enim, resque sinistras, quæ impio homini certatim evenierant, non fortuitos casus, sed vindicta Dei pœnas fuisse, nemo erat, qui dubitaret. Verum atrociora, ni rite pœnitendo facinus expiaverit, illum manent supplicia. Tot sane nominibus orco se dignum reddidit, quot barbaros à religione amplectenda abstinerat, ad quod impetrandum septingenta admodum millia repetitis ad Mbaebera itineribus plerumque pedes, & frequenter nudis pedibus

bus confeci. Tanto labori licet fructus expectatus non responderit, remuneratio haud deerit divina; Humanam equidem neque tuli, neque expectavi. Ea equidem vivimus tempora.

Juvat hic meminisse alterius ad barbaros excursionis, quæ diebus paucioribus defuncta, majoris tamen fructus, solatiumque ferax fuit. Ad Australes fluvii Empalado ripas Hispanorum turma Herbarum Paraguaricæ conficiendæ operam dabat. Deficientibus jam arboribus, e quibus illa folia rescinduntur, exploratores tres emisit, qui trans illud flumen arbores desideratas investigarent. Forte in tugurium, agrumque frumento Turcico constitum incidere, ex quo hanc sylvam barbarorum contuberniis scaterere perperam arguebant. Hæc notitia tanto omnes perculit metu, ut suspensio, ad quem conducti fuerant, labore suis aliquamdiu in tuguriis laterent, ut limax intra concham. Diu noctuque hostilis aggressio formidabatur. Ad liberandos se hoc terrore cursor ad S. Joachimi oppidum missus, qui, ut barbaros istuc habitantes perquiramus, inventosque ad nostram transferamus coloniam flagitavit. Sine tergiversatione operam addixi meam. Licet trium hebdomadum itinere defunctus Nato servatori servatori sacra die ex Mbaëbera domum redierim; S. Joannisapostoli festo iter mox aggressus sum cum quadraginta Indorum meorum comitatu. Fluvii ob continuatum dies complures imbrem turgentibus profectio perardua nobis exstitit. Accepto ex Hispanorum tugurio viarum duce, trajectoque flumine Empalado sylvas omnes ad fluvii Monday mæri ripas usque attentis oculis pervagati, tertio demum die, humano, quod deteximus, vestigio nos ducente ædiculam attigimus, ubi mater vetula, cum filio vicefimam, filiaque

G

quid-



quintum decimum annum agente annis abhinc multis degebat. Quibus in latebris Indi alii versarentur, à me rogata mater: Neminem mortalium præter se, binasque proles, his in sylvis superesse: omnes, qui per hanc viciniam habitaverant, variolarum dira peste dudum extinctos fuisse, respondit. De dicti veritate ancipitem me dum observaret filius: Tunc, ait, fidem adhibueris matri meæ ista affirmanti; Namque ipse ego uxorem mihi quæsiturus remotissimas etiam sylvas identidem percurravi, quin tamen vel hominis umbram reperirem uspiam. En! naturæ instinctu adolescens barbarus, conjugium cum sorore sibi neutiquam licere, intellexit. Is multis post mensibus meo in oppido, nullos præter se homines illis in sylvis degere, iterum, iterumque ingenue mihi asseveravit. Idem confirmarunt Hispani, à quibus evocatus sum, ultra biennium in conquirenda herba dein per illas sylvas occupati, non mediocri cum quæstu.

Vetulam matrem congruis argumentis hortatus sum ad meum ut oppidum, siquidem luberet, commigraret ocyus, se, suosque meliori fortuna illic usuros, pollicitus. Lubenter invitationi meæ obtemperaturam se, respondit; Rem unicam migrationi suæ ob stare. Sunt mihi, ait, tres, quos coram vides, apri à prima ætate mansuefacti; Nos quoque euntes caniculi more sequuntur. Hi, si campum aridum videant, vel extra sylvarum umbram à sole ardenti videantur, peribunt confestim, timeo. Hanc sollicitudinem, quæso, animo ejicias tuo, reposui; cordi mihi fore chara animalcula, nil dubites. Sole æstuate umbram, ubi ubi demum, captabimus. Neque lacunæ, amnes, paludes, ubi refrigerentur tuæ hæc corcula, usquam deerunt. Talibus delinita pro-

tuis

missis se nobiscum ituram, spondit. Et vero post die iter ingressi, calendis Januarii incolumes oppidum attigimus, licet per viam binæ fulminibus, imbrisque horrendis fortæ tempestates nobis incubuerint, ac tigris rugitu assiduo totam per noctem minitans nobis iterum, iterumque propinquaret. Hispanos, quæ matrem duabus cum prolibus per transfennam exhibui, nihilque omnino Indorum sylvestrium in tota late vicinia superesse, significavi, timoris sui & puduit, & pœnituit. Autumaverant equidem sylvas Empalado, & Monday fluminibus interjectas barbarorum habitationibus, perinde ut formicis, undique scatere. Jam de forma, habitudine, vivendi ratione, quam in matre, ejusque prolibus observaveram, dicendum obiter aliquid. Ab ineunte ætate in Monday litoribus, culicum, serpentum, aliorumque animalculorum noxiorum frequentia oppido infectis confedere. Palmarum ramis tuguriolum definiebatur. Aqua semper lutulenta potum; arborum fructus, alces, damulæ, cuniculi, aves variz, frumentum turcicum, radices arboris Mandio dapem, Tela ex foliis caraquarà contexta vestitum, lectumque præbuere. Mel, quod exesis in arboribus passim prostat, inter cupedias numerabatur. Tabacæ, quam peti vocant Quaranii, fumum ex arundine, cui ligneum vasculum Cacabi instar præfixum, diu noctuque hauserat vetula; Filius tabacæ folia in pulverem redacta ore mandere nunquam desit. Concha ad lapidem exacuta pro cultro utebantur, interdum arundine fissa. Adolescens matris, sororisque nutricius bina ferri frustilla; cultri olim contracti reliquias, pollicem lata, & pollice nil longiora, ligno, ceu manubrio inserta, cera, filoque circum ligata Cingulo gestabat suo. Hoc instrumento sagittas scitissime elaborare, decipulas è ligno ad capien-

das





das alces facere, arbores, ubi mellis indicium vide-  
 rat, perfodere, aliaque id genus præstare solebat.  
 Cum argilla, è qua ollæ conficiuntur, nusquam ef-  
 fet, carnibus assis, non coctis vescabantur per om-  
 nem vitam. Herbæ Paraquaricæ folia non nisi fri-  
 gida perfudere, cum vas, quo aquam recepto more  
 calefacerent, non haberent. Ignem per affrictum  
 celerem duorum lignellorum norunt promptissime  
 elicere, omnium Americanorum more, quod alio  
 loco exponam uberius. Ad restinguendam sitim  
 aqua palustri, semperque, ni ab Austro frigido refri-  
 geretur tantisper, tepida utebantur, cui adferendæ,  
 asservandæque ingentes cucurbitæ pro cantharis ser-  
 viunt. Ut, quam curta illis domi fuerit supellex,  
 porro videas, de eorum vestitu facienda est mentio.  
 Juveni lacerna è Caraquata filis concinnata è scapulis  
 ad genua utrinque destinebat; ventre funiculis præ-  
 cincto, è quibus cucurbita tabacæ pulveribus, quos  
 mandit, plenam suspendit. Rete crassioribus è filis  
 matri lectus noctu, interdiu vestis fuit unica. Puel-  
 læ pariter breve reticulum, in quo noctibus cu-  
 babat, per diem vestitus instar fuerat. Cum nimis  
 diaphana mihi videretur, ut verecundiæ consultum  
 irem in Indorum, Hispanorumque præsentia, linteum  
 gossipinum, quo lotas manus tergimus, illius nudi-  
 tati tegendæ destinavi. Puella linteum, quod illi  
 Indi mei porrexerant, iterum, iterumque compli-  
 catum papyri instar, capiti imposuit suo, ceu cly-  
 peum contra solis æstus; verum admonita ab Indis  
 illo se involvit. Juveni quoque, ne verecundos of-  
 fenderet oculos, perizomata linea, quibus in itine-  
 ribus contra culicum morsus caput obvolveram meum,  
 invito obrusi. Prius celsissimas arbores sinij veloci-  
 tate scandebat, ut fructus ab apris tribus devorandos,  
 inde decerperet. Caligis, veluti compedibus impe-  
 ditus



ditus vix gressum figere potuit. Tanta rerum penuria, frugalitate tanta cum in solitudine victitarent semper, ac anachoretarum veterum rigores, asperitateque experirentur, sorte sua contentissimos, tranquillo animo, corporeque morborum nescio illos suspexi. Ex quo palam fit, naturam paucis contentam esse; Erubescant illi, quibus saturandis, ornandisque totus orbis vix suffieit. Ex ultimis terræ finibus, ex oceani, sylvarum, camporum, montium, tellurisque gremio, ex elementis omnibus, & unde non? avide petuntur subsidia, quæ ad comendum corpus, ad oblectandum palatum faciunt. Verum dum oblectare se, ornareque putant, se onerant, opprimuntque. Dum delicias multiplicant suas, opes, viresque iminuunt quotidie, formæ venustatem labefactant, morbos adiscunt sibi, mortemque accelerant eo infeliciores, quo fuerint delicatesiores.

Tres mei sylvicolæ, de quibus sermo, rituum Quaraniis-barbaris propriorum vel immemores, vel contemptores fuerunt. Crinibus passis sine ulla incisione, vel ligamine incedebant. Juveni nec labium pertusum, nec vertex psittacorum plumis coronatus. Matri, filiaque inaurēs nullæ, quamvis illa collo circumdederit monilis loco funiculum, è quo frustilla ligni pyramidati, sat multi ponderis pendebant; E mutuo illorum collisu ad quemvis gressum strepitus edebatur. Primo conspectu interrogavi vetulam: Num ad terrendos culices strepitans hoc monile è collo suspenderit? e Moxque globulorum vitreorum exquisiti coloris fascem ligneis his ponderibus substitui. Mater, filiusque corpore erant procero, forma honesta; Filia vultu tam Candido, tamque eleganti, ut à Pœtis Driadas inter Nymphas, Hamadriadasque numerari, ab Europæo quovis pulchra dicti tuto posset.

Hilaritatem decoram affabilitati conjunctam præse-  
 rebat. Nostro adventu repentiùs inimè terreri,  
 recreari potius videbatur. Quarànica lingua loquen-  
 tes nos liberales inter Cachinos risit, nos illam eà-  
 dem respondentem. Cum enim extra aliorum Indo-  
 rum societatem fratri, matriquè duntaxat colloqueretur,  
 verbis Quarànicis retentis quidem, ridicula  
 quædam dialectus irrepsit. sic *quaraci* sol. *Yaci* luna:  
*cheraci* ægroto dicimus reliqui, & illud c cum sub-  
 jecta notula veluti S. pronunciamus. *quarassi*, *Yassi*,  
*cherassi*; Illi *quaratschi*, *yasbi*, *cheratschi* dicebant. Ju-  
 venis præter matrem, sororemquè nullam unquam vi-  
 dit fœminam; Neque præter patrem suum virum  
 aliquem. Puella matrem duntaxat novit, nullam præ-  
 terea fœminam. Virum præter fratrem suum ne emi-  
 nus quidem conspexit, dum enim utero à matre ge-  
 stabatur, pater ejus à tigride fuerat discerptus. Ad  
 fructus seu humi, seu in arboribus natos conquiren-  
 dos, ad ligna, foco necessaria, colligenda sylvam  
 dumetis, arundinibus, spinisque horrentem solers puel-  
 la peragravit quotidie, quibus pedes misere pertu-  
 sos habebat. Ne incomitata esset, psittacum exilem  
 humero, simiolum brachio insidentem circumtulit  
 plerumque, nullo tigridum metu, queis omnis illa  
 vicinia abundat, vel me ipso teste oculato. Pridie  
 ejus diei, quo in istorum contubernium incurrimus,  
 parum abfuit, quin dormiens à propinqua jam tigride  
 devorarer. Indi mei ejus rugitu expergefacti &  
 hastis & admotis celeriter ignibus vitam servarunt  
 meam. His in nemoribus, cum minor sit ferarum  
 copia, tigrides fame stimulante ferociunt atrocius,  
 avidiusque in obvios assiliunt homines, quam in cam-  
 pis, ubi, cum infinita vis pecorum omnis generis  
 oberret, præda, famisque remedium, quoties lubet,  
 illis in prompta est.

Novi profelyti in oppido mox vestiti reliquorum more, & prae reliquis quotidiano cibo liberaliter refectioni sunt. Curatum quoque à me diligenter, ad sylvas vicinas cum aliis ut excurrant frequentius, umbra, amœnaque arborum, quæ assueverant, viriditate fruituri. Experientia equidem novimus, ut pisces extra aquam cito intereunt, sic barbaros è sylvis ad oppida translatos sæpe contabescere, victus, aerisque mutatione, ac solis potissimum æstu corporum habitudinem perturbante, quippe quæ a pueritia humidis, frigidiusculis, opacisque nemoribus assueverunt. Idem fuit matris, filii, filiaque nostro in oppido fatum. Paucis ab adventu suo hebdomadibus gravedine, rheumateque totum corpus pervadente tentabantur omnes. His oculorum, auriumque dolor, ac haud multo post surditas successit. Mœror animi, cibique omnis fastidium vires absumpsit adeo, ut extrema demum macies, tabesque nullis remediis proficientibus consequeretur. Aliquot mensibus languescens mater senicula, christianæ disciplinæ rudimentis rite imbuta, sacroque tincta latice prima occubuit, animo tam sereno, Divinisque voluntatibus acquiescente, ut illam ad superos transisse nil dubitaverim. Puella, quæ plena vigoris, venustatisque oppidum ingrediebatur, viribus exhausta, sui omnino jam dissimilis, floris instar paulatim marcescens vix ossibus hæsit, ac denique matrem ad tumulum secuta est, & nisi vehementissime fallor, ad Cœlum. Quid si cum Regum sapientissimo dicamus: Illam post sacrum, quo expiata est, baptismâ consummatam in brevi explevisse tempora multa: Placitam Deo fuisse animam illius: Raptam esse, ne malitia mutaret intellectum ejus. Illud certissimum: qui innocentissimæ puellæ integritatem laudibus, funus præproperum lacrymis non prosequeretur, neminem in

oppido fuisse. Frater illius tum superstes eandem, quæ mater, sororque extinctæ sunt, in valetudinem sensit, sed, quia robustior, superavit. Quin & ex morbillis, qui multas in oppido edebant strages, subinde convaluit adeo, ut confirmata penitus valetudine nihil illi porro metuendum esse videretur. Hilari erat animo, statis horis Sacram adivit ædem, christiana dogmata condidicit perdiligenter, morigerum, placidamque se præbuit omnibus, ac frugis optimæ indicia passim dedit. Ad periclitandam tamen illius in oppido perseverantiam tantisper differendam ejus baptismum existimavi. Hæc inter adest forte Indus christianus, qui hunc catechumenum me jubente suis dudum habebat in ædibus, vir probus, & agri dives. Hic: Mi Pater, agebat, sylvicola noster equidem optime valet, verum mihi videtur ad delirandum propendere. Nil sibi jam dolere, sed noctes sibi insomnes abire, inquit, spectabilem sibi matrem cum sorore adesse quot noctibus, & amica voce sibi dicere: *Ndecaray, ndcaray a'nga, nderemimo a eyrupi oro yu yebi ndererababone*. Sine te, quæso, baptizari. Præter tuam expectationem veniemus iterum te abducturæ. Hoc alloquio, hoc aspectu sibi somnum impediri, ait. Jubeas illum meo nomine, respondi, bono esse animo. Tristem matris, sororisque, quibuscum, per omnem ætatem versatus est, recordationem somniorum ejusmodi causam esse. Illas cælo, ut quidem mihi verisimile, receptas nihil jam negotii his in terris habere. Hæc ego. Verum paucos post dies idem redit Indus, eadem, quæ nuper, refert, suamque de timenda catechumeni deliratione suspicionem confirmat. Aliquid rei subesse, suspicatus actutum ejus in domum propero, sedentem deprehendo. Rogatus à me: qui se habeat? incolumen, doloris omnis expertem se esse ridens

reponit, addit tamen: vigilando semper se noctem agere, quod mater, serorque identidem presentes sibi offerantur, de baptismo accelerando moneant, & inopinate se abducendum, minentur; Idcirco nullam se quietis partem capere posse, iterum, iterumque mihi affirmat candore, ut semper alias, summo. Somnari ab illo talia, atque adeo contemni posse, autumaveram; Memor tamen, somnia monitiones Cœlestes, Dei oracula non raro exstitisse, uti divinis ex literis patet, in negotio tanti momenti visum mihi est Catechumeni & securitati & tranquillitati consulere. De illius perseverantia, de religionis capitum scientia sat certus præmissis interrogationibusque necessariis eum sacris undis mox ablui, ludovici nomine insignivi. Hoc a me præstitum 23. Junii, S. Joannis Baptistæ vigilia circa horam decimam antemeridianam. Eodem die circa vesperum nullo morbo, aut apoplexiæ indicio accedente placidissime expiravit.

Hic eventus, universo oppido compertus, quemque juratus testari possum, in admirationem rapuit omnes. Lectoris arbitrio, quid de hoc sentiendum sit, relinquo. Nunquam tamen in animum inducere meum, potui, ut factum hoc fortuitum putarem. Eximie Dei Clementiæ tribuo, quod hi tres sylvicolæ a me sint reperti in ignotis silvarum latebris, quod mihi ad oppidum meum, ad amplectendam religionem se hortanti morem promptissime gesserint, quod sacro latice expiati vitam clauserint. Optimum Numen in Cœlo consociatos voluit, qui tot annos In sylva contubernales fuere incredibili morum integritate. Fateor, dulcissimam mihi etiamnum accidere expeditionis ad flumen Empalado memoriam, quæ licet multis molestiis, periculisque mi-

hicconstiterit, ternis illis sylvicolis felicissima fuit; Hispania utilissima; Hiequidem a me facti certiores, quod per immensos illos nemorum tractus nulla potro Barbarorum vestigia extent, istic per triennium quæstu maximo multa centenariorum millia herbæ Paraquariæ collegunt. Neque id rarum, missionariorum, qui sylvas herbæ feraces barbaris liberant, sudore, ac periculo Hispanos ditescere mercatores. His tamen nunquam in mentem venit ad alendos, vestiendosque Catechumenos vel micam, filumve contribuere. Illorum corpora, ut animi missionariorum sæpissime inopum curæ relinquuntur. Hæc de Tarumensibus Quaraniorum oppidis. Si de hoc argumento multa nimis scripsisse tibi videor, noveris, me plurima memoratu digna silentio præteruisse.

Recentissima, quæ ditionis Paraquayensis est, colonia, Belen dicta, quia Deiparæ Bethlehemiticæ dicata, ad ripas amnis ypanequazû in flumen vicinam Paraquayum mox se effundentis, urbi Assumptionis ad septentrionem sita, anno 1760. condita est pro Indis barbarissimis, qui se Eyiguayegis vocant, ab Hispanis Quaycurû, vel Mbayas dicuntur. Equites sunt dexterrimi, corpore ut vasto, sic proceri plerique, animo Hispanis infensissimo, superstitionum ridicularum, arrogantizque pleno, verecundiam, quod ex illorum vestitu, ac moribus liquet, ne de nomine quidem norunt. Prima apud illos, quin potius unica equorum, armorumque cura, nec minor scientia. Bellum, ni latrocinium mavis dicere, honorificentissimum illis negotium a pueritia; Hoc illustantur apud suos maxime, atque ditescunt. Ab anno 1745. infestis armis Paraquayensem agrum funestarunt pertinaciter. Urbis in conspectu paratæ tot cædes, quas erectæ passim cruces hodie dum

testantur. Exhausta pecoribus prædia, orbataque suis custodibus. Multa equorum millia, mulorumque abacta. Pagi Mandihò, Cariy, alique, qui longius absunt ab urbe, hostiumque territoriis propinquant magis, prope in solitudinem redacti, incolis partim trucidatis, partim, ne trucidarentur, metu dilapsis. Negotiatores ultro, citroque commeantes non pauci jam mercibus, jam vita etiam exuti sunt. Curuqua-  
tenses coloni, qui sylvarum ingentium præsidio contra hos barbaros defendi se putaverant semper, cruentissimam multorum mortibus stragem passi fuere. Superstites tumuland; lamentandisque mortuis vix suffecerant. Pars major provinciæ calamitatum particeps cœdibus, rapinisque deplorandis plus, quam porro impediendis occupabatur; Neque ullum jam malò superesse remedium, existimabat. Milites, qui ad observandos, & si res ferat, reprimendos hostes, quaqua versus excurrerant, illorum pernicitate jam præventi, jam per insidias repente oppressi, jam astu delusi, jam assultu, validaque impressione toties profligati fuere. Barbari quotidianis annorum plurimum victoriis inflati nec Hispanorum armis comprimi unquam poterant, nec blanditiis placari. Anno demum hujus sæculi sexagesimo Dei optimi maximi ope potius, quam humanis artibus pax optata Coælit, coloniaque quo, dixi, loco, barbaris petentibus fuit constituta. Ad illam condendam, procurandamque Pater Josephus sanchez labrador Cordubensi in Academia philosophiæ quondam magister publicus, Quaranos inter aliquamdiu versatus, vir prudentia, solertia, patientiaque insignis, ac rerum naturalium diligens investigator feliciter designatus est. Nulli sane operæ pepercit, ut arduam barbarorum linguam perdisceret, eosque ad humanitatem, ad religionem seu quotidiana institutione, seu beneficiis



ficiis traduceret. Diligentiz, patientizque Patris tantz par utinam fructus respondisset! Caziqiii Epagui-  
ni, qui coloniz przerat Capitanei, ut vulgus ait, no-  
mine, nepos parvulus, infantes complures, ac for-  
tassis adulti, de quorum vita conclamatum, aliquot  
sacro baptismatis fonte lustrati fuerant equidem; Ast  
reliqui per agros fusi huc illuc vagabantur abjecta  
religionis condiscendz cura, ac cupiditate. omni  
tamen laude superior videtur illorum fidelitas; Nam  
pace inita nil hostile usquam adversus Hispanos me-  
ditabantur. Hi Mbayas hostes adhucdum veriti,  
cladiumque acceptarum memores pro alenda illorum  
colonia aureos, ut ajunt, montes sponondere; Eva-  
nescente paulatim metu, calamitatumque memoria  
promissorum quoque immemores parce, vel lente ad-  
modum suppeditaverant, quz ad vitam in oppido  
tolerandam necessaria putantur. Fame szpius pereun-  
dum erat catechumenis, ni palmarum fructus, fe-  
razque ubicunque conquistz carnis bubulz penuriam  
supplevissent. Fidem, numerumque superant labo-  
res, curz, molestiz, vitz discrimina, quibus Patres  
Josephus sanchez, ejusque socii Joannes Garzia, Ema-  
nuel Duran quotidie excruciabantur, per annos com-  
plures. Iste, cujus ultimo loco memini, destinaba-  
tur novz coloniz inchoandz pro natione Indorum  
peditum, quos Quanas, vel chanas, vel Mbayarum  
linqua Niyololas appellamus. Sunt numerosissimi,  
cis, & trans flumen Paraguayum, optimz indolis,  
solertes agricolz. Mbayas pro dominis habent suis,  
iisque servorum instar seu in itineribus, seti in agro-  
rum cultu insignem navare operam consueverunt.  
Orientali in litore Paraguay fluminis ad ripas fluvii  
Aaba, ab aliis Tepoty dicti, ubi novum mox op-  
pidum collocaretur, agros colere, frugesque serere  
sibi utilissimas jam jam Ceperunt. Hoc in solo ut  
fertili,



fertili, sic ad novas nationes detegendas peropportuno a natione tam docili, tam copiosa ingentes rei christianæ progressionem expectabantur. Verum qui hoc oppido inchoando dudum se occupaverat, collectis incredibili labore, quæ ad illud perficiendum, conservandumque valerent, omnibus, cum sociis in Europam redire jubebatur. Eodem anno, quo Paraguariz valediximus, P. Josephus Sanchez Mbayisducibus ad chiquitorum oppida viam feliciter detexit, seu per flumen Paraguayum navigantibus, seu per illius litora equo iter facientibus servitutam, multis abhinc annis ingenti navium, hominumque impendio, quin & cum plurimum vitæ jactura nequidquam toties quæsitam, tentatamque. Anno 1715. hunc in finem missi Patres Augustinus de Arce, & Bartholomæus Blende cum Quaraniarum Christianorum comitatu per flumen Paraguayum. Infinitis miseriis defuncti à barbaris Payaquis crudeliter cæsi sunt denique, Indis comitibus una trucidatis, aliis fuga dilapsis. Sæpe alias per Paraguayum flumen aditus ad Chiquitos tentatus à R. Hervas, P. Michael de Yegros, P. de zea, P. Joanne Neumann Austriaco, qui æruinis diuturnæ navigationis confectus in urbe Assumptionis anno 1704 vix dum redux occubuit. Hæc aliæque plura Patrum tentamenta ut laboriosissima semper sic irrita exstiterunt. Via, quæ ad chiquitorum colonias Missionariis eundem erat hactenus, non asperrima solum, sed & multi temporis fuit. Tucumaniz alpes, altissimas rupes, fluvios cymba, ponteque destitutos, solitudines periculosas hinc aquæ expertes, inde barbarorum insidiis obnoxias transire illos oportuit. His superatis in Camporum planitie cum paludibus identidem luctandum. Accedit: Non nisi statis mensibus ad chiquitorum terras aditum, exitumque ex illis patere; semestri enim spatio imbrium,



brium, qui à Decembri ad Mayum usque quot annis continuantur, alluvionumque præcedentium vi aquis circumfluunt, & veluti pelago obvallantur undique, ut iter meditantibus vadum nusquam superfit. Ad evitanda tot incommoda viz per Paraguayum flumen patefaciendæ inhiatum est tantopere. Per hanc enim navibus compendio temporis, sumptuumque maximo tum missionarii, tum alia oppidis necessaria à Quaraniis ad Chiquitos, & ab his ad illos possent transportari. Quid quod & Regiis Gubernatoribus, belli præsertim tempore magnis fore usibus eadem via putaretur. Hæc quod detecta sit denique, sagacitati, eximique patientiæ Patris Josephi sanchez labrador inacceptis referimus, ceu commune Hispanis, Indisque beneficium; verum, dum illo ad rei christianæ incrementum uti poteramus, in Europam remissi sumus omnes. Nostrum post abitum vix mihi persuadeo florentissima Chiquitorum oppida etiamnum superesse. Causam quæris? ultro dicerem, ni timerem. Veritas odium parit his maxime, quæ vivimus, temporibus. Sed memoratis, quæ Gubernatoris Paraguayensis ditioni subsunt, Indorum Coloniis reliquas provinciæ hujus proprietates persequamur.

Paraguayense Cælum immodicis licet æstuet caloribus, solum tamen utilissimarum frugum passum ferax, Gossipio, Cannis sacchari, tabacca, melle, tritico turcico (Europæo non item) diversissimis leguminibus, mandioca, batatis (quas poma terræ appellamus) varii generis, plantis medicis, uti Rhabbarbo, Alexandrino pari, coloribus, thure, resinis diversis, balsamis, palmis, cedris altissimis, aliisque arboribus tum frugiferis, tum ad navium, ædium, plaustrorum fabricam apprime idoneis, equis præ-

præterea, mulis, bobus, ovibus abundat. Arbores Cupay, ybira payé, & quibus insigne balsamum in Brasilia paratur; Tatayi, quæ flavum, urucuy, quæ rubrum colorem præstant, in silvis passim spectantur. Planta anil, coloris carulei indigo materies; Grana item, nobis cochiniâ, colorruber, ejusdem coloris non nihil pallidioris radices hisspio dictæ; fructus, quos Ananas vocant, aliique palato minime injucundi campos implent. Vineæ per omnem Assumptionis provinciam nulla usquam. Liquor ex cannis sacchari igne expressus crematum vinum plebi præbet; Panem triticeum imandiocæ, vel turcici tritici farina varie parata supplere consuevit. Nobiliores fatinam triticeam ex Boniaeris territorio navibus sibi adferendam Curant. Metalli cujuscunque speciei, nullum istic vestigium, neque lapidum pretiosorum, quos quidem primi ex Hispania advenæ somniaverunt. Psittacorum, simiorumque variz figuræ, alcium, cervorum, damarum, utforum formicariorum, tigrum, leonum, piscium lectissimorum, struthionum, perdicum, Crocodilorum, canum, porcorumque fluviatilium, testudinum prægrandium incredibilis ubique copia. Detrimentine plus, an emolumenti adferant hi ferarum exercitus, non vacat discutere. De serpentum draconum, fomicarum, aliorumque, quæ palam noxia sunt, animalculorum infinita sobole alibi diffuse agemus. Fructus hnic provinciz proprius, atque adeo facile quæstuosissimus Herba est Paraquarica, quæ aquæ ferventi immersa potatur. Istius in historia celebre nomen, sed nomen tantum, & aliquæ ex illa fabulæ, calumniæque. Nemo unus equidem, ni fallor, de herbæ hujus genesi, apparatione, natura, usu, ac pretio enucleate scripsit. Scribam hoc in argumento versatissimus, quia per octen-

octennium inter sylvas, ubi decantata herba conficitur,  
S. Joachimi in oppido versatus.

Folia ex arbore Quaraniis *Caà* resecta, ac lento igne tosta nomenclationem Herbz Paraquaricæ passim obtinuerunt ob analogiam quamdam, ac similitudinem cum herba Thée, quæ ex Asia adfertur; utraque enim aquæ ebullienti injecta medicinæ instar potatur. Arbores cæa in solis Paraquayensis territorii nemoribus à metropoli ducentas admodum leucas remotis sponte sua nascuntur. Gleba humida, ac lutulenta, ut arundines, gaudent. Forma, foliisque, nisi quod molliora sint, pômum auream exprimunt, mole, ac proceritate multum excedunt. Flores exiles, candidos, foliolis quinque instructos racemi in morem habent. Semen illarum maturum piperis Americani semini perquam simile, nisi quod terni, quaternive nuclei minuti, albicantes, oblongieius sub cortice delitescant. Rami ex arboribus his cultro prægrandi rescissi, dum leni flammæ admoventur, nitrati pulveris instar crepitant, mox in trabibus transversim positis Locati subiecto igne torrentur aliquamdiu. His præmissis eadem folia tenerioribus cum ramusculis humi strata repetitis bacillorum ictibus in pulverem rediguntur denique. Hoc modo, qui minus laboris habet, & Hispanis proprius, parata herba *yerba de palos* dicitur, quia ex foliis, & foliorum cauliculis, venisque, quæ ligneum quid habent, constat. Hinc herbam ex ligno vocant; 25 libræ (arroba) hujusmodi herbz in sylvis duobus florenis huiatibus in urbe Assumptionis ob vecturæ sumptus quatuor venduntur. Duplicato pretio venundatur herba Cæa miri quæ à nostris Quaraniis laboriosius, nitidiusque confici solet. Isti equidem cauliculos, venasque majores è foliis evellunt diligenter, & reiciunt.

Folia

Folia lento igne tosta ligneo in mortario leniter tundunt, & ne multum comminuantur, maximopere curant. Quo integriora enim manserint, eo plus saporis, odorisque suavioris habebunt. In pulveres tenues redacta utrumque deperdunt. Risi ignorantiam scriptorum, qui discrimen herbæ de palos, & Caa miri è diversis pendere arboribus asserunt, cum in diversa duntaxat folia parandi methòdo utriusque herbæ discrimen consistat. Ex iisdem enim arboribus folia decerpuntur. Caa miri herbam parvam significat, quæ scilicet exclusis foliorum Cauliculis, & quibuscunque crassioribus ligni particulis ex tenerissimis foliorum partibus, licet non in pulvisculos, ut Hispani faciunt, contritis componitur ab Indis Quaraniis.

Herba rite parata citra rei alienæ admistionem odorem exhalat persuavem; Quod si tamen illi asperseris aliquid ex foliis, vel cortice fructus quabira miri farinæ in modum tritis, duplicabitur odoris suavitas, herbæque sapor jucundior, ac pretium majus accedet. Adhæc: Guminosum quid habet hæc herba; Hinc, dum torretur ad focum, curandum est diligenter, ne nimis exsicceatur. Mercatores herbæ præstantiam exploraturi aliquam ejus particulam palmæ manus injiciunt suæ, ac pleno ore afflant; si multum herbæ avolaverit, illam, ceu nimis tostam, succi, vigorisque expertem aspernantur; si veluti glutine naturali affixa manui adhæserit, illam magni faciunt. Innata est herbæ amarities quædam, hinc saccharo conditur hæc potio. Ab Indis tamen, & plebejis quibusque Hispanis sine condimento quotidie bibitur. Arbor Caa licet in extremis, qui septentriones, Solisque ortum spectant, finibus Paraquariz duntaxat reperiatur, potum tamen non Paraquariis

riis modo omnibus, sed & chilensibus, Peruanisque præbet, quo carere vel unum diem se posse negant, nec desunt, qui horis omnibus illi inhiant sitienter. Hoc, si superis placet, Paraquariæ nectar omnis ordo, ætas, at sexus in deliciis habet perinde, ut alii chocolate, Caffée; Thée sinense vel vinum crematum habere solent. Hæc, de qua mihi sermo, herba cum ex remotissimis Paraquariæ sylvis in remotum Peruvienſe, Chilenſeque regnum mulorum dorſo deportetur, ob itineris asperitatem, & telonii, ex quo æris plurimum in Regium ærarium confluit, ingentes sumptus exaggerato illis in provinciis pretio emi solet. Quadratis è Corio bubulo saccis, quos zurrones, vel tercios appellant Hispani, herba bene compressa clauditur, & ut dixi, à mulis deportatur. Septem arrobas (arroba 25 librarum pondus est) sacci singuli continent, binique mulis singulis imponuntur. Si huic ponderi libras aliquot superaddas, mulus noto, consuetoque oneri jam assuefactus calcitrabit, tergi versabitur, humi se sternet cum onere.

De herbæ Paraquariæ natura, apparatus, ac pretio dixi, quæ in mentem venerant, præcipua; jam de ejus usu, ac virtutibus aliquid memorandum. Vasculum, quo sumitur, ex cornu bubulo, vel ex cucurbita per medium fissa, stigmatibus insigni, quæ apud nobiliores laminis argenteis undique vestita effictum *Mate* vulgus appellat, quo nomine ipsam herbæ potionem significant plerique. Huic vasculo herba, quantum cochlear in mensa usitatum capit, injicitur; saccharo, aquaque frigida permiscetur aliquamdiu, & demum aqua ebulliente perfunditur. Non pauci succum mali citrei, vel limonii adspargunt ad bilem expellendam. Sic præparata herba lacteam quid in superficie spumans ab Hispanis mox sorbetur per

per fistulam argenteam, quæ globulum tenuissime omni ex parte perforatum sibi annexum habet, ne cum aqua herba simul stomacho noxia gutturi irrepit. Alii hunc in finem tubulo ligneo, vel arundine tenui utuntur. Indi, quæis nullus ejusmodi fistularum usus, herbam sæpe multam inviti glutunt, ex qua concretos globulos virides illorum in visceribus ab obitu repertos fuisse, sunt, qui affirmant, perinde, ut in alcium, Huanacorum, rupicaprarum &c. stomachis lapis Bezar (Bezoar perperam dicunt germani) (aliique id genus lapilli, globulive interdumprehenduntur, medicis usibus servituri. Illud exploratissimum: Aquam tepidam, cui herba diutius jam immersa fuerat, citra valetudinis noxam bibi haud posse. Ejusmodi aqua nigrescit, & solum ad augendum atramenti nigrorem atramentariis injicitur. Hinc & herba, quæ per viam plussculum madefacta hominum potui omnino inutilis ad pannos, telasque nigro colore tingendas passim adhibetur, quibus ob gummosam materiam & facile, & diu inhzret.

Si qui tamen rite moderateque hoc herbæ potuantur, cum sibi saluberrimum, multisque nominibus fructuosum experiri solent. Hoc enim alvum, vesicam, suavemque sudorem cieri, cibi appetentiam præstari, vires solis ardore languidas promptissime restaurari, famem cibo deficiente minui ac sistim, maxime si cum aqua frigida sine saccharo herba sorbeatur extingui, constat. Indis certe remigando totum diem fessis, siti, sudoreque fractis robur incredibile accedit, quoties herbam aqua ex flumine hausta mixtam liberaliter hauserunt. Siquis valetudinis causa sudare velit egregie, pharmacopoeo opus non est, aquam cum herba ferventissimam bibat, & decumbat. Si vero stomachus vomitu pur-



gandus videatur, eandem herbam cum aqua tepida potet. Satis est. Has herbæ virtutes mea tot annorum experientia compertas habeo, ac omnium sententia comprobatas novi. Nobis sane omnibus familiare fuit jentaculi instar quotidie hunc herbæ potum sumere, & à meridie iterare quovis Chocolataz, Caffè, vel Thee Asiaticæ usu neglecto, etsi suppetere aliquando. Mihi certe Paraquarica illa potio tantum sapuit, profuitque semper, ut pyxidem herba Theæ sinensi plenam per annos complures ne manu quidem contingendam putaverim. Quid si herbæ nostræ beneficio plerique nostrum valetudine semper integerrima usi, ætatem suam ad extremam, vegetam tamen, senectutem extendere? Verum ut probabilis hæc conjectura, sic indubitatum, immoderato, & horis prope singulis repetito (uti solenne plurimis) hoc potu labefactari stomachum, ructus continuos, morbosque alios adscisci. Men-  
se mecum accubuit Hispanus senex, qui energumenum instar horrendos extremo à barathro edebat ructus idendidem; Hic: En Pater mi! ait, isti sunt herbæ nostræ fructus: Ructo, quoties spiro. Enimvero isti fructus sunt herbæ, quando hæc perinde ut aura hauritur momentis prope singulis. Novi profecto multos è vulgo Hispanos, qui vix decem pronunciare verba, vix pedem, manumve movere norunt aliquoties, quin cucurbitam suam cum herba parata iterum, iterumque ori admoveant suo. Si potatores in Europa non pauci vino, & quovis alio temetigenere ad incitاس rediguntur, haud pauciores in America herbæ Paraquaricæ potatione assidua facultates abliguriunt suas. Quanto enim longius abest Paraquayensibus a sylvis locus, tanto magis herbæ pretium accrescit.



Plura hominum millia herbæ in sylvis remotissimis fabricandæ operam navant semper, nulla anni parte excepta. Plura boum millia ab his operis quot annis absumentur. Ecquis mulorum numeret multitudinem, qui transportandis herbæ sarcinis non occupantur modo, sed etiam conficiuntur viarum asperitatibus, itinerisque diuturnitate? Hinc, qui operas ad herbam conquirendam suis sumptibus conducunt, qui boves, mulos, instrumenta è ferro diversissima suppeditant, rarissime ditescunt. Qui conducuntur ad hanc fabricam, è suis nunquam miseriis emergunt. Ad mercatores solum, qui Peruvjensi, Chilenisque provinciis herbam inferunt, quæstus amplissimus derivatur. Et vero si qui opulentiores existant in universa Paraquaria, illi opes suas non ex boum, ovium, equorum, bubularum pellium, gossypii, sacchari, vel tabacæ mercatu, sed ex herbæ, mulorumque, quos in Peruvium, Chilenæque regnum transferunt, Commercio collegere. Reliquorum Paraquariæ fructuum nundinatio infiniti laboris, modicique lucri esse solet, vel admodum incerti. Audivi sæpe Paraquayenses homines de arborum herbiferarum paucitate conquerentes; sed, fateor ridicula mihi semper visa sunt ejusmodi lamenta, cum ipsimet tantæ paucitatis sint authores. Nam dum recepto more solos ex arboribus ramos rescicare oportebat, ipsos arborum stipites compendii, lucrique promptioris gratia securibus sternunt, illorum scilicet more, qui ovem tonsuri deglubunt, solaque lana haud contenti ipsam detrahunt pellem. Id cum facerent permulti, tot arbores vita, tot arboribus sylvæ quot annis orban tur. Indi hac in re providentiores olitorum more ramos luxuriantes, superfluasque duntaxat frondes putationis instar rescindunt, arbore incolumi, ac plures in annos servitura. Cum genuinæ arbores Cæa non ubique



in promptu, conspectuque sint, novum artificium, maleficio dicam rectius, excogitatum est à quibusdam hominibus ut Incri avidis, sic laborem pertzsis, Ne genuinas arbores operose conquirere cogerentur, sylvas percurfando, ex heterogeneis, aliquantulum tamen similibus arboribus, quæ passim se offerunt, folia scindunt, torrent, & cum Germana herba ad odorem conciliandum permixta emptoribus porrigunt exemplo illorum versipellium, qui vitrum perpolitum pro adamante, farinam pro saccharo, cuprum deauratum pro auro, vel explicatius, venenum pro medicina obtrudunt. Adulterinz enim herbæ: Caà quazù. Caà Verà. Aperea Caà. Caara & alia fraudis instrumenta, capitis, viscerumque acerbissimos dolores, violentissimos vomitus, & nescio, quæ alia hæc bibentibus adferre solent. Ejusmodi Veteratores nocentissimi, si fraus pateat, meritis à magistratu Regio pœnis mulctantur. Me istic agente multa herbæ noxiæ librarum millia ad rogam publico in foro damnata.

Nos, ut tempori, sumptibus, Indorum sudori parceretur, in Quaranicorum oppidorum conspectu, arbores Caà consevimus, è quibus paucissimi temporis intervallo sylvæ ingentes exortæ. Quam quidem industriam nostrorum hominum Coloni Hispani si imitari vellent, næ! rebus suis, fortunisque maxime opere consultum irent. Sed modus id præstandi plerisque omnibus peregrinus, quin etiam perarduus. Sylvas ejusmodi plantandi labor arte indiget, ac patientia, & multarum manuum negotium est equidem. Semen Caà, cujus formam paulo ante descripsi, cum insigniter viscosum, glutinosumque sit, aquis ter, quaterve mutatis abluendum est solerter, dum denique gluten illud nativum, quod Saponis instar spu-

mam

manu in aqua relinquit, penitissime abstergatur. Quod si id unum neglexeris, operam, expectationemque eludes tuam. Glebam, cui semen præparatum inseritur, non rigare solum obiter, sed & aquis liberalissime perfundere identidem oportebit, ut prope lutosa evadat. His cautissime præmissis fortunæ tribuas, si vel quarto mense germinis aliquid ex semine alte defosso prodiderit sese. Plantæ jamjam adolescentes, brassicarum instar, transferendæ ad locum sylvæ destinatum; collocandæque magno utrinque, ac æquali intervallo, ne, postquam adoleverint, altera alteri sit impedimento, detrimentoque. Decoris addes plurimum, si sylvam multiplici serie, pulchroque ordine arborum, ceu hortum, definiveris. Scrobs cubitos binos altus, totidem latus, qui aquam pluviam recipiat, retineatque, fodiendus; In scrobium singulorum medio singulæ plantæ insignuntur. Adhucdum teneræ arbusculæ stramineo in fastigium desinente tentoriolo adversus pruina, furentesque Austros muniendæ sunt singulæ. Hoc sine præsidio vel frigore, vel sæviori turbine interibunt omnes. Hinc per omnes Boni aeris, Tucumanicæque fines, quod aura frigidiuscula, arborem herberam deprehendes nusquam. In extremis ad Septentriones limitibus Paraquariæ, ubi cœli æstus acrior, pertinaciorque, hujus plantæ seminaria spectantur. Illud quoque extra dubium: Arbores Cæa humanis artibus, manibusque satas ac educatas nunquam in tantam assurgere proceritatem, quam illis sponte sua per sylvas nascentibus natura tribuere consuevit. Plantarum tamen à nobis, cultæque exacto triennio, quadrienniove largam foliorum, quæ pro fructu sunt, messem indulgebunt, ut adeo labori, quo sylvæ artificiosæ conferuntur, utilitates non penitendæ soleant respondere. Majori & tem-

poris compendio, & citra omnem difficultatem sylvarum ab avibus variis plantantur. Istæ semina arborum herbiferarum avidissime vorant, sed cum ob gluten illis innatum stomachus concoquere nequeat, dum alvum dejiciunt, illa semina prope integra egeruntur, & solo humido illapsa novarum quotidie arborum, & paulatim sylvarum sunt origo.

Rogatus sum a permultis, cur Paraquarica herba, quam ipsi Europæi in America australi tantopere probant, ad Europæas provincias, mercium aliarum instar, nunquam deportetur? Multis nominibus illud negligi, respondi. Imprimis vix plus ejusmodi herbarum conficitur, quam Americanis sufficiat. Hispani Paraquarienses, si nationum aliarum exemplo tam sitienter commerciis, lucrisque inhiarent, non herbam modo, sed multa alia Europæ profutura transmittere possent. Rara est, bello præsertim fervente, navium copia, securitas nulla. Ad hæc herba si aliquot annis consenuerit, expirat, & nativa amœnitate amissa corium olet ex Moscovia allatum ad solearum usus; A Paraqueriis ad tingendas, ut dixeram, atro colore telas damnatur. Europæi cum hæc herbam ne primoribus quidem labris gustarint unquam, illam nec cūctant, nec ex America petunt, petituri certe, virtutes ejus si nossent. Audi, quod in Paraquaria nobis relatum sæpe. Philippo quinto imperante Anglis permissum, binas naves scavis Africanis onustas quot annis ad portum Boni aeris conducere, & hujus commercii gratia eadem in urbe domicilium habere. Opportunitate in rem suam usi, quidquid exterarum mercium est, Hispanis plaudentibus advexerunt; Exotica animalia, alia, quæcunque Paraquariz solum procreat, in Angliam misere suam. Herba Paraquarica  
vix

vix delibata apud omnes hominum ordines, nullo sexus discrimine, palmam, plausumque tulit. Londini negotiatores, dum herbam Thee, quæ ex Asia adfertur, jam contemptui passim esse, commerciumque, quod sibi semper alias quæstuosissimum fuerat, magis magisque indies elanguescere viderunt, nullum non moverunt lapidem, allata ex Paraquaria herba quam primum ex universis Britonum finibus ut proscriberetur. Magna iis, qui id præstarent, oblata præmia. Haud defuit venalis medicaster, qui elato supercilio, stentoria voce: herbam Paraquaricam mulierum & fœcunditati, & pulchritudini omnino exitiabilem videri, cane pejus, & angue fugiendam esse, palam pronuntiavit. Hæc auro emptæ sententia tanti apud Anglos erat ponderis, ut mox innocens hæc herba ad æternam oblivionem, ad commune odium, exiliumque damnaretur Londini. Historiane, an fabulis adnumerandum id omne sit, ignoro. Illud certum, ab Hispanis me id accepisse, mihiq; verisimillimum videri, perpensa Anglorum, quam de forma, fertilitateque suarum habent, religiosa solitudine. Cæterum pro innocentia Paraquaricæ herbæ stabunt milliones hominum, qui australi in America huic potioni liberaliter indulgent quotidie, neque tamen seu pulchritudinis, si quam liberalior natura concessit, seu fœcunditatis detrimentum experiuntur, impedimentumve.

Totus excandescō, quoties apud Historicos, Lexicographos, ephemeridum publicarum scriptores lego: Herbæ Paraquaricæ monopolium Jesuitas habuisse. Putidissimum enim hoc, & universa Paraquaria teste impudentissimum est mendacium. Omnibus promiscue ut bibere, sic conficere, vendereque licuit semper memoratam toties herbam. Hispani

ni quicumque nullo non anni tempore multa centenariorum millia herbarum istius ad urbes Corrientes, sanctae Fidei, Boni aeris, vastis navibus devehunt, indeque ad Tucumanorum, Peruvianorum, Chilen- sium loca partim plaustris, partim mulis transferenda curant, Jesuitarum nemine seu interrogato, seu repugnante seu repugnandi jus aliquod sibi arrogare auso. Indi Quaranii, quorum curam gefimus, 31 oppidorum incolae herbam Caà mīri duntaxat conficiunt, venduntque nobiliorum usibus servituram. Hujus fabrica multo laboriosior cum sit, ab Hispanis omnino negligitur, herba illa ignobiliori Caà depalos semper occupatis. Herbarum, quam Hispani quotannis vendunt, copia tantum excedit herbam a Quaraniis vendi solitam, quantum integra hominis manus digitum auricularem. Quaraniorum equidem oppidis singulis definitum herbarum, quem anno quovis vendere liceat, numerum regiae praescripserunt leges; Hispanis nulli hoc in commercio limites positi. In plerisque Paraquariae locis nullus omnino est monetae usus; Herba usitatissimum monetae supplementum fuit semper. Ex hujus mercatu Quaranicis in oppidis annum pro singulis capitibus tributum Regi pendimus, templorum, quae ornatissima semper, supellectilem, instrumenta ferrea aliaque Indis necessaria procuravimus. Illorum, per duo & triginta oppida, centum facile millia numerabantur. Ut vel extremae singulorum necessitati fiat satis, quantis sumptibus, quantis Patrum, qui ea oppida procuraverant, sollicitudinibus opus fuerit, conjice, praesertim cum ferrum, & quidquid mercium ex Europa adfertur, in Paraquaria exaggerato admodum pretio veneat. Neque Collegiorum procuratores, qui praediorum suorum pecora, aliasque fruges pro herba, istam pro coemendis utensilibus pecu-

pecuniz loco præbent, usitata isthæ rerum permutatione, negotiatoribus herbæ citra calumniam possunt accenseri. Collegiorum enim conditores recepto jam more non pagos vectigales, non pecuniz summam in fœnore positam, quod in Europa solet, sed campos, variique generis pecora alendis incolis, ædibus, templisque conservandis assignant. Campi, prædique fructus pecuniz loco sunt, quibus necessaria quæque comparanda; id quod sine rerum permutatione præstari nequitquam potest. Hanc permutationem rerum, ni inedia perire mallems, utique necessariam vel ignorantes, vel malevoli negotiationem appellarunt. Quanti, quamque ridiculi clamores tot libellis mendacibus excitati sunt contra Jesuitas lusitanos, quod saccharum e Brasilia sibi allatum vendiderint, cum tamen aliud præterea vitæ subsidium a collegii sui conditore non accepissent. Sic ignorantia interdum interdum præceps calumniandi libido factis rectissimis colorem sceleris illinere, innocentes reos facere consuevit.

De herba Paraquarica postquam satis superque disseruimus, de Tabacæ planta, quæ paraquayensi in solo lætissime provenit, dicendum aliquid. Hæc jam in campis, jam in sylvis feritur, ac utrobique pari fertilitate adolescit. Sunt, qui tabaccam in sylva natam præstantiorem putant. Illius folia in aëre tantisper siccata, ac in fasciculos vimine adstricta manduntur ab aliis, ab aliis, ut fumum ore accipiant, accenduntur, a paucissimis in pulvisculos redacta naribus attrahuntur. Hunc enim in finem tabaca solum Hispali confecta nobilioribus est usui, quamvis libra quatuor minimum scutis hispanicis (quæ octo florenis germanicis æquivalent). sæpe pluribus vendatur in Paraquaria. Certum equidem, Paraquayensem

-yensem tabaccam illa odoris suavitate haud pollere,  
 quam tabaca e Virginia vel ex insula Cuba allata  
 effundere solet. Prima folia, quæ in Paraquaria ma-  
 turescunt, prægrandia sunt, ac longitudine ulnam  
 sæpe excedunt, quæ progressa temporis colliguntur,  
 magis, magisque decrescunt. Tabacæ fumum sine  
 ullo tubulo, vel vasculo haurire solent plerique in  
 Paraquaria. Modum accipe. Folium tabacæ, nul-  
 la ex parte perforatum, forficula quadratur digiti  
 majoris longitudine, latitudineque. Huius in me-  
 dio collocatur foliolum aliud digitis compressum,  
 & exteriori illi, majorique folio involvitur, convol-  
 viturque utriusque manus ope. Huius extremitatem  
 alteram accende, alteram ori inferere, fumumque inde  
 expirantem accipe. Ipsum tabacæ folium hac ratione  
 convolutum pro tubulo est, ex quo alii fumum re-  
 cipiunt, qui tabacæ fuligine picea infectus stygiam  
 exhalat mephitim, ni laboriose expurgetur identidem.  
 Munditia, compendioque majori fumum tabacæ sor-  
 bent Hispani; qui plura ejusmodi tabacæ foliorum  
 involucria (Zigarros vocant) thecæ inclusa circum-  
 ferunt, & pro arbitrio singula accendunt, militum  
 more, qui portiones pulveris pyrii singulis sclopeti  
 ictibus suffecturas, theca clausas in promptu habent.  
 Vetulæ Hispanæ in urbibus hos, ut appellant, Zi-  
 garros concinnant, venalesque offerunt. Vulgus ta-  
 baccam minutatim concisam papyro, vel sicco folio  
 turcici frumenti involvit, inflammatque; Verum  
 istiusmodi fumum humano officere capiti extra con-  
 troversiam est. Illud singulare, non nautas solum,  
 milites, cæterumque vulgus, uti in Germania moris  
 est, sed & superioris ordinis Hispanos fumantibus  
 tabacæ foliis uti perfrequenter, atque adeo oblectari.  
 Memini centurionis Hispani mei per plurium hebdo-  
 madum iter comitis. Hic tabaca deficiente fumum  
 her-



herbæ Paraquariæ tubulo hausit sæpissime. Quorsum, aut qua utilitate istud ageret? a me rogatus; Assuetudini ut faciam satis meæ. Haud equidem vivere me puto, nisi fumum, quisquis demum sit, meos videam ante nares, respondit. Novi & Gubernatorem regium, qui fistulam argenteam cum tabacæ foliis circumferebat, eaque utebatur identidem, etiam aliena in domo vel nobiliores inter versatus. Tabacæ fumo ingenium sibi incredibiliter exacui, seque per hunc negotiis gravissimis aptari, dictitabat.

In finitima Paraquayis Brasilia tabacæ folia in funes contorquent Lusitani, eaque singularibus industriis parata vel in pulveres rediguntur, vel manduntur, vel eorum fumus ore hauritur. Fidem superat, quantis laudibus Brasiliensis hac tabacca a medicis extollatur, quam avide ab Europæis expetatur. Incredibilem ejus copiam vel soli Hispani consumunt quotannis ad salivam ciendam. Hoc solo tabacæ mercatu milliones ex Hispania ad Lusitanos, mercis tam expetitæ unicos venditores avolarunt. Annua tanti argenti ad externos migratio ut cohiberetur, a Carolo tertio rege catholico sub annum 1765 imperatum paraquayis Hispanis, Indisque, suam ut tabaccam brasiliensi haud inferiorem Lusitanorum ritu concinnarent dein, regis Præfectis statuto pretio vendendam, quæstu omni ad ærarium regium confluentem. Morem gessere omnes regis præcepto, quamvis inviti, cum nova hæc tabacæ fabrica multi laboris, lucri prope nullius pro laborantibus esset. Missi a Gubernatore Assumptionis quaquaversus Lusitani, qui ignotæ artis magistros agerent. Audi totum artificium. Nam & in oppido S. Joachimi, cui præfueram, pro nostra adversus Regem observantia brasiliensi huic scholæ aures, oculos,


ma-

manusque accomodavimus. Trecentæ molestiæ mihi erant devorandæ, Indos ut meos accurationi exquisitæ assvefacerem, qua languente oleum, & opera perditur hac in fabrica. Breviter, quidquid observandum venit, dicam. Tabacæ folia matura putantur, dum illorum extremitas flavescit, marcescitque. Decerpuntur horis antemeridianis, quia tunc humidiora. Ex arundinibus mox suspensa, ut tantisper efficcantur, sub umbra tecti conquiescant horas aliquot. Caulis, qui per medium folii excurrit, vel stipite contunditur, vel, quod multo tutius, omnino evellitur. Folia sic præparata rotæ, quæ circumagitur, auxilio, ut cannabis a restione solet, in funes contorquentur, ac supra lignum cylindricum circumvolvuntur. Hic cylindrus sua cum tabaca sub umbra tecti collocatur ita, ut solis calorem sentiat, haud tamen a radiis solis contingatur. Tabaca sic in spiras supra cylindrum compressa succum nigrum glutinosum sudat, qui in pelvim subjectam stillando defluit; Hic succus ut quotidie manat, sic quotidie supra illas tabacæ spiras effundendus; ut vero tota massa hoc liquore penetretur, macereturque, tabacæ spiras quotidie revolvere, & ex uno in alium cylindrum transferre oportebit. Hac ratione enim pars tabacæ infima, quæ primo cylindro inhæsit, ad alterum translata superficiem occupat, æquabiliter succum imbibit, nigrescit, pinguescitque laridi instar. Ad hoc impetrandum hæc tabacæ ex cylindro altero ad alterum translatio, aspersioque in plures hebdomades proseguenda erit diligenter. Odoris suavitas tabacam numeris omnibus absolutam prodet. Ne exarescat, in loco humido erit conservanda, removendaque omnia, quæ heterogeneous odorem possent afflare. Tabacam hæc modo paratam Lusitani in frustilla concidunt; hæc in olla recenti prunis imposita torrent,

ac ligno tereti circumacta in pulveres minutissimos redigunt, per omnem Lusitaniam narium mox delicias futuros. Fateor, hos pulveres, prunarum ope factos, quia semper ignem redolent, exterorum naribus dissipere. Praeferenda utique Bohemorum methodus, qui tabaccam Brasiliensem lamina foraminibus tenuissimis exasperata perfricare consueverunt. De tabaca, ejusque usu vario apud Americanos mentio alias recurret.

Quamvis igitur herbae, tabacae, gossipii, saccharique commercium, ac frugum diversarum ubertas colonis paraquayensibus multiplicem offerat ditescendi occasionem, divites tamen isthic invenias tam paucos, manus unius digitis enumerari ut possent. Multa illis divitiarum instrumenta, ast impedimenta multo plura. Jam ab ipsis provinciae hujus incubulis cruentae seditiones, bella civilia, lites, simulatesque perniciosae cum regis gubernatoribus, & Episcopis nonnullis, aliae ex aliis ad nostram usque aetatem discordiae Hispanorum opes magnopere acciderunt. Quantus hic pateret lamentandi campus, si tragoedias, quae urbem Assumptionis vel hoc, quod agimus, seculo funestant, memorare animus mihi foret. Barbarae adhaec nationes: Quaycurus, Lenguas, Mocobii, Tobae, Abipones, Mbayae, equites omnes, annis superioribus hanc provinciam caedibus, latrocinisque miserandum in modum attenuaverant, quin miseris incolis aut respirandi locus, aut resistendi modus superesset. Defuerunt saepe duces militibus, plerumque milites ducibus. Non raro animi & vigilantia utrobique desiderabatur, praecipuum illud contra barbaros praefidium, qui minime expectati irruere, ac subitis incursionibus sui securos Hispanos vincere consue-

runt



runt, celeritate, quam armis formidabiliores. Ad eludendas porro istorum insidias per Paraguayi fluminis litora munitiunculae e sudibus passim structae, instructaeque una machina bellica, qua explosa, si qui barbari in conspectum se dederint, tempestive admonentur vicini, ut vel fugam, vel, si res ferat, arma capiant. Tormenti bellici tonitru per munitiunculas non multo intervallo a se distantes repetito hostium eminus visorum adventus celerissime ipsi metropoli significatur, quod sane ad praeventendas strages multum conferre experti sumus. Legionario milite haec cum careat provincia, ipsi coloni jam in illis munitiunculis excubare aliquandiu, jam, quoties Gubernatori visum, adversus barbaros excurrere jubentur. His militae oneribus menses aliquot praefissi quotannis per crebram, longamque absentiam rem familiarem, familiam, agri cultum, commerciumque negligere coguntur. En praecipuam paupertatis seu originem, seu occasionem! Pauperiores enim ad belli molestias, militaresque functiones soli damnantur, ditioribus, nobilioribusque ad augendas opes domi relictis. Jam id vetus mos passim obtinuit. Praeter equites barbaros barbarissimos quoque Payaguas calamitatum hujus provinciae authores fuisse, quis nescit? Hi piratae atrocissimi per Paraguayum, & Paranam fluvios linitibus, qui quadraginta viros capiunt, volitantes annis plurimis Hispanorum naves, nautis trucidatis, intercepterant, quibus merces vel ad portum Boni aeris delatae, vel inde allatae fuerunt. Navigatione quotidianis prope latrocinis interrupta negotiatio quoque, opum origo, interdicitur, dum denique Raphael de la Moneda regius gubernator piratarum audaciam compressit, repetitisque feliciter per flumen excursionibus eos ad flagitandam pacem adegit, quae indulta hac potissimum conditio-

one,

one, ut in Paragwayi litore, in ipso Assumptionis urbis conspectu quieti agerent. Multis abhinc annis pactorum tenaces citra noxam assignato in loco versantur, quatinus semper nostris a sacris tam alieni, ut ad illa complectenda nec episcoporum, nec gubernatorum, nec sacerdotum suasu perducere se unquam patiantur. Superstitionum, quibus a pueritia insueverant, pertinax studium, improba christianorum, quæ illorum oculis obversantur quotidie, exempla, misera indorum, qui Hispanis famulantur, servitus legem christi illis invisam reddunt, ac formidabilem. Illos, ceu victimas orco devotas, sine commiserationis tenerrimæ sensu spectare haud potui, quamvis & per urbem vagantes, & suo in contubernio confidentes sæpiissime viderim. Proceri sunt omnes, & si qui alii per Americam, lacertosi. Horrificam, quam natura dedit, formam adscitis ornamentis augent. Terebrato inferiori labio tubum prælongum jam ligneum, jam splendenti ex ære conflatum, qui pectus attingat, insigunt. Auriculæ uni alam prægrandis vulturis alligant. Capilli purpureo succo, ceu sanguine bubulo, liberaliter tincti splendescunt. Et collo, & brachiis, & suris globulorum vitreorum ingentes fascies bajulant. Corpus universum a capite ad calcem maxima colorum varietate pingunt, opus tessellatum ut videatur. Hinc piscium, quos Hispanis vendunt, pretium illis fere desideratissimum esse speculum solet; quo scilicet ad averas corporis partes pingendas uti consueverunt. Fœminæ cujuscunque ætatis vestibus e lana a se scitissime contextis decenter teguntur. Mares splendide vestiti sibi videntur, si eleganter picti. Ut contubernia sua, sic & urbem & Hispanorum ædes nudissimi obambulaverant quondam. Qua nuditate christianam laceffi verecundiam ratus gubernator, Payaquarem mastix, Raphael de la

Moneda indusiorum ex rudi Gossypio multitudinem consuendam curat, barbaris adultis mox distribuendam addita hac lege: si quis illorum nudus urbem porro ingrediatur, ad infamem, quæ in foro est, columnam vapulet quinquaginta ictibus. Quænti apud eos ponderis fuerit hæc comminatio, ex uno collige eventu. Illorum quispiam venales pisces ad domum matronæ Hispanæ attulerat, pretiique loco fructus quosdam (Mani vel mandubi vocant, amygdalorum saporem referunt) accepit. Illos, cum saccus, ubi recondenderentur, deesset, extremitate indusii pubetenus elevati complexus est. Abiens cum ad cubiculi portam consisteret, secum cogitare cepit: Talem incedendi modum verecundiæ contrarium a gubernatore, si viderit, plectendum fustuario publico. Territus hac cogitatione ad matronam redit ceu facti poenitens, vocem *Moneda* minaci digito sibi ingeminat, demissa indusii parte anteriori fructus effundit humi, moxque in alteram, quæ a dorso est, indusii partem injectos lætus asportat; hac ratione decenter se, impuneque foro urbis inambulaturum, arbitratus. Intimis hausere sibilis gubernatoris strenui metum, cui, licet dudum ad Boni aeris civitatem discesserit, tribuendum hodie, quod urbs Assumptionis Payaquis & pacatos, & in foro verecundos videat etiamnum. Lingua utuntur propria, quamvis ob quotidianam cum Hispanis consuetudinem & Hispanicum, & quaranicum quid balbutire didicerint plerique. Ritibus nuptialibus, funebribus, natalitiis, militaribus, ac ridiculis superstitionibus abundant. Hastis prælongis, arcu, sagittis, clavaque armantur; sed illorum calliditas præ armis timenda. Hispanis a primo eorum in Paraquariam adventu quantum semper facessiverint negotii, annales loquuntur. Singuli singulis familiis sunt lintres, angusti quidem, sed

sed prælongi. Uno remo qui mucronis instar in cuspidem definit, aguntur, & vel levissimo impulsu, quoquo lubet, adverso perinde ac secundo flumine volitant. Velocitas structuræ debetur. Illorum carina vix tribus palmis in medio aquam contingit; carina reliqua proram, puppinque versus arcus instar curvatur, & ex aquis eminet. Utraque lintris extremitas æqualiter acuta est, & unaquaque, ut visum fuerit, jam proram, jam puppi agit. Vel procellosissimo flumini serena fronte se, familiamque credunt suam. Si quando, quod rarissimum, validiori fluctu invertatur linter, illi inverso insidens Payaqua, ut eques equo, captum prosequitur iter. Quoties e litore prospiciens Payaquam Spumantes inter fluctus rabido cum flumine luctantem simul, simul ridentem demitabar, quem vorticibus jam hauriendum jamque timueram. Verum piratica hæc natio aquam elementum putat suum, & extra illud duntaxat pericula sibi metuit. Montes volvantur aquarum, tota virium contentione sæviat Æolus, ultimæ puppis extremitati insistens Payaqua, ut semper alias, impavidus remo undas dividit, repellitque, ac lintrem majori sui parte ex aquis prostantem, erectumque celerrime propellit. Piscem aquis submersum perisse, nunquam audieris; neque Payaugarum aliquem. Hi enim nandi scientia piscibus pares. In imos fluminis gurgites præcipitant se se, illis diutissime immorantur, & post multum temporis spatium, locoque remotissimo in litus prodeunt, pisce, quem sub aquis prehenderant, onusti. Quotidiana hæc ad Paraguayi fluminis ripas, Europæorumque oculis digna spectacula. Ut in linterium usu, sic fabrica admirationem, quin & commiserationem merentur. Ignis, & saxeæ secures unica illis instrumenta, quibus vastissimas arbores, Servata æquilibritatis lege, scitissi-

me cavare norunt. Duplex illis linterium genus. Minores piscationi, quotidianisque profectionibus destinantur. Majores belli usibus. Hi quadraginta admodum bellatores capiunt: Si in Hispanos expeditio suscipienda, plures ejusmodi in classem coalescunt eo periculosiores, quod tantilla aquarum altitudine contenti intra amplum minorum vel insularum latebras abdere se queant, dum opportunitas se offerat denique naves mercibus onustas diripiendi, vel exscensione facta Hispanorum colonias invadendi, dum tuta videbantur omnia. Hi barbari, considerata eorum superficie, licet belluarum magis, quam hominum simulacra putentur ab Europæis, ingenio tamen in parandis insidiis valent callidissimo, ut Hannibalis in schola omnes fallendi, nocendique artes condidicisse videri possent. Plures certe strages astu, quam virtute ediderunt. Ab urbe Assumptionis austrum versus ad quadringentas leucas linteribus suis in obvias Hispanorum naves, coloniasque grassabantur annis permultis. Assumptionis, septemcurrentium, sanctæ fidei urbes, boni aeris viciniam, quaranica, Hispanicaque oppida testes appello. Cadaverum acervi, abacti puerorum, puellarumque greges, in cineres redactæ domus, merces, & quidquid pretiosæ suppellectilis, abreptum, sacræ ædiculæ vastaræ monumenta sunt barbaræ Piratarum ferociæ, fallaciæque documenta, quæ, sub meum in Paraquariam adventum, in recenti hominum memoria versabantur. Præcipuis sane felicitatibus adnumerandum, quod regius ille, quem sæpius laudavi, gubernator hanc piraticæ fecis licentiam refrenarit. Noveris tamen, superesse etiamnum numerosas Payaquarum tribus, nullo, seu patris seu amicitie vinculo Hispanis adstrictas, neque tamen illis metuendas, quod ab urbe Assumptionis remotæ in Borealibus Paraquayi fluminis,



his, amniumque cum illo coeuntium litoribus vententur, quæ Hispani rarissime adeunt. Lusitani tamen, qui in oppido cuyaba confident, ab illis Payaquis piraticam adhucdum exercentibus capiuntur interdum, interdum ceduntur. Sed, ut agilis, sagax, ac sclopetorum usu formidabilior est lusitana natio, vix impune ista ferunt barbari. Par pari quamprimum refertur. Non nulla, quæ ad Payaquarum mores pertinent, suis dispersa locis per historiarum decursum invenies.

Boniaeris, fluminis argentei, Tucumaniz, Assumptionisque præfecturis regiis adnumeranda venit regio, cui Chaco nomen, ex vocabulo *Chacà* detortum, quod lingua Cuscana, seu Peruana cumulum ferarum significat, quæ venatu captæ, unoque collectæ in loco jacent. Cum ista, de qua dicere instituo, provincia nationum multarum portus, atque perfugium sit, non abs re nomen Chaco illi veteres indiderunt. Ad trecentas leucas longitudinis, ad centum latitudinis protenditur. Pauciores numerant alii, qui suo pro arbitratu arctiores illi limites definiunt, ac solum illam planitiem, quam *Los llanos de Manso* Hispani appellant, hoc nomine Chaco volunt comprehendere. Tucumania, regio de las Charcas, sancta Cruz de la Sierra, flumen argentum & Paraguayus Chacum ambiunt, cinguntque à lateribus montes, qui ab urbe Cordubensi ad argenti fodinas Peruvianas urbium lites, & Potosi, indeque ad sanctam crucem de la sierra, ac denique ad Lacum Mamoré, ubi desinunt, continuata jugorum serie porriguntur. Omnis hæc, quæ patet, tellus cœli temperie salubri, Gleba ubere, ac pinqui gaudet. Hinc in amœnos colliculos placide assurgit, inde in Valles fertiles deprimitur, quæ equis, omnique pe-

eorum generi heta passim offerunt pascua. Sylvis interjectis, arborumque eximiarum varietate superbit undique. Quà Peruvio imminet, peringentia terrarum spatia saxa, rupesque cœlo minantes ostendit; Austrum versus lapidibus, quin, etsi ad quatuordecim orgias terram foderis, lapillis, arenisque omnino destituitur. Et campi, & nemora, & fluvii, & lacus, atque adeo aer totus innumeras venandi opportunitates præbent; Nam ubique ferarum peregrinarum, piscium, amphibiorum, avium incredibilis ut multitudo; sic varietas oculis obversatur. De singulis agemus subinde. Præter lacus, rivosque, qui certatim affluunt, nobilioribus solum rigatur fluviiis, qui ruptis obicibus, aucto aquarum pondere, extra ripas effunduntur sæpe, camposque declives longe, lateque submergunt. Præcipui in Chaco nominis est, flumen grande, vel rubrum. El rio grande, vel Vermejo Hispanis. Inatê Abiponibus. Nascitur Peruvianis in alpibus, amnium plurimorum accessione grandescit, navium subinde minorum patiens. Præalto alveo, cursuque rapidissimo defluit, natantibus, quod Indi sæpe fatebantur, periculosum; urbes Quadalcazar, & conceptionis, a barbaris dudum vastatæ, alluit, indeque triginta circiter leucas progressum Paraquayo fluvio miscetur, qui exiguo post intervallo in urbis correntinæ conspectu Paraná se se associat, prope urbem Boniæ fluminis argentei nomen habituro, *rio dela plata*. Argentum Peruvianum per flumen grande, & Paranam ad boniæ portum magno viarum, sumptuumque compendio quondam deportabatur, Regi, Hispanisque mercatoribus subinde oceano advehendum. Hæc navigatio multis abhinc annis partim barbarorum ripas hujus fluminis insidentium metu, partim scopulorum latentium suspicione penitus intermissa est. Aquas flumi-

fluminis grandis, ubique piscosissimi, omnino salu-  
tares prædicant historie, sed iis maxime, qui urinæ  
difficultate, vesicæve morbis affecti, contra quos  
herba quadam succi lactei utuntur, quæ la yerba de  
orina, vel lamœona audit, & in fluvii huius margi-  
nibus procreatur. Aquarum præstantia, quam ab  
origine traxit sua flumen grande, ab omnibus tetris, quos  
absorbet per viam, depravatur denique, & ad Pa-  
raquayum, qui seu a colore, seu a sapore com-  
mendari nusquam potest, magis corrumpendum con-  
fert non parum. Secundum ab hoc flumine locum  
obinet Pilcomayus. E Peruvianis item montibus  
profluit. Intercapedo hunc inter & flumen grande  
triginta circiter leucarum censetur. Ferendis navibus  
nec semper, nec ubique est idoneus. Octoginta  
prope modum, antequam a Paraquayo hauriatur,  
leucis in bina se se brachia spargit, insulamque toti-  
dem leucas protensam efficit. Primum horum bra-  
chiorum, quod in conspectu Assumptionis Paraquayo  
se adjungit, fluvius sapiens *Araquay* a quaraniis dici-  
tur, forsitan, quia sagacitate eximia opus est ad hoc  
feliciter pernavigandum. Annuis equidem alluvioni-  
bus tota mergitur insula, ut adeo utroque fluminis  
cœtu in unum alveum coalescente fortunæ, non arti-  
tribuendum sit, si quis navarchus obstantia vada, aqua-  
rumque mæandros transmiserit incolumis. Alterum  
brachium, quod Pilcomayi nomen retinet, novem circiter  
leucarum ab Assumptionis urbe intervallo austrum ver-  
sus Paraquayo miscetur. Pilcomayus, quantus est,  
aquis spurcissimis horret plerumque. P. Augustinus ca-  
stanares noster in Tucumania natus, multarum gen-  
tium apostolus, & anno 1744 quinta decima Septem-  
bris a Barbaris Mataquayis, dum iter Christi prædi-  
candi gratia faceret, viz sociis, duobusque perfide  
trucidatus, quaranica olim navi per Pilcomayum na-

vigationem suscepit, fratre nostro laico salvatore colon Gallo (Qui multis per Europam maritimis itineribus erat defunctus quondam) comitante; Hic, nonagenario major, & utroque oculo captus ex Paraguararia adportum Gaditanum mecum navigaverat, Pilcomayi ancipites, plenosque periculi flexus, litorum sæpe angustias, trecentasque alias difficultates familiari colloquio mihi exposuit frequenter.

Fluvius falsus (Rio salado) in montibus saltetibus sua habet incunabula. Ut alveum, sic nomen suum mutat identidem. Vocatur Rio Arias primum, mox Rio passage, dein Rio salado in vicinia castelli de Valbuena. Urbem sanctæ fidei transgressus rio coronda dicitur, & hoc demum sub nomine in Paranz vasto Gurgite sepulchrum invenit suum. Suis in primordiis longissimo terrarum tractu aquas vehit non dulces modo, sed a salubritate etiam percelebres, quas tamen subinde latus, amnesque irrepententes amaritie, falsugineque conspurcant tanta, plurimarum leucarum spatio neca bestiis quidem delibari utpossunt. Operæ pretium fuerit falsuginis originem adnotare. Campi finitimi multo scatent frutice, quem Hispani *la Vidriera* appellant; fors illius cineres in calcem redacti vitris faciendis adhibentur, ut apud Europæos cineres ex quercu, vel ex aliis lignis præparati, (Pottasche) tum vitro, tum saponi parando serviunt. Abipones hunc fruticem achibisaik salem vocant, & in cineres crematum salis loco cibis adspargunt, foliisque tabacæ, quam mandere consueverunt. In sancti Jacobi urbe idem frutex *fumes* dicitur, ejusque cineres saponi faciendo passim impenduntur. Non nullam cum junipero affinitatem præsefert vidriera. Trunco tenui insistit; Baccæ exiles, cylindricæ, viridis coloris, & prope diaphanæ inter se coagmentatæ ramorum, folio-

liorumque subeunt vices. Fructum, si rite memini, profert nullum. Aqua pluvia in ejusmodi fruticeta præcipitans saluginem contrahit, per campum decurrens hanc obviis lacubus, rivisque inspergit; Hi demum fluvios origine dulces ingrediuntur & miserrime saliant. Palmæ caranday, sub quibus nitrum procreatur, idem, quod vidriera, præstant. Hinc ubi major ejusmodi palmarum, & vidrieræ frequentia, frequentior vel ad fluviorum majorum, ripas aquæ dulcis penuria esse solet. Rem toties eheu! mihi exploratam scribo. Pereundum siti nobis erat, dum mense Januario maximis coloribus æstuante iter fecimus diuturnum ad fluminis salado litora, quod aquis quidem tantis turgebat, non nisi natando trahere ut posset, verum ejusmodi erant aquæ, ut ne gutta quidem mihi, militibus, equisque nostris usui esset. Imber sub vesperum crebra inter tonitrua liberaliter effusus extremæ sitis remedium fuit denique, quamvis humi cubantes nos & ut istic passim moris est, sub dio pernoctantes a capite ad calcem, & ad intimam cutem perluit diligenter. Cæterum licet salas, pellucas tamen habet aquas fluvius saladus, & imò in fundo pisces, quæ abundat, nobilissimi perspiciuntur. Alveo est profundo, præruptis fere, altisque, sed arctis ripis coercetur, ac per ambages placide defluit, navigationi, nisi prope urbem sanctæ fidei, inutilis. Fluvium saladum inter & dulcem Turugon fluviolus intercedit, qui, quia sylvis cinctus pertinacissima etiam cœli siccitate aquam & copiosam, & perdulcem iter facientibus propinat, vadi semper experts, & salis. Ab indorum oppidulo salabina haud multum abest, a me trajetus aliquoties. Fluvius dulcis, qui sancti Jacobi territorii pro Nilo est, ut supra memini, aliquamdiu Austinum versus progressus, extra ripas per campum spargitur,

gitur, & a lacu cucurbitarum (laguna de los porongos) cordubam inter & sanctæ fidei urbem forebetur denique. Non multis inde leucis distat lacus albus (la laguna blanca) ubi taurorum, nescio quos, boatus noctu exaudiri indi, Hispanique affirmant. Quid si somniant?

Minoris notæ fluvii, amnesque, qui ad Chacum pertinent, sunt: centa, ocloyas, jujuy, sinacas, rio negro, rio verde, atopehenra lauato, rio Rey seu ychimaye, Malabrigo, seu neboque latel. Inespin seu Naraheguem, Eleya &c. quis enumeret cæteros rivos, cum prope numero, & sæpe nomine careant. Quid, quod & plerique istorum tales sunt, ut cunctantibus multum pluviis aqua destituantur penitus. Quod minime rarum in Chaco. Per multas sæpe leucas aquæ stillam haud inveniet vel avicula. Cælo aquarum insolenter prodigo amnes fluvii, fluvii maria videntur, ac per camporum planitiem undique se porrigunt. In multis multarum hebdomadum itineribus cum aqua, luto, paludibusque profundis nobis equitantibus conficiendum erat quotidie, quin sæpe palus terræ, ubi noctu cubaremus, siccior suppeteret. Hispani milites, quos comitabar, celsas interdum arbores conscendere, ut illarum inter ramos volucrum more confidentes aliquam quietis partem noctu caperent. Fuere complures, qui istis focum sibi exstruxerant ad aquam calefaciendam. Verum intolerabilior longe calamitas, dum non interrupto diu, noctuque itinere ad multas leucas nobis equitandum fuit, ut stationem, ubi aquæ copia ad nos, equosque recreandos esset, ardentissimo sole tostis denique assequeremur. Sæpe alias per immensos camporum tractus ne unam quidem arbusculam, qua ignem aleres, videbis. Culicum, serpentum, in-

insectorum noxiorum, quoquo te convertas, exercitus, tigrides, leones, aliæ id genus, metuendæ feræ occurrunt passim. Verum propitiis superis, si circumspeditionem, patientiam, vigilantiamque tuo numeres in comitatu, nil admodum tibi metuendum.

Hæc provinciæ, quam Chæcum appellant, facies! hanc Hispani milites miseciarum theatrum, barbari suam Palæstinam, elysium putant suum. Ad hanc, ceu ad portum libertatis servandæ, declinandæ servitutis studio magni fiebant Indorum concursus, utprimùm Hispani Pizarro duce Peruvii habitatores sub jugum misere, chilensium, Tucumanorumque finibus belli jure sibi vindicatis. Europæorum hospitum, quos nec amicos habere, nec sentire inimicos voluerant, oculis, manibusque timendis se ut subducerent Paraquarienses, ad latibula, quæ in Chaco sibi patebant, sagaciter advolarunt. Illic equidem montes olympo supæres pro specula, inaccessible sylvæ pro muro, flumina, & paludes pro fossis, campi ferarum, fructiferarumque arborum seminaria pro promptuariacella, verbo Provincia hæc situ, natura, locorum ingenio adversus vim exterorum egregie munita pro Pergamis illis erat, ubi etiamnum numerosi populi Hispanorum conatus eludunt, in tertium jam sæculum invicti; Ast damno suo, cum avita illis libertas certissima sit perniciēs. Hæc in Chaco latebras ante Hispanorum adventum ab indigenis habitatas fuisse dudum, vero videtur simillimum, sed advenas subinde nationes securitatis spe illis se se adjunxisse, nil porro dubitamus. Nullus his barbaris literarum usus cum fuerit, singularia, quæ de illa ætate scripsere historici, conjecturis adnumeranda existimo. Illud mihi certum, in geographicis tabulis,

bulis, historiisque Paraquariis antiquioribus multa nationum barbararum nomina perperam adnotari. Tot errores ex linguarum, locorumque nondum satis exploratorum ignoratione, ex Hispanorum, qui apud barbaros captivi egerant, rudium, credulorumque futili relatione oriebantur. Unicum omiſſis innumeris accipe erroris exemplum. Vox: *Oaekakalòs* nationis Quaycurus nomen eſt. Hoc urbis prægrandis nomen eſſe, ſtupidi aſſeruerunt. Sæpe diverſa ejusdem nationis contubernia totidem diverſa nationum nomina temere procuderunt. Complures lingua, nomine, moribus diſtincti populi exſtiterẽ quondam in Chaco, ſed hodie præter nomen illorum nihil prorſus, vel tennes ſolum reliquæ ſuperſunt. Horum ex numero erant Calchaquies numeroſi olim, militari ferocia clari, & Hispanis infeſtiſſimi. Nunc cæteris bello, variolarumque peſte dudum exſtinctis pauciſſimi reſtant ad angulum territorii ſanctæ fidei miſerè detrufi. Idem prope fatum alio, atque alio tempore Malbalas equites, Mataras, Palomos, Mogonas, Orejones, Aquilotes, Churumates, Ojotades, Tanos, Quamalcas &c. delevit. Nationes equeſtres Hispanis etiamnum formidandæ, & Chaco immorantes ſunt: Abipones, Natekebit, Hispanis Tobas, Amokebit Mocobies, Yapitalakas vel Zapitalakas, Oaekakalòt vel Quaycurus, vel lenquas. Mbayas, qui ad orientale litus Paraquayi habitant, Eyi-quayegis ſe vocant, qui ad occidentale, Quetiade-godis. Peſtrefres populi ſunt: Lules, yſiſtines Foxiſtines, qui eadem lingua Tonocotè utuntur, plerique per nos chriſtianis ſacris initiati, & in oppidiſ collocati. Homoampas, Vilelas, Chunipies, Yook, ocolès, Pazaines, magnam partem chriſtiani. Mataguayes, vel Ychibachi toties a nobis exculti, ſemper indociles. Payaquas piraticam, ut dixi, exer-



sentes. Qnanas, quos alii Chanas, vel Niyololas appellant. Chikitos suis in oppidis Christi lege instituti, de quibus superius plura. Annis sociorum nostrorum ad sylvas extensionibus variarum linguarum barbari, quales sunt: Zámucos, Caypotades, ygaronios &c Chikitorum coloniis adlegebantur.

Chiriguanas numero, ferocitate, pertinacia celeberrimam nationem ad Chacum vix referendos esse, puto, cum majori ex parte Tarijense, Peruvia-nunque territorium infideant. Lingua, quod mireris, utuntur Quaránica, ejus dialecto tantillum inflexa. Fama constans fert, illos ex australibus Paranae, & Paraguayi litoribus ad septentrionales has Peruvii plagas commigrasse olim metu vindictæ, quæ sibi a Lusitanis imminabat, quod eorum popularem Alexium Garziam, argento Peruvianis rapto divitem contrucidarint. Hanc migrationis causam rejiciunt alii, contenduntque: Annis prope centum, antequam Alexius Garzia caderetur, Chiriguanas ab imperatore Peruviano Inca yupanqui oppugnatos, haud tamen expugnatos fuisse. Quidquid de hoc sentias, nil repugnabo. Illud certissimum, Chiriguanas, paucis, qui hodie Christi legem profitentur, exceptis, hodie in Hispanis infestos, totique late vicinitati formidabiles esse. Nec armis domari, nec sacra nostrorum hominum eloquentia ad religionem adduci unquam potuerunt. Quinque istorum atrocissima morte ab illis affecti, Ut multorum annorum sudoribus, sic fuso liberaliter sanguini optati fructus nunquam respondere,

Quod si libido te inceserit, alias quoque, quæ extra Chacum degunt in Paraquaria, superstites hodie nationes cognoscendi, dicam compendio: Quarani.

ranii omnium longe numerosissimi in 32 oppidis  
 grandibus ad Paranz, Paraquayi, & Uruquayi lito-  
 ra collecti, Regi, dogmatique catholico sincerissime  
 addicti omnes; uti & ytatingas, qui, ut dixeram  
 alibi, Tarumensibus in sylvis binas habent colonias.  
 In aliis item oppidulis, quæ seu Presbyteri seculares,  
 seu Patres Seraphici procurant, Quaranii christiani  
 habitant. Tobatingas, Tapes, Cayguas in syl-  
 varum latebris etiamnum abditæ, a montibus, fluviis,  
 nemoribus, quæ incoluere, hæc nomina sortiti sunt,  
 re tamen ipsa Quaranii, seu, ut olim vocabantur,  
 carii sunt, ac Quaranica utuntur lingua. Quayaki,  
 singularis, & frequens natio, lingua, moribus, vul-  
 tus candore a Quaraniis omnino differunt. Nemo-  
 rum latebras remotissimas pervagantur ad Monday-  
 quazu margines. Simiorum ritu per arbores saltitant,  
 melli, aviculis, escæ inhiantes. Indumenti, habitati-  
 onisque stabilis expertes, timidi, nulli mortalium  
 noxii vitam vivunt. Horum complures, quos famili-  
 ariter novi, ad Quaranicas colonias translati pietate,  
 solertia, morum integritate, vestiumque exquisita  
 munditia a cæteris distinguebantur. In asperissimis ru-  
 pibus, Tebiquary miri fluvio, & urbeculæ villa rica  
 imminent, barbari habitant ab Hispanis ob vultus cando-  
 rem Quaycuruti dicti, proceri corporis, clava, &  
 sagittis armati. Hi turmatim ad subjectam montibus  
 suis planitiem descendunt aliquando, ac Hispano-  
 rum jam mulos, jam equos telis vel clavis necant,  
 inque frustra discerptos humeris asportant suis, opi-  
 parum mox epulum domi futuros. Boves, ovesque  
 intactas relinquunt, neque humanam cædem ab illis  
 patratam, unquam intellexi. Cum igitur repetita  
 equorum, mulorumque occisione strages illata fuerit  
 Hispanorum prædiis, illi e condito barbarorum in-  
 latibula inquirere, eosque vel captos abducere, vel,  
 inter-

internecione delere constituerunt. Seria, sed brevis fuit expeditio, magno cum strepitu suscepta, sed casto successu. Primo enim mox die dum in præruptos eluctari montes cæperant, terrore, nescio quo, perculsi domum properarunt. De his edoctus in S. Joachimi oppido ad hos barbaros investigandos animum adjeci. Verum Hispani hanc profectionem meam ut periculi plenissimam sic irritam fore arbitrati & consiliis, & desideris semper obstitere meis. Timebant irritandos crabrones. Maluerunt illos timere porro, quam inveniri. Hippophagis subjungo anthropophagos Indos, quos Hispani Caribes, Quarani Abaporu vocant, quod humana carne vescuntur. Tales in sylvis Paranam inter & uruguayum fluvios, ad Monday Quazu item, & Acaray litora oberrant, venandis hominibus quotidie intenti, quorum carnes ferinis quibusque longissime anteponunt. Per nostros socios magnis sæpe cum molestiis quæsi, sæpe cum vitæ periculo, sed sine fructu inventi sunt. Immensa camporum planities, nemorum labyrinthi, salebrosissima yquazu, ygatimi, carema, Curyi, Acaray, Monday &c. latebræ sylvicularum examiniibus fervent, qui, quamvis a loco, quem incolunt, alio, atque alio nomine appellentur, plerique tamen Quaranicæ nationi jure accensentur. Si mihi sint linguæ centum, tot gentium minorum nominibus, moribusque referendis haud essem.

Inter nationes equestres, quæ extra Chacum sunt, primo loco nominandos duxi Quenoas, qui Uruquayum, flumen argenteum, & mare pacificum inter suas habent sedes, nulli tamen loco certo affixas. Numerosissima hæc natio Charruas, Yaros, Bohanes, Minoanes, cæteros complectitur, equites omnes, & ferissimis moribus. Isti, quia flumi-

ni argenteo proximi, & totius Paraqueriz veluti janitores primis ex Hispania advenis plurimum semper negotii facessivere, iisdem, sive amicos se, sive inimicos profiteantur, etiamnum infensissimi, certe de fide suspecti, & in omnem iis nocendi occasionem diu, noctique intenti credebantur. Anno 1750 sanctæ fidei urbis milites, crebram pacis datæ violatione ulturi perfidos Charruas suis in tentoriis citra periculi suspicionem stertentes sub auroram oppresserunt. Cæsi multi: superstites suis cum familiis in captivitatem abducti sunt. In occidentali Paranz litore, in colle, qui cajastà dicitur, quemque amnis Inespin alluit, 20 circiter leucas ab urbe remoto pagus illis conditur, dato, qui religionem eos, moresque doceret, sacerdote monacho, adjecto etiam, qui hujus vitam tuerentur, illorumque fugam impedirent, militum præsidio. Carne equorum sylvestrium, quibus vicini scatent campi, barbari potissimum alebantur. Fame, miseriisque cicurati Charruz operam strenuam agriculturæ, auresque sacerdoti suo morigeras dederunt; Hic & suæ, & coloniz securitati nil porro metuens milites præsidarios amoveri petiit, quorum præsentiam sibi minime jam necessariam, eorum vero exempla Catechumenis suis pestilentia videbat. Noverat vir bonus (ex S. Francisci familia erat) oleum, & operam perdi, si auditis in templo documentis militum mores, sermonesque dissentire observent Indi. Quantum hoc de argumento lamentari! quanta referre possem, ni niveam papyrus sordidis historiis inquinare, verecundos lectoris oculos offendere timerem, Quoties ipsi catholici reges suis, quas ad Americam dederant, literis caverunt, ne militaris petulantia Indis Neophytis fraudi, ac offensionis esset. Sed fatendum est, pientissimis regum monitis hac in re minime morem geri. Expertus id scribo. In-

gruen-

gruente hostilium aggressionum periculo ad coloniz novæ defensionem milites ex urbe mittuntur aliquando. Ast militum, quam barbarorum adventus plus a nobis timebatur. Illi enim ad vitæ licentiam proclives spurcitiis suis tenero sexui magis nocent, quam omnia barbarorum tela coloniz nocere possint. Maluimus sæpe sine militum præsidio periclitari, quam animorum strages, ac pericula, quæ illis præsentibus vix aberant, coram intueri. Sub finem proxime lapsi sæculi nostri homines eloquentia, beneficentiaque Yaros barbaros, qui ingens Quenoarum portio sunt, eo denique adduxerunt, ut in oppidulo, divo Andrea dicato, collecti ad religionem imbui se paterentur aliquamdiu. Ast Caristi scholam, probitatemque pertæsi, præstigiatore quodam clari nominis eos instigante ad avita latibula redierunt. Causam fugæ rogati: Nolumus, ajebant, talem habere Deum, qui videat, sciatque omnia, quæ a nobis clanculum geruntur. Fixum nobis, ac volupe est, antiqua sentiendi, agendique pro arbitrio omnia, libertate frui. Numerum, fidemque excedunt clades in territoriis urbium Corrieates, Sanctæ fidei, & Monte video ab hac barbarorum colluvie illatæ.

Immensa illa planities, quæ ex Boni aeris agro Austrum inter, & occasum procurrit, tellusque Magallica audit, a barbaris, equestribusque populis occupatur. Non idem omnibus nomen, nec lingua eadem. Hispani quidem illos, vel Pampes, campestres, vel ferranos, montanos incolas vocant; Ab Indis Peruvianis uno omnes nomine Aucas, quod hostes, vel rebelles significat, dicuntur. Re tamen ipsa in Puelches, Peguenchies, Thuelchus (sunt nobis Patagones) Sanguelches, Muluches, Araucanos, alipium Chilensium dominos, dividuntur. Horrendæ

nomina! sed illorum, qui his significantur, horribiliora multo ingenia, facta, mores, opiniones. Exacta istorum relatio justum volumen impleret. Ego, more meo, per transennam paucula adnotabo. Istarum gentium tellus a Borea ad Austrum centum-leucas, ducentas facile a sole oriente ad occidentem patet, ut aquæ, & ligni admodum inops, sic equorum sylvestrium infinitis agminibus confertissima, struthionum quoque per illas solitudines incredibilis frequentia oberrat. Equus, præterquam quod unicum sit profectionis instrumentum, his barbaris cibum, vestem, domum, lectum, arma, medicinam, filum, & quid non? suppeditat. Assis enim equorum carnibus, si struthiones desint, vescuntur quotidie. Illorum e pellibus lectum, indumenta, ocreas, tentoria, ephippia, lora & freno & armis servitura concinnant. Nervos equorum ad quidquid confuendum pro filo adhibent. Liquatum equo um adipem mellis instar potant, Eorum sanguine caput lavant, moxque aqua abluunt, se seque hoc remedio robustos evadere opinantur. fetis equinis ad torquendos funes utuntur; quin & pediculos in palliis equina ex pelle confectis enatos, ceu optatissimum obsonium, cum voluptate esitant. Ebriositate laborant maxime. Ad vinum crematum, cruentarum litium, atrocissimarum cædium, scelerum quotidianorum semen, ab Hispanis coemendum expendunt emnia. Hinc in urbem Boni aeris liquorem tam pestilentem barbaris vendere, crimen fuit, cujus absolutio soli episcopo reservata, me istuc agente. Una sæpe vini cremati lagenula nupturienti barbaro adolescentula filia in sponsam venditur a parentibus. Dum prima ex Græcis siliquis aqua permixtis compositio adornatur, ad suorum sepulchra non sine ceremoniis confluunt, eaque tenerrimos inter planctus

hoc

hoc potu perfundunt, miseratione scilicet tacti, quod hic tumultatis illo suo nectare frui jam non liceat. Bello, Si quiquam alii, vicinis Hispanis sunt formidabiles. Equi pernices, ensis, hasta, globi lapidei tres corio obducti, & totidem e loris pendentes, quos dexterrime vibrant, pro armis serviunt, nequam spernendis. Uno ejusmodi globorum jactu hominumque, bestiarumque ossa confringuntur. Sæpe equi pedibus triplici hoc loro illaqueatis corruunt, equitemque, etsi cætera incolumen, sternunt. Ictu plerumque certiore lapidei hi barbarorum globi, quam glandes plumbeæ ex ignovomis Europæorum fistulis in hostem feruntur, luculentiora quoque vulnera infligunt. Desultoriis equitibus Boni aeris, toties hoc armorum genus cum strage expertis, nunquam sane volupè fuit cum his barbaris congregi; Meminerant equidem, pugnam cum illis sibi fuisse fere cruentam, ancipitem, raramque victoriam. Ingens porro apud australes Indos hujusmodi globorum varietas; Majusculis enim in bello contra hostes, minoribus in venatione contra feras utuntur. Horum exemplum jam Hispani passim, indique alii sibi sequendum putant. Raro videas in campo equitem, qui tres globos lapideos (las bolas vocant) ex ephippiis, vel suo cingulo suspensos non circumferat. Et vero, quoties occasio tulerit, iis felicissime uti norunt plerique.

Barbari australes tum maxime exacerbatum produnt animum, dum hostem utroque pede tumultatum, vermis instar humi reptantem lentæ mortis cruciatibus relinquunt. Familiarissima hæc illis, dum excandescunt, comminatio. Qui quo obtutancur ab illis icu, hi enim vero suaviter, leniterque secpnagi, putent necesse est. Insana commiseratione ducti ad accelerandum doloris finem suos moribundos



adhuc spirantes tumulare consueverunt. P. Matthias Strobl noster, styri Muræpontanus, ad 14 annos harum gentium apostolus, istorum infeliciū quempiam e tumulo vivum in lucem protraxit. Alias illum, quem cum morte jam Luctantem vident, more suo coloribus variis expingunt, vitreis globulis (cærulei duntaxat coloris) ad pompam ornant. Emortui cadaver eo situ componunt, ut genua faciem contingant. Illius equos minutis ex ære tintinabulis, sphaerulisque vitreis, ac struthionum plumis adornatos, ad vita functi tentorium aliquoties circumductos mactant denique. Idem fatum demortui molossos manet. Ad sepulchrum sudibus affixa equorum corpora, vestesque multi coloris Vexillorum militarium specie collocantur. Hominum perinde, ac struthionum animas subterraneis in tentoriis versari credunt. Cætera, quæ ad istarum nationum formam, mores, superstitionesque ridiculas pertinent, suis quæque locis inspergam, dum de Abiponibus agetur fusius. En superstites hodie dum Peraguaris nationes! permultæ aliæ, quarum nomina in historiis duntaxat, & geographicis iconibus exstant, variis de causis, modisque variis dudum desiere. Tales sunt: los Caracaras, Hastores, Ohomàs, Timbus, Caracoas, Napiques, Agazes, Itapuris, Urtneses, Perabazones, Frentones, Aquilotes &c. Equis miretur, sola istorum populorum nomina superesse, cum idem tot florentissimis Europæ, Africæ, Asiæque populis accidisse noverimus, quorum quidem nomina e libris constant, nativum tamen eorum solum, vitas, urbes, exitus a criticis sæpe, acriterque in controversiam vocantur, a nullo unquam iudice dirimendam.



Illud corollarii instar hoc loco addendum. Vix unam, alteramve in amplissima Paraquaria inveniri nationem, cui nostris ab hominibus non impensa opera, cui, quoties licuit, colonia condita non fuisset, ubi humanitatem primum, dein religionem, obedientiamque catholico Regi debitam, docerentur. Quaraniorum cumprimis natio omnium frequentissima, & ut ita dicam, Paraquaricarum nationum olim dominatrix, nullis unquam Europæorum armis domabilis, nostrorum tamen hominum institutioni adeo docilem se præbuit, ac morigeram, eaque ad Dei, Hispanicæque Monarchiæ obsequium per duo prope secula præstitit, quæ a reliquis Americæ populis impetrari nunquam, & ne expectari quidem potuerunt. Debent profecto pietissimis Hispaniarum Regibus Quarani, quod illi suis sumptibus religionis magistros Jesuitas ex Europa sibi semper miserint, liberaliterque aluerint, quod tributum annuum a se moderatius exegerint, quod se adversus invidos, calumniatoresque literis regiis protegere int, quod trecentis aliis favoribus pro sua clementia se cumularint. Tantorum beneficiorum memoriam nulla ætas delebit. Nemo tamen nisi in Paraquariæ rebus peregrinus, inficiabitur, ab Hispanis quoque multum deberi Quaraniis nostræ sub disciplina educatis. Hi sane omnium prope bellorum, quæ Hispani adversus externos, domesticosve hostes in Paraquaria gessere, participes, pars magna omnium victoriarum fuere. Iterum iterumque Indorum nationes universæ in Hispanorum internecionem conspiraverant clanculum. Et vero tantus rebellium numerus de tanta Hispanorum paucitate triumphasset utique, ni Quarani nostri regias partes secuti rebellium consiliis, armisque strenue obstitissent. Ex uno, quem referam, eventu conjicies ceteros.

Anno 1665 & 66 de Hispaniâ tota provincia exturbandis seditiosa consilia Indi prope omnes coquebant. Jam seditionis, tumultusque universalis faeces per omnes Paraquariæ angulos spargebantur. Alphonsus sarmiento regius gubernator his rumoribus perculsus ex urbe Assumptionis cum exigua militum manu ad oppidum Arecaya 60 circiter leucas remotum, ad ripas yeyuy situm properat, cujus incolæ de fide in Regem suspectos habuit. Plerique horum servituti privatorum Hispanorum mancipati, sorteque sua parum contenti fuere. Simulata tamen amicitia ab illis honorifice acceptus gubernator, nihilque in praesens turbulenti suspicans ad oppidi margines in extemporalibus, quæ struxerat e ramis arborum, ac stramine, tuguriolis conquiescit. Concubia nocte Indi Hispanos dormitantes opprimunt, omni telorum genere usi, injecto etiam illis tuguriis igne. Cæsi aliqui Hispanorum, sauciati complures; crematae plerorumque vestes, pulvis pyrius in auras avolvit, arma ignivoma aliquot ab hostibus abrepta. In re trepida milites prope nudi alii, alii sanguine manantes ad templum propinquum se recipiunt, ubi veluti in munitiuncula securitati tantisper consultum suæ putayere. Verum cibo, potuque destitutis inedia pereundum erat. Aqua lustralis in vase majusculo asservata in sitis extremæ remedium convertitur. Hostibus templi parietes circumstantibus, nullus effugii locus, modus annonæ piscandæ nullus relictus. Fame tamen indies magis urgente jam audaciores aliquot elusa Indorum vigilantia ad oppidum clam prorepere, & præter aliquam aquæ portionem porcum sociis attulerant reduces, ingens in tanta calamitate solamen. Asserunt Hispani historici, esu porcinae carnis (rideant, per me, medici) vulneratos convaluisse, tales forsitan, quæis esuriam, quam



quam vulnerum sensus fuerit intolerabilior. Ultimum, in quo gubernator cum commilitonibus versabatur, discrimen, nescio, qua via, quove indice, ad Ytatinguas Quaranos delatum est, quorum octo circiter capitum millia, in S. Ignatii, & nostræ dominæ a sancta fide oppidis numerabantur, nostrorum hominum opera conditis, servatisque. Utrique coloniz, & coloniarum sacris curatoribus præerat P. Lucas Quesa in Sardinia insula natus. Hic nil cunctandum, deliberandumve sibi putat. Illico cum ducentis circiter Indis suis equitibus eques iter ingreditur paludibus passim, amnibusque impeditissimum, ut periclitanti gubernatori regio suppetias ferret. Continuat per 24 horas itinere, non expectatus, oppidum Arcaya ingreditur. Nec mora; Indi rebelles a Quaranis christianis partim cæsi, partim capti, vulnerati non pauci, Hispani in libertatem, securitatemque asserti. Hi quanta grati animi significatione, quot amplexibus Quaranos liberatores suos prosecuti sint, tute conjicies. Tres ex Quaraniorum turma delecti equites, qui contemptis viæ periculis gubernatoris literas ad urbem Assumptionis cursu citatissimo deferrent, quibus, quid hic gestum, quid ibi pro sua, & provinciæ totius incolumitate gerendum sit, significabat. Matritensis subinde aula certior facta de his omnibus Quaraniorum & fidelitatem, & strenuitatem suspexit. Illos Rex catholicus honorificis literis consolatus est, quæ adhucdum in tabulario oppidi nostræ dominæ a sancta fide conservantur, integerrimæ Quaraniorum in Regem fidelitatis, eximie Regis in Quaranos benevolentie perenne monumentum, Gubernator accepti beneficii memor nullum fecit Quaranos laudandi finem, palam dictitans: Hispanica Monarchia si ubique terrarum subditos tam fideles, disciplinzque militaris tam patien-

tes haberet, nullo negotio ab illa hostes omnes vincendos. Idoneis authoribus compertum est, seditionem, quæ a factiosis, bellicosisque nationibus confecta est ad Hispanos omnes profligandos, erupturam fuisse, nisi robur, fidemque in Regem immutabilem Guaranicæ gentis reformidassent. Verum ipsa hæc odiorum semen fuit apud barbaros Hispano nomini infensos. Quaycurus certe numero, & militari virtute ferocissimi continuis incursionibus, caedibus ac pecorum rapinis bina illa Ytatinguarum oppida vexarunt annos plures, ut denique tranquillitatis desiderio ad hanc, quam Parana, & Paraguayus cingit, stationem commigraverint, ubi etiamnum commorantur posterii illorum, qui in Arecaya periclitantibus Hispanis suppetias venerunt.

Eodem anno 1665 Calchaquæ bellicosissimi barbari vastatis circum agris, prædiisque urbem ipsam sanctæ fidei arcta obsidione cinctam in ultimum discrimen adduxerunt. Trepidantibus universis ingens Quaraniorum agmen Uruquayensibus ex oppidis a Gubernatore Antonio de vera Muxica evocatum tantam hostes inter edidit stragem, ut fuga præcipiti dilapsi superstites multis deinceps annis ad urbem porro vexandam haud redierint. Infinitus sim, si memorem cæteras ejusmodi expeditiones; complura sæpe Quaraniorum millia, annos complures, regiis in castris non sine eximie fidelitatis, fortitudinisque laude militarunt seu contra Lusitanos, seu contra Hispanos urbis Assumptionis mandatis regiis pertinaciter repugnantes, seu contra barbaras nationes ingentis, dominationisque Hispanicæ excidium conjuratas. Ecquisnam, amabo, studiosissimam hanc in regem catholicum propensionem Quaraniorum animis impressit, nisi nostri homines, cum, antequam istorum

ram disciplinæ instituendos se, gubernandosque dedidissent, Hispani nominis hostes acerrimi extiterint semper. Multo tempore, labore plurimi consistit, ut dominatrix hæc, & ferarum instar, libertatis suæ tenacissima natio & divinis, & regis legibus adstringi se se pateretur. Multi sane, qui ignominiosa nostro alias affinxere nomini, Jesuitarum Quarantica pro natione heroicos, felicesque constans admiratione, laudibusque eximiis sunt prosecuti.

Andi, quæso, notissimum Bougainville (Voyage autour du monde, folio 121. 1, P. mihi) non jam historico, sed panegyrico stylo de Quaraniarum missionariis Jesuitis differentem: curriculum, ait, suarum expeditionum ingressi sunt magnanimitate martyrum, patientiaque vere angelica armati. Utraque virtus profuit alliciendis, retinendis, ad obedientiam, ad labores utiles attrahendis hominibus barbaris, ferocibus, inconstantibus, tantum opinionum suarum, quantum libertatis avitæ tenacibus. Obstacula occurrebant infinita, difficultates aliæ ex aliis ad passus singulos renascebantur. Apostolicus illorum ardor vicit omnia, illorum suavitas cicuravit, morigerosque reddidit denique ferissimos sylvarum habitatores. Hos enimvero in coloniis congregarunt, illis leges tulerunt, illos artibus utilibus, amœnisque imbuerunt. Demum gentem barbaram, humanitatis, religionisque expertem in populum placidum, affabilem, politicum, christianæ disciplinæ observantissimum transformarunt. Hi Indi victice Apostolorum suorum eloquentia capti ultro obtemperant hominibus, quos vident suæ se felicitati sacrificasse. Ita magnifice de nobis hoc loco Bougainvillius, & quod semper credidi, ex animi sui sententia. Erunt tamen fortasse quipiam, qui tantas

laudes, licet Paraquaria universa teste, a nobis meritas in dubium revocent. Equidem cum idem author non malevolentia adversus nos cecatus, sed a malevolis, quos in urbe Boni aeris auscultaverat, ignorantibusque circumventus fabulas permultas de Quaraniis oppidis, nomini nostro parum decoras, historiz insperserit suæ liberaliter, quidni, dum etiam certissima nostram in commendationem scribit, ægre illi, lenteque fidem tribuent prudentiores? sed fingamus, optimo Bougainvillio nos vituperanti credi, laudanti nos non credi. Hoc nostra nihil omnino refert. Extant enim tot literæ amplissimæ Episcoporum, gubernatorumque regionum ad Reges catholicos, ad summos Pontifices typis datæ, & quibus Jesuitarum, quam Quaraniis, aliisque Paraquariæ gentibus navarunt in alterum jam seculum, operam nec inutilem, nec ingloriam extitisse, patet. Sine, tibi recitem particulam literarum, quas illustrissimus Episcopus Joannes de sarricolea, y olea anno 1730, 23. Novembris ad clementem duodecimum Pontificem summum e Paraquaria scripsit de hoc argumento. — Tum numerosissimis, quas Jesuitæ habent, Indorum e barbaro paganismo ad fidem catholicam evangelica patrum industria, labore, ac constantia converforum reductionibus (oppidis) sanguine missionariorum plantatis, irrigatis sudore, excultis verbo, & auctis exemplo, sive quæ per triginta oppida, in quibus centum triginta animarum millia numerantur sub eodem vernaculo idiomate, quod Quarani dicitur, apud Paraquariam existunt, ubi tota fere primitivorum fidelium observantia floret, templorum, ac divini cultus nitor resplendet, ad veterum christianorum ruborem, ad stuporem barbarorum, ad naturæ admirationem, ad gratiæ triumphum, & ad crucis Christi trophæum efformatæ &c.

Has illustrissimæ Præfulis literas quoties perlegi, totas  
 antiquam Hispanorum ingenuitatem Romano ore non  
 elegantissime quidem, sed candidissime loquentem  
 audire mihi videbar. His literis consonant epistolæ  
 aliorum Paraquaræ Episcoporum, uti Josephi Palde  
 Assumptionis Episcopi anno 1735 & Josephi Perata  
 Boni aeris episcopi anno 1743 ad Regem data. B-  
 manuel Abad y Ilaña Tuctumanorum episcopus, dum  
 ditionis suæ oppida, in quibus varis Indorum natio-  
 nes a nostris habuebantur, de more visiteret, lucu-  
 lentissimas Jesuitarum laudes libris Parochialibus in-  
 scripsit anno 1765. Idem ornatissimo præstitit Ema-  
 nuel Antonius de la Torre Assumptionis, & mox  
 Boni aeris Episcopus, dum circa idem tempus (bi-  
 ennio ante, quam e Paraquaria exulare juberemur)  
 Quarania oppida inviserat. Bernardinus Cardenas  
 Assumptionis episcopus, superiori seculo, provincie  
 totius turbator. (ut ex annalibus patet) Jesuitas,  
 quod turbulentis, seditiosisque ejus consiliis repug-  
 narent, acerrime insectatus, perperamque criminatus  
 diu, collegio demum suo, urbeque Assumptionis  
 eiecit, mox tamen autoritate regia suis sedibus re-  
 stitutos; Ea dem inquietus Præful, qui gubernatoris  
 potestatem sibi arrogaverat, & urbe, & episcopatu  
 suo cedere compulsus est; nunquam porro restitu-  
 tus. Publica hæc, & luce meridiana elariora. Ab  
 hoc vituperari nobis laudi fuit. Idem de famoso  
 Josepho Antequera Jesuitarum Diocletiano, sentien-  
 dum. Hic Didaco de los Reyes legitimo Assump-  
 tionis gubernatore Hispanorum seditiosorum consensu  
 relegato primum, mox capto provincie gubernati-  
 onem malis artibus extorsit. Garziam Ros a Pro-  
 rege Peruviano ad gubernandam, bellicisque tumult-  
 uibus liberandam provinciam missum teterrimo carce-  
 ri inancipavit. Ad perdomandum denique Antequera-  
 ram

versum 23788 capita numerabant, superius, a me injecta mentio. Hi quoque Indi militari virtute, & sagittis veneno lethifero imbutis passim formidabiles contra barbaros, quin & contra lusitanos, quoties a gubernatore regio jubebantur, strenui, fidique Hispanorum commilitones semper existerunt. Minoris numeri, sed maximi ad provinciae totius tranquillitatem momenti fuere oppida quaterna Abiponibus, bina Mocobiis, unum Tobis, aliudque Mbayis, nationibus scilicet equestribus, & bellicosis per nos condita, & ad nostrum abitum usque conservata. His adde nationes pedestres: lules, Vilelas, Chiriquanas, Chunipies, Homoampas &c. ad Romana facta traductos a nostris, & in suis coloniis instructos. Lingua, moribus, ritibusque a se differunt omnes, omnes tamen agriculturæ student. Has a nobis plantatas colonias in Europam abituri aliis cultoribus tradidimus.

Permulta Indorum oppida, quorum seu nostræ seu alii auctores fuerant, dudum desiere, jam incolarum avitis latibulis inhiantium volubilitate, jam Europæarum hominum seu malitia, seu avaritia, seu socordia. Patre Josepho Sanchez Labrador teste, qui monumentum historicum manu conscriptum ipse perlegit, septuaginta tria Indorum variorum oppida in Chaco provincia interierunt; Barbarorum nominum recensione, lectoris fastidium veritus, abstineo. Barbaris Australibus, Magallanici agri incolis hoc seculo multo sociorum nostrorum labore, immani sumptu terna surrexere oppidula, sanctissimæ Dei parenti dicata omnia. Primum ab immaculato ejus conceptu (la conception) appellatum Pampas, gentium Australium colluviem, habitatores accepit, ac colonis Boni aeris adversus barbarorum incurfiones præsidio



dio fuit. Recenti oppido moderatores præerant viri  
 religione, prudentia, & excelso ad ferenda ardua  
 animo insignes Pater Matthias Strobl ex Austriaca  
 provincia, & P. Emanuel Querini ex Romana clarif-  
 simo apud Venetos genere in græca insula Zacyntho,  
 cui illius pater serenissimæ reipublicæ nomine tunc  
 præfuit, natus, in academia cordubensi philosophiæ  
 magisterio, collegiorum præcipuorum, & provinciæ  
 totius gubernatione apud nos condecoratus, virtutis  
 eximæ opinione apud omne genus hominum con-  
 spicius, ac dum ex America domum rediret, cum  
 reliquis sociis, Clementi tertio decimo, populari suo,  
 ac quondam condiscipulo percharus Romæ, ubi pau-  
 cos ante annos vivere desiit. Ambo patres apud  
 Quaranos diu versati egregia Indorum animos tra-  
 ctandi dexteritate valebant, qua impetratum est, ut  
 Pamparum non pauci christianis sacris denique initi-  
 arentur. Urbis, prædiorumque Hispanorum, ubi &  
 vini cremati, & exempli non optimi copia semper  
 fuit, vicinitas barbarorum ad meliorem frugem trans-  
 lationem incredibiliter retardavit. Serrani, iisque im-  
 mixti quandoque Patagones, qui ad Pampas visendos  
 ultro, citroque commeabant, tum patrum beneficen-  
 tia allekti, tum vitæ opportunitatibus, queis oppidi  
 incolæ fruebantur, capti sibi quoque nativo in solo  
 oppidulum ejusmodi peroptare cæperunt. Nec mo-  
 ra. Illorum votis per nos factum est satis. Patres  
 Cardiel, & Falconer; Hic Anglus medicæ artis sci-  
 entissimus, ille Hispanus, vir ardentis, intrepidique  
 pectoris, ambo ad Indorum tractationem nati illas  
 barbarorum solitudines adeunt, exploratisque illorum  
 animis situm coloniz meditatz opportunum circum-  
 spectant. Arduum erat, talem invenire; Nam illic  
 aqua perennis, illic lignum fabricæ, focoque quo-  
 tidie alendo necessarium desiderabatur. Caziquit  
 Mari-

Marike, & Tschuan Tuya germani fratres cum quatuor & viginti suorum contuberniis numerosis in nova colonia, quæ demum condita, & *Nuestra Señora del pilar*, seu Nostra domina a columna Cæsar-Augustana dicta est. Ad hanc gubernandam stabilendamque Pater Matthias Strobl illarum linguarum scientia tinctus superiorum imperio translatus fuit. Quotidianas inter vicissitudines, ut novis in coloniis fieri assolet, spes optimorum progressuum non dubia intermicabat. Sed inopinatus eventus, ut pruina teneros flores, recentem coloniam uno ictu vix non prostravit. Dicam. Forte per Boniæ aeris agros patrata est cædes. Milites, qui sicarios detegere t, missi a governatore. Caziquius Yahati Serranus cum quindecim utriusque sexus viæ comitibus in urbem iter faciens reculas ibi, ut solebant, vendendi, emendique gratia militibus sit obviam, & citra ullum vel conjecturæ fundamentum de illa occisione suspectus abducitur, arctoque in urbe carceri cum suis mancipatur. Injuriam tantam popularibus suis, de quorum innocentia sibi constabat, illatam oppidi incolæ quam acerbo tulerint animo, dici haud potest. Patris Matthiæ Strobl, qui inter illos versabatur, vita in præsentissimum discrimen conjecta est. Luendum illi fuerat, quod milites imprudenter peccarunt. Caziquius Marike utroque oculo captus, sed maximæ inter illos auctoritatis a furenti populo mox in urbem legatur, qui a governatore Hispano captivorum suorum libertatem jure postulet, id si renuat, vel tergiversetur, universæ nationis nomine Hispanis bellum declaret, sine mora inchoandum. Arrogans hæc barbarorum comminatio gubernatori Josepho Andonaegui exilium, quas numerofo hosti opponeret, copiarum conscio ingentem sollicitudinem iniecit. Resumpto cædis patrata examine, auditis iterum,

ite-

iterumque testibus patuit denique captivi Caziquii innocentia, quippe quem eodem, quo peracta cordes, tempore in urbis quadam officina versatum fuisse, fide digni Hispani asseruerunt. Quo comperto, quatuor mensium captivitate citra culpam vexatis libertas illico, ac ad suos redeundi copia a Gubernatore viro æquissimo concessa est. Hæc, me in urbe Boniaeris sub initium anni 1748 recens appulso, evenere. E carcere dimissos nostro in collegio hisce spectavi, & vix lacrymas tenui. Per Indum interpretem, cui ridiculum cognomen: Domingo de los Reyes Castellanos, Dominicus a Regibus Hispanis, cum cæco Caziquio Marike affabili seniculo multa locutus sum; cum illi meo in cubiculo fidibus canerem, quæ ab amore nomen habent, illorumque vestes, quæ ab eorum fœminis texuntur, mire dilaudarem, captus est mei desiderio senex, atque, ut secum ad coloniam veniensem suam, Patri Matthiæ Strobl jam senescenti auxilio futurus, efflictum rogavit. Fateor equidem, ad hoc iter ambos mihi prurivisse pedes. Verum, quam volupe mihi foret, respondi, equum conscendere, & te comite Magallanicas immigrare in terras! Ast nobis, qui hanc vitæ rationem profitemur, integrum haud est, pro arbitrato nostro quoquam ire, nisi capitanei nostri (Provinciæ præsidis) imperio mittamur. Ubinam, quæso, Vester ille Capitaneus moratur? avide quærit Marike; Hac eadem in domo, reposui. Quo audito confestim ad Provincialis nostri cubiculum, aliena ductus manu, properat, importunisque me sibi comitem precibus deposcit, sed irritis. Aliam mihi nunc stationem destinatam esse, reponit Provincialis, polliceturque, me post biennium ad illius coloniam a se mittendum. Quartus enim Theologiæ annus Cordubæ Tucumanorum mihi restabat absolvendus. Et vero fixum erat

Provinciali promissis stare, ni meâ operâ apud Abipones repente indiguisset.

Cum captivis e Boniaeris carcere reducibus ipsi quoque oppido post fornum turbinem malacia rediisse videbatur, novi que mox Patagonum suppetiis augebat. His in loco quatuor leucas distante singulare oppidum apparatus, & nomine *Despara matris derelictorum* (de los desamparados) insignitum est. Illius procuratio Patri Laurentio Balda Navarro Pompeopolitano, Divi Xaverii cognato, & Patri Augustino Vilert Catalauno demandabatur. Caziqui Patagonum tres: Chanal, Sacachù, & Taychocò cum octoginta suorum contuberniis coloniam hanc occupant. Contubernium unum ternis, quaternisve, imo & pluribus aliquando familiis constat; Quævis familia, ut plurimum, quaternis, quinis, sæpe pluribus, Capitibus definitur; Copiosa enim Patagonibus soboles est, & polygamia perquam vulgaris. Præ aliis, qui ad Austrum habitant, dociles sunt, & baptismo minus repugnant. Doleo, juvenes ab honestate, ac verecundia a me commendari neutiquam posse. Nihil fere Commercii cum Hispanis intercedebat Patagonibus. A natione tam frequenti, tam morigera, indolisque cæterum placidæ ingentes rei Christianæ accessiones jure expectabantur. Verum spes tantas orcus evertit. Cangapol, quem Cazique bravo appellant vulgo Hispani, forma, corporis, animique magnitudine, commilitonum frequentia longe spectatissimus Caziquius, & ut verbo dicam, regionis illius dynasta ægris dudum, invidisque spectabat oculis recentes has Christianorum colonias; Per has amicitiam cum Hispanis irrepere, libertatem nationum Australium periclitari, suamque, qua his in oris dominari videbatur, auctoritatem sensum minuendam,

ac opprimendam denique existimabat. Hinc animum, curasque omnes eo converterat, ut oppidis novis suorum exitum, Patribus religionis peregrinae magistris exilium acceleraret. Hunc in finem, icto foedere, quotquot poterant, barbari ad societatem armorum invitati, expeditioque demum suscepta est. De hostium itinere, ac ingenti numero factus certior Matthias Strobl ad oppidorum defensionem militare auxilium a Gubernatore, civitateque Boniacris tempestive per literas petiit. Hæc septuaginta equites provinciales spondit, sed ne unus quidem unquam comparuit; Ille negavit se opem ferre posse, equam maxime id cuperet; legionarios milites, qui id temporis sibi suppetere, nec ad portus, castrique Boniacris securitatem sufficientes sibi videri, ingenue affirmavit. Ab Hispanis, quorum maxime intererat hæc oppida tueri, repulsam passus Pater, hostem magnis itineribus propinquantem, quem repellere haud potuit, cum suis fugiendo elusit. Relicta oppida, oppidorum greges, & armenta. Verum minime penitenda bestiarum jactura, qua tot hominum vitæ servatz, quibus ira, numeroque formidabiles barbarorum turmæ minitabantur. Catechumeni, ac Neophyti, quotquot sincero in religionem, amico in Hispanos erant animo, ad conceptionis oppidum, ceu ad portum, cum Patribus sese receperunt. Verum & hæc colonia quotidianis hostium incursionibus fatigata, ab Hispanis præfidiariis segniter defensa tertia decima Februarii anno 1753 penitus deferenda fuit, damno urbis luculentissimo; Nam, quia jam barbaris equitibus impune grassari, quaque libuit, licuit, ad quadraginta ab urbe leucas prædia custodibus, agrique circa pagum Magdalenz ab uberrima tritici messe celeberrimi cultoribus mox destituti suis, ad tutiora scilicet loca metu dilapsis. Intra urbem



ipsam, quæ muris, fossis, portisque caret, sæpius Turpissime trepidatum est, interdum ob hostis periculum, alias ob solam periculi suspensionem. Circumjacentibus in campis, prædiisque per affilientes barbaros pecoribus, opibus, vita spoliati quam plurimi. Defultoriis equitibus, qui rure excubare jussi, hostemque coercere, strages cruentæ iterum, iterumque sistit. Plaustra argenteo, quod ex Peruvio advehebatur, onusta per viam toties direpta, militibus illorum custodibus, vectoribusque miserandum in modum contrucidatis. Ad sinum fluminis argentei Barragan, ubi naves majores subducuntur, reficiunturque, habitantibus iidem barbari sæpe exitiales, semper formidabiles extiterunt. Qui ad salinas salem advekturi magno numero Austrum versus abierant, cæsi aliquoties ad unum omnes. Tum denique coloniarum Australium utilitatem Hispani perspexerant, postquam illas, spemque easdem restaurandi amiserunt. Tot Indorum, qui ad Austrum degunt, milia suis in tenebris conssepulta jacent! Digna lacrymis, si quæ alia, Cogitatio. Ecquis non deploret sociorum nostrorum, his qui populis operam navarunt annos complures, extremas miseras, itinerum molestias, rerum necessariarum penuriam, vitæ quotidiana discrimina, tantosque labores, qui omni prope caruerunt fructu, præterquam, quod infantulos sacro lactice a se tinctos plurimos, qui occubuerant, & adultos non paucos in cælum transtulerint. Primis, antequam boves, ovesque ad eos alendos mitterentur, temporibus Patres equina Carne, quotidiana Indorum illorum dape, vescabantur. Pater Thomas Falconer, Anglus campos omnes cum Indis pervagatus equinæ carni scindendæ, cum orbem e stanno, vel ligno non haberet, orbis loco semper pileum supposuit suum, qui demum pinquedine infectus est tanta,

ut

ut illo dormiente a canibus sylvestribus, queis campus scatet, devoraretur. Me in Boniaeris urbe agente alium sibi mitti pileum per literas petiit, canum accusans voracitatem. Patris Matthiæ Strobl turgurium, nescio, quis nebulo succendit. Stramineum tectum conflagraverat jam, ipse quoque altum dormiens haud dubie flammis erat interiturus, ni a fido homine expergefactus incendio sese subduxisset. Illud ausim affirmare, alias atque alias quotidie molestias Patribus illis ab Indis allatas, sed multo plures, acerbioresque ab Hispanorum vulgo, a vini cremati, aliarumque recularum nundinatoribus, a quibus, cum arcerentur, triciæ, fabulæ, calumniæ non raro profluxere. Quanta hoc loco scribi possent, quæ ad celebrandam Patrum patientiam momenti plurimum haberent. Conceptionis oppidum situm erat in 32 gr. 20 minuto longitudinis, in 36 gr. 10 minuto latitudinis. Oppidum Nostræ dominæ a columna distabat ab oppido conceptionis septuaginta leucas. Meridiem inter & occasum, ab urbe Boniaeris decem facile supra centum; Ab oppido Matris derelictorum solas quatuor leucas.

Neque putes, velim, curam cicurandi, erudiendique Australes nationes ad nostram usque ætatem neglectam fuisse. Hoc negotium superiore jam seculo & catholicis Regibus, & nostris sociis cordi erat. Omnes nequidquam aditus tentati ad illas gentes Christo, Regique Hispano adjungendas. Ut cætera taceam, Patres Nicolaus Mascardi, & Josephus Quillemo, istic religionis sanctæ impigri Doctores, ab efferatis immorigerisque discipulis necati sunt. Nihil territi hac barbarorum ferocitate nostri tum Chilen- ses, tum Paraquarienses Socii nullum non moverunt lapidem, ut extremos illos meridionalis Americæ an-

gulos Evangelica Luce collustrarent, sed irritò semper conatu, ac nullo prope operæ pretio, nisi immortalis gloriæ, quam Apostolica sibi magnanimitate, invictæque semper laborum tolerantia promeruerent. Nam ardua vel tentasse, fructus licet optatus haud respondeat, nunquam non honorificum putabatur. Anno 1745. a Philippo quinto Rege navis, cui a sancto Antonio nomen, Gadibus in Paraquariam expedita est hunc in finem, ut litora Magallanica, terræque illis finitimæ omni cum solertia inspicerentur. Si quis portus, vel statio opportuna offerret sese, adversus externos hostes communiretur illico. Si quæ barbarorum Stativa detegerentur, colonia illis, ac religionis schola concederetur. Quapropter Jesuitæ tres ad expeditionem periculi plenissimam a Rege destinati: Pater Josephus Quiroga matheseos, rerumque maritimarum scientia clarus ab ipsa Matritensi aula designatus. Pater Josephus Cardiel, & Pater Matthias Strobl amborum antistes, linguarum, quarum istic usus est, gnarus. Navi summa cum potestate præfuit Joachimus de Olivares Gaditanus. Gubernatores navis (Pilotos vocamus) Didacus Varela Cantaber, & Basilius Ramirez Hispalensis fuere, in arte nautica versatissimi. E præfidiariis militibus urbis Montevideo 25 delecti sunt ad navis, navigantiumque tutelam, illisque militaris præfectus salvator Martin del Olmo additus. Sublatis in portu Montevideo anchoris decima septima Decembris 1745 navigatum est ut velis vento secundo, sic animis spe plenissimis. Ubi applicandæ ad ripam navis opportunitas oblata, exscensio in terram facta est.

Quidquid usquam terrarum, aquarumve in Conspectum venerat, diligenti oculo lustratum, atque in itineris ephemerides curatissime relatum fuit a Patre  
Qui



Quiroga. Hic scapha vectus maris portus, sinus, flumina, lacus, aquarum seu altitudinem, seu brevitatem, insulas, fyrtes, scopulos his interjectos, & quidquid Hispanorum navigationi porro vel periculosum, vel commodum videbatur, sagaciter exploravit, adnotavitque quotidie. Patres Strobl, & Cardiel interea pedestri itinere in varias divisi vias cum militum aliquot comitatu reinotiores a litore campos percursum, illorum naturam, &, si quod habitationis humanæ seu indicium, seu opportunitas uspiam se proderet, solertissime speculabantur, hoc sine arduis sæpe montibus conscensis. Non raro multas a litore, ac sociis leucas recesserant detegendorum Indorum spe ducti maxime, postquam in sepulchrum incidere, ubi binarum mulierum, virique unius corpora necdum putrida deprehenderant. Circa sepulchrum, tugurii in morem structum, tectumque sex hinc vexilla lænea varii coloris, inde quinque equi stipitibus altis affixi pendebant. Cadavera singula singulis e lana tapetibus involuta, foeminae unius caput lamina, inauribusque ex aurichalco ornatum; E quibus indiciis hoc loco sepultos Indos Puelches fuisse, plerique arguerunt. Nemo omnium fuit, qui lætitia non gestiret, quod barbarorum tuguria haud multum jam abesse putarentur. Verum ante victoriam triumphum cecinere, de conjecturæ vanitate mox edocti. Pater enim Strobl ad quatuor leucas progressus, cum nec hominem, nec humanæ habitationis vestigium deprehendisset, spe omni abjecta per militem Patrem Cardiel longius distantem ad se accersit. Huic leucas permultas emenso, & tanta ambulatione fracto: Prudentiæ legibus, ait, contrarium sibi videri, cæptum iter porro prosequi; Timendum sane esse, ne numerosa equitum barbarorum turma occurrat, cui non nisi pauculos, ac viribus

exhaustos pedites queat opponere, haud dubie internecone delendos. In religionis negotio occumbere sibi equidem in votis dudum fuisse; sed vitas alienas in tantum discrimen conjicere, se nec velle, nec posse. Absit hoc periculum, absint hostes, consumptis jamjam cibariis, continuatoque itinere & sibi & focis inedia pereundum esse. Hæc Pater Strobl pro suo officio providenter suggessit. Pater Cardiel ad omnia semper intrepidus, qui nec futura pericula suspicari, nec præsentia timere consuevit, reditum dissuadet, ulterius urget iter, propinquas esse barbarorum habitationes contendit hoc potissimum argumento, quod canem albicantis pili suos pertinaciter albatrantem viderit, qui subiinde diffugit ad suum, utique credi potest, properans herum. Verum his nequidquam oppositis ambo Patres suis cum comitibus ad navem rediére. Hic re prudenter discussa, navis etiam præfectis omnibus consultis ea demum lata est sententia: liceat Patri Cardiel, illud avidè cupienti, iter repetere hac tamen lege, ut cum quatuor & triginta tum militibus, tum nautis, qui quidem ultro se sequi voluerint, & annona ad octiduum his suffectura instructus proficiscatur. Vigesima Februarii iter cæptum. Quotidie septem circiter leucæ confectæ. Plerumque per semitam angustam Indorum, sed jam pene oblitteratam ambulatum. Aqua poculenta passim in promptu fuit. Præter struthiones, & huanacos (animalia cervo affinia cum Cameli Gibbo) aliquot nil ferarum usquam videbatur. Quarto itineris die sub Vesperum Collem editiorem conspicati sunt, e cujus vertice campus detegebatur, arborum, graminisque omnino experts. Frigus nocturnum omnibus visum intolerabile; quamvis enim præsto essent ad alendum focum virgulta, dum igni admotum cæleret latus alterum, alterum vento gelidissimo obversum

sum congelari videbatur. Neque id mirum, si Cœli plagam, sub qua versati sunt, animadvertas. E sinu enim S. Juliani, qui in 49 gradu, & 12 minuto latitudinis situs est, iter ingressi fuere occidentem solem versus aliquamdiu profecti, unde nivosis ex alpibus chilensium vicinorum asperrimi adspirant venti. Hæc inter frigora animi militum in dies magis, magisque inclescere, corpora tamen deficere sensim fatiscereque observabantur. Multi illorum, attritis viarum asperitate calceis, nudis jam pedibus, non pauci etiam sauciatis reptarunt. Pater Cardiel, animos omnibus inspirare solitus, nephriticis primum doloribus, mox pedum debilitate tanta excruciebatur, ut, nisi grallis suffultus, ne gressum quidem figere posset. His tamen omnibus ardens barbarorum stativa detegendi cupiditas minime refrixit. Omnia nobis posse videtur, quæ impense volumus. Verum annona octiduano duntaxat itineri destinata, ac per quinque dies itineris magna jam ex parte consumpta acceleratum reditum ad navem imperavit. Quidni modeste subriserit Matthias Strobl, dum heroes audaculos vacuis manibus, pedibusque misere mulctatis redeuntes sua ex expeditione conspexit, quâ oleum & operam perdi dudum præsenferat. Is tamen Calamitosæ profectionis fructus exstitit, quod evidenti oculorum experimento constaret denique, barbarorum contubernia a mari longissime abesse; Terrarum litori accubantium immensos tractus ne habitari quidem posse, quia vel aqua dulci, vel gramine, vel arboribus, vel his omnibus nudas adeo, ut præter paucos struthiones, & huanacos vix aliud feræ genus istic deprehendas. Ex quo palam fit, semitam illam, quam Cardiel viderat, humanis pedibus tritam, tria item cadavera, & equos Indorum fuisse, qui Chileni e territorio, quod equis abundat, ad salem illis

ex salinis asportandum venerint, eorumque aliquot, fors aquæ poculentæ penuria, alioue subiti morbi genere extinctos, itineri immortuos esse. Circumspectis itaque omnibus cum coloniz pro Indis, munitio- nisque pro Hispanis erigendæ opportunitas deesset, concordi omnium sententia de reditu cogitatum ita tamen, ut redeuntes facta iterum iterumque exscen- sione ea loca diligenter perlustrarent, quæ in itu non potuere. Quarta demum Aprilis vergente in octasum sole in Boniæris portu anchoras jecerunt, per mare, si quod aliud, procellosissimum sæpe, multumque periclitati, omnia, quæ ad complendas Regis voluntates facere videbantur, quam curatissime speculati, navigatione in quartum omnino mensem protracta. Nam 52 gradum 28 minutum latitudinis attigerant, unde ipsum fretum Magallanicum 14 duntaxat leucas abest. Et vero verissime dici potest, neminem eorum, qui arduæ huic navigationi intere- rant, partibus suis defuisse; omnes quæ agendo, quæ patiundo durissima quæque egregium Regi suo obse- quium præstitisse, e quo ingentes in patriam ipsam utilitates redundarent aliquando. Quotidianæ equi- dem litorum, portuumque observationes, quas Jo- sephus Quiroga & fecerat, & calamo expresserat, mox typis Matritensibus vulgatas, rerum præcipuarum iconibus æri incisis, maximo sane erunt usui Hispanis per hoc mare adeo turbulentum posthac navigaturis. Incredibile enim, quot erroribus scateant tabulæ, re- lationesque nauticæ, ab exteris olim in lucem editæ, qui Magallanicum mare fugientium instar transi- ere, atque adeo res maximi momenti obiter duntaxat, & ut ajunt, per transfennam obseruaverant, vel solam earum superficiem adnotaverant, cortice contenti, nucleo neglecto. Istorum errores passim refellit Qui- roga oculorum testimonio fretus, industriisque, quæ

utebatur, confusus. Istius ephemerides Matrīti Hispanica lingua editas Ulyssipone classem abituram præstolatus in latinam traduxi. Illas historię Paraguaricę Xaverij Charlevoix insertas habes; In ejusdem traductione germanica, quę lucem vidit, passim corruptę, ac mutilatę sunt, uti multa alia, quę in eadem toto cœlo ab authoris Galli mente aberrant. Corollarīi loco accipe: P. Josephus Cardiel, cum navali, pedestrique itinere illos Magallanicę terrę barbaros haud invenerit, ad illos quærendos equestre iter terra suscepit, sociis aliquot sibi adjunctis. Sed cassus perinde, ut prior, labor ejus fuit. Multum, dique per illas camporum solitudines peregrinatus consumpta jam, quam attulerat, annona in eas redactus est angustias, ut ferarum more, nī mori mallet inediā, Gramine vesceretur. Fames extrema classicum fuit, quo in urbem Boni aeris revocabatur, rebus quidem infectis, sed ob insignein tolerantiam, magnanimitatem, Apostolicumque ardorem admiratione, imitationeque dignissimus. Mocobiis quoque, Abiponibus, & diutissime Quaraniis populis operam navavit, immortalī Petro de Zevallos non abs re percharus.

Anno 1765 mercatoria navis ingens, cui a conceptione nomen fuit, quęque merces aliquot millionum pretio æstimatas vehebat Limensi portui Caliao destinata, in litore insulę ignis (la ysla del fuego) Vadis illisa periit. Homines scaphā in insulam evaserant feliciter, nāvī sensim fluctibus haustā. Annorę portio aliqua, tormenta, aliaque ad vitam servandam necessaria ex fatiscente navi providenter asportata sunt. A' naufragis Hispanis vicinus mari collis occupatus, ac machinis bellicis nescio, quot, munitus est. His explosis Indorum, qui insulam habitant,

tant, accurrentium agmen eminus spectabatur. Toto  
 nudi corpore ventrem utraque manu singuli fricuere.  
 Explosio rursus tormento humi procubere omnes,  
 neque tamen a fricandis ventribus destiterant. Ridi-  
 cula hæc barbarorum actio suspensos tenuit Hispano-  
 rum animos, num amicitie, num belli apud illos  
 signum esset, ignorantium. Cumque illorum linguam  
 nemo calleret, blandis vocibus, amicis nutibus,  
 monstratis munusculis allekti, & ut posito metu ac-  
 cederent, invitati appropinquarunt denique Hispano-  
 rum stationi, ventris tamen fricatione nunquam in-  
 terrupta; Qua consuetudine moti Hispani, hos bar-  
 baros jam *Rascabarrigas* appellant, quod ventris fri-  
 catores significat. Ad cicurandos, demulcendosque  
 insularium animos telæ elegantes, Cibaria, munu-  
 scula varia porrecta sunt, sed præter globulorum  
 vitreorum fasciculos ab iis acceptatum est nihil, frau-  
 des, nescio quas, advenarum forte suspicantibus, cæ-  
 terum pacatis, placidisque, ut adeo citra noxæ, in-  
 sidiarumve hostilium formidinem Hispani inter illos  
 versarentur, de ratione solum, occasioneque ad suos  
 quamprimum renavigandi solliciti. Fixum illis erat  
 pro modulo suo, ac naufragorum numero naviculam  
 fabricari. Hinc omnium nomine conceptis verbis  
 Deo voverunt: si incolumes portum Montevideo  
 attigerint, se illam naviculam sacris Divi Francisci As-  
 sisiatis ædibus illuc dono daturos, quo scilicet depre-  
 catore eam sibi felicitatem a supremo Numine flagi-  
 tabant. Arbores navis fabricæ idoneas insula passim  
 obtulerat. Neque fabri, neque ad scindendas tabu-  
 las instrumenta desiderabantur. Ipsi Indi, quo loco  
 ligna seu duriora, seu latiora suppeterent, fideliter  
 indicarunt, quin & voluntate quam utilitate majori in  
 secandis, dividendisque trabibus adjumento fuere Hi-  
 spanis, sed ad ternos, quaternosve securis ictus, vel  
 ferræ

ferræ ductus fatigati recesserunt, operi faciundo scilicet nunquam assueti. Indorum segnitiam Hispanorum sedulitas supplevit, patrio quippe solo inhiantium, Prompta, parataque omnia. Clavi ferrei ad navis compagem firmandam defuere. Sed en! dum mare de more æstivans varias ex submersa jam naviculas in litus evomeret, illas inter una reperta est clavis necessariis plena; Quod quidem eximium propitii Numinis beneficium interpretati sunt omnes. Aliqua, quæ ad navalem suppellectilem pertinent, ex navi pereunte providenter extracta magno usui fuerunt. His subsidio suprema demum manus navigiolo est imposita, quo millenas circiter timendi semper æquoris leucas, nec pauciora pericula feliciter emensum portum urbis Montevideo Sospites attigerunt denique. Felices sibi utique videbantur vel eo nomine, quod navi, mercibusque amissis vitam servarint, maritimos inter fluctus, ac barbarorum insularum in contubernio semper illæsam. Quod mirandum sane, cum iidem Indi olim septemdecim Batavos nil sibi noxios dirissime contrucidaverint, discerpserint, ac binos illorum devoravint, qui Scapha ad contemplandam insulam ignis missi a supremo Navarcho Jacobo l'Heremite classis Batavæ, auctoritate Principis Mauricii Nassaviensis ad fretum Magallanicum, aliasque orbis plagas anno 1623 expeditæ, cujus itineris commentarium in opere, cui titulus: *Historia antipodum*, a Joanne Ludovico Gottfriedt edito, typisque dato Francofurti anno 1653, invenies. Hæc omnia, quæ de Hispanorum naufragio, ac navigationes scripsi, a sene cantabro navis demersæ fabro, periculorum omnium socio, ac navis, quæ in illa insula condita fuit, architecto relata sunt in urbe sanctæ fidei. Anno 1768 me in Boniæ urbe cum sociis navigationem in Europam expectante navis ad Insulam ignis cum duobus

monachis sacerdotibus ex illo portu solvit, qui rebus omnibus ex Regio ærario liberaliter instructi in insula memorata sedem figere, incolæque religionem docere jubebantur; Verum, re infecta, eadem navi ad Boniaeris portum haud multo post rediere. Quid istic actum, tentatumve fuerit, quæ causæ accelerati reditus existerint, haud scio. Genitus tamen audiivi Hispanorum nobiliorum, Jesuitas sibi ad hanc maximi momenti expeditionem peroptantium; Hi equidem eodem anno ad Europam (causam novit Deus) remissi fuere. Succedentibus forte annis cordi fuit Hispanis illam ignis insulam subigere, ac erudire, quæ insulæ Maloinæ in gradu 51, 30 minut. latitudinis Australis & 60 grad. 50 minut. longitudinis occidentalis a meridiano Parisiensi sita propinqua. Ista ab urbe Britanniz minoris sancti Maclovii, vulgo St. Malo nomen sortita, opera, sumptibus Ludovici Antonii de Bougainville peditatus tunc Tribuni (cujus sæpe memini) & Dominorum de Nerville, ac de Arboulin illius cognatorum occupata, familiisque Acadienfibus Christianissimi Regis, laborisque amantibus, qui illam excolerent, tradita anno 1763, vel quod probabilius, 64. Triennio post anno scilicet 1767 octingentis (sic in urbe Boniaeris tunc aiebant) fautorum Hispanicorum millibus Catholico Regi Carolo tertio vendita fuit, qui hanc exterorum coloniam, opulentissimis auro, argentoque provinciis Peruvianæ, ac Chilensi vicinam, si quando dissuta Hispanorum, gallorumque amicitia bellum impenderet, Monarchiæ suæ periculosam existimavit. Familiis Gallicis in Europam translatis Hispani habitatores suffecti sunt tales plerique, qui criminum rei vel carcere, vel supplicio dignos se reddidère. Vix erit unus omnium, qui carcerem, mortemve celerem præ insulæ hujus quotidianis, diuturnisque calamitatibus sibi non præoptaret.



ret. Illi gubernandæ Philippus Ruizius Puente navia bellicæ *la liebre* (leporis) gubernator designatus, qui incolas novos, bellicam supellectilem, annonamque advexerat. Comes illi iverat alia navis bellica *la Esmeralda* (smaragdus) dicta, a Matthæo Collao gubernata. Idem navarchus (vir & optimus, & nauticæ peritissimus, licet in nautas aliquando rigidior) eadem navi ex Maloina insula ad portum Montevideo redux me cum 152 sociis in Europam transportavit. Nerville Gallum præfectura infelicis illius insulæ defunctum nobiscum habuimus, ex quo, uti & ex Hispanis, qui ibi versati sunt, pleraque didici, quæ de hoc argumento conscripsi.

Infelicem perquam meditate voco insulam, insulis fortunatis licet a Gallis quibusdam par jactetur; Neque id mirum cuiquam videatur. Laudamus enim venales, quas extrudere volumus, merces. Audi, quæ ex idoneis authoribus de Maloina insula accepimus. Nec ab Indis, neque a feris quadrupedibus habitari unquam potuit, rerum omnium, quæ ad vitam tolerandam pertinent, omnino expers. Juncos palustres pro arboribus, muscum pro gramine, paludem, limumque pro terra, frigus rigidissimum semper pro aere, noctem fere perpetuam, nebulas, caliginem pro sole offert habitatoribus novis. Dies enim longissima paucissimarum harum est. Furcibus Austris, quippe polo antarctico propinqua, turbinibus sævissimis, tempestatibusque horret plerumque. Gelu, continuis fere nivibus sociatum, eo intolerabilius, quod in tota, quæ quidem minime ampla est, insula nihil ligni seu ad focum alendum, seu ad condendum tugurium usquam suppetat, nisi navi ex insula ignis non sine periculo adferatur. Navis *la Esmeralda* nivibus semper tecta illo in portu steterat, ut  
nautæ

nautæ Hispani mihi affirmabant, fatebanturque sibi, tanto e frigore congelasse manus, ut, nisi vini cremati crebro haustu incaluisent identidem, fuitibus tractandis, & quibusvis demum, quæ navis offert, functionibus impares se viderent. Capræ, quas Galli attulerant, pabuli seu penuria, seu noxio succo confestim enectæ omnes. Triticum, quod iidem in solo scilicet uliginoso seminarunt, nunquam ad maturitatem pervenit, quin culmo semper curtissimo vix in spicam pubescentem adolevit. Hinc commeatu Europæo jam jam consumpto frequens esuries miseriis cæteris sæpe accessit. Annonæ supplementum volucres aquatiles fuerunt. Cygni referunt aliquam similitudinem, sed majores, nam librarum duodecim pondus sæpe æquant. A Gallis D'outarde, a Batavis Anglisque Pinguins, vel Penguines dicuntur. Panis loco nitratus pulvis, glandesque plumbeæ Gallis militibus, cæterisque dabantur, ut illis aves, avibus famem mactarent. Hæ quamvis sub Gallorum adventum maximo essent numero, quotidianis tamen scloporum ictibus partim consumptæ, partim fugatæ sunt adeo, ut succedentes Gallis Hispani hoc etiam sterilissimæ insulæ unico beneficio destituerentur. Utilem nihilominus illis hanc esse insulam, licet habitatoribus calamitosam, fateamur, necesse est, quod navibus tempestate jactatis perfugium, portumque classi non maximæ parem, & aquandi opportunitatem offerat. Loca aggressioni, exsensionive hostili opportuna aggere, suggestuque tormentario munita fuerunt. Paucis præsidiariis Antonius Catani peditum id temporis tribunus præficiébatur. Id monitum te velim, lector, dari & aliam insulam Maloinam illi, de qua mihi sermo fuit, vicinam, quam annis abhinc non multis Angli possident, ac Falklandiam appellant. Hanc Boniæris Gubernator Franciscus de Paula

Buccareli circa annum septuagesimum labentis seculi occupari, sed paulo post Anglis, Rege Catholico iubente, restitui curavit, ne ex parva scintilla ingens bellum exardesceret. At hem! de vastatis Paraquariæ oppidis differens Magallanicas in terras me abripi passus sum. Fateor equidem longiusculam fuisse digressionem, sed spontaneam, nec inutilem. Visum enim mihi est res illas commentariis meis inspergere data occasione, quarum obviis in historiis nulla fit mentio. Sed jam in viam redeamus.


Infiniti temporis, laborisque negotium foret, si singula, quæ per omnem Paraquariam everfa sunt, Indorum oppida, everfionis causas, tempora commemorarem. Idem, quod de Troja, repeti potest de multis coloniis Paraquariæ: Nunc ager, aut sylva est, ubi templa, domusque steterunt. Oppida quadringentis plura, quæ destructam hodie Tucumaniam urbem Quadalcazar olim circumsteterant, penitus intercidisse, ex annalibus liquet. Intra limites urbium Cordubæ, Riojæ, sancti Jacobi, S. Michaelis Tucumaniam, Correntinæ, & Assumptionis innumeræ, prope dicam, Indorum coloniæ interierunt. Paucissimæ, quæ supersunt, oppidorum umbræ sunt, pauculis, & fere miseris incolis, quia Hispanorum privatorum servituti mancipatis, constant. De re mihi toties visa loquor. Nam provinciam illam iterum, iterumque peragrans & oppidorum adhuc superstitum incredibilem omni ex parte miseriam, & everforum rudera hisce oculis spectavi. Vastitatem, quæ multis Quaraniarum nostrorum oppidis per Mamelucos, Brasilæ incolas, quondam illata est, priusquam enarrem, sine me aliqua præfari. Primi ex Hispania advenæ milites terras, gentesque Paranz, & Paraguayi litoribus dutaxat propiores sibi subdide-



te; Ad remotiores conquirendas non animi, sed copiarum illis deerant. Evangelica luce per Seraphicos potissimum patres Quaranii non pauci illustrati, & in coloniis, si res tulit, locati sunt. Divus Franciscus Solanus, & Ludovicus Bolaños eximia virtute clarissimus, nostrisque hominibus peramice familiaris apostolicis ea ætate expeditionibus eminuerunt maxime, ambo Seraphicæ familiæ, Paraquariæque luminæ; sed sociis sui similibus, successoribusque destituti tantæ, quæ ad manum erat, messi impares. Infinita siquidem Quaraniorum multitudo intra sylvarum, litorumque recessus latitabat paucis tunc Hispanis, quoties poterat, infesta, semper formidabilis, ac periculosa. Anno 1610 Ferdinandus Arias Assumptionis una, una Boni aeris gubernator strenuus cum numero militum agmine ad expugnandos Uruquayi accolæ Quaranios excurrit, sed illorum & numero & truculenta atrocitate perculsus, deque victoria desperans in urbem se recepit. Eadem sæpius alibi ab aliis gubernatoribus infelicitè tentata est alea. Non ignivomis militum armis, sed suavi patrum eloquentia, amore scilicet, non timore vinci poterant Quaranii. Eventus id docuit. Eodem anno equidem Pater Marcellus Lorenzana Hispanus collegii nostri in principe Assumptionis urbe tunc Rector a Quaraniis Paraquayum inter & saranem turmatim palantibus id demum impetravit, ut in amplo, quod divi Ignatii Loyolæ nomine insignitum, lis cōdiderat; oppido sacra romana amplecterentur, cumque Hispanis amicitiam inirent. Oppidum floret etiamnum. Rectius dicam, floruit nobis Europam repetentibus. Quid enim post nostrum abitum acciderit, haud mihi exploratum. Sub idem prope tempus socii nostri patres Josephus Cataldino, Simon Mazzeta Itali, Antonius Ruiz de Montoya Hispanus

nus Americanus, & qui annis succedentibus suppetias venerant, patres Rochus Gonzalez Hispanus Paraquariensis, Petrus Romero, Didacus Boroa &c. heroo omnes spiritu, Apostolicisque virtutibus insignes tum provinciam Quayram, tum Uruquayum flumen versus inaccessas Hispano militi montium, nemorumque latebras excussere, ubi multa Quarani-  
orum millia detecta, & conditis, ubi poterant, coloniis collecta Deo, Regique catholico adiuncta fuerunt. Prosperas sociorum nostrorum Quaranos inter expeditiones justis voluminibus historici dudum complexi sunt.

Rapidissimos hos rei christianæ progressus Mammaluci e vicina Brasilia, maxime ex S. Pauli oppido irrepentes tantum non stiterunt, certe miserabilem in modum retardarunt. Mammaluci colluvies sunt ex Lusitanis, Batavis, Gallis, Italis, Germanis, feminisque Brasiliis prognata, bombardæ usu, latrocinandi dexteritate celebris, & ad quidquid audendum projecta, atque inde Mammalucorum peregrino nomine olim insignita. Maffeo enim teste, folio 69 historix Indiarum. *Mammaluci, Ægypti robora, milites optimi*; Juxta alios: sclavi Soldani Ægypti fuisse. Hos vero istorum in Brasilia nomine appellatos Mammalucos *orci satellites* cum Paulo tertio summo Pontifice citra injuriam dixerimus, quippe quorum institutum fuerat, Indos in libertatem filiorum Dei a patribus assertos in dirissimam servitutem abripere. Repetitis per annos plurimos illorum incursionibus eversa oppida: Assumptionis in yuy. Omnium sanctorum in Caaro. SS. Apostolorum in Caazapaquazu. S. Christophori in opposito litore ygay. S. Joachimi ibidem. S. Barbaræ in ripa occidentali Paraguay. S. Caroli in Caapi. Harum coloniarum



incolæ Quaranii, paucos, qui fuga evaserant, si-  
 demas, catenis, funibus vincti in Brasiliam pecorum  
 instar gregatim abducti, ad æternos in sacchari,  
 mandieæ, Gossipii, fossarum mineralium, tabacæ  
 officinis labores damnati fuere. Proles lactentes,  
 quod iter retardarent, ac oneri essent, matrum e-  
 sinu avulsæ, crudeliterque per viam solo allisæ sunt.  
 Senio, morbove imbecilliores jam ferro, jam plum-  
 bo necati, quia impares diutius profectio. In-  
 columes alii, ne tenebris ad fugam abuterentur,  
 noctu in paratos scrobes coniecti sæpe. Multi in-  
 edia, itinerisve ad multa leucarum spatia producti ino-  
 lestia per viam occubuere. In hoc Indorum venatu  
 jam vi aperta, ut lupi, jam astutia, ut vulpes, usi  
 sunt, utrobique crudelissimi. Plerumque, dum col-  
 lectus in templo sub divinis populus, in oppida lon-  
 go agmine irruebant, viis, angulisque omnibus ob-  
 sidione clausis, ne ullus miseris pateret effugii locus.  
 Inde consuetudinis, quæ semper dein apud nos vi-  
 guit, origo, & veluti lex, ut Indi Quaranii omnes  
 vel hasta, vel sagittis armati templo interfint, ne  
 subita Brasiliensium latronum aggressione inermes  
 opprimantur deinceps. Sæpe Jesuitas mentiti, illo-  
 rum more rosariis, crucibus, toga nigra insignes In-  
 dorum, quæ externa specie deceptis nil doli sub-  
 oluit, agmina per sylvas collegerunt. Oppida com-  
 plura Mammalucorum insidiis obnoxia, uti lauteta-  
 num, & S. Ignatii &c. tutiora in loca plurium  
 mensium itinere, incredibili & patrum, & Indorum  
 labore translata sunt. Neque nostris Chiquitorum,  
 Moxorumque coloniis, neque aliis, quæ Hispanorum  
 in territorio a sacerdotibus secularibus, monachis-  
 que procurabantur, Mammaluci pepercerunt. Op-  
 pida Indorum ad ripas yeyuy in Curuquatenfi terri-  
 torio stabilita, scilicet Mbaracayã, Terecañ, can-  
 de-

delaria, & ybirapariyara, ut plura alia taceam, a Mammalucis omnino destructa fuere. Eodem prope fato Hispanorum urbes Xerez, Quayra, (ciudad real) & Villarica &c. desierunt. Illatas Paraquariæ strages ecquis tandem enumeret singulas? Vasti id materies voluminis foret; quin immo fuit pluribus. Enim vero quisquis unquam de Paraquariæ rebus scripserat, tragica Mammalucorum historia ingentes paginas implevit, & cum scripserit multa, plura tacuisse videtur. Hoc equidem bellum, quod per tot annos, tanta virium contentione crudeles Mammaluci, ferro, plumboque armati Quaraniis prope nudis, ac inermibus, certe solo ligno tunc repugnantibus moverunt, & diuturnitate temporis, & cæsum, captorumque Indorum numero, cum maximis Europæ bellis conferri potest, quin & aliqua ratione iis præferri. Audi, si sine horrore potes, quid literæ ædificantes, & curiosæ recensione 25 hoc de argumento dicant. *Afferitur, ajunt, quod prope incredibile, a Mammalucis Brasiliæ 130 annorum spatio duos Indorum milliones caesos, vel in captivitatem abreptos; Et plus, quam mille regionis leucas ad Amazonum flumen usque incolis exhaustas fuisse. Ex literis authenticeis (sunt a Rege Catholico — 1639 anno, 16 Septemb. datæ) constat, uno quinquennio trecenta Indorum Paraquariensium millia abducta fuisse in Brasiliam. Petrus de Avila Boniaeris Gubernator anno 1639. 12 Octobris scripto testatus est: Se vidente in urbe Brasiliæ fluminis S. Januarii (Rio de jeneiro) Indos a Paulopolitanis palam fuisse venditos; Et ab anno 1628 usque ad annum 1630 in sola hac urbe sexaginta Indorum millia vendita fuisse. Ex hoc facilis est conjectura, in aliis Brasiliæ locis multo plura infelicium Quaraniarum millia, quos incolæ Cananex &c. alique Indorum venatores avidissimi ceperant, tot annorum spatio venunivisse.*

Verum non semper impune tulerunt hanc suam rapacitatem. Postquam enim, Rege indulgente, Quaraniis arma ignivoma procurata sunt, iterum iterumque profligati, repulsi, cruentis cladibus fuerant affecti. Memorabilior cæteris, ac prope incredibilis ea fuit victoria, quam quatuor Quaraniorum - Neophytorum millia ad fluvium Mbororè, ubi Uruquayo miscetur, de numerosa prædonum Brasiliorum classe reportarunt. Trecentis lintribus aderant quadringenti Paulopolitani, & bis mille septingenti Tupias, ferocissimi Brasiliæ barbari illis fœderati. Quaranii Ignatio Abiazù duce, qui gentis illius princeps fuerat, dum quinque navibus obvii hostes destinato tormenti ictu salutant, tres illorum lintres deprimunt, Brasiliorum compluribus vel prostratis, vel sauciatis. Qua salutatione inopinata perculsi e lintribus in litus desiliunt plerique, desperata navali pugna Quaraniorum aciem per insidias a tergo adoriuntur. Verum acriter omni ex parte repulsi, passim contrucidati sunt, quin ad unum omnes internecione delendi fuerant, nisi nox incumbens & pugnae, & victoriz finem imposuisset. Postridie hostium per sylvam fugitantium reliquias ferarum iaster undique insectati sunt eo successu, ut paucissimi superstites, castris, lintribusque amissis, trepidantes, nec uno vulnere saucii domum properarint. E Quaraniis victoribus tres duntaxat sub pugnae initium cæsi, quadraginta vulnerati fuere, ut adeo illustrem victoriam propitiis superis, non armis suis in acceptis referrent. Quo quidem eventu supra omnium vota prospero Quaranii jam animosiores a Paulopolitanis porro timere, suspicique exeperant. Pax, securitasque illis oppidis reddita, res christiana magnis accessionibus ubique aucta fuit, quam perpetuæ Mammalucorum incurfiones non perturbarunt modo, sed prope profligarunt.

Ne-



Neque putes, per calumniam de Brasiliæ incolis ab Hispanis scriptoribus hæc spargi, exaggerarive. Ipse fidelissimus Rex Josephus primus decreto 6 Julii anno 1755 edito, & codici novo juris lusitanici inserto fatetur: Multos millones Indorum destructos fuisse, & hac ætate pauca superesse Brasiliæ oppida, paucos oppidorum habitatores. Causam hujus adjicit: Quod Indis libertas non sit permessa secundum leges lusitaniz. Indos declarat liberos. Captivis libertatem jubet restitui &c. Alii quoque pietissimi, qui hunc præcesserant, Hispaniæ, & Lusitaniz Reges Indorum raptum, venditionem, oppressionem, infectionemque qualemcunque iteratis legibus, acerrimis comminationibus interdixere dudum. Multi provinciarum Gubernatores Regionum decretorum observationem urgebant, sed raro impetrarunt. Innumerus equidem, qui Indorum captivitate, ac obsequio quæstum faciunt, major opum, quam conscientiz, vel decori cura est. Regis, quem longe abesse norunt, Deique legibus procaciter neglectis Indorum e miseria ditescere procurant, etsi maleparta male dilabi quotidie experiantur, ac præter insignem paupertatem hæreditatis nomine nihil plerique posteris transmittant. Istiusmodi hominum adversus Indos inhumanitatem vivis, verisque coloribus expressit Regius diu Ulyssipone concionator, mox Brasiliæ Apostolus quatuordecim concionum suarum voluminibus in lucem datis, innumerus barbaris ad religionem traductis clarissimus Pater Antonius Vieira, nostræ tum societatis, dum ob defensionem Indorum libertatem ab Indorum insectatoribus e Marañone provincia exturbatus coram Ulyssiponensi aula Regia de hoc argumento verba fecit anno 1662. Hic ejus sermo tomo quarto illius operum Ulyssipone typis datus 1685, lectuque sane dignissimus.

Cum ne Regiis quidem legibus mos gereretur in Brasilia, Indos capiendi, afflictiendique nefaria consuetudo Pontificiis, ad Regum preces, minis, atque pœnis erat coercenda. Paulus tertius, Urbanus octavus, & demum Benedictus quartus decimus Apostolico ictos fulmine, a Romanæ Ecclesiæ communionem exclusos pronuntiârunt illos omnes, qui ausi fuerint Indos in servitutem redigere (verba sunt Romanæ curiæ) vendere, emere, commutare, vel donare, ab uxoribus, vel filiis separare, rebus suis spoliare, & ad alia loca deducere, & transmittere, aut quomodo libet libertate privare, in servitute retinere, nec non prædicta agentibus consilium, auxilium, & favorem, aut operam quocunque prætextu, & quæsito colore præstare, aut id licitum prædicare, aut docere, aut alias quomodolibet cooperari. Hæc sub excommunicationis latæ sententiæ (a quâ non nisi a Romano Pontifice & satisfactione præmissa absolvi possint) interdiciuntur in favorem omnium Indorum tam in Paraguariz, ac Brasiliæ provinciis, ac ad flumen de la Plata, quam in quibusvis aliis regionibus in Indiis occidentalibus, & meridionalibus existentium. Ista trium Pontificum summorum mens, ac, si substantiam attendas, verba sunt. Literæ Pauli tertii ad Cardinalem Taberam Archi-Episcopum Toletanum 23 Maji anno 1537 datæ fuerunt. Urbani octavi bulla, quæ incipit: *Commissum* scripta 22 Aprilis 1639. Authentica cum literis Regii senatus Matritensis, quæ bullæ hujus executio mandatur, extabat in tabulario Collegii tunc nostri S. Ignatii in civitate Bonariensis. Bulla Benedicti quarti decimi ad antistites Brasiliæ, aliarumque lusitani Regis provinciarum expedita extat in bullario Benedicti ejusdem tomo 1. c. 38. Ejus initium est: *Immensa*. Pontificiæ, Regiæque contra Indorum vexationes literæ ad Hispanos quo-

quoque corrigendos, terrendosque dirigebantur. Nam & hi, etsi segnius aliquanto, Indis capiendis inhabant olim, vel eorum servitute contra Regias leges abuti consueverunt. Ut ex multis paucula attingam, in urbe sanctæ Crucis de la Sierra publicæ Indorum nundinæ palam celebratæ; ut alibi ovis cum agno, sic istæ mater Indæ cum filiolo interdum vendebatur. Ejusdem urbis incolæ Indos venaturi excurrebant frequenter, trucidatis aliis, aliis in Peruvio, vel domi venditis. Incredibile est, quam improbò conatu chiquitorum, aliorumque barbarorum colonias a Patre Josepho Arce, ejusque sociis in ceptas seu disturbare, seu remorari perrexerint veriti scilicet, ne Indisylvicolæ, quos caperent, venderentque, sibi porro deessent. Ex hoc enim Indorum commercio multæ quot annis scutorum millia collecta; sed barbari id circo ab amplectenda religione, mirum quantum, absteriti. Viderant equidem, si Christiani, si Hispanorum amici fuerint, se amissa libertate servos æternum fore, ac miseros. Sociis nostris hunc religionis, quam promotum ibant, obicem acerbissime lamentantibus tandem Princeps de Santo bono Peruvii Prorex exilium, facultatum, dignitatumque jacturam impiis Indorum emptoribus, venditoribusque decreto publico comminatus noxiam Indorum nundinationem ex hoc sanctæ Crucis territorio exterminavit; utinam & in urbe Quayra (quam la ciudad Real civitatem Regiam appellarunt) Indorum Venatio, vexatioque refrenari potuisset! Quanta fuit nostrorum hominum sitis in conquirendis per immensa nemora, Christumque docendis barbaris, tanta erat illorum Hispanorum fames propriarum utilitatum, quas ex Indorum mancipatione nequidquam expectaverant, plerumque ad incitas redacti.

In cæteris quoque Paraquariæ urbibus Indos ab  
 heris suis (Encomenderos dicunt) contra Hispaniæ  
 leges duriter habitos, laboribus oppressos fuisse, Hi-  
 spani historici passim conqueruntur, ipsique vidimus.  
 -Indi, miseriam pertæsi, qua qua poterant, ad avita  
 nemorum suorum latibula rediëre; Lules certe, pe-  
 destris, frequensque in Chaco natio, a S. Francisco  
 Solano salutaribus olim undis expiati, asperæque in  
 eolarum urbis Esteco servituti addicti in finas, quas  
 quondam habitarunt, sylvas refugerunt, unde pluri-  
 mis post annis a nostro Patre Antonio Machoni sar-  
 do reducti, incredibilique labore in Valle buena ex-  
 culti sunt, atque in hanc diem perseverant in oppido  
 S. Stephani. Locum Miraflores vocant indigenæ.  
 Calchaquies bellicosissimi Hispanis relictis dominis  
 servitutem miseram indignati patria spelæa repetie-  
 runt, unde identidem affilientes Tucumanæ crebras,  
 cruentasque strages intulere. Cives urbis conceptionis  
 ad fluminis rubri ripas ab Indis intolerabili servitute  
 exasperatis internecione deleti sunt. Sylva densissima  
 urbis locum hodie occupat, ruderibus ipsis terra  
 obrutis. Innatus scilicet Indis, quin & feris liberta-  
 tis amor ad audenda extrema compellit. Hinc ser-  
 vitium illud, ut vulgo dicitur, personale Hispano-  
 rum, atque adeo religionem ipsam, quæ illos servos  
 reddiderat, pedibus, manibusque refugiant barbaræ  
 nationes, ac totis animis averfantur. Jesuitæ,  
 -religioni amplificandæ intenti dum libertatem Indo-  
 rum a Pontificibus, Regibus, legibusque stabilitam  
 vindicare studuerunt, exilio sæpe, sæpe calumniis,  
 contumeliisque pessime mulctati sunt superiore seculo  
 ab illis, quæ propriarum utilitatum, quam religio-  
 nis, Regiæque dominationis augmentum plus cordi  
 fuit. Oppida, quorum incolæ Indi privatis homini-  
 bus (Encomenderos) subditi vel dudum extincta sunt,  
 ut,

ut dixi, vel ad eam miseriam, paucitatemque habitatorum redacta, ut umbræ oppidorum verius, quam oppida videantur. Dum e contrario oppida 32 Quaraniorum, 10 Chiquitorum, alia minora aliarum nationum, quod incolæ Regium juxta decretum soli catholico Monarchæ subditi sint, magnis quotidie habitatorum accessionibus locupletata nostra sub disciplina durarunt semper, ac floruerunt, quod Gubernatores Regii, Episcopique, oculati testes, datis toties ad Regem literis, contestati fuere. Haud infior, nulla unquam ætate in Paraquaria, Brasiliaque defuisse Hispanos, lusitanosque viros divinarum, Regiarumque legum egregie tenaces, qui popularium suorum asperitatem in Indos, avaritiamque execrati nullam non movebant lapidem, ut facta, tectaue maneret Indorum libertas, & religio sancta magna semper passibus progrediretur; Verum eheu pauciores illi (Nam neque Hercules contra duos) crudelium multitudini corrigendæ impares sese viderunt, dolueruntque. Facultas illis defuit, voluntas nunquam. Ipse ego novi Hispanos, quos Indorum non heros, sed patres dicere aulam. Hoc argumentum diffusius pertractasse tibi si videar, age, ipsos Paraquariæ historicos Hispanos inspicere, & mox fateberis, me hanc rem obiter duntaxat, ac, ut ajunt, extrema solum digitis attigisse.

De fluviis, qui chacum provinciam alluunt, per transfennam injecta est mentio. De Parana omnium principe ac sepulchro, cui ad Boniæ limites fluminis argentei splendidum, sed inane nomen obtingit, plurima sane mihi scribenda supersunt. In plerisque, quæ ad ejus fontem, nominisque originem pertinent, hallucinantur historici. Putant equidem argenteum flumen ex Paráquayo flumine potissimum nasci;

nasci; Istud vero lacui Xarayes primordia debere  
 sua. Ast utrinque toto cœlo aberrant. Nam flumen  
 argenteum re ipsa est Parana ingens, fluviis Para-  
 quay, Uruquay, aliisque innumeris per viam locu-  
 pletatus. A fonte suo licet remotissimo ad mare  
 pacificum usque, cui illabitur, immensa terram spa-  
 tia pervagatus, a Quaraniis indigenis nunquam varia-  
 to nomine *Paranà* appellatur etiamnum, quod ver-  
 bum rem mari cognatam, vel mari similem significat.  
*Parà* enim lingua Quaranica idem est, quod latinis  
*Verficolor*. Cum itaque mare pro lucis, venti, fluc-  
 tuumque ratione alium, aliumque colorem objiciat  
 eminus id spectantibus, *Para*, & frequentius *Paragua-*  
*zà* res admodum verficolor ab illis appellatur. Quia  
 igitur Parana flumen tum alvei laxitate, tum vastis-  
 sima aquarum mole fluvios cæteros luculentissime ex-  
 cellit, & ad pelagi similitudinem proxime accedit,  
*cognatus maris* Paranà honorifice dicitur. Vox enim  
*Anà* similitudinem, vel cognationem exprimit. An-  
 no 1509 Joannes Diaz de solis ex Europa navigans  
 Parana flumen detexit, illudque suo nomine flumen  
 solis vocavit. Anno 1527 Sebastianus Gabotus, &  
 Didacus Garzia illud flumen argenteum (rio de la  
 plata) appellarunt, quod apud Indos accolae invene-  
 rint aliquot bracteas argenteas, a lusitanis, quos spo-  
 liarunt, e Peruvio allatas, quas tamen Hispani e flu-  
 minis hujus gremio, litoribusve erutas suspicabantur;  
 Nam post tria prope secula nil porro argenti istie  
 detectum unquam. En! ut magna sæpe nomina ex  
 solis nascuntur opinionibus, vanisque conjecturis.  
 Magnum hoc, licet argento vacuum, & forsân, ut  
 vulgo putatur, maximum orbis flumen a suis inde  
 incunabilis Paranz nomen retinet hodieum, etfi tot,  
 tantisque, licet se minoribus, fluviis per decursum  
 misceatur. Ad amnem a conchis dictum (las Con-  
 chas)

chas) qui ab urbe Boniaeris sex leucas abest, ubi scopulus insignior (la punta gorda) assurgit, ab Hispanis flumen argenteum vocari incipit, postquam paulo ante Uruquayum jam fluvio nigro mixtum orientali in litore absorpsit; Tanta aquarum accessione auctus Parana in loco a conchis dicto ad decem admodum leucas latitudinis porrigitur. Hinc naves per Paraguayum, Paranamque delatae hac in statione, ceu in portu conquiescunt, exonerantur, oneranturque de novo ante reditum. Neque enim tuto progredientur naves minoris formae, quales ex urbibus Assumptionis, Correntinae, Quaranicisque ex oppidis venire consueverunt.

Origo Paranae fluvii periade controversa est, ut patria urbs Homeri. Quidquid de illa scribitur, conjecturas inter, ac suspiciones numerato. Hispani certe, qui ad subdendam sibi Paraquariam primi aderant, per Paranae seu undas, seu ripas quingentarum facile leucarum spatio progressi ad illius tamen fontem haud pervenisse dicuntur. Indi Brasilienses Paranae originem putant lacum immanem ex Peruvianis alpihus ortum, & fortassis illum, qui lacus lauricocha dicitur, urbi Quauuco vicinus in undecimo circiter latitudinis gradu. Ex memorato lacu verisimilius flumen Amazonum derivant alii, quamvis Indi contendunt eodem nasci ex fonte & Amazonum flumen, & Paranam. Verum quis, amabo, in verba juret Indorum? Tot fluvii Peruvianis ex montibus manantes cursum identidem per ambages variant suum, aliique cum aliis commiscuntur; Quis in tanto amnium labyrintho Paranam a cæteris ita discernat, ut dubitandi locus non relinquatur? Martinus del Barco in poetico suo opere Argentina: Paranam gradum duodecimum inter, & tertium decimum latitu-

titudinis oriri affirmat. Quod si ita, in confiniis Bahiz omnium sanctorum Bræsiliz metropoleos Paranz cunabula deprehenderemus. Verum hic author hallucinatur in pluribus, ut constat; de verbis Hispani-  
cis in numeros rhythmos torquendis plus, quam de veritatis cognitione sollicitus fuisse mihi videtur. Ludovicus Bougainville in suo: *Voyage autour du monde* asserit: Paranam nasci juxta mare Atlanticum ex montibus, qui sunt versus Ost-Nord-Ost fluminis S. Januarii, indeque procurrere ad occasum, denique ad Austrum. Nil repugno equidem tanto authori, quia reliquis recentiori; Neque tamen citra formidinem illi assentior, quia alienis relationibus toties decepto, ut patet ex singulis prope paginis, quas de Quaraniarum rebus, oppidisque conscripsit. Quod de Paranz ortu, flexibusque affirmat, haud ipse vidit, sed ab authoribus, nescio, an fide dignis? accepit. Paucis: de Paranz prima origine, quod quidem sciam, certi, exploratique nihil. Id quod sane fluminum principi honorificum, quod illius, ut familiarum illustrissimarum primordis, detegi ægerrime possint. Illud quoque compertum, hoc flumen tot anfractibus flexuosum leucas octingentis plures cursu emetiri suo, priusquam vasto gurgite marinis in fluctibus conquiescat. Longo itinere fluvios complures, amnes innumeros sibi associat, semperque crescit eundo. Hanc fluviorum accedentium turbam quis enumeret? Memorabo, qui memoriz occurrant, præcipuos. A' terris septentrionem inter & ortum mediis Paranz cursum sequar.

In litore, quod occasum respicit, Paranz in funduntur fluvii: Ygayry. Ymuncina. Monicy. Amambay. Ygatimy navium mediocrium patiens. Ygurey. Yquairy. Açaray flumen illustre, Danubio,



blo, ut quidem Viennæ est, haud minus, fors major etiam. Nam in ipso litore sex facile origines altius extra aluvionum tempora a me illum inciente deprehensus est. Alveo fertur laxissimo, cursu, quem vix sentias, tranquillo. Triginta variae magnitudinis fluvios, quos, ipse sæpe transmissi, per viam haurit, parceret majoribus navibus, ut hinc, atque illinc scopulis impediretur, labore fors non maximo tollendis, ac dudum, si ingentes navigationis utilitates Hispani perspicerent, sublatis. Herba enim Paraquarica, quae sylvarum litoribus his incumbentes abundant, hoc fluvio ad Paranam, inde ad urbem Boniaeris transportari posset magno temporis, sumptuumque compendio. Verum surdis canitur fabula. Incolarum egestatis, quam laboris sunt patientiores. Monday, qui ex sylvis Tarumensibus prope oppidum S. Joachimi a me tot annos habitatum scaturit; Amnium subinde masculorum Yhu, Tarumay, yuquiry, quirahunguay, Cambay &c. accessione mirum in modum auctus scaphis par evadit, linitibusque grandioribus, quibus Mammaluci olim, trajecto Parana, per fluvium Monday irrepservunt sæpius ad Quararios nostros oppidi Jesus in vicino Ybaroty tunc conditi mactandos, capiendosque. Caapivary, Aquapey arcti, sed altissimi alvei, & ob monstra aquatilia natantibus pertimescendus. Yaquaro, genus est tigridis aquatilis, equos sæpe, mulosque nantes abripit. Atingy. Omnes hi, quos adhuc recensui, minoris notæ, & ut ita dicam, proletarii sunt fluvii. Ast jam, dum 27 gradum 43 minutum latitudinis; 318 gradum 57 minutum longitudinis, locum scilicet, ubi urbs correntina quiescit, attigerimus, subsiste tantisper, oculos, animumque adverte diligenter. Videntur, ut magnus Paraquayus, tot fluviorum, quos per iter secum abripuit, comitatu tumidus obvio sibi Maximo Para-



Paranzæ fit spoliū, unaque nomen, quod gesserat, illico deperdit! Pelagus enim illud ingens, quod ex utroque flumine commixto repente coaluit, a nemine jam Paraguayus, Parana ab omnibus & Hispanis & Indis nuncupatur, quod hic præ illo longe majorem aquarum vim advexerit. Verum easdem intra ripas, eodem alveo ambo licet decurrant flumina, Parana tamen limpidissimus turbidas Paraguayi aquas veluti dedignans diu refugit cum illo penitus permisceris. Certe trium circiter leucarum intervallo utriusque aquas colore, saporeque differentes & aspectu, & gustatu discernas. Sed en! quantum possit sociorum exemplum. Parana paulo ante ad occasum decurrens Paraguayum secutus mutata via Austrum versus flectitur, ad mare scilicet fluviorum matrem pie festinans. In oppido S. Ferdinandi, & S. Francisci Regis, quod Abiponibus Yaaucanigis condidimus in occidentali Paranzæ ripa, urbi scilicet correntinz adversa, dum essem, canalem ut latum, sic profundum, longumque observavi, rebusque omnibus circumspectis cepi cogitare, per hunc olim vel Paraguayum solum, vel cum Parana jam conjunctum occidentem solem versus decurrisse; sed arenis per insolentem alluvionem istic congestis viam sibi novam, veteri impedita, sibi aperuisse demum. Hanc tu suspicionem vanam si autūmas, mihi quidem verisimilitudo semper videbitur. In territorio sancti Jacobi de Storea fluvius & dulcis & salus alveum toties hac ratione mutarunt suum. Canales illorum veteres, & aliorum fluviorum alibi sæpius conspexi. In urbe S. Jacobi divus Franciscus Solanus fodalibus suis (quos observantes vocant) domicilium, templumque nitidum condidit ea ratione, ut illius porta non forum civitatis, sed campum respiceret. Id ægre ferentibus fratribus respondi vaticinio clarus archi-

architectus Solanus: Expectarent tantisper. Futurum aliquando, quod nunc futurorum nescii peroptassent. Aliquot post annis fluvius dulcis, qui urbem alluit, alvenum mutavit suum. Mutanda fuit civitas. Hac mutata templi porta forum respexit, respicitque etiamnum. Eventus vaticinationi respondit, quam indigenæ Hispani, dum illic essent, mihi retulere. Sed ad Paranam redeundum est.

Illius litus orientale magna ex parte arduum, saxosumque, occidentale e contrario depressum, limosum, & alluvionibus adeo pervium, ut campis, sylvisque quaquaversum submersis navigantibus dumtaxat, vel natantibus, nequaquam equitibus, peditibusve transitus isthac pateat. Omnis hæc, quæ trans Paranam occasum spectat, provincia vastissimis, variisque arboribus ad navium, planstrorumque fabricam aptis, lætis pascuis, campis hinc in planitiem, inde in suaves colliculos excurrentibus abundat, vix tamen uspiam stationem humanis habitationibus, oppidisque stabilibus opportunam invenias ob aquam jam nimiam, jam nullam, vel quod idem mihi est, salisam, amaramque. Quod si Paranz litoribus inædificaveris coloniam, alluvione proxima, quæ ad binas alicubi leucas protenditur, aquis innatabit; Si duas, ternasve leucas a litore illam removeas, & incolis, & bestiis fini pereundum erit. Fluvii enim cæteri, qui omnes in magni Paranz amplexus ruunt, tales sunt, ut imbre continuante tumidi omnem late viciniam in paludes convertant, deficiente protinus arecant, vel aquam ne bestiis quidem tolerabilem obtrudant. Hinc in Abiponum coloniis sanctis Hieronymo, Ferdinando, Carolo dicatis, etsi singulæ fluvios ejusmodi in conspectu habuerint, aqua stagnans, putida, tepida, lutulenta, hyrudinibus scatens nobis

potanda fuit ex lacuna scilicet, quam equorum, bo-  
um, canum, oviumque catervæ frequentabant quo-  
tidie, inquinabantque. Per sexennium talis mihi  
lympha unicum levandæ sifis remedium fuit. Putei,  
qui laborē incredibili cavabantur, vel imbre ingruente  
collapsi sunt protinus, quia nullis lapidibus suffulti,  
cum ad centum facile leucas lapidem nusquam de-  
prehendas, vel undam multo sale, ac amaritie asper-  
sam præbuerunt.

Minoris nominis, incertæque durationis fluvii,  
qui Paranz cum Paraquayo jam conjuncto accedunt,  
sunt: flumen nigrum, viride, album, rubrum, rio  
negro, verde, blanco, rubeo, fluvius de Gomez.  
Atopehenfa lauatè, seu hospitium porcorum aquati-  
lium. Alcaray. Cayman. Embalzado. Rio del  
Rey, seu fluvius Regis, Abiponibus Ychimaye. Ma-  
labrigo, Abiponibus Neboquelatèl. Eleyà. Saladillo.  
Inespin, Abiponibus Narabaquem. Rio S. Martini.  
Salado. Carcaranal. Tortugas fluvius testudinum.  
Matanza. De los arrecifes. Areco. Lujan. De las  
conchas. Attigimus portum, in quo naves quæ sep-  
tentrionali, vel orientali ex Paraquaria venerant,  
subsistunt periculi metu. Hic equidem Parana tot  
fluminum accessu, ingentis Uruguay, Nigrique flu-  
vii pariter prægrandis societate jam inflatus pelagi fa-  
ciem refert. Sed hom! dum maris cognatum Para-  
na ostentat se se, amisso Paranz nomine hic subito  
Flumen argenteum incipit vocari. Eccur illud?  
Num argentum suo fovet in sinu, aut litore uspiam?  
Ne micam quidem, ac præter lutum nihil. Uti ta-  
men Scipio a Vastata Africa Africanus dictus, eodem  
sic jure Paranam ab argento Peruviano, quod haustis  
sæpe navibus hausit, argenteum dixeris. Denas hic  
leucas latus, nedum tamen magnitudine contentus  
sua

sua reliquos, qui ad occidentem occurrunt, amnes, etsi ignobiliores, sibi adsciscit. Memoratu dignior ex illis est, quem Hispani *Riachuelo* vocant. Hic enim quotidiana maris æstuantis accessione tumidior stationem tutam, viamque, qua litori propinquant, scaphis præbet (lanchas appellant) quarum maximus per hoc flumen est usus.

Luculentiores, qui orientali ex ripa Paranzæ advoluntur, fluvii sunt, si a septentrione incipias: Añemby. Parana panè. Quibay. Yquazu e Brasilia oriundus, per quem sæpe Mammaluci, Quaranicas prædaturi gentes olim venerant. Fluvius hic non contemnendæ molis, lemborumque majorum patiens. Quatuor a Paranzæ ripa leucas emensis Cataracta occurrit. Triginta ulnas alta, ex qua formidabili cum murmure fluvius præceps gradatim devolvitur, tanta aquarum copia resiliente, ut spissus vapor nubis instar illi loco incubans a quatuor jam leucis semper videatur. Hac in vicinia nullos commorari pisces, ajunt, immensi scilicet aquarum strepitu territos. Navigantes, cum Cataractæ (Hanc Hispani *Salto*, Quaranii *Yrù*, seu aquam per saxa venientem appellant) transitu insuperabilis sit omnino, terga iter faciunt, lintresque manibus trahunt aliquamdiu. Tribus a Cataracta leucis fluvius leucæ unius latitudinem retinet. Ex quo conjice, illum jure Yquazu fluvium grandem nuncupari Ybirayty. Yabebiry oppidis Quaranicis S. Ignatii missi, & virginis Lauretanæ intercedit, angustus sed multi gurgitis. S. Ambrosii. Rio de los Astores. Fluvius S. Luciz. Per ultimos hos fluvios Payaguas piratas crudelissimos ad vastanda Hispanorum prædia, incolasque trucidandos irrepsisse frequentius novimus. Fluvius corrientes mediocribus adnumerandus. Oritur



è vicino lacu Yberà, quem olim lacum de los Caracaras appellarunt. Dicitur is lacus quadraginta circiter miliaria longus, sed latitudinis exiguæ, variæque. Plures insulæ, quas complectitur, Indorum ex oppidis transfugarum latibula sunt nostra ætate, & proxime lapso seculo illas insedisse scribunt Catacaras Indos Hispanis mire perniciosos, ac prope inexpugnabiles. Jubente tamen Boniaeris Gubernatore, Joanne de Garay duce a Quaraniis nostrorum agmine oppugnati, expugnatique feliciter sunt, hostium plerisque omnibus vel cæsis, vel captis, postquam insulas singulas pertinaciter tuiti essent. Hæc victoria num christianis Quaraniis gloriosior, an Hispanis utilior fuerit, haud scio. Audi reliquorum, qui Paranz hic miscentur, fluviorum nomina. Quaquilarò. Espinosa. Alcaraz. Hernand Arias. Pardia. Rio de los Charruas. Pacu. Verum hi omnes minorum gentium sunt fluvii. Jam paulo majora canamus,

Locum attingimus, ubi Uruquay, primæ magnitudinis flumen, Paranz se subdit. Nomen a Cochleis, seu limacibus acceperit, qui pugno majores sua in concha assati ab Indis eduntur. In alpihus Brasiliz gradum vicesimum quintum inter, & vicesimum sextum latitudinis in Capitania sancti Vincentii (si Bougainvillio habenda fides) natus, ducentas facile leucas percurrit; Multis hinc atque hinc scopulis, cataractisque impeditus, quæ navigationem scaphis etiam mediocribus perdifficilem reddunt. Cataracta omnium maxima ad oppidi Quaranici Yapeyù totum claudit flumen, scaphisque, quæ e Boniaeris portu veniunt, transitum interdicit undique. Lintres vero, prosequi cœptum iter ut possint, nautarum humeris terra transportari solent. Navigii genus, quod apud  
Uru.

Uruquayenses Indos in usu, & hispanico vocabulo balsa dicitur, juvat hoc loco explicare. Lintres duo prægrandes, interdum septuaginta pedes longi, stipitibus transversis valide copulantur. His arundines diligenter connexas pavimenti instar substernunt. In medio tuguriolum arundineum pellibus bubulis ad arcendas cœli injurias tectum assurgit. Remis, non velis & adverso & secundo flumine navigatur, securitate, quam velocitate, majori. Remigibus adhuc opus est sat multis; Quæquæ versum insulæ circumstant; palinis, malis citrinis, persicis, & quibus non arboribus opulentæ; sed & tigridibus, serpentibus, feris aliis seu noxiis, seu escis abundantes. Immanes scopuli, e quibus illa cataracta componitur, subjecto nitrati pulveris cuniculo in auras ejecti sunt olim, sed in flumen recidentia saxa viam, qua transitus vel naviculæ pateret, omnem penitissime obstruxerunt. Ita nimirum remedia ipso morbo sæpius sunt nocentiora.

Fluvii, quos Uruquayus occidentali ex ripa ebibit, memoratu digniores sunt: Yapuca. Piquity, vel Pepiry ob linitum controversias Hispanos inter ac lusitanos notus. Quañumbacà. Acaranà. Mborore a victoria, quam Quarani a Mammalucis (ut supra retuli) reportarunt tam celebratus, ut lacus Thrasimeneus, & fluvius Trebia a Clade, quam Hannibal inrulerat Romanis. Si tamen fas sit in rebus parvis grandibus uti exemplis. Aquapey. Mirinay ex lacu Ybera profluens. Nota, errorem haud dissimulandum irrepsisse historię P. Xaverii de Charlevoix in Germanicum 1768 traductæ, ubi perperam dicitur, fluvius Mirinay cum Parana, fluvius corrientes cum Uruquayo misceri. Hic equidem recto cursu Paranam, ille Uruquayum petit. Oculos testor

N 3

meos,



meos; Nam hæc fluviorum litora ipſus peragravi.  
 Vaccaretâ. Timboy. Gualequay. Rio de los Topes.  
 Yaquary quazû. Singulis his fluviiſ fluvioli minores  
 per viam illabuntur. Ad ortum uruguayo ſe conjun-  
 gunt: uruguay miſi. Uruguay pîta, ſeu uruguay  
 parvus, & ruber. Yribobâ. Rio S. Juan. Nucorâ.  
 Yaguarapè. Yyuy. Piratiny. Ycabaqua. Mbutuy.  
 Toropy mixtus jam cum ybicuy controverſis limi-  
 tum cauſa Hiſpanos inter, & luſitanos clarus. Qua-  
 ray. Tebiquary. Lechignana, dictus a ſavo mel-  
 lis, quod apes in apice virgultorum, vel graminia  
 altioris conſciant. Rio San ſalvador. In hac vicinia  
 Rio negro (fluvius Niger) aquæ præſtantia, uberta-  
 teque celeberrimus Uruquayum ingreditur mox cum  
 Parana, ubi ſcopulo grandiori (la punta Gorda) hor-  
 ret, jungendum. Ex tanta fluviorum coenotium  
 multitudine ecquid pronum cuique erit Uruquayi  
 magnitudinem conjectare? Aquæ illius ſalubritatem,  
 omnium ore celebratam, experientia mea ipſus explo-  
 ratiffimam habeo. Ultra annum cibi ſtudio, in-  
 ſomnioque vexabar. Inedia, vigilisque exhaustus  
 vix jam oſſibus hæſi. Eam ob rem ex calamitoſis  
 Abiponum coloniis ad Quarantica oppida translatus,  
 & licet in pluribus iſtorum, quæ Paranz accumbunt,  
 aliquamdiu commoratus, nil levamenti unquam ha-  
 bui. Paucis hebdomadibus in oppido S. Mariæ Majo-  
 ris ad Uruquayi ripas exactis penitiſſime convalui.  
 Quod Uruquayenſibus in coloniis cantores pueri vocis  
 amœnitate excellant, id aquæ tribuendum putant,  
 quippe quæ ad abſtergenda pectoris, gutturisque  
 phlegmata valeat plurimum. Flumen hoc, ſi quod  
 aliud, piſcoſiſſimum eſt præterea. Piſcibus certe  
 non ſolum innumeris, ſed & maximis, & ſapidiſſi-  
 mis abundat. Sunt, qui in Uruquayo monſtra mari-  
 na, terribiles viſu formas viſiſſe ſe, referunt. Ego  
 iſtud



istud nec negare ausim, neque affirmare. Flumen hoc a me navigatum tantisper equidem, non, ut ab aliis, enavigatum fuit.

Tot barbaris fluviorum nominibus tuas obtundi aures, fatigarique sensim oculos, dudum suspicabar. Verum ut Paranz magnitudinem rite noveris aestimare, fluviorum, a quibus augetur, minuta opus fuit recensione. Nam & Geographi illi, maxime bello ardente, omnem ferunt plausum, qui non urbes modo, & oppida, sed & pagos, ac solitarias arces suis in tabulis adnotarunt; Ex his enim singulis, quam vasta sit provincia, quam culta, edocemur. Hinc ausculta porro tantisper; Nam de Paraquayo flumine, præcipuo Paranz incremento, nolis, velis, mihi est jam disserendum. Vox *Paraguay* fluvium coronatum, vel coronarum significat Quaraniis. *Pará* enim, ut dixi, rem versicolore. *Qua* circulum. *Paraquá* coronam e psytacorum discoloribus plumis contextam denotat, quali istorum litorum accolæ utebantur. Alii a florum, qui his litoribus passim inuascuntur, varietate nominis *Paraguay* etymon derivant. Neque reticenda est recens alterius opinio, qui hanc circuli, vel coronæ appellationem huic fluvio inde congruere putat, quod fere per ambages procurrat, & continuis hac, illac flexibus veluti circulos efformet pro riparum, quas alluit, ratione. Tanta lis cum sit de nomine (de lana caprina, vel de umbra asini contendere, mihi videntur) major est de origine Paraguayi. De hoc plurimæ in historicis monumentis opiniones, conjecturæque recurrunt, quibus, cum argumenta solida desint, nec assentiri possum, neque repugnare. Illud extra dubium hodie, hallucinari omnes, qui flumen hoc ex lacu Xarayes prognatum scribunt. Hic error & antiquus, &

communis, non tamen a Jesuitis Geographis (quod bona Bougainvillii venia dictum sit) sed a primis Paraquariæ expugnatoribus Hispania in Europam inventus est, nostraque ætate detectus. Constat equidem, Hispanos, qui primis illis tardius successerant, eodem Paraquayi fluminis alveo ad sexaginta leucas ultra illum lacum navigasse. Ex quo patet, in remotioribus Boream, ac Orientem inter, montibus Paraquayi fontem quaerendum esse. Hunc non nulli in decantato lacu del Dorado inveniri, autumarant. Bougainvillius Paraquayum oriri asserit gradum 16 & 15 inter latitudinis Australis æquali prope intervallo a mari Australi, & Boreali in ipsis montibus, ubi fluvius Madera oritur, qui demum cum Amazonum flumine se conjungit. Hanc Galli opinionem lusitanis recentioribus, qui illic versati sunt, examinandam libenter relinquo. Quidquid sit, illud sat exploratum, Paraquayi ex Jacu Xarayes ortum fabulosum esse, cum talis lacus non nisi Geographicis in tabulis existat; Illa enim aquarum congregatio, quæ istic aliquando visitur, non Paraquayi fluminis mater, sed Paraquayi superfluentis est filia. Id audacter affirmo auctoritate Patris Josephi Sanchez labrador nixus, qui, ut superius memini, rerum naturalium sagax investigator Indis Mbayis, quos in oppido Belen excoluit, viæ ducibus utramque Paraquayi ripam iterato perlustravit, ac per eam, quod tot alii nequidquam tentarunt, ad Chiquitorum oppida pervenit anno 1767, illisque meditabundo oculo peragratis 27 Septembris ejusdem anni ad Bethlehemiticum suum oppidum incolumis rediit. Oppidum Chiquitorum divo Xaverio dicatum præ reliquis septentrioni propinquat magis, nam, ut idem Sanchez adnotavit, in gradu 16 latit. 313 grad. longit. situm. Oppidum sanctissimi cordis Jesu in grad. 16 latit. & 319 longit.

lito-

litoribus fluvii Paraquayi maxime finitimum, & ab urbe Assumptionis centum nonaginta leucas distat. Audiant jam Geographi, quid sæpius laudatus Sanchez de imaginario illo lacu de Xarayes, ac de commentitia insula de los Orejones sentiat in suis de Paraquaria commentariis.

Paraquayus (ait) unum in alveum collectus a septentrionibus decurrit aliquamdiu, mox tria in brachia scinditur, quorum unum Paraquay miffi, id est parvum Paraquay, duo alia Paraquay quazù, id est, magnum Paraquay appellant Indi. Alluvionibus solitis terna hæc fluminis cornua incredibilem in modum intumescunt, & extra ripas effusa ducentarum leucarum spatio terras planiores inundant. Hanc fluminis effusionem frequentiore, hanc aquarum collectionem fere diuturniorem lacum putavere Europæi advenæ. In lacus imaginarii medio collocarant insulam de los Orejones dictam, illique triginta leucas longitudinis, latitudinis decem tribuunt. Tantundem scilicet spatii Paraquayus exundans istuc occupare consuevit. Hanc Paradisi insulam vocârunt primi Paraquariæ expugnatores Hispani, quod improbis laboribus defuncti istuc tantisper conquieverint. Locus hic inter gradum 15, & 18 est sub zona torrida. Quid ad hæc doctus Bougainvillius, qui Paraquayi primam originem 15 inter & 16. Australis latitudinis gradum constituit? Neque Lusitani, qui in Cuyaba, & Matto grosso locis illi situi vicinis degunt, neque Hispani recentiores, neque barbari indigenæ talem insulam nôrunt. Hunc in modum Sanchez ratiocinatur, qui in controversis illis territoriis præ quovis alio magis versatus, atque adeo dignus mihi videtur, cui credamus, lacum de Xarayes, ejusque insulam rebus, quæ non exstiterunt, adnumerari tuto posse. Per

Americanam ignotam peregrinantes Europæi non raro falluntur. Mensibus pluviis aquarum, quas deprehendunt, congregationem, pro fluvio, vel lacu stabili habent, cum tamen vel imbrium præcedentium, vel nivium Peruvianis in alpibus liquefactarum, & immanis, quæ ex his consequitur, alluvionis duntaxat illa fuerit partus. Plures, qui de Magallanico scripsere mari, asserere ausi sunt, portui S. Juliani vastum incumbere flumen ex lacu immani ortum, cui alius item ingens fluvijs, Campanæ dictus, originem debeat suam. Id in ephemeridibus Architalassi Anglici Anson affirmatur. Hispani, qui (ut retuli) Philippo quinto iubente navi S. Antonii cum tribus Jesuitis anno 1746 ad Magallanica litora perlustranda missi, postquam terra, marique illum S. Juliani portum cominus inspexissent diebus pluribus, omnem late viciniam pedestri itinere perscrutati, ne umbram quidem alicujus fluminis detexerant. Illorum concordi testimonio hic portus æstivis mensibus aqua dulci penitus destituitur. Lacus, fontesque, qui aquam poculentam præbent, quatuor omnino leucas a portu recedunt. Aliis temporibus subitanei ex liquatis per montes nivibus amnes in mare præcipitant. Hi à nautis eminus spectati pro justis fluvijs, stabilibusque forte habiti sunt aliquando. Idem de lacu Xarayes sentiendum.

Præcipui, quorum ex aquis ditescit Paraquayus, fluvii ex litore occidentali occurrunt: Jauru, qui gradu 16. minut. 29 latit. Australis, ac 320 grad. 10 minut. longitudinis ab insula ferro in Paraquayum devolvitur. Mandiy infra illum situm, ubi lacus Xarayes fingitur. Fluvijs viridis. Yabebiry. Pilcomayo duobus brachijs aliquot a se leucas distantibus in Paraquayum effunditur, ut supra dixi. Fluvius

vius Timbò sat amplius e duobus aliis minoribus in  
 loco, qui la herradura dicitur, coalescens, & flumi-  
 ni Tebiquary, quod ad orientalem Paraguayi ripam  
 est, e diametro oppositus. Hic colonia S. Caroli  
 Abiponibus a me condita. Plura de hoc loco inferius.  
 Rio grande, vel vermejo, fluvius magnus, vel ruber  
 Parayquo, antequam cum Parana misceatur, acce-  
 dit. Orientali ex ripa, si a septentrione incipias,  
 Paraguayum intrant fluvii: flumen de los Porrudos,  
 cui prius fluvius Villæ Lusitanicæ Cuyabà, & huc  
 Cuchipò quazù, & Cuchipò mifi, uti & fluvius  
 Manso se adjunxerant. Fluvius Taquary inferius  
 tribus ostiis, quæ interjectæ insulæ efformant, Para-  
 quayo illabitur, aquis fluvii Camapua jam auctis.  
 Per hos, aliosque fluvios Lusitani ex Brasilia latri-  
 bus navigant ad suas colonias Cuyabam, & Matto  
 Grosso, ubi ex amnium arenis auri micas legunt,  
 quæstu non pœnitendo. In Camapua, loco inter-  
 medio, Andreas Alvarez lusitanus cum numerosa  
 Astorum mancipiorum Caterva sedem fixit, ac lusi-  
 tanis ultro, citroque commeantibus ex agrorum suo-  
 rum proventu annonam, plaustra, necessariam pe-  
 num suppeditat. Laboriosum hoc, ac periculi ple-  
 num est lusitanorum iter, quia vastas inter solitudi-  
 nes jam terra, jam fluvii variis continuatum mul-  
 tis mensibus. Hispani quietis amantiores haud equi-  
 dem invident lusitanis tantillum auri, tantis miseriis,  
 periculisque emendum. Audi fluviorum, qui super-  
 sunt, nomina: Mbotetey in terra Quaraniarum yta-  
 tinquarum, quibus nostri socii hoc loco binas olim  
 colonias posuere. Ygarype. Mboymboy. Tareyty.  
 Quaycuruy, cujus ripas Quaycuru, quos Mbayas  
 vocant, Paraguayum transgressi insederant, occupant-  
 que etiamnum. Corrientes, fluvius, controversiis ob  
 Hispanorum, lusitanorumque limites, historiis, fa-  
 bu-

bulisque insignis. Mbaery. Ypane quazù, olim Quarambarè. Yeyuy lintribus majoribus, ni diutina siccitas præcesserit, ferendis par, multis scopulis impeditus, plurimis annibus auctus, quos inter memorabilior Caapivary, qui cum Yeyuy miscetur viginti circiter leucas ante, quam hic Paraquayo influat. Yeyuy, Caapivaryque litora circumstant sylvarum immentem, quas herbarum Paraquaricarum seminarium jure dicas. Hujus ingens quot annis copia à Villæ Curuquati, aliis incolis Hispanis in Assumptionis urbem advehitur Garandumbis. Garandumba linter est ingens una ex arbore cavatus, cui tamen amplificando a lateribus tabulas utrinque inserunt. Sed progrediamur. Paraquayo adrepunt porro fluvii: Tobaty. Caañabé, Tebiquary navium mediocrium patiens. Tot, tantorumque, qui tributum pendunt, fluviorum accessione in eam accrevit amplitudinem Paraquayus, ut per illum Hispani veteres iisdem, quibus in portu Gaditano conscensis Oceanum transmiserant, navibus ad Assumptionis urbem, quia ad remotiora loca pervenerint. Hodie nemo id audet naufragii metu. In tantam equidem hoc flumen discedit latitudinem, ut ripam sæpe neutram, perinde ac si alto mari innatares, oculis assequaris. Multis interfecatur insulis, horret passim scopulis, brevibusque, ac syrtibus. Nefas sit sine moderatore fluminis gnaro (Practicum vocant) navigare. Hic magno stipendio conducendus lintre navim præcedens fundum bolide explorat identidem. Noctibus singulis tuta in statione quiescitur. Ingruente turbine portus anxieturritur. Verum eheu industriis omnibus exhaustis inter brevia sæpe, ac vada (expertus id loquor) naves adhærescunt, e quibus nautarum humeris evolvendæ, vel cymbæ auxilio magnam partem sunt exonerandæ. Plerique enim quæstus aviditate naves mercibus onerant

rant tantis, ut vix duos ligni palmos ex aquis videas  
prominere. Vento furente mox fluctibus hauriuntur.  
Hæc tot naufragiorum causa. Lucrari dum volunt  
multum, perdunt omnia. Duplici ad hæc Charybdi  
infame est hoc flumen, Remolino chico, y' gran-  
de, vortex major, & minor ab Hispanis dicitur. Sunt  
duo loca, ubi, vento etiam nullo, aquæ in circulos  
contorquentur, quorum centrum vorago est, quæ  
rapta absorbet. Sed, ni stupidissimi sint nautæ, ci-  
tra discrimen transitur. Plus periculi habent variz  
stationes, ubi flumen fulmineo decurrentium aqua-  
rum impetu præcipitat, navesque in saxa abripit,  
vel Syrtes. Adverso flumine solo remorum nisu, ni  
vela simul pandantur, vix progredi licet. Ex his  
conjiice, navigationem per hoc flumen periculo nun-  
quam, nunquam justo metu vacare. Decem prope menses  
maritimis in itineribus consumpsi. Sæpe, diuque Para-  
quayum flumen navigavi. Frequentius me in hoc,  
quam toto in Oceano trepidasse, fateor. Idem pror-  
sus de se mihi fassus est in urbe Corrientes Anglus  
quidam, vir strenuus, qui omnem prope ætatem in  
mari contrivit. Omnem navigationem maritimam  
prope tot pericula, quot momenta numerare, haud  
negq. Sed extra controversiam quoque est, mariti-  
mis in navibus plura, certioraque suppetere præsidia,  
quibus maris pericula seu declinari queant, seu supe-  
rari. Navis moles, ac firmitas compagum. Navar-  
chorum pericia. Nantarum dexteritas, & prompti-  
tudo, quæ omnia in navibus Paraquariensibus fere de-  
siderantur. Coorta tempestate, quæ præsentissimum  
exitium minetur, præter vociferationem tempestate  
ipsa formidabiliorem, præter inutilem gentis nauticæ  
concurfationem sæpe videbis nihil, quod in præsentii  
discrimine expediret. Consultatur, quid facto opus  
sit; Interea saguntus perit.



Paranam ex tot, tantisque fluminibus, quæ sorbet, dum conflari legis, immanem ejus granditatem nullo negotio argues. Jam mira quædam, illique singularia accipe. Primo utique loco memoranda venit Cataracta, seu præcipitium fluminis longe maximum, quod ab Hispanis el salto grande dicitur, & in gradu 24 latit. 325 circiter longit. ad Quayræ urbis hodie eversæ confinia occurrit. Multa Plinius de Nili præcipitio. Plurima Pomponius Mela de præcipitio Araxis; utrumque longissime superat Paranense hoc. Ipse ego id nunquam vidi. Referam igitur hoc naturæ prodigium verbis Patris Jacobi Ransonier Belgæ, qui nomine Patris Nicolai Duran Paraquariæ tum Provincialis nostri in annuis ejus provinciæ anni 1626 Roman datis illud curatissime descripserat. Hic enim, dum nova Quaraniorum per Quayram provinciam oppida pro suo Provincialis officio inviseret, hanc Paranz Cataractam vidit, observavitque. Illius verbis perinde, ut meis oculis, acquiesco. *Præcipitium hoc (ait) inter res omnes, quæ in his provinciis sui admirationem excitare possunt, locum facile principem obtinet. Enim vero haud scio, an quidquam in toto terrarum orbe mirabilius existat, - - - ut oculatus, & curiosus indagator rem hanc bene perscrutatus sum - - Fluvius vehementissimo impetu ex altissima se rupe præcipitat duodecim leucarum descensu, atque ingentium rupium, horribiles figuras referentium juga declivi alveo stringit, a quibus aqua reverberata in eximiam altitudinem resiliunt, multisque in locis ob nimiam saxorum asperitatem alveus interpolatur, ac per varia deinde itinera velut dispensata aqua rursus coeunt, stupendos vortices efficiendo. Alibi item aqua defilientes in ipsas rupes irruunt, atque aspectui se subducere visa, diuque abdita, rursus velut ex variis fontibus concepta magnas rupium moles exforbentes erumpunt. Denique tanta est aquarum violentia illo alvei decursu se præcipi-*




pitantium, ut toto illo duodecim leucarum itinere continens  
 spuma videatur, quæ solis radios repercusiens insuentium  
 aciem suo fulgore perstringit. Aquæ etiam delabentis, &  
 ad saxa se collidentis murmur quatuor facile leucarum in-  
 tervallo percipitur. Aspera præcipitii via confecta juxta  
 ejus radices aqua in molliore solo videtur velle conquiescere.  
 De die enim sæpius ibi leniter Stagnat, sed in horas pene  
 singulas ingens murmur a causa occulta exoritur, atque  
 aqua ad multorum cubitorum altitudinem resiliit, quæ om-  
 nia curiosè aspexi, & peculiari cura adhibita observavi.  
 Pisces illic ingentis magnitudinis visuntur, asservitque mihi  
 Pater Antonius (Ruiz de Montoya Quaranicæ tunc  
 gentis in Quayra Apostolus) se piscem bovi æqualem  
 vidisse, medio duntaxat corpore flumini innatantem. Ne-  
 que hoc incredibile cuiquam videri debet; Nam postquam  
 Quayranas Reductiones (Indorum colonias novas intelli-  
 git) visitavi, ad me scripsit: Ab ejusmodi pisce fluviali  
 Indum esse devoratum, ac postea integrum in litus ejectum  
 esse. Pedises itaque duodecim illas leucas confecimus; Sed  
 multo plures fuisse ob varios viæ, ac montis flexus, atque  
 anfractus. Sex omnino dies, incredibili membrorum defa-  
 tigatione, ac sudore ex toto corpore dimanante in montis  
 ascensu consumpsimus; (P. Duran equidem Provincialis  
 ætate fuit provectiore) via enim ipsa ardua, saxis aspe-  
 ris, ac præruptis strata, alibi exiguis lacubus; alibi tor-  
 rentibus, alibi arenis interjectis distinguitur. Neque alia  
 orbis plaga ardore solis magis exæstuares, nisi rivulis, at-  
 que arborum frequentium umbra mitigaretur. Sed ipse  
 itineris angustia inter densas arbores, ac sentes præcipuo  
 nobis erant incommodo. Iter hoc ineunte hic Vere, mense  
 scilicet octobri confecimus - - sexto die evoluto, superato  
 præcipitio Paranam flumen conscendimus &c. En! viri  
 religiosissimi ingenuam, simplicem, exactamque re-  
 lationem, quam excerpti ex literis annuis Provinciae  
 Para-

Paraquariæ S. I. ad annum 1626 & 27 in lucem  
datis Antverpiæ anno 1636.

Inter Quaranicum oppidum de la Candelaria,  
& urbem Corrientes circa locum Mbaequà, ubi pe-  
corum pascua, Cataractam aliam minorem scopulis  
prominentibus horridam navigantibus objectat Parana,  
qui nisi diuturnis imbribus, vel annuis alluvionibus  
ita turgescat, ut saxorum longa series ab aquis tran-  
scendatur admodum, nullum cuicunque navi transi-  
tum impune concedit. Eadem omnino rupes mul-  
tas sub terra leucas procurrens vulgo putatur Catarac-  
tam istam Paranz, aliamque Uruquayi circa Yapeyu  
(ut dixi) constituere. Neque dubium mihi in lon-  
gissimo Paranz cursu Charybdes, atque Voragines  
occultas passim latere. Sine, experimento recenti  
opinionem hanc tibi reddam credibilem. Anno 1756  
me in oppido lauretano versante e vicino S. Ignatii  
oppido ad conficiendam remotioribus in sylvis her-  
bam Paraquaricam Quaraniarum turba adverso Parana  
linitibus navigare cepit. Pauculas ultra oppidum  
Corporis Christi leneas progressi periëre omnes unico,  
qui casum funestum nunciaret, servato. Sub meri-  
diem, ajebat iste, tympanis, tibiisque personantibus  
strenue remis impellunt navim, e binis majoris formæ  
linitibus compositam. Cœlo sudo, aere quieto, flu-  
mine placido, nemine sinistrum quid suspicante, pro-  
ra navis columnæ instar in altum repente erigitur,  
puppi depressa; Verum ex alto recidens situm re-  
cuperat convenientem. Hoc terrori subito, non pe-  
riculo finem imposuit. Nam exigua mora interce-  
dente prorâ rursus occulta vi sursum elatâ navis cum  
nautis omnibus uno momento hauritur, quin vel  
horum, vel illius vestigium superesset. Unicus, quem  
dixi, fati tristissimi sociorum nuncius natando evasit.

**Factum** scimus, **causam** certam ignoramus. **Ocul-**  
tæ tamen voragini, quam nemo antea in flumine tri-  
to detexerit, id tribuendum plerique omnes mecum  
putaverunt. Vastis in fluminibus sæpe, sæpius latif-  
simo in oceano loca navibus exitialia hodiedum de-  
prehenduntur, quæ seculis pluribus sagaces navigan-  
tium oculos fugerunt. Nocent sæpe pericula, quia  
non declinantur. Non declinantur, quia nesciuntur.  
Cognita demum alios faciunt cautiores.

Innumeris diversæ magnitudinis insulis Parana  
abundat. Veteres demolitur sæpe, sæpe novas con-  
dit. Istarum Genesim, illarum interitum navigans  
frequenter observavi. Annuæ scilicet alluviones, ubi  
decurrentium aquarum major impetus, arenas accu-  
mulant; Has ventus permeans salicum maxime se-  
minibus liberaliter aspergit; Hæc in mollibus arena-  
rum aceruis radices agunt promptissime, humorisque  
copiosi subsidio protinus adolescunt. Paulisper ex-  
pecta, & insulam salicibus, aliisque arboribus con-  
sitam, cespite vestitam, a volucris, quadrupedibus  
feris, amphibisque frequentatam videbis. Insulæ aliæ  
aquarum impingentium vi paulatim subruuntur; Sub-  
mergi aliquas vidimus, aliquas vento, fluctibusque na-  
vis instar nutare, ac quaquaversum circumferri, donec  
ab aquis exesæ in frustra dissiliant denique, ac hau-  
riantur. Ejusmodi insulam errantem, seu, ut cum  
Vegetio, ac Plinio loquar, ambulatoriam P. Francis-  
cus Burgesius, meus olim Collega, in oppido S. Xa-  
verii, quod Mocobiis ad Paranzæ brachii margines  
conditum primo fuit, aliquamdiu vidit. Variante  
vento variavit situm ita, ut jam illi oppido a fronte,  
jam a lateribus esset, dum aquis, ceu cuniculo, su-  
bruta demum mergeretur. Insulæ majoris nominis  
sunt: Martin Garzia. Las dos hermanas, duæ so-  
rores. Sancti Gabrielis. La ysla de flores, insula



florum, non a floribus, at quidam scripserat, sic dicta; Nam præter scopulos habet nihil; sed, quia die Natali Christi Servatoris detecta, quem la Pascua florida Pascha floridum Hispani vocant. La ysla de lobos luporum aquatilium, quibus abundat, insula. Binas quot annis Parana patitur alluviones. Major æstiva Decembri mense plerumque incipit, totoque continuatur Januario, interdum non nisi Februario exeunte desinit. Minor altera hyberna fere circa medium Junii ingruit, tricenisque admodum diebus definitur. Utraque alluvione insulæ omnes (Aliquæ triam leucarum) adeo submerguntur, ut summa celsissimarum arborum culmina duntaxat prominent.

Tigrides, cervique hujatibus similes, quorum illic ingens numerus, in litora emergunt, Ubi præaltis ripis non coercetur flumen, ad plures se leucas effundit. Memini, me navi velis, remisque instructa penes oppidum S. Ferdinandi palmas inter diu circumvectum fuisse in campo, quem eques alias laxis habenis percurri. Æquor videbatur, quod nuper cespes erat. De piscibus, quos Parana & plurimos & nobilissimos alit, loco dicitur suo. Arbores Paranzæ illapsæ frequenter lapidescunt. Quod & alibi sæpe per Paraquariam usuvenit. Ligna tam dura, quam mollia, cornua, ossæque bubula, arundines solidas in saxum, aliquando in silicem, vel marmor conversa passim vidi maxime in terris urucutiij oppido S. Joachimi propinquis. Aquam Parana velut limosam, at, si in Cantharo subsidat, oppido salutarem indigenis; Advenis enim, dum denique huic aquæ assuescant, diarrhœam ejcet, quæ quatuordecim sociorum meorum, dum in urbe Boniaeris ex diversis provinciæ locis congregati navigationem Europæam præstolabamur, lethalis fuit, meque eodem in  
do-

domicilio decumbentem in extremum vitæ discrimen coniecit. Æstus maris, præsertim Austro sæviente, ad centum facile leucas per Paranam propagatur; Aquam tamen dulcem hic retinet ad sexaginta circiter a maris ostio leucas.

Argentei fluminis immerito nomine jam insignis Parana portus navibus maritimis quibuscunque offert quinos, sed nusquam perfectam securitatem. In Boniaeris portu naves tribus a terra leucis conquiescunt, ventis, procellis omnibus patentes. Auster, qui hac in plaga furit maxime, exitium præsens minatur, ni anchoræ, rudecesque eximia polleant firmitate. Myoparones hoc in flumine usitati (lanchas vocant) per amnem Riachuelo terræ propinquant maris aestuantis accessu durante; Nam mari recedente neque his patet accessus ob fundi brevitatem. - Colonia sacramenti, quæ orientali ex litore urbi Boniaeris obijcitur, ad quindecim circiter leucas (tanta enim censetur fluminis latitudo) ab illa distans stationem terræ propinquiorem, tutioremque navibus indulget, quippe quam ripæ altæ hinc, illinc S. Gabrielis vicinissima insula adversus Ventos tuetur aliquantum, quamvis ipsa insulæ propinquitas, & latentes scopuli magnopere timendi, quia naufragiis non paucis infames. Ex Europa appulsi per biduum hoc in portu fœdissime jactabamur vento pertinaciter debacchante. Nautis diu noctuque plurimum erat & negotii, & periculi, dum immanes inter fluctus scapha circumvecti retrahendis anchoris usque fatigabantur, quæ ob fundum limo lubricum & arenarum expertem à loco, ubi jactæ fuerant, identidem recessere. Eadem S. Jacobi navis lusitanica, postquam Ulyssipone nos in Paraquariam transvexit, binis, ternisve in Europam itineribus defuncta hoc in portu S. Gabrielis insulæ



allisa aliquot post annos demum interit. Ligna, navis istius reliquiae, ad focum alendum, assandasque carnes consumpta sunt ab Indis Quaranis, quorum aliquot millia anno 1762 Regio in exercitu Petro Zevallos duce oppugnationi coloniae lusitanae strenuam operam navarunt. Melior, & ut rem dicam, unicus portus in eodem litore est Montevideo a Colonia 30 circiter, a mari totidem leucas distans, tormentariis suggestibus, castroque, quod quingentos praesidiarios capit, commodè defensus. Hic sinus ab ostio leucam fere unam, ac dimidiam longus, propemodum rotundus ab altis litoribus, ab eminentissimo monte ad octo leucas spectabili contra ventos protegitur, Austrum si excipias, hoc loco cum primis formidabilem. Navibus etiam bellicis recipiendis par est, quae tamen hic suum instar limo insident. Cuniculorum exilis insula (la ysla de los conejos) portum occupat. Pro immensis sumptibus, quos aula Matritensis expendit, tam pusillum est hic loci castrum, ut verius Castellum nomen illi congruat. Mihi sane è navi prospectanti fornax Calcaria eminens videbatur. Insula Maldonati (Maldonado) novem circiter a maris ostio leucas distans, totidem fere a Montevideo, luporum inter & florum insulas media navibus quantacumque molis opportunam praebet stationem, & adversum Ventum Sud-Ost perfugium est. Hunc sinum Petrus Zevallos Gubernator novis aggeribus, ut potuit, communivit. Praeclarum hoc situ portum, maximique ad Provinciae securitatem momenti formari posse, rerum periti existimant, si ars naturam adjuvaret. Opposito in litore occasum versus sinus Barragan, 12 leucas a Boniaeris urbe remotus, refarciendis navibus opportunitatem praestat, securitatis parum. Nam ripis undique humilibus cingitur, ventisque omnibus patet, Ingressus ipse periculo non vacat.

vacat. Sinus late quidem patet, sed cum fundi sit modici, majores naves binis a terra leucis subsistunt. Locus omni munitione nudus, pauculis, miserisque è corio, & junco tuguriis definitur. Australes barbari cruentas hic non raro strages incolis itineribus intulerunt, postquam conceptionis oppidum illorum, quorum id conservare intererat, desidia interiit.

Ut paucos, eosque non tutissimos portus numerat argenteum flumen, sic trecenta passim pericula navigantibus committatur, sereno quavis Cœlo, vento secundissimo præ quovis mari reformidandum ob brevia, vadosaque, quæ hinc atque illinc occurrunt, loca. Memorabilia sunt duo, quorum ab Anglis alterum, alterum ab Ortiz nomen habet (El banco Ynglès. El banco Ortiz). Ambo ad plures leucas longe, lateque procurrun. Augent periculum latentia ad luporum, florumque insulas saxa, & cumprimis ingentes in Montevideo portus vicinia scopuli, quos ob, nescio, quam cum plaustro similitudinem, las Carretas de Montevideo vocant eo periculosiores, quo minus spectabiles. Careat nauclerus penitissima fluminis cognitione, usum bolidis frequentiore negligat, de naufragio nil dubita. Intra arenarum altos tumulos sepelietur navis, vel saxi illi fatiscet. Id eo certius expectandum, si a procelloso Austro concitatum flumen gubernaculi usum impediat. Haud equidem credibile, quanti hic montes volvantur aquarum tempestate sæviente, quanta fluctuum violentia. Ternæ, quaternæve anchoræ vix, ac ne vix quidem navim retinent, ut nos experti sumus. Naucleri plurium annorum navigationibus feliciter perfuncti, dum Gadibus, vel Ulyssipone solvunt, Paraguariam petituri, non oceanum, flumen suntaxat argenteum sibi pertinescendum putant. Matthæus

Collado, vir longo rerum usu eximius, navis bellicae *la Esmeralda* Gubernator, dum nos ex Montevideo in Hispaniam reveheret, hoc in flumine saepius exclamare auditus est: *Sin procul ab hoc demonio, & jam mihi videbor Gaditanum portum attigisse.* Tot navium, quarum recens adhuc memoria, interitus quem non timore percellat? In portu Montevideo ex Europa navigantes Hispanicam navim prægrandem (*El soberbio* superbus dicebatur) malis omnibus nudatam deprehendimus, quos scilicet extremo in discrimine securibus resectos in flumen abjecerant, ut, navis, immutato pondere ex scopulis emergeret, quæ implicata & jam jamque confringenda aliquamdiu hærebat. Navis alia mercatoria (*la Luz, lux*) pluribus scutorum Hispanicorum millionibus onusta in ejusdem portus Montevideo conspectu demersa est, me in Paraquaria dudum agente. Bellica alia (*San Estevan, sanctus Stephanus*) ex classe Architalassi Hispanici Pizarro, contra Anson Anglum missi, nescio, qua ratione in opposito fluminis litore, quod occidentem respicit, interijt superioribus annis. Alia bellica minor velis, remisque instructa (*jabeques* id genus-navium vocant) quæ tormenta, variamque ad bellicos usus suppellectilem Gadibus advexerat, brevibus Anglicanis anno 1768 hausta est, nautis scapha ad Maldonati vicinum portum translatis. Naufragia seu antiquiora, seu minoris momenti brevitatis studio haud memoranda putavi. Parum profecto absuit, quin navium infolium numerum nostra, qua Ulyssipone venimus, augetet. Rem dicam paucis.

In lusitania magno stipendio conductus est a Feliciano Velho, navis domino, Brasilius ex æthiopo & lusitana natus (*Mulatos vocamus tales*) quia argentei fluminis peritum, seu ut vulgus ait, Practicum



se venditabat; Re tamen ipsa illius erat ignorantissimus. In ipso fluminis ingressu Navarchus Josephus Carvalho de Pereira navis gubernationem omnem, ut moris est, illi committit, ceu itineris duci; Sed is jumento quovis rudior ipso in limine hallucinatus est periculose. Ab orientali litore, quod in conspectu habere semper oportebat, tantum navim abduxit, ut præter aquas, cœlique oculis nil obversaretur nostris. Quo viso, heus tu! exclamavit navarchus: Priusquam sol occumbat hodie, meam tu perdes navim. Dictum repentinum prope vaticinium exstitit. Nam secunda a meridie hora dum navis margini incumbens insolitos undæ resiliens motus quodam loco diutius observarem cum socio, quod erat, suspicatus ea de re Navarchum admonui; Is maxima, qua potuit, pernicitate majorem conscendit malum, e quo prospectans nos cursu rectissimo ad breviam Anglicana proxime accedere vidit, propterea orientem versus flecti imperavit confestim. Perimus, agebat trepidans, si momentis porro aliquot ceptam prosequimur viam. Adeo fatali arenarum, nostroque subinde tumultu propinquavimus. Ex vicinis nempe, quod mihi suboluit, syrtebus illa aquarum repercussio orta est. Sub vesperum jacta primum anchora tantillo in fundo (vix quatuor cubitos æquabat) ægerrime jam fluitare navis ut posset. Solis occasum tempestas fœdissima excepit. Cœlo horrendis tonitribus identidem remugiente Auster furibundus flumini decumanos fluctus, extremum nobis periculum ciet, ne navis lutulento in fundo, anchoræ parum tenaci, locata vel hinc in cautes insulæ florum, vel inde Anglicanas in syrtes abriperetur; Hæ siquidem ad sinistram, illæ ad dextram modico a nobis aberant intervallo. Hinc nocturnus, diurnusque in anchoris retrahendis, firmandisque rudens

tibus nautarum labor. Miseret me mei, meorumque sociorum, quoties tristissima noctis illius imago recurrit menti, quæ Nato in Bethlehém servatori sacra omnium exhilarare animos consuevit, mille inter timores in tanto elementorum omnium tumultu a nobis exacta. Formidabilis hæc procella biduum ipsum tenuit. Die sancto Stephano sacra post meridiem visum est Navarcho a periculosa vicinitate recedere. Sed post brevissimam momentorum aliquot navigationem præcipiti anchorarum jactu repente sistenda fuit navis; Nam propinquas arenas bolis detexit.

Ex Hispanis, qui noctu ad nos explorandos (bello scilicet, ut putabant in America, adhucdum vigente, re tamen ipsa jam finito) ex Montevideo scapha venerant, didicimus, periculoso nos situ locatos, scopulisque (las Carretas de Montevideo) proximis esse. Fluminis gnarus, qui viam porro nos doceret, ex illo portu nequidquam omnium votis desideratus. Nullam istic, qua is uti posset, scapham suppetere, aiebant, adesse tamen navarchum lusitanum cum decem nautis suis cras ad portum colonizæ abiturum, qui scapha sua præcedens navim ducere posset nostram. Illius navis paucos ante dies ad promontorium sanctæ Mariæ in ipso fluminis ingressu cum aliquot Afrorum mancipiorum Venalium centuriis fluctibus hausta est, paucis illis nautis suo cum navarcho scapha servatis. Hunc viæ ducem postridie expectavimus, sed cum nusquam compareret, vento semper procelloso fors territus, iter prosecuti sumus, ut cæci solent, usque errando. Syrtes illas Ortizianas jam nobis a tergo esse rati, etiam noctu citra periculi suspicionem navigavimus. Sed en! maximum in securitate periculum. Sub auroram  
illis

illis syrtibus, e quibus dudum jam emerfisse nos, putaveramus, puppis immersa, hæsit ea tenacitate, nullis ut artis nauticæ industriis per biduum avelli, moverique loco potuerit. Tempestas secunda nocte coorta est sane atrocissima. Puppi semper immobili, quia arenis impacta, reliquæ navis partes tanta jactabantur vehementia, ut tabularum compages quovis momento solvenda videretur. Sub idem tempus Auster pertinax, Cælo semper tonante, aquarum vim tantam e mari intruserat argenteo flumini, ut primo mane navis ex arenarum abyssu tandem extricata rursus fluitaret. Eodem vento, nobis secundo, provecti coloniz portum incolumes sub meridiem subivimus. Biduum illic morati, jactatque liberaliter ad Boniæ urbem translati sumus. In hoc fluminis quindecim circiter leucas lati trajectu plus, quam in toto oceano, a pluribus trepidatum, plus etiam vomitum fuit. Scapha vehebamur, cum alia in promptu non esset, omni ex parte ob vetustatem putrida, cariota, ruinosaque. Vix jam pars parti cohereret. Nauclerus ipse postremum hoc scaphæ iter fore, ante abitum nobis palam edixit. Quis adhuc nobis animus fuerit, conjice. Metum, periculumque auxit venti tumultuantis ferocia, qui, quia nobis adversus, obliquatis nilinium velis, scaphaque ex uno latere depressa erat navigandum. Verum nihil hæc omnia. Conclamatum de nobis videbatur denique, dum scaphæ gubernaculo in arenas impacto, elata in altum protra aliquamdiu hæsimus. Terrore perciti vociferabantur complures, quos trimestri per oceanum navigatione ne hiscere quidem audiui. Ast quis fando explicet dulcem lætitiā, qua litoris conspectus, portusque tribus mensibus quæsitū ingressus nos perfudit.

Fusus de hoc argumento disserui, ut intelligas, non artis tantum, sed & felicitatis esse eximie prosperam hoc in flumine navigationem. Sit firma navis, sit peritus, vigil, dexter, accuratus navarchus, noverit periculosas fluvii stationes ad unam omnes, securitati necdum sat cautum est tuz. Furat Auster, arte, scientia, experientiaque longa nil proficientibus, abripietur navis in loca, ubi pereundum, certè periclitandum, trepidandumque erit. Anno 1767 scapha omnium, quæ in portu Boniæ prostant, optima, a naucleris eadem in urbe præstantissimis Gubernata, procellæ Australis impetu syrtibus illisa, nucisque instar, fissâ carinâ, duas in partes divisa interiit, Jesuitis decem (Provincia Chileni destinatis) pyrobolaris Hispanis compluribus, reliquis omnibus demersis, solo pyrobolariorum centurione superstite, qui cum decenni puero cymbula forte arrepta incolumis litus adversum, a naufragii loco decem facile leucas distans, est assecutus, stupefactis universis. Qui naucleri imperitiam, socordiamque accusaret, nemo unus fuit. Tempestatem teterrimam noctu obortam naufragii originem noverunt omnes. Nauticis e tabulis, documentisque constat equidem, Canalem fluminis septentrionalem angustioresse, ac profundiores; meridionalem è contrario latius patere, sed fundi esse brevioris; Quo loco syrtes Anglicanæ, ac Ortizianæ, quo scopuli dudum cogniti lateant, omnes nörunt. Verum ecquis vel divinare queat nova breviora, novos arenarum tumulos, quos vel flumen alluvionibus, vel æquor cum impetu in flumen irruens passim congerere solent. Continuo bolidis jactu recentiora hæc breviora deteguntur quidem, sed sæpe sero, dum evitari jam nequeunt, fluctibus scilicet artem, industriamque omnem eludentibus. Quare eò formidabilius hoc flumen, quo

latius

latius ad utramque ripam effunditur, marique magis propinquat. In hoc uno alyeo flumen argenteum evolvitur inter promontorium sanctæ Mariæ, & sancti Antonii, quod & promontorium album (cabo blanco) vocant. Audi, quid Cyriacus Morelli presbyter, vero nomine, Pater Dominicus Muriel meus in Paraguarja Collega, navigationisque ex Europa socius, theologiæ olim in academia Cordubæ Tucumanorum magister publicus, in opere suo: *Fasti novi orbis*, Venetiis anno 1776 typis dato, de fluminis argentei ostio sentiat: *Quod argenteum flumen vocamus, immanis revera sinus est maris, in quo convolvunt se se Parana, Paraguarj, Et Uruquay aquæ.* Cæterum de latitudine fluminis argentei, ubi cum mari conjungitur, varii varia scribunt. Huic ostio plerique Hispani sexaginta leucas hodie tribuunt, alii pauciores, non nulli etiam septuaginta. Quin Ægydus Gonzalez de Avila in theatro Ecclesiastico Indiarum tomo secundo faucibus octoginta leucas latis flumen argenteum mare ingredi, affirmat. Crede, quod lubet.

Ego illud ostium bis transgressus, sed, ultro fateor, nunquam dimensus sum. Idem factitant natarchi: Princeps eorum cura est, illud, quam fieri possit, celerrime, feliciterque transmittere; Nec vacat, nec lubet illius latitudinem metiri. Illud certum, hac fluminis vastissimi latitudine, quæ litore utriusque conspectum oculis subtrahit, decipi non raro natarchos minus cautos, vel plusculum credulos. Fallacibus observationum suarum calculis nimium tribuentes in oceano versari se etiamnum putant, velis liberaliter expansis, bolide non consulta audacter progrediuntur; dum denique in lyttes impingunt, cum flumine argenteo sibi jam  
rem

rem esse, sero intelligunt denique, sæpeque pereunt. Nostro id scribo ductus experimento. Die sancto Thomæ Apostolo sacra navis cælo sereno, vento, qui optari possit, secundissimo, velis omnibus procurrit. Aviculas, nusquam alias per oceanum visas advolare, gramen, arborum frondes natæ, aquæ colorem mutari observavimus, è quibus facile erat terræ propinquitatem conjicere. Iterum, iterumque de his per nos admonitus navarchus lusitanus, vir cætera & optimus, & cautissimus; Ast observationibus confusus suis, sententiæque tenax: Terram a nobis longe abesse, affirmabat identidem, huncque, quem tenuit cursum, velis omnibus prosecuturum se ad septimam horam noctis usque, palam edixit. Perimus, si ejus dicto factum respondisset. Sole enim in occasum vergente turbo brevis (ut intra tropicos solet) sed vehemens irruit. Contrahuntur de more vela omnia. Navim a lupis marinis stipatam undique cernimus. Hi vitæ nostræ servatores, in flumine argenteo, periculi plenissimo, certe in fluminis limine nos consistere, prodiderunt. Haud equidem alto in mari hæc conspicaberis unquam amphibia, queis quotidianum est ex aquis in ripam exire. Luporum indicium ipsa quoque bolis confirmavit, quæ patissimorum cubitorum fundum detexerat. Lentè hic festinandum duxit navarchus erroris pristini utique convictus. Incudem inter & malleum hæsimus, dum primum illum turbinem mox horrenda tonitribus, ac Austro tumultuosissimo facta tempestas excepit. Ne navis ad vicinum sanctæ Mariæ promontorium, vel in syrtes raptaretur, sic sibi opposita sunt vela, ut ventus in alterum velum incidens ab altero repellatur (quod Hispani, *ponerse à la capa*, dicunt) quo fit, ut navis eodem loco fluitans progredi haud possit. Ad propitiandum Numen præsentissimo in discrimine publi-

publica Navarcho præeunte comprecatio expansis brachiis, flexis genibus suscepta. Navis jactatio, maris, aerisque fremitus, cœli fulgurantis horrida tonitrua mortis terrorem omni ex parte injecerunt. Sub mediam noctem, vento tanisper mitigato, velo unico lentissime, ac suspenso, ut ajunt, pede navigatum. Dubia adhuc sub auroram luce terrarum tractus incogniti oculis obversabantur. Evanescente demum nebula vix tormenti ictu à celsis rupibus promontorii sanctæ Mariæ nos abesse, non sine trepidatione vidimus. Auctus terror, dum jacta identidem bolide fundum non nisi sex orgyas altum deprehenderant nautæ, luculentissimo navis periculo. Nam aquis mari æstuante per momenta magis, magisque decrefcentibus, malacia impediti a vicinis recedere cantibus neutiquam poteramus, illis vel illidendi, si Auster redeat, vel in vado hæfuri, si malacia perderet. Saluti nobis, solatioque incredibili fuit sol in ipso meridiei puncto aspectabilis, è cujus observatione, ubi versemur, demum patuit. Binis post meridiem horis aura pertenuis insinuabat se se, quæ licet vela haud impleverit, nostra tamen implevit vota. Levi ejus afflatu e vadis, ac minati illo litore altum in mare regredi paulatim licuit. Vento post solis occubitus nobis faventiore in ipsum fluminis alveum irrepimus eo successu, ut die appetente insulam luporum, luposque suis cum catulis colludentes læti spectaremus. Ast brevem hanc lætitiā tot errores, tot pericula, quæ paulo ante memoravi, eodem die funestant. Quam timenda sit argentei fluminis latitudo navarchis quantumvis longo rerum usu præclarissimis, ex dictis argue.

Si porro tantum aquarum gurgitem, alveique ad sexaginta minimum leucas patentis latitudinem  
per-

perpendas, haud ægre feres, si argenteum flumen cum cæteris quibusque per antiquum, novumque orbem fluviis conferendum, quin & omnibus forte magnitudine præferendum dixerò. Verum haud is mihi videor, qui ferre possit sententiam. Nemo tamen à me impetrabit, ut credam, quod Gotthardus Arthus Dantiscanus in sua Indiæ orientalis historia ausus est scribere: *Fluvius Ganges, ait, qui in sacris literis Phylson vocatur, omnium toto orbe maximus creditur.* Veteres equidem historici asserunt: Triginta amnes cum Gange confluere. Minimam ejus latitudinem per octo passuum millia, maximam per viginti patere. Altitudinem, ubi vadossissimus est, ad centum pedes extendi. Ex quibus liquet, magnum esse quidem Gangem, haud tamen orbis maximum, cum America longe majores ostendet. Celebrantur licet Euphrates, Indus, Nilus, Araxes, Ister, Rhenus, Tyberis, Padus, Rætis, Tagus, Borysthenes, Tame-sis &c. haud tamen tantum superbiunt, cum argenteo flumine in comparationem venire ut audent. In controversiam tamen jure vocatur, num argenteum hoc flumen, ut sol astra minora superat, reliquis Americæ fluviis amplitudine excellat.

De palma cum illo contendunt fluvius Urinoco in novo regno Granatensi, & Maragnon, seu fluvius Amazonum in Brasilia. Hic ab origine septentrionem versus procurrit leucas prope centum, inde ad orientem flectitur, ac deinde per quatuor & octoginta ostia, quorum quodvis ad leucam fere patet, cum mari se se conjungit, per triginta tamen leucas jam mari mixtus aquam poculentam conservat, ut asserit P. Samuel Fritz noster, qui observationes hujus fluminis anno 1698, & 91 a se curatissime factas in publicam lucem dedit, literis, ut vocant, ædifican-



ficantibus, & curosis tomo 12 insertas. Clarissimus item condamine ejusdem fluvii descriptionem Geographicam suis ex observationibus, quas cum aliis Patris nostri Joannis Magnin in Quitensi provincia apud Indos Maynas missionarii, & Academici honorarii Parisiensis contulerat, edidit. Pater Antonius Vieira noster, Regum lusitaniæ sacer orator, & subinde Brasiliæ, Maragnonisque expertissimus Apostolus sermone, quem feria secunda Paschatis in urbe Bethlehem provinciæ Maragnonis dixerat, videtur litem diremisisse his omnino verbis: *Magnus iste fluvius (Maragnon) omnium mundi fluviorum princeps, qui nomen civitati vestræ, & toti provinciæ dedit &c.* Neque tamen scio, num tam vere, quam magnifice hanc de Maragnonis fluvios inter principatu sententiam pronuntiaverit Vieira, à se forsitan vel suspendendam, vel refellendam, si ut in Maragnone, in argenteo flumine perinde versatus fuisset. Qui tria flumina Urinocum, Maragnonem, & argenteum Geometrico rigore dimensus fuerit, illius sententiæ lubens acquiescam. Alienissimus sum a partium studio, illorumque consuetudine, qui rebus illius provinciæ, ubi versati sunt diutius, prærogativam adjudicant, atque adeo apotheosim decernunt. Quatuor licet, & amplius lustra consumpserim in Paraquaria, nunquam mihi tamen in mentem venit propterea magnitudinis principatum Paranz tribuere aliis forte repugnantibus, Argenteo, vel quod nomen plus illi congrueret, luteo flumini haud alio seu nomine, seu beneficio obstrictum me video, nisi quod me sinu suo sæpe, diuque circumvectum non hauserit, suosque inter fluctus nunquam contumularit; Quod latronum beneficium appellamus.

Sed erit forte Britonum, vel Gallorum quispiam, qui flumen sancti Laurentii in Canada provincia argenteo flumini hand dubie præferendum dixerit? Prægrande illud est, quis inficietur? Longissime enim, latissimoque fluit alveo, ac fundo tam alto, ut naves etiam primi ordinis patiatur. Ad urbem Quebecum usque centum viginti leucas a maris ostio distantem naves bellicæ iter continuant suum; Inde vero ad Montem regalem, quod sexaginta circiter leucas Quebeco abest, onerariæ non mediocres commeare solent. Sed qui istius fluminis magnitudinem refers, cave, triumphum canas. Longius enim vero fluminis argentei navigatio porrigitur. Naves Hispanicæ etiam majores, quæ Gadibus solverant, ad ipsam Assumptionis urbem appulere quondam, a maris ostio leucas circiter quadringentas remotam; Quin ad portum Candelariæ, qui longissimo spatio aberat ab Assumptione. Anno 1753 me in Paraquaria agente Hispani duce Emanuele de flores, lusitanique limitum definiendorum causa ad flumen Jaurum usque pervenere, quod gradu latitudinis Australis 16 minuto 25 longitudinis vero 320 minuto 10 ab insula ferro Paraquayo fluvio associatur. Naves, queis vehebantur, ad maritimarum normam conditæ, velis instructæ, tormentis, annona pluribus mensibus destinata, militibus oneratæ molis sunt non spernendæ. Hoc navium genere (lanchas vocant) utuntur Hispani Boniaeris per flumen argenteum, quin alto sæpe mari impune se committunt, si breviora sint itinera, portusque viciniore. Crede de argenteo flumine, quod lubet. Maris, non meus, cognatus est Parana. Mihi istic nec feritur, nec metitur. Salva maneat veritas. Hic descriptionis meæ scopus. Absurdissime scripserunt multi multa de hoc flumine. Multi erro-  
res

res paucis verbis refelli nequeunt. Hinc nolui hos de argumento brevis esse, ne fierem obscurus.

Argentei fluminis nomine per Europam percrebrescente Hispanorum plurimi ad Paraquariam convolarunt olim; Verum ubi opes expectaverant, præter inopiam denique inveniunt nihil. Paraquaria Chilensi, Peruviana, Quitensi provinciis cingitur, quæ auro, argento, gemmis, lapillisque pretiosis abundat. Nihil horum per omnes Paraquariæ fines suppetere, & advenis, & indigenis hodie certum est. Repertum iri horum quidpiam, inquires, si rite quaereretur. Ne hoc quidem credidero. Novi equidem Hispanos ut perspicaci ingenio, sic odoratu acerrimo pollere ad thesauros, si qui telluris in gremio lateant, investigandos, & liceat sic dicere, sagaciter odorandos. Cum igitur auro, argentoque eruendo vel nullam hæcenus, vel inutilem operam dederint, nullum usquam latere, mihi semper persuasi. Quod diutius in illa commoratus sum provincia, eo luculentioribus argumentis, experimentisque mea opinio firmabatur. Risi sæpe historicos vel rudes, vel nobis malevolos, qui Paraquariam auream, argenteamque somniant, quam nos luteam semper, ligneamque vidimus tot annis. Pluribus in locis aliqua latentis metalli indicia se se prodiderunt aliquando, quæ tamen omnia non ad ditandos Hispanos magis credulos, verum ad illorum crumenas vacuandas plurimum valuerunt. Referam ingenue, quæ de factis metallorum tentaminibus, opinionibusque ridiculis memoriarum occurrunt. In urbe S. Jacobi de Storea familiariter novi opulentum olim mercatorem, id temporis ad incitas redactum. Cræsum se fore, sperans curas, animum, opesque suas omnes ad metalla detegenda convertit. Emissarii ære conducti, qui in loca

metallifera, ubiubi demum, indagarent. Neque deerant venales homines, a quibus aurei montes illi sponderentur. Magno sumptu suscepta ab illo itinera ad Gubernatorem Tucumaniae longissime absentem, a quo metalli fodiendi jus sibi impetraret. In operas, mulos, comineatus, instrumenta alia scrutandis terrae visceribus necessaria ingentem nummorum vim toties expendit, nullo prorsus operæ pretio, nisi quod opes, quas possederat, consumpserit, quas sub terra sibi pollicebatur, nunquam viderit inops subinde, urbisque universæ fabula. Agendo omnia nihil egit. Spe sua delusus identidem necdum sapuit. Noverat octoginta circiter leucarum ab urbe S. Jacobi intervallo locum esse, cui dudum a ferro nomen. Is in longam planitiem excurrit, ubi Glæba pinquis undique. Sylvæ vicinæ melle optimo, & cera scatent, ad quam legendam maximi Hispanorum fiunt concursus. Lapidem, quin ne lapillum per illam vicinitatem usquam deprehendas. Ex ipso campi cespite hinc mensa, illinc arboris truncus prominet, ferri speciem referentes, nisi quod intermicante splendore ad argenti similitudinem aliquantulum accedant. Videbatur sibi vir bonus vectorum metam attigisse. Enimvero argentum ferro immixtum hic latere juravit, cæteris pleno ore cachinnantibus. Metallum hujus portiunculam, quam avide decerpserat, fabro liquandam in urbe tradit. Hispani præsentibus argenteos nummos aliquot fornaculæ injecerant clanculum. Dum ergo massam liquatam ex argento, & illo ferri genere compositam e fornace profluentem spectavit, triumphum gestiens cecinit, mortalium se felicissimum ratus. At vero sociorum ludificatione circumventum se, liberaliterque explosum intelligens, in furias actus fraudis authoribus dirissima quæque comminabatur. Cæterum exoticum illud, quod

quod dixi, metallum faber Europæus, a se diligenter igni exploratum, quoddam ferri genus esse, sed tam rigidum, tamque vitri instar fragile, nulla ut arte flecti, elaborarique, ac nulli esse usui possit, mihi affirmavit. Et vero nemo omnium fuit, qui de illo metallo eruendo, elaborandoque porro cogitaret. Huic prope affinem adjicio eventum.

Cordubæ Tucumanorum mercator quispiam in maximis rei domesticæ difficultatibus versabatur. Sux ut mederetur inopiæ, mercatu repudiato medicinam, quam nunquam rite perdidicit, proficitur. Metamorphosis Europæorum hominum per Americam minime rara. Nautæ, milites transfugæ si opificium, insigni licet cum quæstu, exerceant, faminam, quæ illis nubere velit, nullam invenient in Paraquaria. Consilium in arena. Mercaturæ addicunt se se. Officinam suam velis sebaceis, caseo, cultellis, acubus, forficibus, lineis, laneisve Strophiliis, aliquot vini cremati lagenis instructam quis habeat, jam mercator audit, jam nobilis evadit, quovis vulgo superior, nuptiis, magistratibus quibuscunque par habetur. Ad incitas redacti e mercatoribus repente medici fiunt. Nihil hoc frequentius. Qui vix barbam radere, venam pertundere, unques resecare, cucurbitulas cuti applicare, enema injicere, unguentum illinere norunt in Europa, oceanum emensi jam, quoties visum, pro Galenis se venditant in Paraquaria, horis ante, & postmeridianis ægrotantes impune, ac pro arbitrio mastrant ficti hi medici, quavis peste periculosiores. Hujus, nisi vehementissime fallor, fursur erat Bartholomæus, de quo mihi sermo. Ex alienis morbis, ac mortibus suam nil intumescere crumenam expertus, formidatusque passim, mutato demum consilio, relictis pharmacis ad metalla, spei suæ ultimam an-

choram, animum applicuit. In vicinis cordubæ alpibus auri latentis indicia prostare, vagus, nescio quorum, rumor vulgaverat. Consultis rerum peritioribus, obtenta a Præfectis Regiis licentia, conductis fossoribus, emptisque sola pretii sponfione ad eos alendos pecoribus, terræ rimatur latrēbras aliquamdiu, sed fructu nullō, detrimento luculentissimo, sumptu intolerabili, cum ligna, aquaque necessaria multas per leucas mulorum tergo fuerint advehenda. Ære alieno, quod auri spe contraxerat, oppressus miser documento fuit cæteris, in superficie telluris tutius, quam in subterraneis montium cordubensium cavernis aurum quærri. Et vero nulli posthac, quod quidem sciam, in mentem venit istic in auri venas inquirere. Rumor quoque, sed fors rumor tantum, per vulgi circulos circumfertur, Indos quondam ante Hispanorum adventum ex alpibus, quæ urbem Riojam ambiunt, aurum eruisse. Omnis tamen conatus Hispanorum, qui nobili huic metallo eodem in loco insidiabantur, semper rritus fuit. In montibus, qui urbi Montevideo imminet, auri particulas detectas fuisse nostra ætate, ipse mihi Boniacris Gubernator Andonaegui, dum ejus mensæ accumberem, significavit anno 1749 ineunte. Id Regi catholico etsi nunciatum esset, nec tamen Regio unquam, neque privati cujusdam nomine in scrutandis, cavandisque illis montibus laboratum est, quod parum spei, rei forte nihil illis inesse putaretur. In propinquo urbemque Montevideo amne Rosario inventos fuisse amethystos aliquot nescio quis sparserat. Verum illos aut non genuinos, aut aliunde allatos fuisse, cum pluribus alijs eodem in amne quærendis nemo operam dedisse audiatur, existimavi.

Quayram provinciam, quæ ad septentriones hinc plurimum vergit, inde Brasiliæ fines ad ortum attingit, ac a Parana alluitur, primi habitatores Hispani metallorum divitem opinabantur perperam, sibi que lapidum pretiosissimorum messem uberem promittebant. Nesciverant equidem, non omne, quod splendet, aurum, vel adamantem esse. Ad Paranz litora reperti sunt aliquando lapides, quos Cocos de mina appellarunt. Figuræ sunt jam rotundæ, jam ovatz, Superficie vulgarium lapidum instar aspera, & dura. Colore obscuri. Mole sua granatum malum, seu Punicum, caput humanum aliquando æquant. Suum intra corticem claudunt lapillos coloris varii, & magni, si imperitorum oculis spectentur, pretii. Hi putant Crystallum nitidam, amethystos, pyropos, sinaragdos &c. se videre. Sed luduntur oculi. Apud artis peritos eodem, quo Bohemici quidam lapilli, habentur loco. Lapidem hunc, coco de mina, lapillis ejusmodi prægnantem ingenti cum tonitru, quale a machina bellica editur, crepare, ac dirumpi, ajunt, ut primum maturus est, quem sinu gerit, eorum judicio nobilis fœtus. Hanc figuram, has proprietates illi vulgo tribuunt, qua fide, nescio. Ego quidem, licet majorem Paraquariz partem, & cum primis Paranz litora attentis in naturam oculis peragraverim, ejusmodi lapidem nusquam vidi. Hoc lapidum genus, coco de mina, in alijs Americæ provinciis, ubi gemmas genuinas nasci constat, sium fors habere pretium non ausim negare, nego tamen audacter vel unum Paraquariensium hoc ditatum fuisse. Stupida quorundam ex fallaci hoc Gemmarum simulacro opes sperantium credulitas insigni paupertate mulstabatur, ut omnes novimus. Xcrez, la ciudad Real, la villa rica Quayrenses olim urbes, quæ pro metallorum, divitiarumque fontibus habebantur,

miseriæ, indigentisquæ seminaria exstiterunt. Auri sacra fames quot non Europæorum millia delirare coegit in Paraquaria! Ea illorum in mentibus altissime defixa est opinio, Paraquariam thesauros possidere suos, sed hæcenus Celasse in terræ visceribus. Petrus Stephanus de Avila Boniaeris Gubenator Paraquariam metallis gravidam Regi depinxit annò 1637. Idem sensisse videtur Ruiz Diaz Melgarejo urbis villa rica Conditor. Verum Emanuel de Fijas Ruizii gener ac dein Gubernator Regem certiore reddidit omnibus industriis exhaustis Ruizium nihil omnino metallorum detexisse, & qui Matritensem ad aulam scripserant, Quayrensibus in territoriis metalla latere, implacabili in Jesuitas odio infames ad conflandam illis invidiam talia scripsisse; Verum ejusmodi homines, quippe calumniatores, ad ferendum testimonium inhabiles, fide indignos utique esse. Quæ villa rica, seu urbs dives vocabatur, solum nomine, ac metallorum spe, nunquam re opulenta exstitit.

Cum illis in terris Paraquariæ, quas pedibus emensi, oculis contemplati sunt, auri, argente nil deprehenderint, hæc metalla Quaraniarum, quos Jesuitæ imbuendos religione susceperant, nativo in solo delitescere sibi, immo & aliis persuaferunt. Ex futile hac conjectura quot passim mendacia procusa, quantæ in nos vibratæ calumniæ! Et vero, cum Philosopho autore falsa sint sæpe veris probabiliora, calumniis non raro fides adhibita ab iis, quorum intererat calumniatores plectere, minimum refræmare. Authoritate Regia, Jesuitis non optantibus id modo, sed & petentibus, missi sunt olim homines, qui, num quid metalli Quaranicis in territoriis extaret, diligenter circumspectarent. His exploratoribus quadam in urbe viæ dux additus Quaranius transfuga,  
homo




homo venalis fidei, nulliusque frugis. Iste equidem furcifer a Jesuitarum insectatore donis, amplisque promissionibus captatus edixerat: Aurifodinas Quaraniarum in oppidi Conceptionis agro ad Uruquay litora sibi perspectas, huncque locum castris instar propugnaculis, bellicis machinis, numerosoque praesidio munitum esse. Illuc igitur via recta acceleratum iter. Pauculas jam leucas ab aurifera illa, si superis placet, statione aberant. Indus veterator mendacii, quod postridie detegendum praeviderat, poenas male metuens, noctu fugam cepit. Sed in oppido Yapeyū deprehensus ab ipso Missionario nostro vinculis, custodibusque provide adhibitis ad illos, a quibus profugerat, Hispanos fideliter, celeriterque remissus est. Undique fraus de commentitiis illis auri fodinis, munitionibusque patuit. Detracta fabulae, calumniaeque larva. Omnes locorum angulos longe, lateque speculati Hispani: Nihil istic metallorum extare, quin considerata situs natura nequidem expectari prudenter, aut procreari posse, concordis, publicaeque voce testabantur. Indus perfidiam luit suam. Accusatores Jesuitarum Hispani quidam Regio nomine caluminatores declarati, bonorum confiscatione, perpetuae infamiae nota mulctati, ad quasvis demum praefecturas inhabiles pronuntiati fuere. Repressa quidem his Regiae sententiae fulminibus tantisper calumniandi licentia; Haud tamen de metallis apud Quaranos sepultis ridicula suspicio penitus extincta, quin ad Europaeos male credulos propagata fuit.

Idem error lusitanorum in Brasilia animis altissime infederat, qui nostris ad Uruquayum flumen missionariis dicere ausi sunt aliquando: Hoc solum omne, quod vestris calcatur pedibus, aurum est.

Auri spes fuit, quæ notissimum Gomez Freire de Andrade fluminis S. Januarii in Brasilia Gubernatorem impulit, ut aulæ Ulyssiponenſi permutationem Coloniz sanctissimi sacramenti cum septem Uruquayenſibus oppidis perſuaderet. Hæc expulſis triginta duobus Quaraniorum millibus eorum incolis, ut ſuperius retuli, Hiſpani jam jam ex pacto tradere volebant, ſed a luſitanis non fuere acceptata. Hujus rei præter alias cauſa paſſim vulgabatur in Paraquaria: quod luſitani diligenter nunc inſpectis, & belli occaſione luſtratis ad uruguayum terris nullum prorſus metalli cujuſcunque indicium iſtiſe deprehenderint, ubi quondam ſolis nixi ſuſpicionibus aureos montes ſibi ſomniarunt.

Riſum mihi moverunt perſæpe Hiſpani Quaranicis in oppidis hoſpites. Lapillos quosvis triviales, in quos per viam inciderant, aſide, ſoliciteque collegerant, & pro varietate coloris jam pro ſmaragdus, jam pro amethyſtis, vel pyropis habitos aſportarant. Monui illorum non paucos: Ejusmodi exoticæ figuræ, re ipſa tamen vulgaribus lapillis fluviiorum ripas paſſim, viasque adeo ſcatere, ut non navibus duntaxat, ſed & claſſibus onerandis ſufficerent. Sed fruſtra hæc. Quidquid Quaranico in ſolo inventum, pro auro, pro gemmis habendum putaverunt, a gemmariis, & chryſopolis turpiſſime explodendi. Phantaſia crepundiis quibuſvis pretium ſæpe fingit. Adamantes, quos toti late Paraquariæ negavit natura, calumpnia, Jeſuitarumque inveteratum odium Quaranicis terris liberaliter affinxit, ephemeridumque Europæarum publicos ſcriptores circumvenit. In ejusmodi pagina Matritenſi (Gazeta de Madrid) hæc legi aliquando: *ſcribunt* (titulus loci erat londinum) *ex Braſilia, Jeſuitas Paraquariæ ſuas adamantum fodinas*

ad tantum perfectionis gradum perduxisse, ut magnopere  
timendum videatur, ne pretium adamantum Brasiliensium  
dein vilescat. Hanc pagellam Carolo Morphy Para-  
quariæ Gubernatori Hyberno, bellica virtute, scien-  
tiisque clarissimo, dum ad me in S. Joachimi oppido  
inviseret, legendam porrexi. Perlegit alta voce,  
risu, an indignatione majori, nescio. Circumstan-  
tibus fociis Hispanis, viris militaribus, in Paraquaria  
natis, & illius provinciæ rerum scientissimis som-  
nium, deliramentumve scriptoris Matritensis id vide-  
batur, sed scilicet citra culpam suam ab impudentes  
mendacibus decepti. Quam prurit mihi calamus ad  
recitanda istorum nomina! Tales sunt plerique, ut  
mendacium in illos cadere non posse videatur. Ada-  
mantis vel tenuem particulam quocunque pretio  
empturiebam semper ad vitra in varios templi usus  
fundenda, sed, qui venderet, qui haberet, repertus  
est nunquam. Silex adamantis loco usque mihi ad  
hibendus fuit. Ex hoc, quid de Jesuiticis illis ada-  
mantum fodinis sentiendum, conjice. Hi in calum-  
niatorum, vel stupidorum commentariis duntaxat,  
in Paraquaria nunquam exstiterè. Si Barbari ad fre-  
tum Magallanicum metalli quid habeant, illud ex al-  
pibus chilensibus impetrarunt, ubi metalla inveniri,  
nemo ignorat. Sed Chilensis provincia a Paraquaria  
differt perinde, ut Austria a vicina Hungaria. Hæc  
auro, argento abundat, illa caret utroque. Lusitani in  
Cuyaba sita in 14 gradu latitudinis meridionalis, &  
322 gradu longitudinis, in Mato Grosso, & in pro-  
pugnaculo seu munitiuncula sanctæ Rosæ (la estacada)  
ex amnibus variis arenas, ex arenis micæ auri, seu  
psegmata, legunt, Hispanis olim conniventibus, nunc  
post ultimam pacis sanctionem palam consentienti-  
bus; Memorata enim territoria intra Brasiliæ fines  
contineri lusitani contenderunt semper, Hispanis ea



vel Paraquariæ, vel Peruvio suo adnumerantibus. Illam auri scobem ex arenis rivorum Paraquariensium seu ab Hispano, seu ab Indo quopiam quæri, inveniri, nunquam audiui, nusquam yidi. Neque scio, num rivorum sterilitati, an Paraquariensium desidiæ id sit tribuendum. Lusitanos enim in rebus omnibus solertiores, sed & auri sitientiores experti sumus in America, quod ne Hispani quidem inficiabantur.

Ad veritatem eorum, quæ hoc de argumento scripsi, stabiliendam magni ponderis mihi videtur clarissimi Bougainvillii testimonium, qui licet suas Paraquariæ notitias ex authoribus tunc nostro nomini periculosis & forte infensis hauserit, aperte, intrepideque affirmat: In illa provincia nec aurum, neque argentum procreari. Cum plura alia veritati simul, simul famæ nostræ adversa, perperam edoctus, adnotarit, nil ambigo, scripturum quoque illum fuisse de auri, argentique venis, si quas in territoriis, ubi Jesuitæ versabantur, existere vel eminus intellexisset. Illius silentium præ quavis Rhetorica plus valet ad fidem mihi conciliandam. His accedit aliud invictissimum omnino argumentum, quo vel stupidissimi de veritate convincantur: Ab anno 1767 a suis, quæ condiderunt, conservaruntque, Indorum oppidis, a collegiis, prædiisque suis absunt Jesuitæ, per varias adhucdum Europæ provincias sparsi. Hispanorum dominio, arbitrio, oculis, manibusque relictæ omnia. Tredecim jam post nostrum abitum fluxere anni. Si quid metallorum, gemmarumve usquam extaret, illorum profecto sagaces oculos nequiquam fugisset. Dudum a centum famæ buccinatoribus per omnes Europæ angulos id fuisset pervulgatum. Verum nemo hactenus de Paraquaria vel hîscere ausus. Mihi quidem, qui ephemeridum folia diver-

diversissima legere consuevi, in hunc usque diem nil ejusmodi seu lectum, seu auditum fuit. Tot auri, famæque nostræ insidiatores, avidos nobis dudum absentibus nil detexisse, haud miror; Defuisse, qui id fingeret, hominem malignum, stupeo, cum tanta nobis adhuc præsentibus affinxerint jam errore, jam malitia, invidiaque ducti. Quam ingenuus sim, ut perspicias, naturæ in Paraquariam liberalitatem candidè exponam. Videbis, ridebisque ejus thesauros.

Superiori sæculo exeunte P. Antonius Sepp Tyrolensis, vir antiqui moris, musica arte, virtutibus eximiis clarus, ac de Quatanica natione optime meritis ex lapidibus, quos ytacurû dicunt, in camporum superficie passim obviis aliquantulum ferri extorquere didicit, ope ignis acerrimi, perque viginti quatuor horas continuati. Verum vix imitatores habuit. Labore enim tanto, tanto ligno tantillum ferri constat, ut nullum videatur operæpretium. Lapidés illi ex lapillis minutissimis concreti, fusci coloris, punctulisque nigris maculati sunt. Nostra ætate plusculum ferri navibus Hispanicis allatum est, pretio tamen Europæis vix credibili venditur. etiamnum. Securis enim, si ex ferro est Suecico, vel Styriaco, quatuor florenis Germanicis, si ex ferro Hispanico seu Cantabrico, octo florenis venditur. Qui sapit, duplicato pretio emet securim Cantabricam, quia diutius, quam binæ secures septentrionali ex ferro, duraturam. Singulis adolescentibus Quaraniis ipso, quo nuptias celebrant, die; Conjugatis singulis plerumque Calendis Januarii culter vulgaris, qualis in mensa adhibetur, ab oppidi parochi Jesuita dari consueverat. Sola hæc cultri donatio plus, quam Europæi credant, sumptuosa est, cum oppida pleraque quatuor capitum millia, aliqua sex, vel septem nume-



merent, quod alias dixi. Adolescentes, puellæque  
 fissa arundine carnem bubulam secare, vel dentibus  
 discerpere solent. Tanta licet sit ferri Caritas, rari-  
 tasque, nemini nostrum in mentem venit unquam,  
 ex illis lapidibus Ytacurum improbo labore ferri por-  
 tiunculam emendicare. Sunt, qui experientiis nixi  
 suis, opinantur, ædes ex lapidibus ejusmodi structas  
 fulminibus maxime obnoxias esse; Quid? si a ferri  
 particulis intus latentibus attraherentur. Anglus cer-  
 te honesto loco natus, neque scientiarum expertus Ga-  
 dibus mihi asseruit: Gentiles suos marsupium, gla-  
 dium, & quidquid metalli secum circumferunt, ab-  
 jicere, tempestate sæviori ingruente eo, quod fulmi-  
 na a metallis attrahi suspicentur. Quam quidem  
 Anglorum suspicionem vix ausim aspernari memor  
 eventum, quos in America expertus sum aliquando.  
 In oppido S Joachimi tertia post meridiem hora ex-  
 cussum fulmen penes cubiculum, ubi necessaria ferri  
 supellex pro fabri officina asservabatur, ortum inde  
 incendium, & 20 horas sæviens totam prope do-  
 mum, cubiculum meum si excipias, in cineres rede-  
 git. Montes altissimi, qui in Cordubensi territorio  
 vallem Calamuchita circumstant, magnetem fusci,  
 melius dicam, plumbei coloris producant. Per au-  
 tumni ferias illuc rusticatum missus cum sociis intel-  
 lexi, paucos ante menses fulmen in illud domus no-  
 stræ cubiculum incidisse, ubi secures, ferræ, aliaque  
 e ferro instrumenta fabrilia reponebantur; His mag-  
 neticam vim impressit fulmen; nam acus, & quid-  
 quid ferri est, validissime sibi attrahebant. Nec  
 mirum: fulmen ex vaporibus illarum alpium magne-  
 te copioso prægnantium procreatum magneticam  
 virtutem exeruit; Id quod & aliis quibusque fulmi-  
 nibus in Europa proprium esse, ut magneticum quid  
 habe-

habeant, asseritur. Id omne physicis, naturæ speculatoribus, arbitrandum relinquo.

Ex albis Cordubensibus eruitur aliquando Talcum, quod latini lapidem specularem, vel lunarem, Græci aphroselenum, vel selebitem, Germani frausenglas appellant. Est species lapidis blandioris, coloris candidi, levissimi ponderis, nullius firmitatis. Compingitur ex tenuibus foliis. In tenues bracteolas cultello dividi ut possit, aquis immergendus est aliquamdiu. Leniter ustus papyri molliitudinem, coloremque argenti induit, parandis ad fallendos oculos icunculis, aliisque pro templorum pauperum ornatu figuris concinnandis adhibetur. Ex multis, quæ hoc ex lapide evelluntur, foliolis paucissima invenias undique nitida, ac pellucida; Pleraque enim maculis jam flavis jam nigris obscurantur. Meliora in fenestris, lucernisque vitrum suppleant, cujus, dum anno 1748 Paraquariam artigi, ingens ubique & paucitas, & pretium. In præcipuis provinciæ collegiis, Quaraniisque oppidis fenestram vitream ne unam quidem deprehendi. Quisque sibi ex talco (cum rarum sit, raro impetratur) ex papyro, ex tela linea fenestram sibi struit suam, & cum a quovis imbre, vel vento importuniori hæc discerpatur, identidem redintegrare cogitur. Postremis tamen, quos in Paraquaria egi, annis vitri multitudo navibus Hispanicis advecta est. Imminuto ejus pretio fenestris vitreis cubacula, templaque passim resplenduerunt. In templis, qua parte Austrum respiciunt, fenestræ vitreæ loco lapis collocatur, qui, alabastritis species, durus, candidi coloris est, & lucis aliquid transmittit. Magnis sumptibus ex Peruvio, nativo ejus solo, adfertur. Auster namque Meridionali in America furentissimus primo, unoque impetu, quidquid vitri habet

ixi. Adolescentes, puellæque  
bubulam secare, vel dentibus  
anta licet sit ferri Caritas, rari-  
m in mentem venit unquam,  
urū improbo labore ferri per-  
Sunt, qui experientiis nixi  
ex lapidibus ejusmodi structis  
noxias esse; Quid? si a ferri  
bus attraherentur. Anglus cer-  
, neque scientiarum expertus  
Gentiles suos marsupium, gla-  
etalli secum circumferunt, ab-  
iori ingruente eo, quod fulmi-  
suspicientur. Quam quidem  
n vix ausim aspernari mer-  
merica expertus sum aliquar-  
i tertia post meridiem hora  
cubiculum, ubi necessaria  
icina asservabatur, ortum  
oras sæviens totam prope  
in cineres  
Cordubensi  
at, magni  
prodi-



*Dabunt, afferitur. Id omne phycis, naturæ s  
lucoribus, arbitrandum relinquo.*

*Ex alpihus Cordubensibus eruitur aliquando  
quod latini lapidem specularem, vel luna  
Græci aphroselenium, vel selebitem, Germani fra  
pellant. Est species lapidis blandioris, c  
Candidi, levissimi ponderis, nullius firmit  
las compingitur ex tenuibus foliis. In tenues bræ  
aliquamdiu. Leniter ustus papyri mollietudinem,  
loremque argenti induit, parandis ad fallendos c  
los icunculis, aliisque pro templorum pauperum  
hætu figuris concinnandis adhibetur. Ex multis,  
hoc ex lapide evelluntur, foliolis paucissima inven  
undique nitida, ac pellucida; Pleraque enim m  
lis jam flavis jam nigris obscurantur. Melior  
fenestris, lucernisque vitrum suppleant, cujus,  
anno 1748 Paraquariam artigi, ingens ubique  
paucitas, & pretium.*

*In præcipuis provinciæ c  
oppidis fenestram vitream  
prehendi. Quisque sibi ex  
(rarior invenitur) ex papyro  
tam, & cum a  
ori hæc discern  
Possentis ta  
iri multatio ne  
multo eis præter  
ac passim inven  
cum refertur. Ita  
qui, autem in  
& hæc alia mæ*

habet obvium, perrumpit, cum & domos integras sternat sæpe, ingentium navium vastissimos malos confringat, ac Cœlo, minitantes Cedros evulsis radicibus præcipites agât. Lapidés, Calci cæmentariorum parandæ idonei per omnem prope Paraquariam in promptu sunt; In Quaraniis tamen, & Abiponum territorii omnino desiderantur. Paraquay, aliorumque fluminum litora Gypsum passim offerunt. Quaranii, qui ab his litoribus absunt longius, cochlearum aquatiliū, vel limacum terrestrium conchis in calcem crematis, vel creta, quam tobaty vocant, terræ Tripolitanz simili ad parietes dealbandos utuntur. Cum neque hujus mihi copia esset in oppido Beatæ Virginis Rosarii, & sancti Caroli a me condito, sacram ædiculam, tuguriumque meum cineribus bubulo sanguine subactis livi, ne parietes e ligno, arundine, limo, bubuloque fimo coagmentati oculos offenderent. Ad Tebiquary majoris ripas marmor nigrum maculis viridibus distinctum, sed exiguæ molis, videram aliquando. Num alia alibi marmora, saxave insigniora sub terra delitescant, ignoro. In Parana, quin & in sylvis, campisque ligna, cornua, ossaque lapidescere, supra dixi, ipsusque vidi. Nulli tamen illic sunt usui, neque, ut apud Europæos, magni fiunt, quia minime rara, quia domestica. Adeo scilicet ubique gentium raritas, peregrinitasque rebus pretium addit, atque admirabilitatem. Ex oppido S. Joachimi per urucuty terras iter faciens in colliculo, quem, viciniam speculaturus, cum duobus Quaraniis pedes conscendi, lapides vulgares per terræ superficiem undique stratos inveni, variz quidem magnitudinis, sed ejusdem prope figuræ. Singuli enim ore, naribus, binis oculis insigniti humanæ faciei imaginem non illepide exprimabant. Rei novitas risum nobis multum, sed plus

plus admirationis attulit. Aquarum pluviarum impetu, frequentiaque cavatos hos lapides, nil hæsitans adverti; Equalem tamen vultus figuram illis impressam, hoc solum loco, non alibi observatam, demiratus sum. Huic colli nomen? *Yra robà lapides facies* mox Indi Quaranii indiderunt. Silices rubri, nigrique coloris, igne copiosissimo facti, ac sclopis insigniter idonei multis in locis, præsertim ad Uruquay'i ripas, prostant. Verum desunt instrumenta, quibus scindi, ac ad scloporum usum aptari possent. Num Paraquaria alumen, sulphur, Mercurium usquam procreet, haud scio; Nitro tamen plures campi abundant, illi maxime, quos palmæ, Caranday dictæ, circumfistunt. Aqua pluvia ex illarum foliis decidens per contractam ex iis falsuginem nitri videtur esse semen. In non nullis lacubus, nemine adlaborante, aqua in salem concrevit post longiorem siccitatem. Aliis in locis nitrum collectum ollis testaceis coquitur, & in salem abit. In omnibus Quaraniarum territoriis nulla omnino salis copia. Hispanorum e coloniis longo itinere, maximis expensis apportatur. Testudines, quæ fluvii, rivi, quin apud Chiquitos etiam sylvæ scatent, non sunt ex illarum genere, quarum concha Europæis pretiosa, & operi faciundo idonea. Arundines, quas Hispanicæ vulgo Germani, Indicas Hispani vocant, & pro baculis adhibemus, ignorat Paraquaria, etsi tot alia variz formæ, & magnitudinis arundinum Genera numeret.

Ast quorsum, amabo, has tibi minutias commemoro? Meam ut sinceritatem, fatendique omnia, quæ Paraquaria profert, desiderium ut tandem agnoscas. Nz! insigniter stolidus sit, ac perfrictæ frontis, qui mihi testi oculato minus fidei tribuendum putet,

putet, quam putidis illorum libellis, qui seu rerum ignoratione, seu aliis rationibus ducti Paraquariam auri, argenti, margaritarum seminarium mentiuntur. Hallucinati sunt complures, qui in ipsa Paraquaria de Paraquaria scripsere. Thesauros illi liberaliter tribuunt, non quod illos possideat, sed quod illos in metallorum inope provincia sibi somniaverint. Cæcus somniavit se videre (Hispanorum est adagium) & somniavit id, quod desideravit. *El giego sôñaba, que veia, y sôñaba lo, que queria.* Horum e numero est Martinus del Barco in urbe Boniaeris Archidiaconus, qui in suo poemate: *Argentina, y conquista del rio de la plata*, rhythmis Hispanicis seculo superiore scripto præter alia fide indigna affirmat: In lacuna aliqua, circa quam Abipones nunc habitant, uniones procreari. Indorum senissimi, experientia, veracitateque magis conspicui, in illa vicinitate nati, versatique annis plurimis: Nil unionum usquam a se visum, nil hac super re a majoribus suis auditum, uno omnes ore responderunt. Hi barbari cum ad se orrandos Globulos vitreos ex Europa allatos, sphaerulas e cochlearum testa nictas, fructuum variorum semina, nucleosque, avium unques, & quas non quisquillas e collo, e brachiis, e suris suspendant quotidie, quidni unionibus inhiascent sitienter, naturâ lucidis, si in illorum aliquando oculos, manusve incurrisserent. Hanc igitur lacunam, unionum feracem, fabulis jure ad numeramus, historiarum e numero dudum a prudentibus expunctam. Quam absurde creduli, quam suspiciosi fuerint in rebus omnibus, quæ ad metallorum famam pertinent, ipsi indigenæ, colliges ex ipsis Patris Nicolai Duran verbis, qui postquam Quaraniorum oppida recentia in Quayrensi regione (jam lusitanici juris) Provincialis visitaverat, testis oculatus hæc refert: *Rupes etiam ibi ingens, visitur, ait, cujus fama*

fama omnes hasce terras pervasit, & pauper rupes per  
 antiphrasim appellatur; Quod omnes existiment ditissimam  
 illic auri fadinam latere, immo totam rupem auream esse di-  
 cunt. Rupes est admodum monstrosa, vario colore distinc-  
 ta, ac fulgore ita micante, ut solis radii haud secus in  
 eam, atque in speculum incidant, ac reflectantur. Quo-  
 fit, ut metallum aliquod prædives esse suspicentur. Quo-  
 quot in his partibus vel Gubernatores, vel milites degunt,  
 incredibili aviditate rupem hanc reperire affectant; Sed  
 propter periculum, ne aberrrent, ac pereant, non eo auda-  
 cia procedere audent, ut se via committant ab eo præfer-  
 tim tempore, quo triginta eorum balsa (naves e duobus  
 lintribus compactæ) dum eam quærent, perire. Ego  
 illac transiens, quid rei subesses, tentavi, ac merum esse  
 saxum reperi, quod ab arenis, quæ ex flumine a ventis  
 illic feruntur, adeo lavigatum, ac tersum est, ut vitro,  
 quam saxo similis videatur. Atque is ut plurimum hu-  
 mana spei portus, atque exitus esse soles. Sic ad verbum  
 dictus Nicolaus Duran folio 92 in annuis literis Para-  
 quaræ anni 1626 & sequentium, Antverpiæ editis.  
 Rem ita se habere, ut scripsit, mihi palam est.  
 Quayranas enim terras, ubi decantata illa, & jam  
 explosa rupes, plurimis ab hinc annis lusuani obtinent;  
 Hi naturæ beneficio ut perspicaces, sic intrepidi mole-  
 stiarum, periculorumque contemptores nil unquam  
 intentatum relinquunt, ut latentia metalla detegant,  
 detecta suos in usus quantocunque labore convertant.  
 Si rupes illa præter lapides nobile quid sinu gestasset  
 suo, dudum ab illis expugnata, spoliataque fuisset.  
 Verum nulla de hoc unquam facta mentio. Istudne  
 vicina lusitanis Brasiliis Paraquaria ignorasset?

Argentea vasa Hispanorum in ædibus, argentea  
 passim in templis urbium supellex visitur. Quaraniis  
 in coloniis non altaria modo, sed ipsa alicubi tem-  
 plo.

plorum laquearia auri foliis vestita sunt. Nil horum inficior. Noveris tamen, aurum, argentumque id omne non in Paraquariæ visceribus natum, sed ex Peruviana, chilensique provinciis allatum fuisse. Quaranii pro suis & pro Hispanorum templis prægrandes campanas ex ære fundunt; Verum æs Chilenfes sup-  
 -peditant. Nulla vel Regis vel alterius nomine cuditur moneta per omnem Paraquariam. Hinc exhibi-  
 -latus a prudentioribus Europæis inalignus, sed stolidus Veterator, qui Nicolai, quem Paraquariæ Regem confinxerant, nomine monetam edidit, re ipsa in Quitensi provincia cusam. Sed rudiores duntaxat, quæis parum cerebri, multum in nos bilis est, decepit. Paucas si urbes excipias, quibus vel cum Europæis navibus, vel cum Peruvianis, Chilenfibus, Lusitanisve confiniis negotiatio est, nullus, certe rarissimus viget monetarum usus; Rerum permuta-  
 -tione, ut apud veteres olim, hic suppletur. Equi, muli, boves, ovesque, tabacæ, Gossipium, herba Paraquarica, saccharum, sal, triticum varium, alii seu agrorum, seu arborum fructus, animalium pelles &c. pro nummis sunt in Paraquaria, quibus & necessaria a singulis emuntur, & Episcopis, Parochis, Præfectis Regiis stipendia solita, vectigaliaque persolvuntur, maxime in Assumptionis urbis territorio.  
 -Rebus omnibus, quæ naturâ proveniunt, fixa sunt a magistratu pretia, quæ eementes, vendentesque probissime norunt, ac observant. Hispana hera candelis sebaceis indigens servæ suæ Africanæ calathum, vel fiscellam tradit, ubi gossipii, tabacæ, herbæ Paraquariæ, sacchari, salisve reposita est portio. Horum aliquid pro arbitrato, juxta publicas tamen pretiorum leges, accipit, qui candelas vendit. Nulla hic altercandi occasio emptori cum venditore. In pauculis urbibus, ubi monetarum usus, triplex duntaxat

taxat nummorum argenteorum genus reperitur, scilicet: *Un peso fuerit, peso de plata, patacon*, qui imperialis, seu duorum florenorum Germanicorum pretium æquat. *Un real de plata, & medio real de plata*. Primus grossis quinque Germanicis; Alter septem cruciferis, & medio æquivalet. Nec aureos, neque æneos nummos usquam conspicias. Indi in oppidiæ curæ nostræ creditis omni monetarum genere carent omnino, nosque perinde, nisi quod in quovis oppido 14 nummos argenteos seu totidem reales, vel medios reales de plata in promptu habuerimus; Hi enim nummi juxta Ecclesiæ Hispaniensis ritum in publicis nuptiis a sacerdote paracho sponso, ab hoc sponse porriguntur ceu arrhæ; Sed mox paracho redduntur adeo, ut iidem nummi, iidem annuli nuptiales aliis, atque aliis serviant semper. Viginti duobus annis Hispanos inter, Indosque Paraquariæ versatus monetam, quis credat? Auream, neque aliud quid ex auro fictum me vidisse, haud memini, præter Episcopi anulum; Hic quoque num aureus fuerit, non ausum affirmare; Nam ex metallo, quod tom-baga vocant Hispani, auroque videntur præferre, plerique Episcoporum annulos gestare consueverunt. Quod Tacitus de Germania vetere scripsit: *Argentum, & aurum propitii, an irati Dii negaverint, dubito. Nec tamen affirmaverim, nullam Germaniæ Venam argentum, aurumve gignere. Quis enim scrutatus est? Para-grapho quinto de moribus Germanorum; Id Para-quariz prorsus convenire, existimo. Si aurum, argentumque illic procreasset liberalis natura, arsque, ac industria detexisset, Hispani pecorum, herbæque celebris, quæ vicinis necessaria populis, culturam sane molestam dudum abjecissent; Indi metallis fodendis occupandi, religionem perinde, ac Hispanorum amicitiam, eum servitute conjungendam refu-*



gissent. Nunquam tot barbarorum, qui sacra nostra amplexi sunt, millia numerassemus. Ut adeo metallorum seu inopia seu ignoratio divinis beneficiis, Paraquariæque felicitatibus adnumeranda mihi videatur.

Paraquaria omnis licet metallorum inops, certe infamia sit adhuc, cave, pauperem ilam, miseramque dixeris. Rebus equidem ad vitæ humanæ usus, omni præsertim pecorum genere abundat. Provinciam, ubi boum, equorum, mulorum, ovium copiosiora per campos oberrent agmina, nusquam terrarum detexeris. Singulæ illorum species ab Hispanis advenis Paraquariæ olim illatæ, & ducentorum annorum intervallo tum ob pascua lætissima, tum ob perpetuam quavis anni parte diu, noctuque campos pervagandi libertatem incredibili sobolis multitudine auctæ fuerunt. Bubuli pecoris tam numerosa fœtura existit, ut credi ab Europæo vix queat. Quinquaginta ante annos, cum campi omnes boum, qui primi capientis erant, catervis obsiderentur, iter faciendis per præmissos equites via aperienda fuit, qui obstantes, cornibusque minitantes bestias arcerent. Neque mirum idcirco, bovem adultum quinque Grossis (un real de plata) id temporis passim venisse, ut ex rationum libris vetustioribus liquet. Altare majus e ligno affabre sculptum, quod in S. Francisci Borgiæ ad Urnquay ripas oppido demiratus sum, triginta boum millibus, necdum auro vestitum constituisse, dicitur. Opus fuit Quaraniæ oppidi lauretani, queis frater noster Prasanelli Romanus sculptor egregius magister artis obtrigit. Hispanus quicumque prædium amplificaturus suum, panculis lineæ, laneæve telæ ulnis equitum conduxit manum, qui paucas intra hebdomadas octo, decem, plura etiam



vaccarum, taurorumque millia illi ex campo adducunt. Boum Paraquariensium formam nōsse cupis? Nam hoc a pluribus interrogatus fui. Proceritate Hungaricos boves æquant, corporis mole plerumque superant, non ejusdem tamen, ut illi, sed varii coloris. Feroci quadam arrogantia, capita alta gerentes, ceryos imitantur, cursus etiam celeritate iisdem prope pares. Ni diutina cœli siccitate pascua marcescant, e bobus singulis, dum maculantur, præter sebum copiosum tanti ponderis adipem colliges, ut illi asportando viri duo robusti interdum vix sufficiant. Adeps bubulus butiri liquati in culina vices agit semper. Vaccæ enim, quia ferociiores, rarissime mulgentur; Illas circurare laboriosum est multitemporis negotium, hinc & Hispania & Indis segnitibus invisum. Cicuratæ non nisi ligatis pedibus, vituloque adstante lac fundunt. Interdiu matres cum vitulis ad pascua remittuntur, sub vesperum domum redeunt ultro, nocturne, ne a vitulis lac exhauriatur, separantur. Inde est, quod rarissimum in Paraquaria universa lactis, caseique usum deprehendas, butiri prope nullum. Lanius, & macellum Carnarium ignota sunt Paraquariensibus nomina. Suos quisque jugulat boves pro arbitrio. Egentiores non libras carnis aliquot, ut in Europa moris, sed bovis jugulati partem integram emunt, plerumque ex gratuita opulentiorum liberalitate auferunt. Tauro vel ferentissimo trucidando bini, ternive adolescentes sufficiunt. Illius collo laqueum coriaceum injicit alter, alter pedibus posterioribus, nervumque unius horum incidit, mox in tauri dorsum affiliens cultrum obvium ejus cervici insigit; sic uno ictu exanimatus procumbit humi bos. Hunc morem ab Hispanis olim dominatoribus inductum vigere adhucdum in sicilia, nuperrime intellexi.



Pellis bubula, quæ a capite ad caudam tres ulnas longa sit, & ab Hispanis corium legitimum, seu legale appellatur (un Cuero de Ley) a mercatoribus sex florenis Germanicis passim emitur, cum tamen bos ipse vivus, & integer apud Hispanos quatuor, apud Quaraniōs duobus duntaxat florenis hodie vendatur. Labor scilicet, quo coria illa adhuc cruda constant, illorum auget pretium. Claviculis ligneis, ut exsiccantur, humo solenter affigenda, sub tecto in loco auræ recenti pervio, ne a tineis corrodamur, nudenturque pilis, provide asservanda, triduis, certe octiduis singulis baculo pulvis excutiendus diligenter, tinearum scilicet origo. Hic labor multis sæpe mensibus, dum vendantur denique aliquot eorum millia, continuatus magni æstimatur ab Hispanis venditoribus. Incredibile est, quibus artibus, industriisque non nulli pelles recentes, aliquantulum breviores, ad trium ulnarum longitudinem extendant, quamvis papyri instar extenuatz cui demum usui erunt Europæis coriorum subactoribus? Ob illorum querelas haud pridem illa pellium extenuatio palam interdicta fuit; Mirabar sane centum abhinc annis illam consuetudinem proscriptam non fuisse. Hispani coriorum mercatum sibi longe quæstuosissimum experti furore quodam corripiebantur, cæcæque boves, quotquot possent, trucidandi cupidine. Hunc in finem expeditorum equitum turmæ hac, illac excurrere identidem in campos, qui armentis nullius dominio obnoxii maxime turgebant. Conductis equitibus singulis singulæ erant partes. Aliqui perniciosibus equis instructi in boum agmen invehuntur, haustaque longa, cui mucronis loco falx acuta semilunam referens, designatis ad cædem tauris annosioribus nervum pedis posterioris incidunt; His c vulnere claudicantibus laqueum injiciunt alii, alii, qui  
pone

pone sequuntur, captos tauros sternunt, jugulantque. Pellibus nudare jugulatos, pelles ad præfixam sibi stationem convehere, clavis solo affigere, linguas, sebum, adipemque e cætorum corporibus eximere, ac comportare, cæterorum est negotium. Reliquæ cadaverum carnes, quibus saturari aliquando numerosus in Europa exercitus posset, in campo abjectæ remanent, a tigridibus, feris canibus, corvisque paulatim devorandæ, quin ex tot cadaverum acervo aeris corruptio vel orta sit, vel metuenda videatur. Utiæ ejusmodi aliquot hebdomadum expeditione aliquot priorum millia illi obveniunt, cujus sumptibus fuerat suscepta. Hæ boum venationes, trucidationesque per seculum continuatæ campos prope omnes exhaustæ armentis, quæ domino caruere. Desierunt publica illa, immensaque boum innumerabilium agmina (las Vaquerias vocarunt) qui nullius, sed omnium erant. Qui bovem unum, vel decem boum millia cepit, jure possedit, nemine repugante. Illius temporis homines præsentis utilitate, quæ ex priorum mercatu in se redundaverat, cæcati haud prospexerant detrimenta, quæ eorum posteris hodie patiuntur. Camporum tamen amplitudini, tellurisque ubertati tribuendum, quod Paraquariensibus in prædiis tanta etiaminum supersit boum frequentia, quam Europa nostra invidere quidem possit, sperare nunquam. Hac ætate bovem pinguem apud Hispanos florenis quatuor, binis apud Quaranienses Venalem esse, jam alias dixi. Primis, quos apud istos egeram, annis floreno passim vendebatur. Numero armentorum in dies decrescere pretium, ut fieri aliis in mercibus assolet, illorum accrevit. Hispanos novi, qui centum circiter boum millia suo numerant in prædio. Oppidum Yapeyu, tribus Regibus dicatum, ad quingenta millia, Sancti Michaelis multo plura. Ast

nil superfluum. Septies mille (tot enim incolas singula hæc oppida numerant) Quaranicis stomachis Saturandis quadraginta minimum boves quotidie jugulantur, porrecta sub vespere singulis ingenti carnis bubulæ portione. His adde boves, qui seu in oppido, seu in prædio clanculum furtivo Indorum cultro cæduntur, qui a barbaris palantibus, a tigridibus, ab efferatis canibus, a Vermibus vitulorum umbilico innascentibus quotidie consumuntur. Oppidum Caazapà, quod a Setaphicis Patribus procuratur, suis in prædiis annum vices mille vitulorum proventum habere, alio dixi loco. Mercatoriarum naves singulæ triginta; interdum quadraginta coriorum bubulorum millia in Europam transportare solent. Ecquis numeret coriorum millia, quæ pro texendis funibus, struendis sepibus, ædibus, cistis, ephippiis, pro herbæ Paraquariæ, tabacæ, sacchari, tritici, gossipii, rerum aliarum involucris quotidie impenduntur. Vulgus Hispanorum nil, nisi corium bubulum humi stratum pro lecto habere consuevit, uti & innumera æthiopum servorum turba. Minutatim hæc refero, ut ex pellium bubularum numero armentorum frequentiam conjectes. Caro bubula præcipuum, quotidianum, & sæpe unicum est vulgi Paraquariensis alimentum. Plerique certe non Indorum modo, sed & Hispanorum, quin panem triticeum vel degustaverint unquam, vitam claudunt suam. Deest aliis solum tritici ferax; Plurimis patientia ad triticum serendum, molendumque. Milium turcicum, varii coloris, saporisque batatas (raparum genus) mandiocam (arboris radicem) fabas diversissimas, siliquas Græcas pro pane suo, ac opsonio habent. Horum omnium, cum plurimis sæpissime desint, supplementum Paraquariis Caro bubula est aliquando elixa, plerumque assa, rarius sale conspersa. Ea porro Carnis portio,

quæ

quæ Europæum Stomachum opprimeret, vix medio-  
criter saturabit Americanum. Paucarum horarum-  
interjectu vitulus tener a Quaranio absumitur. Quod  
ut hujatibus incredibile, sic nobis sane exploratissi-  
mum est. Ecquis Paraquariorum sine effusissimo risu-  
leget clarissimum Americæ Historicum Robertson, qui  
(perperam scilicet ab aliis edoctus) affirmat: Ame-  
ricos languido esse stomacho, cibique appetentia  
destitui? Verius dixisset: Illos abdomine insatura-  
bili esse, voracissimos semper, semper famelicos. De  
Indis Americanis loqui ovidium 8. metamorphos.  
Crederem.

Ut vero est expulsa quies, furit ardor edendi,  
Perque avidas fauces, immensaque viscera regnat.  
Nec mora, quod pontus, quod terra, quod edu-  
cat aër,

Poscit, & oppositis queritur jejunia mensis,  
Inque epulis epulas quærit, quodque urbibus esse,  
Quodque satis poterat populo, non sufficit uni,  
Plusque cupit, quo plura suam demittit in alvum.  
&c. &c.

Non poetam fabulantem audire, sed edacitatis  
inexplebilis Americanorum imaginem mihi hic videor  
videre, Coloribus vivis bellissime expressam. Indus-  
jam jam dormiturus carnem, si in promptu sit, af-  
fandam foco admovent, quæ expectatus illico vesca-  
tur. Sit præ manibus esca, sol oriens, occumbens-  
que illius dentes occupatos, buccamque plenam vide-  
bit, stomacho tamen semper plura appetente. Car-  
nis portionem triduo itinere suffecturam primo-  
mox die absumit, quid postridie esurus sit, nil om-  
nino sollicitus; Laudandus tamen præ omni Euro-  
pæo, atque admirandus, quod cibo omni deficiente-  
per viam patientissime sine querelis esuriat. Ex tanta

inco-



ineolarum edacitate, ex quotidianis boum innumerabilium cædibus Paraquariam armentorum quidem seminarium, sed & charybdin, ac sepulchrum dici oportere, mecum existimabis. Ad excusandam Paraquariensium voracitatem dici fortassis posset; Carnes Americanas non tanta nutriendi facultate pollere, quanta Europæis Carnibus inest. Hoc mecum senserunt plures Europæi in Paraquaria quadraginta admodum annos versati. In triclinio religiosi singulis tam vasta carnis portio, quæ minimum quaternis Germanis, octonis Italis in Italia sufficeret, porrigitur. Stomachos Paraquariensium multi cibi avidiores, patientioresque esse, nemo sane dixerit, qui noverit illam provinciam cælo magis æstuanti patere. Quo vehementius enim corpora solis calore inflammanur, sudoreque quo crebrius diffiunt, tanto imbecilliores fieri stomachos, calore ad artus exteriores regresso, ac in cibis coquendis lentiores evadere, pigrioresque; Id quod æstivis mensibus in Europa experimur universi. Hinc veri est simillimum, in calentissimis quibusdam Americæ plagis existere forsan populos cibi & minus appetentes, & minus patientes, stomacho scilicet nimis cæli ardoribus labefactato. Alios item, qui ob pecudum, ferarum, frugumque inopiam piscibus, Crocodilis, quin & insectis, ut constat, spurcissimis a pueritia quotidie vescuntur, quæ quidem alimenta ad calorem stomachi extinguendum, minuendamque cibi appetentiam quid si conferant non parum?

Ut boum incredibilem multitudinem, sic equorum infinitatem educat Paraquaria innumerabilem, ab equabus septem, quas Hispani olim attulerant, oriundam. Tota illa camporum planities, quæ a flumine argenteo ad ducentas facile leucas quaquaversum

sum excurrit, equorum vagantium agminibus confertur, e quibus, quotquot libuerit, capere, sui que juris facere cuique licet. Equites aliquot paucos intra dies equos millenis plures e campo domum abducunt. Modis variis ejusmodi venatio peragitur. Interdum equos singulos, qui magis arriserint, coriaceo fure illaqueant. Verum isti hamo piscantes imitantur, multoque tempore parum capiunt. Alii piscatoribus, qui retia jaciunt, similes sepe in campo exstruunt, cujus porta manicæ instar latissime pateat, & equorum turmam, a reliquo agmine avulsam, inter illam compellunt, ubi clausi aliquamdiu fame, sitique mansuescunt, & equis cicuratis immistos, quo visum fuerit, nullo negotio abducunt. Aliquando campi spatium aliquod crematur. Ad gramen novum istuc succrescens turmatim, avideque accurrentes equos venatores circumdant undique, & abigunt. Fuisse, qui captis equabus, ne porro diffugiant claudicantes, pedes posterioris nervum leviter incidunt; Neque enim earum claudicatio procreandi fortis, ad quod destinantur, eripit facultatem. Equus ejusmodi (cujuscunque sit sexus) e campo allatus, necdum freno, ephippiisque assuescitur quatuor, vel quindecim, aliquando decem cruciferis passim emitur. Hinnuli equarum emptoribus gratis dantur. Attonitus vidi, a sex Hispanis equorum conquisitoribus bis mille equos uno agmine ad prædium aliquod cordubense adduci venales. Illorum pretium fuisse aliquot telæ laneæ ulæ, quibus pallii instar convolutis, & ad ephippia alligatis summo silentio rediverunt domum venditores, qui tanto cum strepitu horrendam inter pulverum nubem paulo ante adven- tarant. Exercitum propinquare dixisses. Vilissimo cum veneant pretio equi, uno sæpe in prædio illorum quinquaginta millia tum multiplicandæ soboli, tum

tum ferendis fessoribus destinata numerantur, quin tamen earum possessor sibi opulentus videatur. Communis est omnium prope ad omnia equorum usus. Summi æque, ac infimi non ad itinera modo, sed ad quotidianas per urbem, vel ad templum ambulæ unculas ad ligna, vel aquam e propinquo adferendam rivo equis, ut nos Europæi pedibus, utuntur. Equorum calcibus grana e tritici spicis excuti, molæ rotam ab equis, non ab aquis, per omnem Paraquariam circumagi videbis. Tot barbarorum in illa citæ ætatis, sexusve discrimen equis insident quotidie. Indi Australes (quis eorum inibit numerum?) equis non vehuntur tantum, sed & vescuntur horis omnibus. Innumera quot annis equæ trucidantur ab Hispanis, ut illarum adipe cervorum pelles rite subigere queant, & concinnare. Tigridum unquibus, serpentum mortiferorum dentibus, vermibus omnia corrodentibus, siti ex annium ficitate orta innumeri pereunt equi. Cadaverum acervos ad fluviorum, lacuumque margines deprehendimus. Hinnulorum pars minima adolescit. Plerique vel equorum rapide currentium pedibus conteruntur, vel a vermibus, qui umbilicum humidum obsident, tigridibusque absumuntur. Tantus quantumvis sit, tam universalis usus, tamque multiplex equorum interitus, illis tamen Paraquariam abhucdum abundare ex vilissimo, diverso tamen, pro equorum ratione, pretio intelliges. Equus jam freni, ephippiorum, fessorisque patiens, ætate florens, ac omnino incolumis duobus passim florenis emitur, si succussator (ein Trabgänger) fuerit. Si vero gradarius (ein Paßgänger) quatuor constat. Si cursus celeritate, vel corporis præstantia emineat, majori etiam pretio interdum ab hippophilis quibusdam emitur. Hæc clarius explicanda.



Equis in Paraquaria pretium accrescit, decre-  
 scitque non ex pilorum coloribus tantum, ac corporis  
 conformatione, sed maxime ex nativa Gressus ratione,  
 quam variam esse, ac, ut Hispani observant, quadru-  
 plicem, noveris. Plurimi fiunt ii, quibus non vulgaris  
 ille in cursu gradus succussarius, sed mollis, citataque  
 alterno crurum explicatu glomeratio; Eques his in-  
 fidens tuto calicem plenum, quin Guttam effundat,  
 manu gestabit. Ejusmodi equos latini gradarios, to-  
 lutares, Asturcones, quia olim ex Asturiis allatos,  
 Hispani: Aguihillas, de passo largo, andadores, Abi-  
 pones: Yachacatà vocant. Tales vel nascuntur, vel  
 arte fiunt. Si mater equa gradaria sit, etsi admissa-  
 rius equus non fuerit talis, hinnulus plerumque gra-  
 darius evadit; Certius tamen, si uterque parens ta-  
 lis existit. Hinc in prædiis equæ gradariæ separan-  
 tur ab admissariis vulgaribus. Equelli adolescentes  
 artium elegantia, roboreque præstantiores deligi so-  
 lent, & suavem, celeremque illum gradiendi modum  
 docentur. Pedes illorum anteriores posterioribus lo-  
 ro mediocri ita adstringuntur, ut ambulare quidem  
 possint, haud tamen gradum, quem natura habent,  
 fessori molestum carpere, pedesque subsiliendo ex-  
 porrigere. Alii singulis equelli discipuli pedibus la-  
 pidem globosum, pelle obvolutum, alligant, quo  
 cum succussario illo gressu crura feriantur, doloris  
 metu suaviter, ac tolutim ambulare conantur. Al-  
 terutra industria paucos intra menses Gradarii eva-  
 dunt, nōruntque insultare solo, & gressus glomerare  
 superbos, ut in Georgicis 3. Virgilius canit. In sin-  
 gulis Quataniorum oppidis hæc viguit schola. Equus  
 gradarius horæ unius spatio binas conficit leucas, ni  
 viz obstat asperitas. Neque illum vulgaris equus  
 assequetur, nisi ad cursum mediocre (Galop) ab  
 equite concitatus. Equi, quos succussatores latini,  
 Hi-

Hispani trotones, Abipones nichilicheraneta, Germani Trabgänger appellant, passu naturali, equiti molesto gradiuntur; Pedes enim pistilli instar cum violenta humani corporis succussatione attollunt. Ejusmodi multum quidem molestiæ sessori, minus vero periculi adferunt; Cum enim solidiora terræ imprimant vestigia, pedesque ad gressus singulos attollant fortiter, rarius cespitant, quam gradarii, qui dum pedes a solo vix separant, celeritatemque gressus summam suavitati conjungunt, ungularum ad lapides, ad arborum radices, ad glebam duriorē allisu frequentius sternuntur, sternuntque sessorem maxime, ubi trita deest semita. Novi quempiam (neque enim necesse est fateri, me illum fuisse) qui id semel, iterum, ac tertio fuerat expertus. Longis, maxime per vias salebrosas, itineribus plurimum conveniunt illi equi, qui gradarios inter, & succussatores mediū ab Hispanis Passitrotes vel marchadores dicuntur. Hi gressus humanos cum proxime imitentur, sessorem fatigant minus, tardius fatigantur, rariusque in subiecta pedibus obstacula impingunt. Multis bucephali cursus pernecitate eximii in pretio sunt, quod tum ad equestria certamina, tum ad ferarum venationem, barbarorumque hostilium insectationem plurimum valeant. Hispani campestres, Indique omnes floccificiunt equum, cujus ungula quadrupedante putrem sonitu campum quaterere nescierit. Pegasos volantes appetunt, testudines lento passu reptantes aspernantur.

Explodendi utique historici illi, qui clarissimo Robertson persuasere, Americanis equis parum corporis, nihilque prope spiritus esse. atque adeo propumilionibus, & equorum Europæorum simulacris habendos. Paraquarienses sane corporis mole, figura, virtutibus nihil ab hujatibus differre intrepidus affir-

affirmo. Altissimi, mediocres, hi desultorio equiti, illi cataphracto aptissimi, ubique oculis obversantur. Pygmæi, Corsicanis similes, ut Cometa Cælo, Paraquariæ rarissimi obtingunt. Caballos styriaci in albis natos, immensi dorso, vastissimis artibus, palmaribus ungulis, & elephantibus prope pares ignorat etiamnum Paraquaria, fateor; Graciliores, fessoribus nempe, & cursui, non curribus, ac plaustris destinatos, procreat. Quodsi tamen hi perinde ut Europæi avena, hordeoque saginarentur in stabulo adversus aeris injurias defenso, quidni ad eandem corporis amplitudinem exerescerent. Equi Paraquarienses in campo nati, in campo diu noctuque per omnes anni stationes commorantur, obvio gramine sæpe non optimo, nec copiosissimo, & hoc vel a sole, vel a pruinis decocto, arborum frondibus, quin aridis lignis pascuntur, aquam, qua sitim restinguant, diu quæzunt sæpius, & nec bonam, nec sufficientem inveniunt aliquando. Subditi semper jam solis æstuantis spicula, jam diutinos imbres, alicubi pruinas, & quod Auster importunus afflat, molestum frigus, horis, locisque prope omnibus muscarum mordacium, tabanorum, culicunque, quorum examina circum volitant infinita, aculeos nudo, sæpe cruento corpore excipiunt. His ego causis tribuendum existimo, cur vasta illa corporis obesi moles, qua Styriaci, Holsatici, Dani, Neapolitani equi pollent, Paraquariensibus non obtingat. Hybernis mensibus marcescenti Gramine hi emaciantur, nativo pilorum colore in obscuriorem mutato. Revirescente campo & color & vigor eorum reviviscit. Lætis in pascuis, ubi graminis, nitrique copia, adeo pinquescunt, ut illorum in tergo, ceu mensa, imperiales possint numerari, quod de equis præpinquibus familiare est Hispanis adagium. Verum quamvis graminis ubertas Paraquariens-

rienſibus equis adipem augeat, nunquam tamen tantum infundit robur, quod equis Eutopæis pabulum ex avena, hordeo, paleis, fœnoque compositum, tribuere conſuevit, ut ſingulis, totisque diebus vel ſeſſorem ferant, vel pluſtrum trahant. In Paraquaria brevius etiam iter ſuſcepturus equorum turbam jam a fronte præeuntem habere curat, ut fatigato alteri alter ſuccedat. Qui ante meridiem ſeſſorem portavit, poſt meridiem ſeſſore liber cum reliquis præcurret. Hinc ſingulis Quaraniis, qui ad Kegia caſtra militaturi abeunt, equos quaternos ex oppidi prædio tribuere ſolebamus, quo alternis temporibus & ſervire & quieſcere ſinguli eorum poſſent. Equi tamen in S. Jacobi de Storea territorio nati corporis firmitate, conſtantiaque reliquis omnibus antecellunt, tum quia a teneris labori aſſueſcunt, tum quia gramine, in ſolo ſcilicet arenolo, ſæpius deficiente ſitiquis græcis per ſylvas paſcuntur. Novi milites Jacobopolitanos, qui eodem quotidie equo uſi ad expeditiones militares irent, redirentque triginta, quin pluribus diebus in itinere conſumptis, quorum nullus ſine multa ad ſeras per viam venandas curſitatione abire ſolet; Tenuiſſimo enim com meatu inſtructis eſuriendum illis foret crebrius, ſi venatu abſtinerent. Ferarum mortibus vitam conſervant ſuam, & meam quoque conſervarunt ſæpe; Multa equidem cum illis, longaue itinera conſeci per tristes illas, quæ in chaco occurrunt, ſolitudines. Mihi quoque equos Jacobopolitanos præ reliquis omnibus utilioreſ, charioreſque ſemper fuiſſe, pleno ore conſiteor.


Omne colorum genus, queis in Europa ſe ſe diſtingunt equi, in Paraquarienſibus item deprehenditur. Multo plures tamen candidi, fulvique, quam nigri, ac ruſi coloris iſtic procreari, id mihi certum, ſed

& admiratione dignum videtur, cum sub eadem prorsus cœli regione seu ex Europæis, seu Americanis parentibus prognati homines plerique omnes nigerissimis crinibus, asperisque insigniantur. Hispanus albescantis capilli, rarissimum est in Paraquaria spectaculum. Matris Indæ proles albicoma pro portento haberetur, spectris, monstrisque adnumeranda, & a barbaro patre in obvio lacu submergenda fortassis. Equi nivei, fulvique coloris, quos Hispani cum latinis bajos, spadiceos, badios, vel balios vocant, oculis arident equidem, a priscis commendantur, a docilitate, mansuetudineque profecto laudandi; Verum, experientiam testor meam, ad lassitudinem, sudoremque præclives, rarissime iis pollent viribus, quas in equis nigri, vel rufi coloris suspicimus, in illis maxime, quorum color rufus ad panis tosti similitudinem accedit; De istiusmodi equis laboris, itinerumque patientissimis Hispanorum fert adagium: *Eos morituros prius, quam defatigandos esse. Alaxam rostando antes muerto, que cansado.* Experti sumus tamen frequenter, equos albos, (Dordillos vocant Hispani) qui pilis candidis nigros interjectos, jubam, caudamque nigram habent, virium firmitate eximia præstare. Idem de bajis obscurioribus sentiendum, (Hispanis: bayo encerrado) juba, caudaque nigricanti insignibus. Ut Americanis rebus Græcæ eruditionis micam inspergam: Ipsi Achilli ab ephippiis fuisse præter alios equum balium (ex interpretum mente baium, seu spadicei coloris) Homerus refert. Equi maculosi in Paraquaria subdoli, periculosi que, atque adeo cautissime tractandi putantur; Neque injuria id putari, damno meo solum expertus frequenter; Quamquam verissime dici possit, equos Paraquarienses, cujus demum cunque coloris sint, nunquam ea fiducia, securitateque conscendi, qua Euro-

pzi plerique conscenduntur. Multi enim illorum calcitriones, refractarii, sternaces, cespitatores, plerique meticulosi, pavidī, qui vel repentino strepitu, vel rei peregrinæ conspectu ita exterrantur, ut neglecto freno, capite sessoris pectori admo- to jam resistent identidem, jam sessorē, ni firmus sit, calcitrando præcipitem agant, vel extra viam abripiant. In S. Jacobi de Storea urbe dono accepti equum, juvenem pelle candida nigris punctulis interstincta. Annos complures maximo mihi usui, levamentoque fuit, quia tam robustus, ut nulla itineris diuturnitate unquam frangeretur, semper indefessus; Tam mansuetus, ut nocturnis perinde, ac diurnis horis nunquam trepidaret. Quid quod & sclopi ejus capiti aures inter incumbētis tonitru immotus excipiebat. Talis ut ut esset, a me nullis impelli modis potuit, ut in campo illi stationi propinquaret, ubi tegulas recentes e limo nigro paratas eminus conspicabatur, rem scilicet sibi nunquam visam reformidans more illorum, qui, quidquid novum, periculosum putant. — Quantis, amabo, terroribus exagitaretur, exagitaretque equitem equus Paraquatensis urbem Europæam ingrediens, ubi tot coloris, configurationisque varis ignota spectacula, pyrobolarios milites hirsuta mitra sublimes, matronas tiarīs carbaseis capitis alta gerentes cervorum instar, strepitantique syrmate verrentes plateam, turrets cœlo minantes, domos continua fenestrarum serie coruscas, aliaque id genus oculis observarentur; Verum iisdem rebus iterum, iterumque impune spectatis terrorem Panicum sensim dedoceretur, ipsa assuetudine, ut aliis usuvenit, naturam meticulosam corrigente. Vidimus equidem in Paraquaria Paraquarienses equos ad belli quoscunque usus feliciter erudiri, tympanorum murmuri, bellicarum

machinarum tonitruis, aliisque, quæ pugnam comitantur, functionibus tandem assuescere.

In tanta equorum multitudine multa eorum varietas. Alios aliis venustiores, robustiores, perniciosioresque, uti in Europa, deprehendes. Quibus pectus latum, minusculum caput, oculi grandiores, ac nigri, aures curvæ, micantesque, nares late patententes, juba densior, cauda vastior, longiorque, hirsuti pedes, venter minime obesus, tergum latum, rotundum, crura recta, gracilia, ungulæ duræ, nec pectinis instar fissæ; Qui cum lasciva alacritate gregales in campo ad pugnas lacessunt, fossas sine tergiversatione transiliunt, paludes festinando transmittunt, ut primum frenoque, ephippiisque soluti ad sudorem abstergendum humi se iterum, iterumque hilariter volutant, ejusmodi laudem, palmamque præ reliquis in Paraquaria ferunt, ac strenuis accensentur. In campo saxi aspero nati meliores item putantur iis, quæ planities blandioris, luteæque glebæ solum natale fuit. Quod si equum locis lapidosis assuetum ad campos putres, palustresque transferas, tergiversantem illum, suspensoque passu timide gradientem diu experieris. Terra ungulis cedens trepidationis nempe est origo. Qui vero blando in cespite educatus ad saxeta, ad vias glareæ horrentes transit, cespitare identidem, ac demum attritis, cruentatisque lapidum asperitate ungulis claudicare solet. Nullus equidem solearum ferrearum per omnem Paraquariam, licet rupibus, saxisque alicubi asperam, est usus. Harum quævis quovis equo esset pretiosior, cum ferrum ob raritatem incredibiliter carum sit, & fabri, qui soleas bestiis induere noverint, ne de nomine quidem noti, & profecto neutiquam necessarij. Longo tot annorum usu comperi, equos, ubi ubi natos, mensium pau-



corum intervallo cuius demum solo assuefieri. Non Hispani modo omnes in Paraquaria, sed & barbari omnes equis non nisi spadonibus insident. Luna deficiente castrantur frequentius, feliciusque. Neque philosophorum recentiorum quispiam id affirmantem me, quæso, rideat, a me, & Americanis omnibus ridendus. Norunt illi omnes, vident, palpantque manibus, lunam in nostra influere. Nil mihi exploratius. In ædibus me iubente, præsentemque fabricatis expertus sum toties: Arbores luna adulta sectas mox senescere, carie infici, ac a vermiculis, quos tineam vel teredinem dicimus, brevissime absumi; Arbores alias ejusdem generis, ac ætatis luna vel emoriente vel nascente sectas saxi istar incolumes durare annos plurimos, quod discrimen in domibus coloniarum S. Hieronymi, & conceptionis Abiponibus conditarum mihi prorsus spectabile fuit. In primò tinearum ne vestigium quidem, summa lignorum firmitas, integritasque obserbabatur, quia palmæ luna deficiente ab Hispanis resectæ fuerant. In altero paucos post menses trabes, tignaue omnia adeo exesa sunt, ut flavi pulvisculi diu noctuque inde nivis instar delabentes pavimentum, mensam, lectum implerent, ingensque vermiculorum rodentium strepitus exaudiretur, quia palmæ ejusdem generis ab Hispanis militibus fabricam domus nostræ, reditumque ad suos accelerantibus luna, ut tunc erat, plenissima cæset. Mihi hæc habitatio, quamvis ampla, adeo intolerabilis visa, tugurium mihi ut novum struxerim. Neque id rudis plebeculæ, ac rusticorum observatio- nem dixeris; Nam columella naturæ diligens scrutator libro 12 monnit: *omnis materia in ædificia succidi debet luna decrescens, ab vigesima in trigessimam, quia sic casa judicatur carie non infestari.* Quod in lignis, idem in seменте, in trecentis aliis experimur. Pelles luna  
plena



plena bobus detractæ depiles fiunt illico, non item luna denascente; Hæ, quia duraturæ, herbæ Paraguaricæ conservandæ impenduntur; Illæ rebus exigui momenti. Nautæ ventis contrariis retardati lunæ mutationem avidè expectant; Nam hac mutata ventum quoque mutari plerumque, experiuntur. Decem, quos tum per oceanum, tum per mediterraneum navigans consumpsi, mensibus observavi, navarchos Hispanos, Lusitanos, Suecos, Danos &c. attentissimis semper, & prope anxii oculis vigilasse, quoties lunæ vicissitudo aliqua instabat, sub idem enim tempus aeris, marisque vicissitudinem vel sperabant, vel metuebant experti dudum, luna variante variare elementa, alterarique, ac priori malaciæ turbine, Boreæ Austrum, vel huic illum succedere.

Ex arbore Cupay (unde notissimo balsamo Brasiliensi Cupayba nomen) ad medullam usque securi incisa oleum & medicis, & pictoribus usitatum profluit. sed verno solum tempore (septembri scilicet, & octubri mensibus) ac luna plena; Hac enim deficiente ne unam quidem Guttulam expecta. Utrumque expertus sum ipse, & vix oculis credidi meis, nisi re ipsa convictus denique. Pluribus id genus experimentis abstineo, ne ultra limites, propositumque meum excurrat digressio de lunæ virtutibus, cujus equorum castratio nil cogitanti mihi occasionem præbuit.

Equas ephippiis assuefactas præ quovis equo itinerum molestias & facilius, & diutius tolerare, adeo mihi exploratum est, ut dubitare non ausim. Vaccas quoque in trajectu nando fluminibus strenuiore, felicioresque semper vidimus. Plura sæpius bouum millia, in turmas minores divisa, per latissima flumi-

na transmittuntur natatu. Tauros semper plures, quam vaccas submersas numeravimus. Illi equidem ad natandum segniores a rapido fluviorum cursu crebrius abripiuntur. Equabus, quæ procreationi duntaxat dant operam, & juba, & cauda tondetur ab Hispanis, ut citius, certiusque pinquescant. Aliam quoque subesse causam, haud ignoro. Equorum vero, qui sessorem patiuntur, pretium juxta, ac elegantiam anget cauda promissior, densiorque. Vel abjectissimus æthiops probrum, suppliciumque putaret, si equo caudæ experti insidere juberetur. Indi fabulari nos credunt, dum referimus, existere in Europa homines, qui equorum caudas mutilent, idque decorum arbitrentur. Ajunt illi equidem, caudam liberalem non ornatum modo præcipuum, sed & arma equorum esse, quibus scilicet culicum, muscarumque examina arcerent. Hispano Presbytero provecæ ætatis, valetudinisque dudum profligatæ equus erat ut mitissimi ingenii, sic gressus blandissimi, celerimque. Hoc præ innumeris suis ad itinera necessaria utebatur senex. Hispanorum quispiam eidem equo inhiaverat diu, & pretium, quantumcunque herus posceret, obtulit nequidquam. Repulsæ impatiens, ni eum ultro sibi venderet, enraturum se, ut clanculum subduceretur, comminari audet. Herus, nullam minis exequendis difficultatem subesse reputans, heus tu, servo ait suo, age, propera, equo illi meo caudam refeca. Præstat equi partem, quam totum amittere. Extra populi conspectum in campo usui mihi erit, lenimentoque itineris. Candâ mulctatus ridebitur a spectatoribus obviis, sed contra fures sui semper manebit securus. Malo & ipse explodi, equo cauda spoliato, sed tamen meo insidens, quam ab alio succussario sonipede, ut piper in mortario, totis artibus, ossibusque moli, Novi familiari-

hariter hunc stoicum, & ut commiseruit, dilexi. Candam equi, cui alter infidet, mutilare, vindictæ genus acerrimum est, neque infrequens Hispanorum vulgo; Probrum quoque intolerabile putatur, si alter alterum equum sine canda (un rabon) appellet.

Ad equorum pinguedinem seu conservandam, seu procurandam non mediocriter sane confert exquisita illorum munditia. Si enim cutis pulveribus obsita, si juba impexa, si cauda porrigine laborans, setis intricatis velut in globum coeans, transpirationi, ut ajunt, per poros via intercluditur, equi emaciantur sensim, strigosique evadunt, vel scabielem contrahunt. Hinc Hispani, Abiponesque rerum suarum studiosiores, etsi minus supersticiosi sunt in equis suis pectendis, lavandis, expoliendisque, quam Europæi, careantque omnino instrumentis ad id facientibus, id tamen curant diligenter, ne equi sordescant, quæ campus patens nulla non anni parte diu nocturne pro stabulo, ac præsepi est. Si cardui, spinæ, alique id genus herbæ aculeatæ caudis adhærescant, eam setas sebo perunctas virgula extricant solerter. Itinere quovis defuncti ephippiis amotis mox equi dorsum sudore æstuans frigida abluunt, exterguntque, & ne aura frigidior tumescat, stragulo textili aliquamdiu tectum conservant. Illi porro equorum incolumitati, vivacitatiq; maximopere consulunt, quibus curæ est, ne a pascuis seu lacus illiines, seu amnes limpidi procul absint, quos equi pro arbitrato adeant non potaturi modo, sed &, cælo præsertim æstuante, identidem lavandi, quod illis ut volupe, sic salutare, propeque necessarium. Hybernæ enim mensibus ob auram rigidiorẽ, æstate vero pluviis sæpe deficientibus macie, scabieque inficiuntur, ni illis abluendi sui, natandique opportunitas sit in promp-

tu. In vicino nobis prædio aquæ profundioris inope ingentes equarum greges scabie propemodum contabuisse memini; Convaluere actutum aperta illis per sylvam interpositam via ad amnem propinquum, qui pro balneo iis, ac præ omni pharmaco fuit.

Per Paraquariæ campos, pecorum diversoria, non solum copiosus latet anguis in herba; Sed Herbarum etiam complures quovis angue lethifero nocentiores famelicis eorum faucibus patent. Harum celebrior, frequentiorque illa, quam indigenæ nunc vocant. Caule procero est, flavoque flore nitescit, sed vi pestilenti ad perimendas bestias pollet. Equi illa vescentes pereunt, febrili certe tremore exagitantur aliquamdiu. Cordubensi in territorio lethifera hæc herba campos ingentes flavescere, ipse vidi. Equi istic nati impune illam devorant, quia huic escæ a teneris assueti, ut imbecilles tamen, nullisque itinerum molestiis pares passim despiciuntur. Audi industriam, qua Hispani equis suis cavent, ne lethalem hanc escam degustent. In hostem profecturi socios aliquot speculatores quotidie præmittunt. Ubi meridiandum, pernoctandumve est, illi omnem late campum, in quo equi militum pascantur, circumspiciunt. Sicubi exitiales illas herbas detexerint, evellunt paucas, & in fasciculum collectas foco injiciunt, ut fumus inde coortus a vento contrario ad equorum turmam deferatur, cujus odor naribus illapsus herbarum pestilentis horrorem illis inspirat. Etsi enim reliquum promiscue gramen avidis carpant dentibus, illa solite abstinent. Verum tot alia eheu sunt mortis instrumenta, tigrides, serpentes, vermes, a quibus incredibilis quot annis equorum numerus conficitur. Vermium, qui equos corrodunt, generis, occasioque ipsa sunt ephippia, quorum in Paraquaria est

est usus. Hæc ex corio subacto confiunt, binis jun-  
corum fasciculis farciantur, qui utrinque equi costis  
incumbunt ita, ut spinam dorso ephippia non contin-  
gant. Pulvillo, tum ad equi, tum ad sessoris com-  
moditatem ab Europæis adhiberi solito, undique ca-  
rent. Illius loco quatuor ulnarum telâ lanea com-  
plicata dorsum equi tegitur, huic mox phalerarum  
instar adjicitur stragulum e molliore corio, varie cæ-  
latum, ornatumque figuris. Hæc ephippiis, ne equi  
tergum offendant, substernuntur. Istis, mollius ut  
sedeat eques, arietis pellis imponitur vel stragulum  
ex ovium villis vario ad ornatum colore tinctis con-  
cinnatum, quo cæu Culcitra, dum in campo humi  
cubandum; Paraquarientes uti consueverunt. Cin-  
gulo non camabino, sed loro bubulo ephippia equi  
dorso alligantur, quin fibulis sit opus. Stapedes e  
ligno affabre sculpti & nobiliorum ad usum laminis  
argenteis condecorati ab Hispanis *baules* cistæ vocan-  
tur; Re enim ipsa cistulas referunt, cum equitis  
pedes claudant penitus, & adversus cæli, viarumque  
injurias tegant, protegantque. Verum si equus su-  
bito casu sternatur, vel sternat sessorum, illi pericu-  
lum creant ejusmodi stapedes, cum pedem ex illis  
prompte retrahere, ne ab equo labente comprimatur,  
aut raptetur, aliquanto difficilius sit, quam ex  
ferreis illis Europæorum stapedibus. Stapedes, queis  
Hispani plebeji utuntur, calceorum semper expertes,  
e ligno pariter parati foramine sunt tam exili, ut illis  
maior solum pedis digitus inferi possit. Barbari, e  
majorum suorum ritu, stapedibus carent, aliqui eti-  
am ephippiis semper. Frena quoque Paraquariensia  
ab hujatibus & figura, & mole differunt. Indi fre-  
num ex cornu bubulo lignellis craticulæ instar trans-  
versis compositum passim adhibent, quod totam,  
quanta est, equi buccam implet. Hispanorum calca-

ria immania sunt radiis vastis, przlongis, sed parum aculeatis instructa, quæ equorum latera tundere potius, quam pungere queant. Abhorrent a minütis, sed præcütis Europæorum calcaribus, quibus cruentari facile equos, & in furias agi putant. Barbari, quorum equos jure Pegasus volantes dices, calcari abstinent prudenter. Nam, ut Ovidius cantaverat; Non opus est celeri subdere calcar equo. Talis freno indiget magis, & sessoris barbari calcibus ad cursum effusissimum concitari potest vel segnissimus. En! omnem, qua equus in Paraquaria apparatus, rerum supellectilem. Nolo enim te quidquam eorum, quæ in Paraquaria equis accidunt, ignorare. Sed audi porro paucula de illorum ægritudinibus, & medicamentis.

Sæpe straguli asperioris affrictu, sæpe ephippiorum durtia, vel compressione labefactatur equi tergum. Quod si post longam defatigationem sudore adhucdum fumans stragulis denudetur suis, repentino aeris rigidioris, vel pluviz accessu intumescit, tumore sensim in vulnus desinente. Pelli exulceratur, vel cruentatur muscarum ægmina confestim insident; Illarum ex semine, sordibusque vermiculi albi dorso innascuntur, quod & carni ex bove recens casu passim usuvenit. Periculum in mora est. Vermes enim in horas incredibiliter augentur, ac ad interiora irrepunt. Equum incolumem si cupis, citra cunctationem ligno tenui e carne effodiendi sunt vermes; Cavernæ, vermium receptaculo, tabacæ folia ore mansa infarcienda iterum, iterumque; Horum amaritie vermes necantur, muscæ terrentur vermium genitrices, & putredo ulterior impeditur. Cicatrix sebo perungenda quotidie, pili novi ut succrescant. Hæc quia remedia a plurimis vel negliguntur, vel ad tem-

tempus, quo nullus jam remedio superest locus, procrastinantur, equos longe plures a vermibus corrodi, quam a tigridibus discerpi, certissimum mihi videtur. Recentes in equi dorso plagæ facile sanantur; Invenientatæ vix unquam bene. Et si consanuisse videantur, obducta etiam cicatrice, rursus recrudescunt vel violenta equitatione, vel aura frigore, quæ dum equo dolorem, periculum equiti accersunt. Doloris enim sensu efferatus nullum calcitrandi facit finem, dum sessorem sibi molestum excutiat denique. Non semel expertus hæc scribo. Indi jam radicem Quaycuru dentibus contritam, jam tigridis adipem liquatum, jam concham animalculi (quod Hispani armadillo, vel Quiriquincho, Quaraniî tatu poyû appellant) hirsuti in cineres redactam, jam aliud, nescio quid læsis equorum tergoribus illinunt, sed raro plene medentur. Didici ex libro Patris Martini Szentivani Hungari de animalium, alodiorumque cultu remedium Americanis illis omnibus longe præclarior, & meo, & plurimorum Paraquariensium experimento probatissimum. Sal probe tritum aceto, & vitello ovi commiscetur. Hoc equi tergum sauciatur, vel tumidum semel quotidie perungitur. Quæ quidem unctio saniem abstergit, vermes prohibet, tumorem tollit paucos intra dies, carnem, pilosque renovat. Eodem Szentivani authore: Capa alba, quæ cibus condiendis passim in culina adhibetur, mediocriter assa tumenti, vel cruentato equi tergo alligatur. Utroque medicamine servatos equos plurimos, ipsi vidimus. Uterentur utinam alterutro Paraquarienses, tot equorum, quos, pigritiæ victimas, vermes quotidie absument, cadaveribus campi non horrerent utique. Aves quædam majusculæ, versicolores, carnivoræ, vulturum e genere, a Quaraniis Quiriquiri dicuntur, equorum medici prope dici possunt.

funt. Exulcerato enim illorum tergo insident, & nulla calcitracione territz saniem, vermiculosque exhauriunt. Quamquam rostro præacuto vulnus amplificent sæpius, venia tamen digni perinde, ut nostri medici, dum medicaminibus seu immodicis, seu acrioribus jam morbi sensum exasperant, jam periculum augent, ægrotantium licet studiosissimi.

Vespertilioes quoque, qui numero, moleque corporis Europæos longissime superant, equis non molesti tantum, sed & noxii sunt. Copiosissimi in campo circumvolitant. Equo insident, & dum rostro tergum ejus laniant, continuâ alarum agitatione auram, lenem placidamque movent. Orta inde titillatione quasi sopitus equus, nihilque repugnans sanguinem a Vespertilione exsugere suum patitur. Vulnus remanens, ni mox calenti cinere conspergatur, protinus intumescit, exulceratur sensim, ut adeo vespertilionum moribus veneni quidpiam inesse, nil dubitemus. Eodem prorsus modo, quo in campo bestiis intidiantur, illarumque sanguini inhiant, in domibus hominum dormitantium sanguinem sorbere consueverunt vespertilioes. Doloris sensum, quem rostro mordaci inferunt, alarum agitatione refrigerante supprimunt; Tum denique a volucris hirudine exsuctum te, scies, dum mane expergefactus cubile sanguine tuo affatim respersum, conspicaberis. Frequens hæc historia in ædibus campestribus, quæ dudum incola caruerunt. Imbribus plures per hebdomades, quod nil rarum Paraquariz, diu, noctuque continuatis camporum planities aquis innatet, necesse est. Equis nullum, ubi pedem figant, nisi in campo receptaculum. Hinc tanto tempore aquis immergi dum pascuntur, illorum adeo mollescent ungulæ, ut, cum pedibus insistere, pabulumque con-

qui.



quirere nequeant, pereant denique, cæterum incolumes. Dum post triginta aliquot dierum pluvias oppidum conceptionis ex litoribus Narahaquem ad flumen saladum transfulimus, in duorum & viginti dierum itinere equos ducentis plures ab Hispanis militibus per viam idcirco abjici, mæstus asperi. Interdum equus stranguria, dysuria, & qualicumque demum excernendi lotii difficultate laborat. Talia patienti equo Hispanus medicinæ loco ephippia alligat, eumque, dum denique sudore dissipat totus, laxis habenis, admotis calcaribus ad cursum effusissimum impellit. Neque pluribus opus est. Equus paulè ante moribundus mox convaluit; Nam campum inundavit. Aliquando seu nervorum convulsione, seu rheumate corripuntur equi, pedibus insistentibus nequeant. Tales Hispani milites ligatis fune pedibus sternunt. Illorum tibiae liberaliter permungunt, calcibusque suis tundunt identidem; Solutos conscendunt, ac vel tergiversantes ad cursum urgent. Durissimus hic curandi modus, sed brevissimus, me inspectante, admiranteque exitum optatum habuit. Paucula de equorum curatione attingere visum est, non ut Europæi Paraquarios imitentur, sed ut vel rideant, vel mirentur. Paraquaria cum equis, perinde ut infectis, abundet, de eorum curatione, si ægrotent, parum laborat. In Europa, quia pauciores, pretiosioresque equi, quid mirum, plures eorum & medicos, & medicinas in promptu esse. Quid si & has, & illos in Paraquaria supervacaneos dicerem? Rarius enim, leviusque istic ægrotare equos, palam est; Nam sui plerumque juris sunt, libertate fruuntur sua, campos percursant hilares, puram semper sub dio cœli auram hauriunt, recenti, quod pia natura indulgit, gramine vescuntur, vivis fere ex amnibus potum, balneaque pro arbitratu sibi indulgent, vestan-

vectandis oneribus, curribusve nunquam occupantur, ac vel ideo vivaciore, sanioresque equis Europæis, qui latronum instar catenis vincti, tenebricosis sæpe in stabulis, ceu carceribus clausi majorem anni, ætatisque suæ partem agunt, fœno pumice ficciori, paleis ligno durioribus ventres implent potius, quam reficiunt, avenarumque rarius, parciusque, quam rutilicolæ placentas, degustant, sæpe, diuque sitiunt, esuriuntque jam servorum seu furacium seu pigrantium culpa, jam horum avaritia, qui de occupandis plus, quam nutriendis bestiis sunt solliciti. Taceo perpetuam, quæ ex affigendis, refrigerandisque toties ferreis soleis accidit, equorum molestiam, quin & cruciatum sæpe ex fabrorum inscitia. Hæc animo voluens hand miror hujusmodi equos mille morbis obnoxios; Vel unum superfluum esse, miror. Academia hominum, qui equis mederentur, opus fuit.

Muli equis associati Paraquariæ campos implent; Neque dissociandi sunt meis in commentariis. Corporis proceritate equis pares quam plurimos videbis, plerosque tamen mulis illis minores, quos seu Hispania, seu Italia procreare consuevit. Multitudinem mulorum vel ex hoc conjice, quod pæloginta circiter illorum millia quot annis Paraquaria Peruvio transmittat, ex quorum mercatu, quidquid argenti seu in templis, seu in ædibus ostentat, recipit quæstus sane non mediocri. Muli enim biennales, necdum domiti, tribus plerumque imperialibus Hispanicis in Paraquaria, decem, quin & quatuordecim sæpe in Peruvio veneunt singuli. Ecquis numerum ineat mulorum, qui intra Paraquariam tum in urbibus, tum in prædiis jam oneribus, jam fessoribus portandis quotidie dorsum substersternunt suum. Mul-

ta illorum millia herba Paraquariensi e sylvis in urbes transferenda occupantur semper, & cum viarum asperitate, tum hominum asperrimorum ineluctantia turmatim annis singulis pereunt. Prædia novi, in quibus quatuor mulorum millia numerantur, ac multo plura equarum millia mulorum procreationi destinata. Verum hæc multis industriis constat, quæ quia in Europa vel nesciuntur, vel negliguntur, inde tanta apud Europæos mulorum paucitas, caritasque. Exponam breviter, modestèque omnia, quæ prædiorum dominis hoc in genere usui esse possent, maxime in Hungaria.

Campus, ubi equæ, asinique earum mariti paſcuntur, fossa, sepibus, sylva, vel flumine claudatur undique, ne equabus ad equos, ne asinis ad asinas exitus pateat. Naturam enim secuti suam in sui similes propendent. Violenta hinc, atque artificialis est mulorum genesis, sive ex equo, & asina, sive ex asino & equa (quod usu receptum in Paraquaria) procreentur. Mulus, dum vixerit, fraudulentissimum sane animal, & astutum, ut nascatur, fraudibus opus est, ac astu. Arte formandi sunt, qui equabus se conjungant, asini. Equarum, quæ equos, asinarum, quæ asinos paſcant, gregem in promptu habere oportet. Ut primum equa peperit, foetus illius equulus jugulatur, excoriaturque. Istius pelle, antequam exarescat sanguis, asellus recens natus vestitur, ac ad equæ partu defunctæ conspectum adducitur. Hæc aures longiusculas conspicata, sobolem hunc (asellum) negat suam, ferociterque ab uberibus repellit suis. Verum accepto, qui ex equuli occisi pelle emanat, odore foetum esse suum suspicatur. Diu, multumque hæsitans naribus denique plus fidei tribuit, quam oculis, asellum prolem credit suam, ac ad ubera admittit.

mittit. Confirmata sensim matrem inter, ac adoptivam familiaritate pellis aliena asello detrahitur, qui jam sine larva equæ lacte nutritus, equas inter adolefcit, illarum ad nuptias subinde aspiraturus, transfereendusque ad campum, ubi equæ mulorum procreationi destinatur, & ab equorum consuetudine separatæ pastura habent. Hæ tamen asinos a se lactatos, educatosque nec appetunt unquam, neque admittunt; Hinc illis associandi aliquot equi admissarii, sed tales qui conjunctionem cum illis tentare quidem quæant, nequeant tamen perficere. Quamobrem isti non castrandi, sed quadam ratione (sapienti pauca) mutilandi sunt. Incudem inter & malleum hæreo. Verecundus esse dum laboro, obscurus fio. Malo tamen dici obscurus, quam esse parum cautus. Cujus interest penitus ista nosse, me consulat. Multa in aurem dici possunt prudentibus, quæ nefas sit typis in lucem edere. Asinos generandis mulis aptatos burros hechores; Admissarios mutilatos retajados Hispani vocant, majorique vendant pretio, quia plures ex vulnere sapius repêrito pereunt. Equas, quæ minus proceræ sint, mulorum matres deligere solent prudenter, quia asinorum corpori magis congruentes. Hæc, quæ adnotavi, cum curatissime observentur in Paraquaria, tanta est passim mulorum frequentia. Ducentos, quin & multo plures quot annis nasci in mediocribus prædiis observavimus, si modo equarum numerus, asinis habilibus aliquot adjunctis, respondens istic alatur. Provinciarum Austriacarum utilitatibus consulturus, quamvis calamo refugiante, hæc scripsi, ne mulos ad privatorum obsequia tanti porro emere in Italia cogeremur. Hungaria cumprimis, quæ equis, campis latissime patentibus, pascuisque lætissimis gaudet, paucos intra annos mulorum gregibus abundaret, si opportunitatibus, quas illi

illi natura offert, Paraquariorum exemplo uti vellet. Ex minorum, quos vicinæ provinciæ citra dubium avidissime coemerent, commercio luculentiores profecto, quam ex vini, triticique cultura; quantum faceret.

Quamvis nec mulæ pariant, neque muli generent; Hi tamen hædorum instar petulci si quam equam ineant, eam sterilem reddunt. Idcirco nulli parvuli, anno majores, ab equabus separantur illico ad prævertendam illarum corruptionem. Castrantur plerique omnes, & biennes jam seu ad onera, seu ad sessorum portandos erudiuntur. Illorum, ferocissimi cum sint, institutio tempore, labore, periculoque quotidiano domitoribus constat. Quantumcunque procedente ætate morigeros se præbeant demum, ac dociles, nunquam illis omnino fidendum. Nam ut Hispanorum fert adagium; Mulus hero famulabitur suo septuaginta annos, calcibus mactare illum ut possit denique. Confracta crura, raptata humi multorum corpora, truncatæ manus, allisa arboribus, saxive capita, aliz, quas ipsi spectavimus frequenter, id genus tragoediæ veritatem hujus adagii luculente confirmant. Muli equidem, licet præ quovis equo viribus polleant, læcet per sylvas, per saxeta, per campos invios firmiori simul, simul leniori incedant gradu, rariusque offensent pedibus, semper tamen præ quovis equo reformidandi sessoribus, quia semper meticulosi, semper periculorum suspicaces. Repente in via subsistunt attoniti. Olfactu explorant gramina, arrectis auscultant auribus, vagis in omnem partem oculis vel remotissima speculantur. Color plantæ exotici, peregrinus odor, avicularum fibilus, varius per sylvam arborum stridor, aut foliorum agitatio insoleus vento excitata tigridis propin-

S

quan-



quantis suspicionem illis ingerit, dubia præsertim luce, vel nocte obscura. Terrore mox correpti Panico sessorem fugiendo, qua lubet, abripiunt, & ni præsentissimo sit animo, humi præcipitem dabunt, vel stapedi inhzerentem calcitrando raptabunt aliquamdiu. Periculi plena mulorum calcitratio, quia celerime, diutissimeque repetita. Nunquam igitur plus timendi muli, quam dum sibi timent; Nam sic tunc impotes freni, licet validissimi, sensum amisisse videntur. Cui equus præsto est, horis antemeridianis, si sapit, mulo abstinet. Mane equidem tigridum campo inambulantium, indormientiumve recentia extare solent indicia, atque exhalationes, quarum vel umbram pavent, totisque artubus contremiscunt. In S. Caroli oppido Abiponum meorum quispiam tigridem hasta confixerat, quam in partes rite dissectam equitans domum deportabat, lautas, si superis placet, epulas contubernalibus instructurus. In via pernam tigridis rupto, e quo pendeat, loro, amisit insecus. Eodem die huic ego loco, rei ignarus, appropinquaveram; Verum mulus, cui insedi, percepto eminus odore perculsus extra viam me abripuit. Quin multis post mensibus terroris sui memor per hanc, ubi tigridis perna jacuit, viam ut mecum transiret, nullo adduci modo potuit, semperque mihi per ambages eundum propterea, quamvis nec officulum, neque pilus illa ex tigride jam esset super. Mulos dudum mansuetissimos, si a tigride terreantur vel semel, adeo efferatos fuisse, vidimus, ut longo post tempore nullum sessorem, nullas sarcinas paterentur. Terror intimis haustus fibris ægre admodum, ac sero illorum deletur e memoria. Ut quæstuosus est mulorum in Paraquaria mercatus, sic mercatoribus periculosus ob incredibilem illorum metum, ac fugacitatem. Uno sæpius agmine decies mille muli, nullis.

nallis adstricti loris, sed undequaque liberi a paucis Hispanis custodibus in Peruvium aguntur. Levissimo terriculo repente percussi diffugiunt omnes, cursuque citatissimo per immensam in omnes partes planitiem, ac interminatas solitudines dilabuntur, nulla vel equitum industria retineri, vel equorum pernicitate in viam reduci ut possint. Memini, bina mulorum milia cordubensi in territorio periisse hero suo; Indusium ex arbore, ut siccaretur, suspensum, ac vento procelloso in aera sublatum terroris, fugæ, damnique memorabilis origo fuit. Ejusmodi mulorum fugæ, jacturæque & sæ frequentes sunt, & pluribus exitiales.

Novi viros cætera strenuos, intrepidisque, quibus alieno scilicet periculo cautis, fixum erat, ac solenne, per omnem vitam nulli unquam mulo insidere. Familiare alicui fuit dicere: Nec mulo, neque mulato fidam. *Ni mula, ni mulato*, homini scilicet ex Hispano, & Africana, seu nigra progenito. Novi & alios plurimos, qui equos quosque præstantissimos aspernati mulo duntaxat iter facere consueverunt. Neque istorum damnanda est propensio. Muli equidem utut meticulosi, utut subdoli multas sibi præ equis vendicant prærogativas. Eximia polent, maxime si gradariæ sint, gressus suavitate, firmitate pari, qua cuivis domum solo pedes tuto affigunt suos sive per rupes ascendendum sit, sive per palustria loca rependum. Quamvis ad paludes amnesque profundiores transmittendos plus equi valeant, quia plerumque altiores. Arduo, longoque itineri, cui vix quaterni equi sufficerent, mulus par est unus. Pabulo obvio, vilissimoque acquiescunt muli, plerumque tamen pingues, ac obesi. Multi illorum cursus velocitate equos pernicissimos vincunt, quod



in ludicris militum excurrentium certaminibus sæpe observavi. Restiis ad hæc plerisque omnibus sunt vivaciores, fors quia soboli propagandæ non dant operam. In S. Joachimi oppido mulos habui triginta annis majores, qui tamen senectutis lux immemores & sessorem ferre, & si occasio tulit, calcitrando excutere noverunt. Viribus præterea sunt athleticis, ac robore incredibili; Nam pondus quatuor prope centenariorum dorso bajulare consueverunt itinere per vias asperissimas, menses sæpe complures continuato, dum scilicet herba Paraquarica onerantur. Verbo: Num virtutibus, num vitiis pluribus polleant muli, sententiam ferat, qui voluerit. Liceat mihi hoc Corollarium loco adjicere: Ex mulorum, quos in Paraquaria videram, infinitate unicam novi, habuique mulam ex equo & asina progeneratam. Hæc magnitudine, proceritateque equo nullo inferior, mansuetudine omnibus equis superior fuit, & solis auribus mulam se prodidit. Impellente nemine in aream domus, quin in nostra etiam cubicula irrepere ausa est quotidie, ubi salis, panisve aliquid expectabat. E cubiculo expulsa per fenestram cubiculi patentem caput mendicantis instar intrusit. Dictas cupedias e meis manibus cum accepisset toties, me seu in foro, seu in campo ambulantem cursu assecuta, & domum usque comitata est jam, ut aures illius fricarem manu, caput porrigens, jam, ut salem impertirem, deductis identidem labiis veluti rogans, jam capite humeris meis appresso canis instar blandiens. Pantomam illam dixisses. Ipsis Indis risui sæpe, semper admirationi fuit. In itineribus per vias salebrosas licet diuturnioribus indefessam se mihi semper, intrepidamque probavit. Illud animadversione dignum philosophi: Quamvis ab equo genita, ex asina nata corporis mole ac figura ad equi similitudinem, si



aures excipias, proxime accederet, ab equorum tamen mulorumque societate abhorruit semper, semper asinis associabat sese, si quos vel eminus conspicata, aut odorata est. Adeo illius propensio naturalis in maternum Genus ferebatur. Prope dicerem in illa locum habuisse illud Juris consultorum: *Parrus sequitur ventrem.*

Asini cognationis jure equos inter, & mulos memorandi veniunt. In Paraquariæ campis turmatim vagantur, neque dominum agnoscunt, nisi illum, a quo capti, abductique fuerint. Rudendo implent aerem, & vicinis colonis somni adimunt facultatem. In Italia lusitaniaque, nam ipse videram, asinus occupatissimum est animal, tum ad clitellas, tum ad ephippia utilis. In Paraquaria laborum vacatione perpetua donatur. Amplioribus in prædiis ingentes asinorum Greges aluntur eo fine, ut semper in promptu sint aselli recens nati, mulorum procreationi subinde aptandi. Minor est, quam credi possit, asinarum fecunditas, quin tamen causam, cui sterilitas tribui posset, assequeremur. Quotidianæ adhuc sunt strages, quas tigrides asinis inferunt, illis maxime, quibus cum equabus est familiare commercium. Hos neglectis aliis vulgaribus devorant avidius. Num eis sapidior illorum caro? Credam, quia putidior. Nam & æthiopis male olentis carnem, præ Hispani, carnem putridam præ recenti ardentius appetunt Tigrides, ut nos docuit experientia. Asinos nemo Americanorum ignavos dixerit, tigridem enim, quam adventantem cernunt, calcibus repellunt strenue, pertinaciusque, quam equi, se tuentur. Stupidi tamen, ut ubique terrarum, ac cunctabundi cum sint, tigridum astu, ac velocitate per insidias fere opprimuntur. Hispani quoque annis singulis asinos non

pauco sjuglant, adipis, quem præter animalium cæterorum morem in cervice habent, gratia. Hic enim ab alutariis ad concinnandas, emolliendasque cervorum pelles, ab aliis alios in usus adhibetur. In tanta equorum, mulorumque, quos Paraquaria educat, frequentia equis Hispanorum, æthiopumve vel egentissimus asino insidere haud erubesceret? In territorio tamen urbicularum Rioja, & Catamarca, ubi pro camporum paucitate pauciores quoque equi, Hispani vulgares asinos non dedignantur suis ephippiis. Lege omnibus perquam salutaris cautum fuit a nobis, ne Quaranii nostri equos possiderent, ut vagationis noxiæ, saltem periculossæ opportunitas illis subtraheretur. Asinis propriis ad fruges ex agris vicinis domum conveyendas nullo sexus discrimine utebantur passim. Qui tamen pecorum custodiæ, aliis oppidi negotiis præfecti, equos, mulosve promptos semper, paratosque habuere.

Ut aliorum pecorum, sic ovium, quæ a nostratibus haud differunt, numerosis gregibus ad Europæ invidiam abundat Paraquaria. Quaraniorum coloniarum aliquot ad triginta millia, aliæ pauciora numerarunt pro incolarum scilicet numero, & pascuorum amplitudine. Lana potissimum tegendis Indorum corporibus impendebatur; Indæ enim telam albam duntaxat e Gossypio textam pro amictu habuere. Puellarum erat negotium colligere in campo maturum Gossypium, illud, uti & lanam, in fila ducere, mulierum. Fila coloribus variis tingere, texereque, vicorum. Ampla oppidis singulis textrina, semper, ut tot incolarum millibus vestitus annuus suppetat, occupata. Indum sorte sua contentum videbis nunquam, ni & stomachum carnè plenum, & corpus bene indutum habeat, ut adeo ad colonias hæc conser-

van:

vandas plurimum conferre videatur boum, oviumque multitudo; Cum illi carnem pro cibo, hæ lanam pro vestimento subministrent. Lanigeræ pecudes, quia teneriores, præ armentis majoribus majorem curam, sollicitudinemque acriorem sibi deposcunt. Hinc cordi nobis fuit maxime illis pastores solertes, fidosque, qui lupi non sint, præficere, hortarique identidem, statis ut horis gregem ad sepes tecto, non parietibus munitas reducant, ubi adversus rorem nocturnum, meridiani solis æstum, tigridum, leonumque assultus commode defenderentur. In campum, nisi postquam rorem sol absterferit, oves non dimittant. A locis palustribus, gramine roscido, carduis, spinetisque diligenter amoveant. Humor enim nimius tussim lethalem affert ovibus, multumque lanæ decerpunt spinæ. Pascua nitro, herbisque salubribus foeta, ubi aquationis opportunitas in promptu sit, solícite circumspiciant. Arietes superflui, ovibus indubie nocituri, castrantur, ut pinquescant. Assi plus serviunt in mensa, quam vivi in campo. Quidquid caprini generis est, longissimo intervallo sejungendum ab ovibus, ne mutuo inter se commercio illarum lana exasperetur in posteris. Curandum est maximopere pastoribus, ut agnos teneros mox a partu collectos tutum in locum transferant, a matribus istic lactandos, lingendosque; Hac industria neglecta, ab aduicioribus certe conterendos. Circumspiciendi etiam, num vermibus ex humido umbilico nasci solitis laborent. Maximi ad locupletandum prædium momenti est, totum agmen, quod decies, vel tricies mille ovibus definitur, in turmas minores distribuere, singulis turmis singulas, ubi noctu asserventur, stationes, singula pascua, pastoresque assignare, ut curis in plures divisís suo quisque munere facilius, impensiusque fungatur. His industriis Qua-



raniorum prædia magnis oviuin accessionibus, quas Europæus ægre credat, indies aucta fuere.

Paraquariam omni pecorum genere ad Europæ invidiam abundantem, quamvis omni metallo destitutam ecquis inopem existimet? Ferarum quoque, avium, piscium, amphibiorum, arborum, frugum, plantarum medicarum ingentem progignit varietatem. Enucleatam istorum descriptionem alium in locum rejicio. Nunc de Paraquariæ climate, aliisque cœli proprietatibus dicendum aliquid. Aeris temperies pro locorum varietate varia. Quæ meridionali plagæ (quæ ibi frigida) propinquant magis, magis algent. In Magallanica, seu Patagonum regione, quam Paraquariæ accensent, frigus plerumque acerrimum, nives in vicinis alpidibus assidue, Austri ferocissimi, quibus mare illud, nautis omnibus formidabile, horrendum in modum exasperatur. Ipsum Boniaeris territorium in gradu 34 latitudinis auræ rigidiori subest, quam ut tabaca, Gossypium, cannæ sacchari, herba Paraquarica, simii, varæque psittacorum species &c. subsistere queant, vel produci, etsi copiosum triticum, mala citrina, Persica, cotonia, granata, ficus, &c. istic passim nascantur, dummodo cultorum diligentia soli fertilitati respondeat. Nives extra montes chilensi Provinciæ propinquos nusquam vidi. Quaternæ item vicissitudines, ut in Europa, annum distinguunt, sed alio ordine. Nam dum Europæi hyemem, illic æstatem; dum Ver, illic autumnum experiuntur Paraquarienses. November equidem, December, Januarius æstatem; Februarius, Martius, Aprilis autumnum; Majus, Junius, Julius hyemem; Augustus, September, October ver efficiunt. Augusto enim mense arbores florescunt, aves nidos conduunt suos, hirundines suis

e latebris redeunt. Hyeme nives nullæ omnino, pruinæ rarissimæ, adeo, ut hybernis mensibus pepo-  
nes, leguminaque succrescere, nullaque aeris asperi-  
tate offendi passim viderim. In montibus Tarumen-  
sibus tamen, ubi octennium egi, tres sibi continuæ  
pruinæ succedunt. Sed, quod mireris, tertiam dua-  
bus præcedentibus multo rigidiorẽ sub meridiem  
ejusdem diei semper tempestas excipit, fulgure, to-  
nitruis, imbre copioso prægnans, quo herbæ pruinis  
marcidæ revirescunt, vel recentes nascuntur. Pro-  
venti ratione aeris vicissitudines experiebamur. Au-  
ster frigus, calorem Boreas aspirat. Hinc æstatem,  
hyememque eodem die persensimus toties, quoties  
uterque ventus, alter alteri succedit. Neque fixum,  
certumque est hyemis discrimen. Nam imbres con-  
tinui, ut Brasiliam, plagas alias, alias cœli siccitas in  
plures menses producta affligit, ut S Jacobi de Sto-  
rea territorium. Tempestates tonitruis remugientes  
non soli æstati, ut in Europa, propriæ, toti anno  
citra discrimen communes sunt. Neque dici unquam  
potest, hunc illumve mensem, hybernũ licet, to-  
nitruis, fulgure, fulminibus, grandine cariturum.  
Æstas solis equo iter agentibus acerbissimus est pro-  
fecto, sed sub tecto, vel in umbra confidentibus to-  
lerabilior sæpe, quam in Austria, dum æstivi calo-  
res aliquando invalescunt. Satis, superque expertus  
utrumque, id scribo. Hyberna frigora haud acia  
esse vel ex hoc conjice, quod illa Indi, Indæque cu-  
juscunque ætatis nudis pedibus, nudo plerumque ca-  
pite, tela tenui operiti citra invaletudinis periculum  
tolerare consueverint, quod animalia sub dio dies,  
noctesque agant. Non inficior, Indos barbaros eque-  
stres palliis e lutræ pellibus adversus auram rigidio-  
rem uti interdum. Dies Paraquariensibus brevissi-  
mus est mense Junio, solstitio Europæis æstivo. Sol

oritur hora sexta, & quinquagesimo secundo minuto; occidit hora quinta, & septimo minuto. Dies longissimus mense Decembri solstitio hyemali. Hora quinta, & septimo minuto sol oritur, occidit hora sexta, & quinquagesimo secundo minuto. Intelligo cœli regionem, cui Quaraniæ subjacent coloniz, in gradu scilicet latitudinis 24. 25. 26. 27. 28. & 29. Ex quo patet in Paraquaria diem nec tam brevem, nec tam longum, uti in Germania nostra, unquam existere. Aura tantæ provinciæ varia est, sed maximam partem saluberrima, & ad vitam in annos plurimos producendam opportuna. Morbidos, si cum Europæis conferas, paucos, plurimos ætate graves numerat. Non pauci Hispanorum, Indorum, æthiopum ultra seculum vegeti. Verum omnes vivendo longissime superant Barbari equites; Tantæ vivacitatis causas in ipsa, quam mox aggredior, Abiponum historia adnotabo, uti & plura alia. quæ Paraquariæ peculiaris sunt, brevitatis studio prius a me intermissa.

Mancam jure quis dixerit historiam, ni memorabilia saltem de feris, amphibiiis, avibus, piscibus, plantis, arboribus, earumque fructibus strictim, ac transeuntium more attingerem. His naturæ spectaculis contemplandis propius certe admovissem oculos in Paraquaria, de iis scripturum me in Austria si prospexissem. Plenius ista, planiusque cognoscere qui cupit, clarissimum linnæum, Quilielmum Pisonem doctissimum Batavum, & Brasiliz diu habitatorem, aliosque consulat, quibus erat propositum, ordine omnia, ac minutatim explanare. Ex me tamen, nisi vehementissime fallor, discas non pauca, quæ gravissimi hi scriptores nec adnotarunt, neque unquam viderunt; Experierisque, olitorem sæpe oppor.

opportuna fuisse locutum. Abipones historiae præcipuum mihi cum sint argumentum, cætera illius illustrandæ gratia obiter erant percurrenda; ut ne vestibulum grandius cubiculo, liber prodromus ipsa historia evaderet, magnopere verebar equidem. A bipedibus feris exordiamur. Prima in scenam prodeat tigris.

### Tigris.

Tigridibus, supra, quam credi possit, Paraquaria omnis abundat, quippe pecoribus, tigridum alimentò, refertissima. Nigris maculis distinguuntur universæ eò tamen discrimine, quod pellis albicet aliarum, aliarum flavescat. Ut Africani Leones magnitudine, ferocitateque longissime superant Paraquarienses, sic tigrides Africanæ a Paraquariensibus mole corporis luculentissime vincuntur. In S. Ignatii prædio, quod cordubensis erat collegii, tigridis pridie interfectæ pellem, paxillis ligneis humo affixam, Germani adventæ deprehendimus; Hæc ulnas tres, duosque pollices longitudine æquabat, qua majorem nec a bove adulto poseunt Hispani. Maxima tamen tigris quovis bove est multo gracilior.

Tigrides seu felium ritu assilientes, seu fugientes cursu valent citatissimo, haud tamen diuturno; Mox enim fatigatas eques strenuus in campo assequitur, sternitque. In sylva arboribus, salebriisque tuentur se se, ac pertinaciter aggressoribus repugnant. Incredibile, quantas in prædiis strages edant quotidie. Boves, oves, equos, mulos, asinos nullo negotio interimunt, eorumque corpora ad latebras rapant suas; Verum illis non nisi jam putrefactis vescuntur denique. Carnem enim quamcunque, quæ  
puti-

putida magis, magisque putrida fuerit, præ recenti appetunt ardentius. Argumento sint, quæ referam, experimenta. Dormiant in campo Hispanus, Indus, Æthiops, eundem ad focum eadem in statione locati; Tigris Hispano, Indoque neglectis in Æthiopem discerpendum, devorandumque irruet, nihil hæsitans; Æthiopum enim, quorum cutis, maxime postquam sudârunt, gravissime olet, carnem in cuspideis numerant, quia putidiorem. Equorum cadavera, tabo licet manantia, ad ultimam usque absumunt micam tigrides, etsi equi, quos cedere, edereque possent, vivi in promptu sint; ac in conspectu. Tigridibus adeo perniciosus Hispani æque, ac Indi passim insidiantur; Illi arcam prægrandem, muscipulæ instar, vastis ex asseribus compactam, rotisque quatuor plaustrum more incumbentem quaternis bobus eum in locum advehere solent, ubi tigridum seu vestigia, seu indicia detexerint. Interiori arcæ angulo caro insigniter foetens escæ loco affigitur, quam ut primum ascendens prensat tigris, porta arcæ cadente clauditur, & sclopo, vel hastâ per tabularum fenestras applicata trucidatur. In Kosarii oppido tigridem nondum omnino adultam, sed jam obviis minacem, timendamque in sylva a meis ædibus sclopi ictu distantem conspeximus. Ad eam necandam tribus cum Hispanis armatis armatus accurri; Nobis visis arbores inter, ac dumeta hac, illac fugiens oculis se nostris subduxit denique. Ejus vestigia secuti illam in annosa, vastissima, penitus concava arbore latitantem deprehendimus. Hanc, ne ullus tigridi exitus, neu effugii locus pateret, lignorum segmentis obviis obstruendam protinus, & securi uno ex latere, ut armis necari posset latens bestia, non nihil perforandam curavi. Multis & scloporum, & pugionis ictibus a me, nihil omnino periclitante,



demum est interfecta. Incredibile, quot saltibus sursum deorsum, ut hydrargyrum vitreo in tubulo solet, aliquot jam vulneribus scancia tigris per cava arboris se se jactarit. Ejus pellis, cribri instar, plumbo, ferroque pertusa nulli porro usui fuit, etsi caro lautam Abiponibus cœnam præbuit, me neutiquam invidente. Cæterum cum viribus, velocitate, astutiaque polleant singulari tigrides, illarum insectatio, ac cædes patente in loco vix citra discrimen ab unico suscipitur. Tigridem repente assilientem ab Hispano, vel Indo solo hasta confodi, aut laqueo captam suffocari aliquando, haud inficior equidem; Sæpe tamen & Hispanus & Indus a tigride dilaceratur jam hastæ ictu fallente, jam vulnus non lethiferum infligente; Haud enim, nisi penitior capitis portio, cor, vel spina dorsi feriat, nervis robustissimis valens bellua occumbit, quin in furias agitur, petitque aggressiorem eo atrocius, quo acerbiori vulnere fuerit affecta.

Eam ob rem, quoties formidandæ huic bestię insidiari visum, hastati plures consociant se se; Sclopi solius usus periculo rarissime vacat; Ni enim globo sternatur confestim tigris, saltu præcipiti ad locum, unde ignis venerat, accurrit, discerpitque jaculatorem. Hic igitur, vitæ quo consulat suæ, duobus hastatis utrinque stipatur, qui tigridem sclopo exonerato sibi imminentem configunt. Alienis periculis eruditus noveram adversus tigrides haud temere plumbo esse utendum. Ex sanctæ Fidei urbe ad Divi Xaverij oppidum cum sex Mocobiis iter faciens ad ripam lacus, quem rotundum vocant, noctem egi, ut istic mos fert, sub dio. Solum pro lecto, cœlum pro tecto nobis fuit. Focus, nocturnum alias contra tigrides præsidium, in medio cuban-

bantium luxit aliquamdiu, sed demum elanguit. Adulta jam nocte adrepsit tigris. Indi comites, ne Hispanorum amicitiae diffidere viderentur, inermes in viam se dedere. Mihi sclopus erat, sed, quod periculum abesse credideram, id temporis vacuus. Titiones, me iubente, in incurrentem tigridem jactabantur dexterrime. Ad jactus singulos rugiens resiliit, sed metu posito iterum minacior, iterumque assiliit. Interea oneratus a me sclopus. Cum vero sternendae tigridis, quippe nocte obscura, spes nulla mihi esset, sed fugandae desiderium duntaxat, sclopum pulvere pyrio liberalissime fartum absque globo explosi. Tonitru horrendo conterrita bestia fugam, nos somnum denuo cepimus, de successu laeti; Haud equidem tigridem pelle exuere mihi in votis, sed, ne nos nostra ejus unquibus exueremur, cura potissimum fuit. Eodem meridie arcta in semita hinc lacu profundo, inde nemore clausa equitantes binas tigrides obvias habuimus, ab insectantibus Mocobiis laqueo capiendas utique, ni fugientes in sylvae latebris se abdidissent.

Innumeræ quot annis tigrides coriaceo fune illaqueantur ab Hispanis, Indisque equitibus, & cursu celerrimo per campum raptatæ aliquamdiu demum suffocantur. Barbari Australes, quos Pampas vocamus, arundine gracili spinam dorsi tigridis feriunt, & extemplo necant. Alias eundem in finem sagittis validioribus, vel tribus lapidibus globosis, quos totidem e loris pendentes in tigrides vibrant, feliciter utuntur. Illarum robur vel ex hoc colligas, quod, si binos equos lorò, ne diffugiant, copulatos in pascuis deprehenderint, repentino assultu mactent unum, eumque una cum vivo altero ad latibulum raptent suum. Fabulam id crederem, ni cum militibus

tibus Jacobopolitanis iter faciens ipſus ſpectaſſem. Par fortitudini eſt earum calliditas. Si quando ſylva, campusque eſcam negaverit, eam piſcatu ex aquis ſibi procurant. Ut nandi ſunt ſcientiſſimæ, lacui, fluminive collotenus immergunt ſe ſe, ſpumamque albicantem e faucibus evomunt, quam famelici piſces in ſuperficie natantem dum eſcæ inſtar avidè prehenſant, tigrinis unguibus ad propinquam ripam celerime ejiciuntur. Teſtudines quoque, quarum ingens in amnibus eſt frequentia, capere nōrunt, & ſuis e conchis miro artificio avuſas devorare. In oppido S. Ferdinandi Jaaukanigas inter dum agerem, ad fluvii nigri margines in tigridem teſtudine veſcentem pedes cum ſocio incidi; Enimvero, cum periculoſum duxerim hoc ſpectaculo oculos paſcere, celeritatem pedibus imperavi meis. Interdum ſub alto gramine, vel dumeto latitans tigris, quin videatur, videt quieta equitum turmam pone tranſeuntem, & in poſtremum, qui agmen claudit, equitem irruit impune. Noctibus pluviis, procelloſisque in humanas habitationes aſtu, ſilentioque maximo, greſſu leniſſimo ſe ſe inſinuat aliquando, non prædæ, cibi-ve deſiderio, ſed ut adverſus aquas, quas horret, ventumque frigidiorem ſe tueatur. Correntina in urbe mater ſua cum filia eodem cubaverat in lecto; Illæ mane ſurgens tigridem ſub lecto jacentem conſpicata matrem, ne ſe moveret, nutibus commonuit ſimul, ſimul viros qui periculoſum contubernalem amoverent illico, accerſivit. Negotium anceps expeſtatione felicius oppugnatoribus ceſſit. Redeunte ſtatim temporibus, ut dixi, Paranz fluminis alluvione, ex ſubmerſis inſulis natando ad continentem feſtinant tigrides; Harum una in ejusdem urbis correntinz litoribus emergens ab accurrente luſitano plumbea glande ſauciata ad propinqui collegii noſtri aream



aream se recepit, magna nostrorum hominum trepidatione. Ab Hispano cum aliis opem ferente laqueo suffocata est bellua. Ea res litis ridiculae origo exstitit. Lusitanus enim, qui tigridem primus ferit, ejus sibi pellem vindicare contendit. Verum causa, ut par erat, Hispano adjudicata est, quippe qui bestiam interemit.

Quamvis vel umbra propinque tigridis cuivis demum sit reformidanda, illius tamen maxime fugienda est, humanas carnes quae jam degustaverit: Talis tigre cevado ab Hispanis appellatur. Hæc enim vero hominibus perditissime inhiat, insidiaturque identidem. Humana vestigia in campo per plures leucas, ut ipse vidi, sequitur, dum denique viatorem assequatur. Ejusmodi tigris regia in via, quæ ex sanctæ Fidei urbe Jacobopolim commeant quotidie plurimi, decem omnino Hispanos parum cautos, alios aliis diebus, misere noctu discerpfit. Vix illius quotidie trita securitati ut consuleret Jacobopolitanus Pro gubernator, ingravescente indies periculo, milites, qui grassatorem hunc impudentissimum enecarent, aliquot misit. Expeditiuncula nec brevissimi temporis, neque laboris vacua, secunda tamen fuit. In oppido conceptionis ad flumen saladum translato cum Abiponibus versabar id temporis stationibus illis, ubi repetitas eadem tigris strages edidit, satis propinquo. Juvat hoc loco aliqua adversus tigrides præsidia memorare. Arborem, quam quis tigridis ungues evasurus conscenderit, tigris quoque scandit. Sed in promptu consilium. Urina pro armis est. Hac si tigridis ad arboris pedem minitantis oculos consperferis, salva res est. Quia data porta, fugiet illico. Noctu focus illustris magnam adversus tigrides præstat securitatem. Canes etiam illis sunt terro-

rori, quamvis non raro ab iis miserandum in modum vel deglubantur, vel dilacerentur. Hispanis molossi, sunt, tigridibus formidandi. In S. Ferdinandi oppido saepe tigris in sepes, ubi ovium grex noctu claudebatur, irrepfit. Sanguinem ex ovibus jugulatam fuxit, & relictis corporibus earum capita asportavit. Intolerabilis porro impudentia tanta cum nobis videretur, sole occumbente viginti Abipones hastati, qui perniciosissimam feram confoderent, in insidiis collocati fuere. Alter quispiam sclopis manualibus armatus in medio gregis decubuit. Insidiatores hi quamvis abditi vicina in area, tacitique laterent, eorum tamen vicinitatem seu odoratu, seu auditu sentiens tigris non ausa est more suo sepibus imminere. Desperato demum ejus adventu nocte jam declinante ad sua se recepere tuguria excubitores. Vix terga verterant, adfuit tigris, denasque circiter oves discerpfit. Ad eam investigandam alias, quotquot dormi erant, Abipones pedites sub vesperum excurrerunt hastis utrinque exporrectis, & ad ictum, si spectabilis fieret bellua, promptis. Ego, Indis petentibus, sclopo, cui praefixus pugio, sclopiisque minoribus armatus illorum agmen clausi. Excussa diligenter vicinia, cum nusquam tigris occurreret, re infecta foeminarum sibilis explosi domum rediimus. Eadem tamen tigris sole in occasum vergente ad decerpendam ex equi cadavere carnis portionem quotidie oppido propinquabat, quin ab insidiantibus Indis intercepti unquam posset. Quotidianae sunt Abiponum cum tigridibus pugnae, & nisi ipso in ictu hasta dissiliat, certa victoria. Hinc raro Abiponem devorat tigris; Tigrides innumeræ ab Abiponibus devorantur. Earum carnes, etsi vel recentes teterrimam exhalent mephitim, incredibile quantum appetant equestres, quotquot novi, Barbari. Adipem quoque ti-

grinum igne liquatum potant, & nectar putant, immo & fortitudinis instrumentum. A Gallinarum, ovorum, ovium, piscium, testudinumque aquatiliu esu abhorrent omnes, quod e teneris his alimentis ignaviam, timiditatem, corporum, animorumque languorem sibi credunt ingenerari. Nil adeo mihi id mirum; Nam & Julius Cæsar libro 5 de bello Gallico, folio mihi 74 de priscis Britannis hæc scribit: *Leporem, & Gallinam, & anserem gustare, fas non putant; Hæc tamen alius animi, voluptatisque causa.* E contrario carnibus tigridis, tauri, cervi, apri, urfi formicarii, alcis avidissime vescuntur Abipones, cum ex illarum esu crebriore robur, audaciam, strenuitatemque augeri suam opinentur. In repetitis cum tigridibus pugnis non pauci earum unguibus, etsi cætera victores, sauciantur. Cicatrices, curatis jam vulneribus, dolorem, ardoremque acerbissimum adferunt, nullo seu annorum spatio, seu medicamento unquam mitigandum. Plures novi ejusmodi per omnem ætatem miseros, miserationeque dignos. Ipsæ adeo tigrides unguium suorum ardore cruciantur; Illis, dum mederi sibi volunt, arborem seibo fricant identidem, exarantque sulcis corticis impressis. Hæc arbor ut amænissimis floribus superbit, sic cæterum prope inutilis; siquidem ejus lignum, adhuc recens, adeo blandum est, cultro vulgari pomi instar secari ut queat, nec foco, neque fabricis utile. Ejus tamen cortex medicinam præbet tigridi, quid si & homini? Siquis corticis virtutem rite explorasset.

Nulli animantium generi parcit tigris, omnes, quorum eopiam nocta fuerit, invadit, impari tamen fortuna, successu vario; Nam equi, mulique, ni fuga celeri se servant, plerumque succumbunt. Asini, dummodo stationem, qua tergum tueantur suum, habe-

habeant, calcibus perniciter repetitis instar rotæ circumagentes se se aggressorem repellunt. Patente in campo tamen rarissime canunt victoriam illi præsertim, qui multis procreandis destinati; His maxime ingenti cum prædiorum damno tigrides inhiant, insidianturque. Vaccæ ad quosvis tigridis assultus cornuum fiducia intrepidæ & se, & vitulos acerrime defendunt. Equæ e contrario, equulis suis neglectis diffugiunt, tigride imminente. Alces immanis roboris propinquantem sibi hostem expansis, ut ajunt, brachiis supinæ expectant, & assilientem comprimunt illico, si indigenarum testimonio habenda est fides. Quemadmodum tigris viva mortalibus toties lethifera, sic mortua varias præstat utilitates. Illius adeps verinibus infecto, ungues in calcem redacti edentibus labôranti promptissime medentur, quod alio loco uberius a me exponetur. Pelles tigrinæ jam pro thoracibus, pro equorum stragulis, jam pro tapetibus, penulisve ab Abiponibus adhibentur. In Hispania singulæ quatuor, imo & sex florenis hujatibus veneunt. Quæstus spe Hispani complures in Paraquaria se consociant, & ad tigridum venationem excurrunt. Ingens tigrinarum pellium multitudo in Hispaniam mittitur quot annis. In urbe sanctæ fidei Hispanum prius inopem novi, qui hoc pellium mercatu paucos intra annos ad cæterorum invidiam opulentissimus evasit. Ecquis non miretur, ne unum quidem Jesuitarum, qui omnes prope Paraquariæ campos, sylvas, litora, insulas, solitudinesque immensas in alterum jam seculum percurсарunt, a tigride vel cæsum, vel læsum fuisse, creberrimas etsi strages, & propemodum quotidianas in Hispanorum, Indorumque, peditum maxime, coloniis edat. Idem de serpentibus passim obviis, sæpe infestis, totiesque lethiferis dicendum; Nemo unus nostrorum homi-

num ab illis, quod quidem sciam, icus est. Id singulare propitii Numinis beneficium jure putamus. A me in ripa fluminis falsi dormiente vix decem passus abfuisse tigridem, visa sub auroram ejus recentis vestigia, arenis alte impressa prodiderunt. Eadem in novo conceptionis oppido ad limen mei tugurii, quod porta lignea caruit, iterum, iterumque detecta mane fuerunt. In sylvis Mbae vera tigridem mihi noctu dormienti insidiantem Indi comites hastis, titionibusque fugarunt. Meam tot inter anthropophagorum belluarum pericula incolumitatem caelesti tutelae in acceptis referre nunquam dubitavi. Tigris, de qua mihi sermo hactenus, a Quaraniis Yagaretè, ab Abiponibus olim Nihiranák, dein Apanígehak, demum lapriátraye appellabatur. Solent enim, ut alias exponam, & sua, & rerum quarumcunque nomina pro arbitrio mutare. Ad tigridum speciem duae aliae feræ, sed illis minores, mitioresque referuntur. Harum una ab Hispanis Onza, altera Mbaracaya a Quaraniis dicitur. Hæc animantibus cætera rarius infesta Gallinarum conclavia noctu depopulatur sæpe, interdiu vix spectabilis.

### Leo.

Leones Paraquarienses tanto nomine videntur indigui, quippe Leonibus Africanis & forma, & mole corporis, & ingenio dissimillimi. In equos, boves, homines nihil unquam audent, solis vitulis, equulis, ovibusque metuendi. In Paraquarienses leones bellissime cadit vetus Hispanorum adagium: *No es tan bravo el Leon, como se piensa.* Non est tam ferax Leo,



*in pingitur.* Illorum carnem a vitulina vix discernas, ut adeo & Hispani, & Indi ea avide vescamur. Fulva illis pellis, & per intervalla albicans. Caput vastum, globosumque. Scintillantes oculi. Nasus obefior. Mystaces pilis prolixis, & setarum instar duris hirtissimi; Hacce enim, qua scribo, dextera eos contrectavi. Sed audi, qua occasione. Prædiorum custodes seu Hispani, seu Indi solent tigridum, leonumque, quos mactaverint, capita ad pecorum sepimenta sudibus affixa, seu trophæa, ac vigilantiz, fortitudinisque suæ testimonia conservare, eo fere modo, quo in loco supplicii destinato reorum seu capita, seu manus perticæ infamæ affixæ videntur. In prædio quodam sepes confocendi, leonum, tigridumque capita, quorum ingens erat multitudo, singillatim inspexi, oculos, aures, dentes sum contemplatus, pilosque complures e tigridum mystacibus evulsi, quos filo ferreo similes, in radice grassos, & virtute quadam elastica præditos demirabar identidem, domique sociis recens advenis monstrandos asportavi. Cur Abipones Leonum catulos non educunt, haud capio, cum tigridum catulos in deliciis habeant sæpe, quamvis periculo nunquam careat hoc eorum oblectamentum. Necdum adulti siquidem nativæ ferocitatis dant documenta, & teneris adhuc unguiculis, dentibusque in obvios involant, præsertim sole æstuante fervidiores. Fuit, qui catulum tigrinum & dentibus & unguibus spoliavit, nocere ulli ne posset. Verum vel armis orbatus suis in pueros, vitulosque irruit, comprimendos certe, suffocandosque, si eorum defensores fuissent præsto. Ne eo crescente cresceret porro noxæ periculum, glande plumbea est tractus.

## Felis Sylvestris.

In sylvis plerisque feles ferè spectantur, nostratibus domesticis cætera similes, nisi quod caudæ extremitas complanata magis sit, magisque compressa, & corporis magnitudine præstare videantur. Varii quoque sunt coloris. Assæ citra nauseam comeduntur ab Indis, haud tamen, cum perniciosissimæ sint, ac pavidæ, citra difficultatem necantur. Felicula nobis erat in conceptionis oppido e fele domestica, e patre sylvestri nata. Illa elegantior, majoremve nusquam vidi, sed nec ferociorem, fugacioremque; Nam paternæ originis, indolisque semper tenax nec tempore, neque ullis blanditijs potuit cicurari, etfi ejus mater eximia mansuetudine emineret. Felis ab Abiponibus Kapaik, a Quaraniis Chibi, ab Hispanis Gato vocatur, animal Paraquariæ, quæ gliribus, muribusque affluit, non utile modo, sed & pernecessarium.

## Alce, seu grandis Bestia.

Abstrusiora ad Boream nemora Alce pervagatur, quam Hispani Anta, vel la gran bestia, Itali Dante, Galli Elan, Quaranii Mborebi, Abipones Alalèk, Germani das elendthier appellant. Magnitudine asinum adultum, figurâ, si oculos, caput, pedesque ejus spectes, porcum exprimit. Aures habet breviores, frontem versus arrectas, dentes peracutos, labia propemodum vitulina, quorum superius quadam proboscidis specie tumescit, quam irascens protendere consuevit. Pedes anteriores, si rite memini, in duas cavas ungulas, posteriores in tres finduntur. Appendicula glabra, & depilis, caudam supplet. Pellis fusci coloris est, & insigniter crassa; Hinc aere siccata

cata ab Abiponibus, Hispanisque pro thorace militari  
 adhibetur ad ensium, sagittarumque ictus retunden-  
 dos, globis tamen plumbeis, ac hastis, penetrabili.  
 Humanum refugit conspectum bestia, viribus etsi  
 polleat tantis, ut fune cariaceo illaqueata equitem,  
 equumque taptet fugiens. Interdum fere dormitat,  
 noctu sylvarum latebras obiens herbis pascitur; Ar-  
 borum, fruticumque ramis cum strepitu confractis  
 ultro, citroque nemus perambulans sui indicium fa-  
 cit. Unam sub vesperum a puteo redeuntem sclopo  
 armatus insectatus sum aliquamdiu, sed solo admo-  
 dum palustri prohibitus assequi haud poteram. Indi  
 sylvicolæ jam decipulas e stipitibus paratas alcibus  
 capiendis statuunt, jam sub dumeto latentes earum  
 vocem dexterrime imitantur, & accurrentes bestias  
 sagittis configunt; Earum siquidem caro seu recens,  
 seu aere durata quotidianus prope Barbarorum est ci-  
 bus, etsi ob duritiem palato haudquaquam jucundissi-  
 mus. Alcium stomacho, escæ receptaculo, marsu-  
 pium adjacet, in quo lapilli Bezoardici complures,  
 avellana nuce vix majores, figura nec teretes, neque  
 ovati sed polygoni, cinerei, vel plumbei coloris  
 frequentissime reperiuntur. Hos cæteris, quos aliæ  
 feræ suppeditant, Bezoar lapillis medici præstantio-  
 res opinantur, luculentiorisque in medicina efficaci-  
 tatis. Arapotiyu Indus adolescens, a me præter  
 alios e sylvis Mbaeverà, quas Mborebîretâ alcium  
 patriam Barbari vocant, ad S. Joachimi oppidum ad-  
 ductus, ejusmodi lapillorum Bezoar acervum mihi  
 porrexerat: Cape, mi Pater, agebat, saluberrimos  
 hos lapillos, quos ex alcibus a me trucidatis collegi.  
 Rogatus a me: Qualeni demum virtutem his lapillis  
 ipsi tribuerent, qua ratione iis uterentur in sylva?  
 Nos, reposuit, maligno quoties calore corripimur,  
 his lapillis alcium ad focum calefactis artus refrica-

mus nostros, & convalescimus subinde. Hunc Bezoardici lapidis usum medicis arbitrandum lubens permitto; Fateor equidem, me istius medicaminis nullum unquam cepisse experimentum. Alcium quoque ungulæ, seu valetudinis adminicula, & adversus noxios aeres amuleta magni sunt ab Hispanis; Quid quod & in pharmacopoliis Europæis venales proflare dicuntur in varios medicorum usus, maxime ad epilepticos, e variolis, morbillisque laborantes, ut refert Woyts in suo Gazophylacio medico-physico, qui cum aliis, vel ex aliorum relatione affirmat, alces epilepsia, seu morbo comitiali identidem cruciari, & ad doloris levamentum ungula pedis posterioris sinistram aurem refricare. Num ita sit, viderint illi, qui id affirmarunt, ausique sunt asserere. Alcem a Germanis Elendthier, bestiam miserabilem dici, quod epilepsie obnoxia sit. Re tamen ipsa a priscis Germanis *Elck* dicebatur a Græcis *άλκη* a latinis *Alx*, vel *Alce*. Cum ex historicis omnibus mihi constet: Alces in Borealiibus Europæ provinciis cornutas esse, viderimque ipse Paraquarienses cornibus destitui, dubitare cæpi, num hæ ab illis toto genere differant, & ob aliquam duntaxat similitudinem eodem nomine insigniantur. Mirabar profecto pleraque, quæ de Alcibus Julius Cæsar scripsit. Nam libro sexto belli Gallici de Germaniæ feris exoticis agens ait: *Sunt item, quæ appellantur, Alces. Harum est consimilis capris figura, & varietas pellium, sed magnitudine paulo antecedunt mutilæque sunt cornibus &c.* Inaudita hæc, incredibiliaque, quippe authorum cæterorum testimoniis omnino contraria. Alcem vel eminus a cæsare visam vix mihi persuadeo, qui eam capris quacunque demum ratione consimilem affirmarit, fors vagis rusticis moribus deceptus, fors tantis belli negotiis oppressus, ut peregrinas bellicosissimæ tum Germaniæ fe-

ras contemplari nec vacaverit illi, nec lubuerit. Ad illam provinciam veniens eo animum oculosque convertit unice, ut gentes, quas sibi contrarias viderat, vinceret, expugnaretque de ferarum figura parum sollicitus. Nil mirum adeo, illum in Alcibus, aliisque minoris momenti rebus describendis fuisse hallucinatum. Non auderem profecto tanto Imperatori, tanto historico refragari, nisi hæc, quæ subjicio, apud Suetonium Tranquillum ex recensione Georgii Grævii in vita Julii Cæsaris folio mihi 29 legissem: *Commentarios de bello Gallico Pollio Asinius parum diligenter, parumque integra veritate a cæsare composuit putat: cum Cæsar pleraque, & quæ per alios erant gesta, temere crediderit, & quæ per se, vel consilio, vel etiam memoria lapsus, perperam ediderit: Existimatque rescripturum, & correcturum fuisse.* Hæc Pollionis Asinii Augusto Cæsari familiaris, & a Quintiliano magnopere laudati de Cæsaris historia opinio erat.

Neque illis assentior, qui Alces Equicervos, ac proin' hybridas appellant, veluti ex cervo, & equa prognatos. Id de Alcibus saltem Pataquariensibus ne cogitari quidem prudenter potest; Asperrima equidem & salebrosa nemora, Alcium stativa, equis perinde ac cervis non ignota modo sunt, sed prorsus inaccessa. Centum facile leucarum intervallo Alces campum, ubi cum cervis, equisve convenire possent, nusquam deprehendent. Quidquid sit, illis fidem adhibendam suadeo, qui hac ætate de rebus naturalibus ex instituto copiosius scripserunt.

### Huanácus.

Animal, quod Hispani Guanáco, Abipones Hahabatak dicunt, cum apud latinos nomine careat, quid

quid vocat *λαφεκαμηλον* cervo camelum appellare, uti struthio camelus dicitur. Nam cervo cætera con- simile camelum capite, collo, gibbo, labii superio- ris fissura, caudaque spithamam longa refert. Pedes illi bisulci, pellis villosa, ac majori ex parte rufe- scens. Pili pileorum fabricæ serviunt. Ejus caro ab Hispanis æque, ac Indis editur. Pedum velocitas illi pro armis est. Neminem equidem seu calcibus, seu dentibus offendit. Quod si a propinquante of- fendatur, eum irascens conspuat; Hæc saliva pu- stulam rubram primo, mox scabiem inferre, vulgo dicitur. Rupicaprarum ritu arduos montes, rupesque insident hæ feræ, quamvis, ut collubuerit, ad sub- jectos montibus campos pabuli gratia descendant gre- gatim, masculo interea quopiam locum editiorem occupante, ubi veluti e specula, num quid insidia- rum prope sit, excubitoris more omnem late vicini- am circumspicit. Grege, si quando metus urgeat, fugam præcipitante præcedunt foemellæ, mares ag- men claudunt. Raro Panicus is timor. Nam in planitie pabulo occupati Huanaci, ab Hispanis equi- tibus sæpe illaqueantur; Equis tamen ad id opus est celerrimis, cum incredibili ad cursum valeant perni- citate. Vertagus insignis, qui in campo peditem me comitabatur, Huanacum juvenem insectatus diu est, nunquam affecutus. Per Cordubenses in Tucumania alpes iter faciens Huanacorum greges spectavi persæ- pe. Equorum adventantium strepitu percepto ad- cellissima rupium jura confluunt turmatim, & mili- tum instar longo ordine collocati transeuntes equites despectant, hinnitu caehinis humanis simillimo ali- quamdiu prosequuntur, moxque, ut pavidissimi sunt, terrore repentino perciti quaquaversus diffu- giunt. Risui nobis Europæis id genus spectaculi identidem fuit, immo & oblectamento. Huanaci,

est timidi admodum, ac sylvestres, parvuli tamen nullo negotio in oppidis circulantur. Talem in colonia sacramenti, cujus in portu primum appulimus, canis domestici instar foro inambulanti mirati, contemplatique sumus. Præter pellem, carnemque Huanacorum in pretio est lapis Bezpar (Hispani lapiedra Bezâr vocant) qui illorum in visceribus crebro invenitur. Interdum libram pondere excedit, figuræ semper ovæ, ovo Gallinaceo vix minor, & coloribus exquisitissimis, marmoris instar, pictus. Ex herbarum saluberrimarum, quæ per alpes sunt, esu virtutem illi medicam innasce, vero simile est, quam tamen medici nostræ ætatis, rerum præscarum contemptores, alpernari, certe haud tanti facere dicuntur. Haud equidem istis succenseo, dummodo pro antiquis, ex America magno sumptu allatis remediis nostratia, minus pretiosa, sed ægrotantibus æque conducibilia propinent; Neque enim foris petendum, quod domi habemus.

### Oves Peruvianæ Llamás.

Finitimum Paraquariæ Peruvium feras alit, in quibus Rezoar varii coloris, varæ magnitudinis & figuræ procreatur, complures; Oves scilicet indigenas, quas Indi Llamas, Hispani carneros de la tierra vocant, & ad minores sarcinas, quæ centenarii pondus non excedunt, bajulandas adhibent jumentorum instar.

### Vicuña.

Vicuñas item, capræ hujati magnitudine pares, sed non cornutas, quarum lana flavi, qui ad obscurum accedit, coloris, sericoque mollior plurimi sit

ab Europæis. Vestis ex hac concinnata cutis, restans  
ante corpus refrigerat. Renum doloribus mederi  
dicitur, ac podagræ cruciatum mitigare. Vicuñas  
caro ladorum esca est, etsi palato insuavis, quin &  
medicina aliquando. Quidam, qui nives inter in  
Peruvia distans ambulerat, oculorum aegritudine  
correptus est. Ista carnem Vicuñæ recentem, &  
multo manantem sanguine oculis aegris applicat,  
omnemque mori dolorem abstergit.

## Paco, Macomoro, Taruga,

Præter Llamas, & Vicuñas etiam Pacos, Mo-  
comoros, Tarugas, ejusdem, ut primæ, propemo-  
dum figuræ, ac usus, & lapidis Bezoar procreatrices  
bestias Peruvium ostentat.

## Ursus Formicarius.

Bestia, visu, risuque digna, ursus formicarius;  
A Quaraniis Tamandà, Yoqui, Nurumì, ab Hispa-  
nis Osso hormigero, ab Abiponibus Heteyfei dicitur.  
A formicis, quibus alitur, nomen nactus est suum.  
Ast noveris, eum non formicis quibuscunque, sed  
illis duntaxat, quas cupis Quaranius vocat, earumque  
ovulis vesci solere. His tamen deficientibus vermi-  
culos, insecta volueria, mel, carnemque in minutis-  
simas particulas concisam haud respuit. Mole cor-  
poris porcum vastissimum æquat, superat longitudi-  
ne, ac proceritate. Caput corporis magnitudini non  
respondet. Rima, fissuraque pertenuis, quæ in longa  
ejus proboscide conspicitur, illi pro ore est, sub  
quo lingua nigricans, teres, plumâ, qua scribimus,  
an-



anferis gracilior, sed quinque supra viginti digitos longa, latet. Hanc exertam formicarum, quos foderat unguibus, tumulis immergit, dum denique formicis, vel formicarum ovulis plenam retrahit, illico deglutiendia. Oculos exiles, nigrosque, aures mediocres, & prope rotundas, pellem, inspersa hinc, atque illinc canis, nigricantem, ac majori ex ex parte villosam habet. Ex pedum anteriorum extremitate ungues quatuor recurvi prominent, quorum medii duo fortissimi, & tres admodum digitos longi; Hi enim vero necessaria urso arma, instrumentaque sunt ad glebam, sub qua formicarum nidi delitescunt, fodiendam, removendamque. Pedes posteriores quinque digitis pollent, unguibus totidem, ac ambulant pueri vestigia referunt. Cauda illius setis rigidis, equinâ jubâ longioribus horrens, longitudine toti corpori respondet; Latitudinis porro est tantæ, ut pilis muscarii seu flabelli instar utrinque expansis, & cervicem versus reflexa totum, quoties dormit, contegat corpus, atque adversus frigus non modo, sed & contra imbrem se se tueatur eo fere modo, quo sciuri hujatæ cauda reflexa se tegere consueverunt. Cursus diuturnitate caret hæc fera, ut adeo ab equite quovis, quin & a peditibus cum insequente facile capiatur. Ejus caro in Indorum cibis, haud tamen in cupediis numeratur. Viribus est cæterum athleticis. Tigridein incurfantem jam sedens, jam supinus, quod paulo ante dixeram, apertis veluti brachiis excipit, conteritque. Juvenis adhuc Indorum in coloniis citissime mansuescit, sed cum formicis potissimum operose conquisitis alendus sit, raro educatur. Talem mihi ab Indis oblatum idcirco recusavi, a quibus innumerabiles quot annis capiuntur.



## Aper.

Aprorum, quos Quaranii Tayaçu, Abipones Ahergfanfaik, Hispani javali vocant, & incredibilis passim frequentia, & quatuor omnino, quod sciam, species suppetunt. Illi memorabiliores, qui in dorso carunculam spongiosam, glandulosam, & liquore lactis instar candido, moschumque olente turgidam umbilici instar ostentant. Hæc umbilici species ab aprorum morte confestim amputanda est, antequam intolerabilis ille moschi odor carnem inficiat, humanoque usui reddat ineptam. In sylvis, quibus paludes, palustresque campi adjacent, aprorum greges vagantur, & ab Indis velut aliæ agentibus jam stipite, jam sagittis passim trucidantur. Aprugnam carnem ut in deliciis habent, sic suillam cane pejus, & angue averfantur. Quæ quidem abstinencia eorum roborat opinionem, qui Americanos Hebræorum e genere oriandos contendunt, argumentisque ad id præbandum utuntur, quæ, etsi me non convincant omnino, omni tamen veri similitudine neutiquam casent. Aprorum agmina in S. Ferdinandi coloniam irruerunt aliquando, pabuli forsân spe, alio forsân instinctu; Sed ab Abiponibus turmatim concurrentibus ingens eorum multitudo hastis, sagittis, stipitibus obtruncata lautissimas diebus aliquot epulas dedit. Eundem in opidis ad Uruquayî litora sitis aprorum concursum, ex aliis intellexi. Ex aprorum pellibus manticas sibi itinerarias consuunt feminz Abiponeuses. Eorum fœtas in fasciculum collectas pro pectine adhibent.

## Vulpeculæ variæ. Zorrino.

Vulpecularum tria sunt genera a nostratibus prorsus diversa. Majores Kaalk, minores Lichetan, mini-

minima Nchafa vocatur, ab Abiponibus, ab Hispanis  
 Zorrino, a Quaraniis Yaguané, a Gallis Canadensis-  
 bus Bête puante foetens animal, vel *Enfans du diable*—  
 diaboli progenies jure dicitur. Hæc bestia, damulæ  
 par magnitudine, castanei coloris, duabus ex utro-  
 que latere lineis candidis distincta ut oculis forma  
 eleganti blanditur, sic foetore incredibili propinquan-  
 tium sibi nares affligit. Venustas eam commendat,  
 urbanitas minime; Nam in obvium, quemque ictu-  
 certissimo liquorem adeo pestilentem ejaculatur, ut  
 eo aspersus canis, veluti aqua ebulliente tinctus mise-  
 rabili cum ejulatu humi se se volvet aliquamdiu.  
 Oculum si contingat, cæcitatem infert certissimam.  
 Si vestem laneam, vel lineam, si baculum, si aliud  
 quidcunque conspergat, nulli id porro est usui ob  
 in hærentem sibi, nulla qui arte abstergi queat, fo-  
 torem. Sunt, qui dicant, suffimento ex lana nigra  
 facto, vel diuturna rei infectæ sub terra defossione  
 pestem illam sensum evanescere; Experientia eruditi  
 id pernegant alii. Patente in campo si vesicam exo-  
 neret vulpecula, mephitis ad leucæ spatium a vento  
 defertur. Liquor ille albescens nocte obscura phos-  
 phori instar lucet, & quacunque transit, radius ig-  
 neus videtur. Si quando irrepens bestia intra ædes  
 succum illum naso timendum sparserit, incolæ ad  
 unum omnes, ut orto incendio solent, qua data por-  
 ta, ruunt in foro, vel campo patente, ne foetore  
 suffocentur, liberius respiraturi. Utut igitur imbel-  
 lis, utut parvula sit hæc bestia, a tigridibus, a mo-  
 lossis, a mortalibus universi incredibiliter formidatur.  
 Foetor, cui par nullus, illi pro armis est. Pellis  
 elegantissimæ desiderio extra noxam qui capere eam  
 voluerit, illius eandem demisso humum versus capite,  
 arripiat, necesse est; Hac enim ratione syringis  
 pestiferæ, quæ sola timetur, usum amittit suæ, pe-  
 stem-



stemque effundere haud potest. Pinguedinem renibus vulpeculæ inhaerentem factoris seu causam, seu officinam esse, aliqui asserunt, quæ si tollatur, carnem quoque illius esculentam fieri, nec ingrati esse saporis, narrant. Nemini profecto has epulas invidebo. Dominus Nerville Gallus, insulæ Malvinæ, antequam a Gallis venderetur Hispanis, Gubernator eadem nobiscum navi in Europam rediens pallium & Zorrini pelliculis ab Indis Magallanicis scitissime confutum attulit, quod, ne situ, neu a tineis labefieret, in supremo navis tabulato identidem expansum ventis perslandum dedit, nil dubitans id vestimenti Americani genus Lutetiz admirationi futurum.

Plures de Zorrino scripserunt, sed ex aliena relatione plerique. Ego meâ, cheu? experientiâ. Illi ex auditu: Ego ex olfactu. Pudet, pigetque tristem tragœdiæ meæ memoriam refricare. Ingenium me esse planius ut intelligas, lector, scribam tamen. Dum ex portu Boniaeris, ubi appulimus, cum quinquaginta aliquot sociis per immensam planitiem centum quadraginta leucarum iter cordubam Tucumanorum usque fecimus, plaustris, quæ a quatuor bobus trahuntur, vehebamur singuli singulis; Plaustrum enim in illis solitudinibus & domûs, & lecti vices agit. Nam culcitraz incubantes diu, noctuque, pro temporis, viarum, coelique ratione, progredimur. Illa plaustrî rudissimi exagitatio fastidium creat, artusque fatigat omnes. Hinc ambulatio, equitatiove sereno sub vespere cœlo pro quiete nobis fuit. Duobus cum sociis Hispanis ambulans vulpeculam gradu placido imminentem conspexi eminus. Heus vos, exclamo, quam elegans hoc, quam venustum animalculum! Colori nimivm credidimus. Quanta sub eleganti pelle pestis lateret, nemo nostrum

strum perspexit. Ad capiendam bestiam incitato gressu certarim procurrimus. Iratis mihi superis omnibus cursu Hispanos præverti. Versipellis vulpula propinquum me sibi conspicata, deditionem meditantis specie, substitit, & veluti captivam se se mihi ultro offerebat. Blandimentis ignotæ mihi feræ diffidens illam arundineo baculo lenissime contingo. Nec mora: Levato confestim crure stygiam in me exonerat pestem. Maxillam sinistram liberaliter permingit undique, cursuque citatissimo fugam victrix capit. Quod oculis pepercerit meis, id in beneficiis numerandum. Veluti Jovis ignibus ictus obstupui, mihi ipsi repente intolerabilis; Fœtor enim teterrimus ex maxilla conspersa in omnes corporis sinus, vestesque intimas, ac in ipsum adeo baculum diffudit se se; Is momento per campum longe, lateque propagatus, quid mihi acciderit, sociis meis nuntiavit. Omnes partim equites, partim pedites sonantissimos inter cachinnos ad spectandum me festinabant. Verum me eminus olfacto, celeritate majori, quam venerant, longissime recesserunt. Ceu Pontificio ictus anathemate vitabar ab omnibus, ipso etiam tentorio, sub quo mihi cum reliquis cœnandum fuerat, interdictus. Ad plaustrum igitur me recepi meum. Aurigam Hispanum (Quintero illi nomen erat) numquid sinistri oleret? rogo. Olfactu, quatuor abhinc annis, orbatum se penitus, respondet. O factum bene! ajebam; Quod si enim auriga olfactu esset incolumi, plaustro etiam meo fueram interdicendus. Vestitu omni abjecto faciem iterum, iteramque, ac tertio ablui, refricui, tersi. Sed enim totum id æthiopem lavare fuit. Illa nocte a meo separari corpore optabam equidem. Adeo enim exhalatio illa liquida fibras omnes penitissime occupavit, & maxillam præsertim ignis instar acerrime urebat,



Vestes, quas abjeceram omnes omnino, etsi in plau-  
stri tecto ultra mensem ventis, imbribus, pulveribus,  
soli quotidie expositæ, fœtoris tenaces usque nulli  
porro erant usui. Si mihi sint linguæ centum, im-  
mani graveolentis bestię odorі explicando imparem  
me crediderim. Num lotium sit, quod spargit, an  
alius quis humor, mihi incertum etiamnum. Illud  
indubitatum: Si Paracelsi, si Theophrasti, si chimi-  
corum omnium ingenia, officinæ, fornaculæ conspi-  
raverint, fœtorem humanis naribus intolerabiliorem  
nulla unquam arte conficient, quam sit ille, quem  
Zorrinus natura exhalat. Spiritum ex cornu cervi,  
& siquid aliud graveolentius, aroma, thus, opobal-  
samum, Caryophyllum, rosam fragrantissimam dicet,  
quisquis Zorrinum cominus olfecerit. Profecto gra-  
tulandum vel hoc nomine Europæ, quod ab America  
penitus divisa putidissimam hanc bestiam ignoret,  
diris omnibus devovendam. Primi, quod in Para-  
quaria a me susceptum, itineris experimento jam cau-  
tior, hanc anxie quamvis vitaverim semper, parum  
tamen abfuit, quin patente in campo sæpe pernoc-  
tans ab eadem iterum, iterumque mulctarer.

### Biscacha.

Bestiam fœtidam ridicula sequatur Biscacha, Abi-  
ponibus Nehelâterek, lepori propemodum similis,  
vulpis instar caudata, maculis tum nigris, tum can-  
didis insignita. Ejus pili mollissimi. Per campos  
editioribus fere in locis specus tanto sibi fodit artifi-  
cio, ut imbribus nulla ex parte pateant. Hi in varia  
distinguntur conclavia, cum plures eodem in loco  
familix soleant habitare. In terræ superficie plures  
itidem ad specum patent portæ. Ad has sole occum-  
bente turmatim confident, ac, num quis adventanti-

um strepitus usquam exaudiat, auscultant diligenter. Quod si tranquilla omnia, nocte illustri pabulatum excurrunt, vicinisque agris stragem inferunt deplo-  
randam. Nam tritico seu Europæo, seu Turcico magnopere inhiant. Alterutrum si præsto sit, gra-  
men fastidiunt. Hinc in campis desertis biscacharum stativa vix deprehendas, quæ iter agens quamprimum  
detexeris, ab Hispanorum coloniis te parum abesse, nil dubita. Illud mirabar sæpe, neque in Abiponum,  
neque in Quaraniarum, etsi omni frugum genere confitis jam territoriis, Biscacham uspiam videri. Ad  
specus sui portas ossa arida, lignorum segmenta, & quidquid quisquiliarum invenerint, congerunt quoti-  
die. Sed quos demum in usus sibi reservent talia, nemo unus vel conjectura assequatur. Illarum vena-  
tione tempus fallunt aliquando Hispani ruricolæ. In earum subterranea latibula aquæ cantharos effundunt  
plurimos. Ne submergantur, in campum profiliunt bestię, & nulla effugii opportunitate sibi relicta, sti-  
pitibus necantur. Illarum carnem, nisi admodum vetulæ sint, ne Hispani quidem aspernantur.

## Lepus.

Lepores, qui sola magnitudine ab Europæis dif-  
ferunt, in Paraquaria dati, sed paucos inde arguo,  
quod unicum duntaxat spectârim, etsi peragrata to-  
ties provincia, ac inter Indos, qui nulli ferarum ge-  
neri parcunt, plerumque versatus. In Tucumania  
tamen, qua Peruvium respicit, lepores haud adeo  
raros esse, ex alio intellexi.

## Cuniculi varii.

Cuniculorum ut ingens ubique est multitudo, sic multa varietas. Hispani eos universim Conejos; Abipones Cañan mayores, minores Névege vocant. Alii, ut nostrates, versicolores sub terra degunt; Alii sub dumetis, ac fruticibus se abdunt, leporibus minores, majores hujatibus cuniculis, spadicei, rectius castanei coloris. Istorum caro jucundissimi-saporis nobiliores etiam mensas ornat. Ejus generis cuniculorum paria aliquot ex Hispania a quodam allata dicuntur. Hic per Paraquariam in Peruvium proficiscens, dum utriusque sexus cuniculos e cavea tantisper protractos in campo meridianis pasceret, fuga dilapsi sunt aliquot. Numerosissimos eorum posteros in Tucumania, maxime in Jacobopolitano agro, etiamnum videmus. Cuniculi alii, qui Aperea dicuntur a Quaraniis, glire campestri vix grandiores, jam sub agrorum sepibus, jam subterraneis in cavernis latent, tritico perniciosissimi, quippe innumerabiles. Abipones, qui maxima sæpe itinera nullo instructi viatico suscipiunt, seu prandere dum volunt, seu cœnare, campos arido, altoque gramine fluctuantes incendere assolent, ferasque, quæ sub illo latuere, ignis metu prosilientes mactant, assantque. Tigrides, damæ, cervi, struthiones desint, haud deerunt unquam cuniculorum agmina, quorum centum facile uni Chordæ insertos, ut Cæpas in Germania, tali e venatione reportant. Olim, dum accelerato in hostes itinere venationi non erat locus, cuniculos aere siccatos Abiponibus pro viatico fuisse, Barreda Jacobopolitanorum dux veteranus mihi narravit,



## Cervus.

Paranz, Paraquayique litora, eorumque fluminum insulæ majores cervis, qui ab Europæis re nulla differunt, passim abundant. Alibi per Paraquariam vix unum videas. Abipones equis pernicious procurrentes cervos etsi fugacissimos assequuntur, ac prehensis manu cornibus cultro, vel hasta confodiunt; Eosdem, ubi per sylvam equis inviam venatio suscipitur, sagittis crassioribus configunt. Olim, dum ferrum nesciebant adhuc Barbari, cervini cornu cuspidem ferrei mucronis loco hastis præfixere suis, luculentissimorum vulnerum instrumentum. Me inrer illos agente seniores quidam Abipones, egentioresque hastilibus cornu cervino munitis utebantur adhuc, ac plus timebantur. Lignatõ equarum, quas eum in finem mactant frequenter, adipe cervinas subigunt, concinnantque pelles Hispani, variis usibus futuras. Iidem sibi persuadent, minimum cervinæ pellis segmentum, quod circumferunt corpori suo adstrictum, adversus serpentum ictus validissimum esse præsidium, cum constet, cervos damasque cum serpentibus obviis passim digladiari. Mihi sane pulveres cornu cervi in calcem redacti, quod morbis pluribus medeantur, semper in pretio fuere.

## Damæ, dorcades.

Campum ingressus, quoquo convertas oculos, Damas, seu Dorcades spectabis, Europæis nil dissimiles. Ab Abiponibus Heëgehak, ab Hispanis venados dicuntur. Quæ campos insident, castanei, sed lucidoris sunt coloris: Quæ sylvas, obscurioris, sed utraq; candidis punctulis distinctæ. Sylvæstres Quazubirã, Campestres Quazuty a Quaraniis vocantur.

Teneræ nullo negotio domi cicurantur. Damulam paucos ante dies natam, quam Indus mihi attulit, bubulo lacte nutrivî, meoque educavi in cubiculo. Adultior cum vaccis, quæ in domus aera mulgebantur, earumque vitulis vitgîi instar in campum excurrit quotidie ad pascua, sed pro arbitrato suo ad meum rediit cubiculum. Id clausum dum reperit, pedibus portæ impactis, intempesta sæpius nocte, se adesse significavit. Me seu peditem, seu equitem canis ritu comitabatur. Concurrentem in se canum turbam impavida aspexit, & pulsata pedibus humo etiam in fugam conjecit semper. Collare nolis æneis tinniens, quod illi appenderam, canes perterruit universos, fefellitque adeo, ut peregrinum id animal, sibi periculosum putârint. Carne, pane, radicibus, gramine vescebatur equidem; Sed quodvis papyri folium dulcissimum illi bolus, & præ melle fuit. Philosophiam, quam magistro, ut moris erat, dictante triennio olim scripsi, totam sensim devoravit, paginis aliquot de magnete, quæ usui porro essent, mihi reservatis. Folia musica, me absente, dolenteque, e mensa clepsit, consumpsitque. Cum collare, quod multos ante menses illi adhuc juveni aptaveram, jam ætate progrediente colum ejus nimis constringeret, illud relaxare tentavi. Damula id mortis sibi inferendæ proposito fieri rata, meque hostem jam suum suspicans fugam cepit, remotioribusque in campis per mensem, quin me reviseret, vagabatur. Ab Indis visa est identidem. Ad illam revocandam, mihiq; reconciliandam animum adjeci denique. Papyri folio, quod ei eminus ostentaveram, allecta, trepido quamvis pede, me adiit, & aliis, atque aliis papyri foliis per intervalla porrectis domum usque secuta est, immemor jam terroris, ac simultatû in meo dein contubernio, dum vixit,

fide-

fidelissime perseveravit.. Sæpe cum mulis per semi-  
 horam luctans concurrentibus Indis visu, plausuque  
 dignum spectaculum præbuit; Nam pedibus poste-  
 rioribus insistens anterioribus muli caput feriit ident-  
 idem, qui dum calcibus, morsibusque par pari referre  
 conabatur, damula repetitis ultro Citroque sal-  
 tibus minas, irasque ferocientis jumenti celeritate in-  
 credibili elusit. Toties, oppido plaudente, stupen-  
 teque victrix, cum mulo indomito in campo con-  
 gressa, spina dorsi ejus calcibus confracta demum  
 succubuit jam biennis, &, masculus enim erat,  
 mediocriter cornutus. Quo luctu ejus interitum si-  
 mus profecuti, vix credideris. Librum musicum ejus  
 pellicula vestitum retineo etiamnum. Memorabilior  
 alia Damula formella in Quaránico Ss. Apostolorum  
 oppido educata. Marito inhians in sylvas excurrit,  
 incolis ejus jacturam deplorantibus. Post mensium  
 aliquot absentiam cum damula, quam interea pepe-  
 rit, sua redux hero se cum fœnore reddidit suo.  
 Qui naturæ instinctum, feræque eximiam fidelitatem  
 non suspiceret, nemo omnium fuit.

### Ykiparà.

Subterraneis in cubilibus latitans Ykiparà, talpa-  
 rum e genere, strepitum ciēt horrendum. Tympa-  
 num ingens eminus pulsari, jurares. Ab advenis,  
 res ignaris, vix citra terrorem exauditur. Animalculi  
 figuram haud describo, cum id nunquam viderim,  
 licet audiverim perfrequenter. Illius vocem concavis  
 terræ angulis, anfractibusque illisam grandescere,  
 opinor.



## Simiorum genera.

Simiorum, qui septentrionalem Paraquariam implent, nomina, formas, habilitates singillatim si exposuero, justus de hoc argumento exhibit liber. Memorabo præcipua. Simiis quisunque ab Hispanis Mono, ab Abiponibus Nichikatrana appellatur: Quaranii simiis diversis diversa nomina indidere. Caraya dicti cæteris numerosiores sunt, sed & viliores. Villis horrent fuscis, tristitiam spirant, semper queruli, semper morosi, & mordaces. Diu, nocturne cum ejulent, qui eos domi cicurare vellet, nemo est. Turmatim arbores insident, percurstantque pabuli gratia. Pertinacior eorum ululatus imbres, procellasve præfagit, & plaustrorum, quorum rotæ dudum unctæ non fuere, stridorem refert, atque ad plures leucas, cum multæ simul centuriæ ululent, exauditur. Corpore sunt mediocri.

## Cayí.

Simioli, qui Cayí nominantur, jam adulti vix spithamam longitudine æquant, festivi, hilares, & si a teneris mansuescant, mirum in modum dociles. Libertas tamen per cubiculum vagandi raro illis concedi potest; Nam, cum degustare, contrectareque velint omnia, atramentarium, vascula sus, deque venter, liquores quosvis effundere, discerpere libros, quidquid vitreum, frangere solent. In pixides, lampades, cantharos digitos immergunt suos, olfaciunt, mensam, vestes commaculant. Si quid escæ obvi-um, clepunt. Idcirco longiori, sed tenui loro, hac illac discurrere ut queant, ligantur. Simiolus ejusmodi in sancti Joachimi oppido nobis erat, qui ab equitatione reducibus calcarium fibulas prorsus sol-

solvit. Alios vidi, qui cani insidentes iter faciunt, hominemque imitantes mimorum instar mira, ridiculaque nōrunt patrare. Nil mirum adeo, id genus simiorum non Indis modo, sed & Europæis in deliciis esse passim, magnisque sumptibus non nunquam comparari. Batatz, quas terræ poma vocant Gerinani, esca illis & quotidiana, & saluberrima, quamvis etiam carne, pane, & quibusvis e farina cibus vescantur. Sed, ne nimia illis portio objiciatur, magnopere cavendum; Adeo enim stomachum referciunt suum, ut rumpantur. In sylva tenelli adhuc matrum suarum, quarum collo manus implicant infantium more, dorso bajulantur, perque arborum ramos, ubi escæ spes, usque circumferuntur. Indus igitur, simiolum vivum sibi qui quærit, sagitta ejus matrem enecat, a qua, licet jam exanimi, filiolus nunquam citra ejulatum se se patitur avelli. Audi majora, & quæ supra fidem videantur. Quatriduum aliquando sylvis immorantur Quaranii, ferarum veneratione occupati. Cum simiorum multitudinem telis configant, horum alios mox in itinere consumunt, alios, ne cœli æstu putrescant, mox assos ad oppidum deportant, domi subinde edendos. Simioli, qui ad oblectamentum vivi servantur, matres assas jam, & carbone nigriores agnoscunt suas, earumque humeris tenacissime adhærescunt, quin eorum fuga sit metuenda. Prolium in parentes amorem quis non suspiciat in simiis? qui alias hominum imitatores hac certe in re sunt magistri.

### Barbudos.

Hispani Paraquarienses, qui Cæa arborum folia calidæ potioni miscenda in densis ad septentriones nemoribus conquirunt, simios prægrandes, tristissimos,

mos, & insigniter barbatos deprehendunt sæpe, quibus a Barba nomen, quod prudens reticeo, ridiculum indiderunt. Hi latebras amant equidem, hominum, lucisque fugitantes, ob arma tamen sua nemini non metuenti. Nam in obvium quemque sinum suum, qui illis semper in promptu, foetidissimum, ceu globos, manu ejaculantur. Verum quantuscunque hinc foetor cum Zorrini peste comparatus rosa, ac crocus putatur. De talibus simiis vel capiendis, vel cicurandis nemo unus hactenus cogitavit.

### Caruguà.

In abstrusioribus sylvarum latebris errant simii, quos Quaranii Caruguà, Hispani diablos del monte dæmones sylvestres appellant; Prope jam in eoram, ut illos Faunos, satyrosque dicerem, si cornibus, caprinisque pedibus, ut poetis, pictoribusque fingere lubuit, præditi essent. Hirsuti sunt equidem, & simiis plerisque proceriores. Posterioribus fere pedibus insistant ambulantes. Eorum vestigia adolescentis quatuordecim annos nati gressus exprimunt. Solitudinem amant, neque homini insidiantur; si quem tamen in sylvarum angustiis sibi propinquum cernant repente, miserrime dilacerant. Quaranium a Carugua gravissime sauciatum in nova S. Stanislai colonia occubuisse, scio. Ejusdem colone Indus simium ejusmodi remotissima in sylva trucidavit. Molestiam longi itineris cælo ardente sibi intolerabilem metuens cadaver istuc reliquit, horrendos tamen illius ungues, & quovis pugione formidabiliores resecurit, & Patri Petro Paulo Danesi Romano, oppidi tum curatori exhibuit, qui per cætera dein Quaraniæ oppida circumferebantur, ut cæteri quique eorum spectatores ex ungue leonem conjecta-

jectarent, terrificaque Carugæ arma nôsse discerent, ac timere, quoties salebrofiora nemora fuerint peragrandæ. Parum profecto abfuit, quin ferocis bellæ præda fierem. In fylvis Mbaevera noctem agens, Indis fociis, Hispanoque comite Paschali Villalba rhonchos imo e pectore trahentibus, strepitum ex fractis arborum ramis simul, simul cantiunculam voci humanæ affinem percepi aliquamdiu, & quid demum rei effet, anxius cogitavi. Cum stationi mez, ab Indorum foco remotiffimæ, & vox, & strepitus magis, magisque immineret, periculum fufpicatus exclamavi; Quæ avis, quæ fera has voces, hos strepitus ederet, ex Indis clamore meo tandem expergefactis, quæro. Hi afcultantes tantisper, Carugam, diabolum fylveftrem propinquare, una omnes voce cum Hispano respondent. Haftis, titionibusque armati confestim accurrunt complures. Illorum propinquitate territa, beftia acceleratis rebellit paffibus. Ego periculo folutus refpiravi.

### Quatì.

Quatì animal hybridum e genere mihi effe videtur. Nam proboscide nefrendulum, vulpeculam capite, cæteris fimium mediocrem exprimit, coloris lutei, caudæ, quæ toto ejus corpore longior, per annulos veluti divifæ, & verficoloris. Simiorum ritu arborum ramos, quarum fructibus vefcitur, percurfat, quanvis numerosum eorum gregem humi faltantem deprehenderimus aliquando. Adultiores licet paucos intra dies ab Indis mire cicurantur, fed Gallinis, earumque ovis, quæ appetunt, femper infefti.

## Ay.

Simiorum agmen claudat, etsi ab eorum agilitate alienissima bestia, quæ ob innatam sibi ignaviam, & tarditatem a Quaraniis Ay, ab Hispanis la Perez, seu pigritia, & per ironiam El Perico ligero, catulus velox appellatur. Magnitudine vulpeculam hujatæ æquat. Capite est minuto, ore angusto, naso glabro, oculis nigris exilibus, longioribus cinerei coloris villis, qui per collum jubarum instar magis panduntur, fusca per medium tergus linea, unguibus in quovis pede prolixis, ac deorsum inflexis, rictu hiantæ, cauda obtusa, dentibus imbecillis, auriculis nullis, quidquid demum consideres, forma absurda, tetricaque. Arborum in culminibus degit, earumque foliis victitat, aliquando & formicis minoribus. In pedes assurgit nunquam, nunquam bibere videtur, solo fors rore contenta. Testudine quavis lentior motum levissimum adeo reformidat, ut vel scandens arborem, vel ex illa descendens unum facile diem rependo consumat. Vel quatuor ingruentis pluvie guttulas, mirum, quantum perhorrescit. I literam gementis instar pronunciat identidem, æterni cæterum silentii, quietisque tenacissima. Ejus corium a firmitate celebratur; Caro ipsis quoque, quod quidem sciam, Indis nauseam movet. E quibus palam fit, segnissimam hanc bestiam a simiorum ingenio longissime abesse; Hi siquidem quietem vel brevissimam pertæsi cursitando, saltando, ludendo diem omnem absumunt. Verum quotidiana a perpetuis motibus lassitudine emaciantur adeo, ut vix ossibus hæreant. Indi tamen, dum iter faciunt, assis simiorum carnibus mire oblectantur. Risi effuse, dum illorum quispiam ad finium, quem me spectante ex summo celsissimæ arboris fastigio sagitta



stravit, assum viæ comites sat multos invitaverat; Vix enim singulis singula officula credam obtigisse. Sed nempe viatico liberali, quod acceperant, intempestiva voracitate absumpto, ossa rodere, quam esurire maluerunt. Simiorum caro per varias Americae provincias Indorum præcipuum est, ac nobile alimentum, quorum plurimi cum humanis carnibus vesci consueverint olim, haud miror suavissimum illis videri cibum carnes simiorum, quippe qui figura ad humani corporis similitudinem plus accedant. Quid, quod & fandi copiam esse simiis, Americanorum stupidiores quidam putârunt, affirmâruntque simios, ne ad labores quoque adstringerentur ab Hispanis, si loquerentur, mutos se propterea simulare, & ne mutire quidem, quamvis jam risu, jam ululatu non abstineant. Quoties glande plumbea simius vulneratur, vulnere mox manum apprimat suam, veluti, ne vitam cum sanguine perderet, purpureamque vomeret animam, impediturus. Exanimato jam, rigido, frigidoque corpore eadem manus vulnere manet applicata. Noxios admodum, ac periculosos esse simiorum dentes, experientia didici; Meus quidem socius a furente simia morsus erisypelate aethio ad caput ipsum progrediente correptus est, ut tumorem, ardoremque immanem, sic crucis acerbissimos ac propemodum lethales adduxit. paucis in urbibus simios non paucos spectavi, ne de nomine quidem novi, ac universa me Paraquaria etiamnum ignorat. Variis enimvero incisiis ingens simiorum varietas, varia quoque nomina pro linguarum diversitate. Ulyssii pluribus mercatorum tabernis simii diversissimi America, Asia, Africa, earumque insulis allati tales prostant, quales nusquam vidi in Pa- Idem de Psittacis sentiendum.

## Armadillo, seu Tatù.

Bestiolam quadrupedem, testudine vulgari vix majorem, oculis mirabilem, sed palato gratissimam Hispani Armadillo, Quaranii Tatù vocant. Squamis corneis, nigro, alboque colore per intervalla eleganter variato undique loricata est. Porcelli caput, quod ambulans detegit, periculo, ingruente sub lorica abdit penitus, ac testudinum ritu custodit. Longius illi collum, Lorica hinc, atque illinc, maxime sub ventre, candidis pilis hirsuta. Pedes testudinei, quinque digitis inæqualibus, acutissimis unguibus armati, quibus jam, ubi lateat, scrobes sibi sub terra fodit, jam terræ superficiem se se affigit adeo valide, ut vel a robustissimo inde avelli vix queat. Cauda illi prælonga, pariter cataphracta, ex qua præfixa illi arundine lituos sibi militares effingunt Abipones. Auriculæ & pilis, & squamis carent. Duabus prope cervicem juncturis instruitur, flectere hac illac collum ut possit. Celeritate ad currendum egregia valet. Canum, hominumque insectantium insidias declinata per ambages procurrat. Herbis, radicibusque alitur. Potat liberaliter; insigniterque pinguescit. Canum odoratu ejus subterranea latibula deteguntur. Non ova, ut testudines, sed foetus vivos complures eodem partu edit. Embryones jam lorica, sed tenerrima tectos vidi sæpe, dum in itineribus matres gravidæ, antequam a militibus assarentur, dissectæ fuerunt. Ast noveris, triplicis generis armadillos in Paraquaria reperiri, qui figura, mole, nomineque differunt. Ad primum genus pertinent armadilli duas facile spithamas longi, & nefrende grandiores. Unguibus pollent prolixioribus, pilisque horrent fuscis alii, alii rufis. Hinc Kirikincho peludo, armadillus hirsutus a plebe Hispanica, a Quaraniis

raniis Ταρῖποϋ, ab Abiponibus Yauik Laip vocantur. Rurorum lorica semiuista, redactaque in pulveres sanctis, vel pilo nudatis equorum tergis, si iis inspergatur. mirifice medetur. Grandiores hi armadilli equorum, mulorumque cadaveribus per campos cum vescantur, illorum caro a plerisque cum nausea rejicitur, despiciuntque. Amplissimis tamen istorum conchis, seu loricis plebeji passim pro patinis, lanceibusque in culina uti consueverunt. Secundi generis Armadilli prioribus multo exilliores cadaveribus abstinent omnino, carnemque ministrant & pinguem, & gratissimi saporis. Ab Hispanis hæc species Mulita, desumpto a mulis parvulis nomine, ab Abiponibus Katoiseik appellatur. Alii denique omnium minutissimi erinacei more in globum se convolvunt, quoties lubuerit. Tanta porro est lorice globosæ firmitas, ut nec a plastro onusto conteri, neque ullis aperiri viribus possit, nisi aquam illi cum impetu affuderis. Madefacti ultro patefaciunt se se. Ab Hispanis Bolita, globulus, ab Abiponibus Kaitavalk dicuntur. Istorum caro candidissima, plena optimi succi, & quam vel Europæus quisque Gallo caponi, phasianio, pulloque jure præferendam existimavit. Adipi quo abundant, etiam in penu medica locus debetur. Loricatis his bestiis passim scatent campi Paraquarienses. Mihi certe Hispanis cum equitibus per illas solitudines commeanti sæpe prandium, sæpe cænam præbuere.

Hactenus de feris quadrupedibus, Paraquaria indigenis. De equis, mulis, asinis, bobus, ovibusque alibi actum. Elephantes, Rhinocerotes, Camelli, Pantheræ, Hyænx, Kangiferi, Lince, Meles, Ursi, lupique vulgares peregrina Paraquariis nomina. Ad amphibia igitur tranſeamus.

## Crocodilus, seu Cayman.

Amphibiorum, quæ ancipites bestię a Cicerone vocantur, agmen ducat Crocodilus & Gressus lentitudine tardior cæteris, & corporis amplitudine spectabilior. Ab Abiponibus olim Peëuè, nunc Kaéperhak a Quaraniis jacare, ab Æthiôpibus Conganis Cayman, ab Hispanis Cocodrilo, vel Lagarto dicitur; Namque ex ovo recens exclusus Lacertulam refert, qualem Europæis in hortis crebro spectamus, vix semi spithamæ longiorem. Annis progredientibus in immanem molem sensim accrescit. Decem pedes longi Crocodili per Americam passim spectantur. Ælianus in historia animalium libro 17. capite 6. sex, & viginti cubitorum longitudinem illis tribuit, alii multo majorem. Plinius equidem libro 8. capite 25 affirmat: *Nullum certe animal ex minori origine is majorem crescit magnitudinem.* Neque id mirum; Nam juxta opinionem vulgo receptam crocodili tamdiu crescunt, quamdiu vivunt. Cum igitur vivacissimi sint, & Æliano teste sexagesimum sæpe annum vel attingant, vel superent, facilis est de insigni eorum incremento conjectura. Ætatem porro Crocodilorum nôsse poterant illi Aficæ populi, qui eos vel in stagnis ad venerationem, vel in murorum fossis ad urbium suarum custodiam collocatos religiosa solitudine educarunt, curaruntque, & quocunque lethi genere extinctis Crocodilis juvenes substituerunt. Lacubus, fluviisque pluribus biennali siccitate arefactis in Paraquaria præter alias bestias aquatiles Crocodilos plurimos per campum errantes deprehendimus, & cum nusquam aquæ copia iis suppeteret, siti necatos. Terribiles visu formæ, & insolentissimæ, quæ credi vix queat, longitudinis monstra oculis nostris quotidie obversabantur. Ad extremam senectutem

tem Crocodilos plerosque pertingere singulari naturæ beneficio, opinor, à qua iis muniti sunt præfidiis, ut perarduum sit illos enecare. En rudem Crocodili imaginem! Caput vastum, compressumque. Os latissime hians, dentibus in utraque maxilla acutissimis, sed inæqualibus armatum, oculis ingentibus, rotundis, cæcis; pupilla nigricante, torvo obtutu minitabundum ex undis prominet. Lingua destituitur. Hanc membranula supplet, sed motus impos. Pedes quatuor digitis, unquibusque avium instar instructos jam lentæ per litora ambulationi, jam natatui impendit. Corpus trunci instar vastum in prælongam caudam mucroni similem definit, cujus extremitati in superiori parte globulus niger, andique clausus incumbit; foeminei sexus discrimen, ut quidem mei me docuere Abipones rerum naturalium tam gnari, quam ignari cæterarum. Hoc globulo mares carent. Pellis aspera, squamis, quæ pro clypeo sunt, durissimis, veluti conchyliis colore nigro, flavoque eleganter variatis picta loriceam supplet, quæ caput maxime, tergus, ac caudam telis quibusvis impenetrabilia reddit. Venter, latera, pedesque pari elegantia picti squamis blandioribus ornantur potius, quam armantur. Figuræ hinc circulares, inde parallelogrammæ partim flavo, partim fusco colore per intervalla distinctæ in superficie pellis concharum more, veluti appendices, eminent, ut verrucæ humana in cute solent. Cauda annulis nigricantibus, & pinnula denticulata, qua natatio promoveatur, constat. Cutis, quæ collum ambit, mollior est, & vulneri accipiendo opportunissima. Tigridem assilientem cauda feriunt crocodili, trucidantque; Trucidantur ipsi, si eorum collum vel alvus, loca scilicet corio imbecilliori tecta, seu cornibus, seu unguibus ferarum, plumbea glande basta, sagitta-

gittave petantur. Graviter fauciati licet quando fugam capiunt, quos tamen Indi natantes assequuntur fare, & ad ripam perducunt. Austro acriori aspirante gelidis stagnorum aquis noctu immerfi frigore torpescunt Crocodili. Orto demum sole calore recreandi in aprico litore stipitis instar procumbunt, & sensus, rigidis quippe artubus, vix compotes citra periculum, nulloque negotio ab Abiponibus hausta configuotur. Abiectis eorum corporibus dentes duntaxat, & spinæ dorsii ossicula asportant, quæ cum calybis more durissima, subularum instar acuta sint, & elastica, ad artus suos, dum compotant, ostentationis gratia compungendos adhibere solent, de quo more alibi plura dicemus. Dentes Crocodili, quos ad serpentum ictus seu curandos, seu impediendos plurimum conferre putant Americani, vel suis ipsi brachiis illigata circumferunt, vel, si occasio ferat, Hispanis vendunt. Caro Crocodili tenera est, adeoque candida, ut a Carne Husonis, quem nobilissimum, & ex fluvialibus maximum piscem Danubius, Tibiscusque in Hungaria producant, ægerrime discernatur. Crocodilus Ægyptiis quondam Deus, Americanis, & Afris cibus est; Ab illis adorabatur, ab his voratur. Illius certe carnibus permultæ nationes Americanæ, præsertim quæ insulas fluvii orinoci, aliasque insident, victitare dicuntur. In Paraguaría tamen præter Barbaros Payaguas, fluminum accolæ, vix ulla, quod sciam, natio Crocoditis vescitur, quod ea provincia ut pecoribus, & feris, sic terræ, arborumque frugibus abundat. Enimvero neminem fore Europæorum existimo, qui Crocodili carnes non appeteret, nisi moschum redolent, quem tum in faucibus, tum in testiculis ea bestia circumfert. Particulam glandulæ, cui moschus is inhæret, tela aurea, vel sericea clausam in sacra altaris

ris maximi arcula, ubi Eucharistia servatur, suspendere solent providi sacerdotes ad arcendos eo odore vermiculos, qui sub Cœlo tam humido, & æstuante in sacris hostiis alias procreantur. Germani veteres præsentissimum hoc ad vermiculorum generationem impediendam remedium videntur haud ignorasse. Arcas vetustissimas moschum redolentes, ac vel ideo a carie intactas, & post secula incolumēs in Austria passim videmus. Haud abs re Athanasius Kircherus, aliique physici odoris vehementis ope pulices, cimices, culices, aliaque id genus insecta arceri, fugarique, docuerunt. Mire probavi, quod Crocodilus, tabernæ cujusdam aromatariæ vetus. insigne a Vindobonensibus Vermis odor (der schmeckende Wurm) lingua patria etiamnum appelletur.

Crocodilos veneno scatere dum audis, vetularum commentis id accenseas, velim; Nam, quod certissimum, impune comeduntur ab Indis, ab Europæis quoque, si moscho carerent, omnibus avidissime comedendi. Dentes Crocodili alveolis suis altissime immersi, circa radicem concavi, sed, ubi in acumen desinunt, solidissimi sunt, & cuius rei durissimæ discerpendæ pares. Illud terribile, quod, quidquid dentibus arripuerit hæc fera, nunquam dimittat. In novo regno Granatensi, si quando Crocodilus Indi natantis brachium apprehendit faucibus, illud ad reliquum corpus servandum resecant confestim, qui periclitanti suppetias venerint, cum aliud vitæ remedium haud superesse videatur. Hispani rusticolæ linum, Gossypiumve semium, quod igni è filice eliciendo fomitem subijciunt, vituli cornu scitè elaborato clausum in itineribus circumferre solent. Hujusmodi pixidis loco Hispanus quidam, quem noveram, Peruvianus Crocodili dentem virili



pollice crassiore, adhibuit. Ex hoc dentis molem, & ut ex ungue Leonem, ex dente Crocodilorum quorundam magnitudinem tute conjectabis. Jam eorum genesis accipe. Foemellæ diebus prope continuis triginta aliquot ova, figuræ cylindricæ, ovīs anserinis nil minora, pariunt, è quibus, sub arena defossis, solisque æstu calefactis, soboles, lacertulis huiusmodi par demum excluditur. Crocodili cum curtis sint pedibus, vastoque abdomine solum verant, ova quam plurima ambulando conterunt. Quod quidem ni providi Numinis cura fieret, dudum jam in America nec piscibus, nec bestiis cæteris locus esset super. Ova Crocodili generis ab Indis quibusdā non comedi solum, sed & appeti, nil miror. Num moschum quoque oleant, ignoro; nunquam enim mihi lubuit vel extimis labris ea degustare. In conceptionis oppido Crocodili duo, masculus, & foemella, recens in lucem editi ab Abipone oblati fuere socio meo, quo suasore illos educandi curam suscepi. Primo mox die masculus meo evanuit ex cubiculo. Quæsitus diu nusquam repertus est. Post octiduum ultro ad sororem rediit suam. Ne fugæ locus illis porro superesset, utrumque in mortario ligneo, quo ad triticum Turcicum molendum utebamur alias, satis alto, amploque clausi. Aquam recentem illis identidem affudi. Limum, pisciculos, carnis particulas minutissimas, quibus alerentur, inieci. Hæc illorum habitatio, hic victus septimum in mensem fuit. Interdum aquâ exemptis ambulationem in domus area indulsi. Volupe erat Abiponibus parvulos jam in cespite lusitantes, jam hianti rictu, elatoque in altum corpore rixantes spectare. Canis mihi erat juvenis, & ut illa fert ætas, nugacissimus. Latrando in Crocodilos imprudens irruit; Sed horum alter canis nares dentibus jam tum acutissi-



gissimis apprehendit. A Crocodilo è naribus monilis instar pendente cruciatus forum omne ejulans percurrit. Molestæ appendicæ liberare se nullo modo cum posset, ad me demum redux opem imploravit meam, dum denique a circumstantium, cachinnantiumque Abiponum manibus pertinax Crocodilus ejus e naribus est avulsus. Doloris præteriti memor, quoties Crocodilum eminus conspexerat, fugam præcipitavit. Acerrimo pollere auditu has bestias ex eo patuit, quod tenuissimum, qui aures humanas fugeret, strepitum, tonitru ex nube, quæ infra horizontem adhuc, remotissimum noctu perceperint, repetitoque murmure ù ù ù ù dormienti mihi significarint. Septem menses nati, vix justam spithamam longi, frigore enecki sunt, dum illos cum Hispanis militibus ad mutandam Coloniam unius, & viginti dierum iter faciens lebeti æneo inclusos transportabam. Acrior pruina, hyberno scilicet tempore, hos meos alumnos confecit. Libertate nativa, propriisque sibi alimentis gavisi si fuissent, tot intra menses plus incrementi eos fuisse habituros, extra dubium est mihi.

De Crocodilorum in homines sævitia, multi multa scripserunt. Næmini repugno. Injurius tamen sim Crocodilis Paraquariensibus, de iis si conquerar. Viginti duobus, quos in ea provincia egi, annis ne unum quidem mortalium a Crocodilo aut cæsum fuisse, aut læsum, intellexi. Abipones plerique omnes, viri, foeminae, pueri, puellæ, in diversis tamen pro sexus discrimine stationibus, ardente post meridiem sole, in rivis, stagnis, fluviis, lacubus, Crocodilorum stativa natando, lavandoque se se refrigerant quotidie. Nemo unus quidquam injuriæ a circumfluentibus crocodilis accipit, nemo



periculum suspicatur. Enim vero natantium Indorum strepitu conferriti in fugam convertuntur, nigricantes maxime; Rursus equidem audentiores putantur ab Abiponibus, periculosioresque. Verum Crocodilos, cujuscunque demum coloris, ut natantes natantibus, sic per campum ambulantes ambulantibus quibusvis prorsus innoxios sum expertus. Sæpe jam pelle bubula, jam cymba humili fluvios transmittens Crocodilos atrectis capitibus, scintillantibus oculis, diducto rictu mihi proxime adnatantes vidi, sed semper innocentes serenus aspexi. In oppido Rosatii vix sclopi ictum a meis aberat ædibus stagnum ingens crocodillis refertissimum. S. Ferdinandi oppidum lacunis grandioribus cingebatur undique. Sole occumbente auram recentem captavimus persæpe, qua quidem indeambulatione crocodilos omnis generis, ac ætatis obvios fere habuimus, nobisque ad sex, septem passus vicinos, quin tamen ab illis ex lacu altero ad alterum commeantibus offenderemur unquam, etsi inermes, sed vel ideo tutiores; Illos equidem a crocodillis potissimum offendi existimo, a quibus hi fuerint offensi. Parcant sibi parcentibus. Nil miror, in Quitensis, Novique Regni territoriis, in quibusdam Asiæ, Africæque tractibus Crocodilos atrociter in homines sævire, cum ab indigenis, qui crocodilli carnes quotidianis in cibis numerant, quotidie exigantur, efferentur, capiantur, mactenturque. Nam & muscis, si vexentur, sua bilis inest.

Paraquarii e contrario, cum carne vel bubula, vel ferina, vel utraque abundant, nec insectari adeo crocodilos, nec vorare solent, & vel ideo a crocodillis nunquam devorantur. Par pari referre, cædes cædibus pensare id bestiarum genus videri posset. Qui in Plinii, Aristotelis, & nescio, quorum præterea historicorum ver-

verba juraverit, mihi talia referenti vix fidem adhibebit; Crocodilos promiscue omnes ubique terrarum humani cruoris sitientissimos, funerum authores, consumpta præda lacrymis diffuentes, virus lethale fibris omnibus spirantes perperam judicabit. Re diligentius pensata Crocodilos, qui in Asia, Africaque nascuntur, nihil admodum figura a Paraquariensibus distinguere reor. Nil tamen vetat credere: Illos præ his ferociores esse, vel callidiores; Nam pro provinciarum varietate varium esse eorundem animalium ingenium experimur in tigrilibus, leonibusque: Hi in Paraquaria nemini formidabiles, in Africa formidabilissimi. Africanæ tigrides a Paraquariensibus & corporis amplitudine, & nocendi artibus, ut alias exposui, longissime superantur. Idem aliis belluarum, imo & plantarum generibus usumire, compertum nobis, exploratumque. Diversæ etiam gentes diversis Crocodilos venandi, necandique artificiis utuntur. Aliæ linteribus flumen percurrunt, ac lignum, cui caro, vel piscis affixus, funi longo alligatum aquis injiciunt. Crocodili lignum una cum carne deglutiunt, sed cum in faucibus transversum evolvere nequeant, mox fune ad ripam trahuntur, mox obtruncandi. Aliæ trabem longam aculeatam Crocodili propinquantis faucibus alte immergunt, vitamque adimunt impune. Abipones hasta potissimum configunt Crocodilos, quos frigore rigidos, ac in litore apricantes mane fortuito deprehendunt. Sagitta, ut ut firmissima, ni Crocodili collum pelle tenuiori tectum attingat, anceps semper, ac debile necis est instrumentum. Idem de globis plumbeis affirmo. Quam imoxii hominibus Crocodili in Paraquaria, tam exitiales sunt piscibus, qui vel illorum dentibus consumuntur, vel præsentia fugantur. Ad rem tamen medicam multum conferunt. Vulnera a Cro-

codilo inflicta illito ejus adipe feliciter curantur. Il-  
 lius omasum (Pinguis crassiusque intestinum) fiēca-  
 tum, redactumque in pulverem calculi doloribus me-  
 detur. Lapilli, filici vulgari similes, in Crocodili  
 stomacho reperti adversus febres quartanas prae-  
 stans esse remedia dicuntur; Contra calculum in-  
 renibus pariter, si in pulvere contriti bibantur. Den-  
 tibus Crocodili morsus venenosos anguium seu im-  
 pediri, seu sanari, dixi alias, plura de hujus reme-  
 dii usu loco suo dicturus. Hæc postquam scripsis-  
 sem, venit mihi in mentem, Petri Massei nostri de  
 rebus Indiarum, quæ solem orientem respiciunt pro-  
 plus, clarissimi scriptoris sententiam de Crocodilis  
 explorare. In vasto ejus opere unica de hoc argu-  
 mento fit mentio libro secundo, capite quinto & tri-  
 gesimo: *Stagna quoque (de cananore loquitur) passim  
 occurrunt ingentia, grandibus plena lacertis ad Crocodili ef-  
 figiem: Li sergoris duritie, conchyliarum instar impenetra-  
 bili, enormi capite, duplici densium serie, horrendo pro-  
 fusu biau in hominem furemter invadunt. Eorum balitus  
 oris est suavissimus.* Hactenus ille. Quibus sane verbis  
 Crocodilum talem pinxit, qualem ipse in America  
 vidi semper, qualem in Africa quoque esse asserunt  
 ceteri scriptores. Neque ex illis verbis: *Stagna ple-  
 na lacertis ad Crocodili effigiem*, lacertos illos a Croco-  
 dilis distingui, arguas. Utroque enim vocabulo idem  
 animal significant & Hispani, & Lusitani sic tamen,  
 ut non quivis lacertus (dantur enim in campo vulgares  
 nostratibus similes) sit Crocodilus; Sed quivis Crocodi-  
 lus simul lacertus (lagarto Hispanice) simul Cayman,  
 vel Cocodrilo appelletur ab illis, vocabulo latino non  
 nihil corrupto, ut vulgus pro Cathedral yglesia Catre-  
 dal, prout grige trige, pro pobre probe dicere consuevit li-  
 teris per metathesim transpositis, quod & latinis solenne.  
 Rectius tamen, clariusque Crocodilum lacerti effigi-  
 em

em dixisset Maffejus, quia Crocodilum Europæis ignotum per lacerti nobis notissimi similitudinem explicuisset. Si in Asia; Africa; aliisque America territorii Crocodili in hominem furenter in vadunt, cur idem non faciant in Paraquaria, discriminis causas superius exposui. Non furunt scilicet Crocodili in Paraquarienses, quia rarius ab illis laceffuntur. Ex *haliçtu oris suavissimo* confirmatum vides, quod affirmavi: Crocodilorum corpus, quantum est, fauces maxime, ac testiculos moschi odore imbui perquam vehementi. Plura alia, quæ de Crocodilis seu scripta, seu ficta apud alios inveneris, seu brevitatis, seu veritatis studio tacenda putavi. Si de hoc amphibiotum principe Crocodilo prolixior fui, veniam dabis, lector; Nam de aliis ignobilioribus brevis esse, laborabo.

### Aguarà canis aquatilis.

In lacubus, amnibusque canis aquatilis, Aguarà a Quaraniis dictus, habitat, in campis litoralibus à me sæpius conspectus. Magnitudine molosso majori par timet omnia, vel eminens conspecto homine fugacissimus, nemini usquam pertimescendus. Auribus asinum, capite canem exprimit. Dentibus validis, ac acutissimis abundat. Noctibus rugitus edit sonantissimos, & feris minoribus infidiatur. Ab Hispanis el Zorro grande vulpes major dicitur. Ab ipso venantur pellis solius gratia, quæ villosa, & ex obscuro flavescent in summo tergore linea nigra, asinorum instar, insignitur. Pili est blandissimi, & magni fit ab Hispanis, cum ad dolores ischiacos, arthritidis, viscerumque compescendos, me teste, plurimum valeat. A quibusdam ephippiis infertur; Ejus enim calorem humanis corporibus sa-

luberrimum sumus experti. Quam ex Paraquaria in Europam rediens navi intuleram, ibidem mihi furto sublatam doleo etiamnum.

### Yaguarô tigris aquatilis.

Bestia quovis molosso major, quam Quarani Yaguarô, Hispani tigridem aquatilem nominant, sub aquis profundioribus latitat plerumque. Est villosa, caudæ longæ, & in acumen desinentis, unguibus validissimis armata. Equos mulosque, flumina tranantes, ad fundum abripit. Paulo post animalis, quod discerpfit, viscera in aquarum superficie fluitantia cernuntur. In tot fluviorum trajectibus me id genus bestię nunquam vidisse, gaudeo, fateor tamen, me id semper timuisse præsertim, dum lacum Mbururû, qui ex oppido S. Joachimi ad Urbem Assumptionis euntibus corio bubulo trajiciendus, quoties ex crebris imbribus horrendum in modum turgescit, iterum, iterumque transiit. Hispani equidem, qui à sylvis cum herbæ Paraquarię sarcinis hunc locum transeunt, mulos onerarios à Yaguarô sibi abreptos, frequenter mihi querebantur. In trajectu item fluvii Aguapey, ad cuius litora Quaranium SS. Cosinæ, & Damiani oppidum, anno 1760. multum Indis spectantibus ab affiliente eadem bellua apprehensum, eorum Parochus Pater Joannes Baptista Marqueseti Fluminensis mihi retulit. Yaguarô fluviorum altis gurgitibus fere immoratur, sed in ripis editioribus specus sibi ingresses fodit, ubi & se, & sobolem abdere suam quest. In litoribus altis Paraquayi fluvii immanis sæpe fragor a nobis noctu navigantibus exaudiebatur, quem ex specubus illis ab aqua alluente exesis, & demum dehiscantibus ortum navitæ mihi, militesque affirmarunt.

## Aò.

Dirissima bellua, capite, unguibusque tigrinis, molossi grandioris magnitudine, caudæ expers, feritate singulari parique velocitate prædita a Quaraniis Aò dicitur, quæ vox vestitum significat, sed hinc feræ indita fuit, quod ex ejus lana vestem sibi Barbari quondam contexuerint. Gregatim jam per stagna, locaque palustria, jam per sylvas ab hominum strepitu remotiores vagantur. Quod si forte Indum venatorem obvium sibi habeant, de ejus vita conclamatum, puta, nisi vel celerrimo cursu, vel arboris celsioris ascensu unguës, dentesque crudeles declinarit. Quamvis nec altissimis ramis insidens de securitate sit cærus; Nam feroces belluæ arborem scandere cum nequeant, ejus radices unguibus fodiendo eruunt, dum denique illa cadente optata sibi præda potiantur. Optime sibi consuluerit Indus periclitans, si, quidquid telorum in promptu est, in insidiatores avidos exonerarit. Hæc Indi, Hispanique indigenæ uno omnes ore referunt, creduntque. Ego licet tantis itineribus jam pedes, jam eques defunctus tot Paraquariæ sylvas, campos, paludesque peragrarem, ejusmodi bestię ne umbram quidem conspexi. Ex quo istas feræ nec frequentissimas esse, neque toti Provinciæ communes, jure conjicio. Universa utinam Paraquaria exularent! Animal ferocissimum, quod Famacosio dicunt scriptores, ab Aò solo nomine differre, plerique opinamur.

## Capiguára porcus aquatilis.

Porcus fluvialis à Quaraniis Capiguára, ab Abiponibus Atopéhénra dictus & fluvios majores,  
&

& rivos non maximos habitat, quamvis, cum gramine vescatur etiam, propinquos in campos pabulatum excurrit non citra agrorum stragem. Adultus suam bimam vulgarem corporis mole æquat, & figura propemodum exprimit, nisi quod capite vasto, globoso, barbulis labrum superius occupantibus ad felis similitudinem nonnihil accedat. Auriculis brevibus, oculis magnis nigricantibusque, ore latissime quidem patente, labiis tamen arctioribus, pilis fuscis, curtissimisque instruitur, canda penitus caret. Præter duos dentes curvos, longioresque, qui ex ore prominent, dentibus octo supra quadraginta armatur in summitate planis, inferius concavis, eaque ratione in alveolos, ossaque diversa insertis, ut & longum sit, & arduum id verbis explicare. Pedes illius porcini sunt. Anteriores quaternis, posteriores ternis duntaxat ungulis pollent. Gregatim nant, ambulanteque hæ bestie, in tranandis fluviis ad stuporem celeres. Noctu asinorum more rudunt, viatoresque, rerum Americæ incisos, territare solent aliquando. Earum caro suillæ persimilis equidem, sed cum piscem oleat, a solis fere Indis comeditur. Nefrendulos tamen vel ipsi Europæi in deliciis mensæ numerant. Capiiguaras seu hasta, seu sagitta, seu globo ferire haud artis est, sed felicitatis sauciatas capere. Nam accepto vulnere, ut sunt natatores, urinatoresque eximii, sub aquis se abdunt illico, & hastam, sagittamve sibi inhzrentem secum abripiunt, quod ipse iterum, iterumque spectavi. In magno Parana navigans porcorum huiusmodi gregem in litore conspicatus excendi. In confertam multitudinem ictu minime casso exoneravi sclopum, fructu tamen nullo; Omnes enim, quin unus porro videretur, in flumen præcipitarunt. Abipones, qui huic venationi frequenter dant operam, porcum saucium



cium natantem natantes persequuntur, dum denique sub aquis assequantur. Pellis Capiquaræ admodum crassa est, & si ab alutariis rite subigeretur, magni ad varia usus foret.

### Lutra.

Lutris, quas Hispanus Nütrias, Abipon Nichigehè vocat, amnes, lacusque Paraquariæ ita replentur passim, ut ranis lacunæ Germanicæ. Ab Europæis, ni fallor, vix ulla redifferunt, nisi quod aliquantulum mihi videantur minores. In territoriis, quæ Abipones occupant, & quæ urbibus sanctæ fidei, Cordubæ, Corrientes magis imminet, major est earum frequentia. In remotis Boream versus Mocobiorum, Tobarumque contuberniis lutræ vel nullæ, vel certe rariores. Multiplex ex illis utilitas in Barbaros redundat. Earum carne vescuntur. Pelliculas pedibus rescissis bene quadratas paxillis ligneis, ut siccentur, solo affigunt fœminæ; Siccatas rubro colore pingunt ita, ut fritilli lineas exprimant; Ex his pelliculis sola manu diligenter subactis pallia scitissime consuunt artificio tanto, ut neque futuræ, neque pellicularum commissuræ vel ab oculatissimo detegantur. Spina subtilis, ut sutoribus subula, pro acu, tenuissima fibra ex caraquatæ carduo pro filo illis est. Ejusmodi palliis, quæ omnino quadrata mantillis, vel linteaminis instar, contra rigidiorẽ Austri aspirantis anram diu, noctuque se se tuentur Abipones; Quin & Cœlo æstuante vetuli, vetulæque idem pallium circumferunt pilis jam introrsum, jam extrorsum, ut cuique lubuerit, conversis. Verum, dum sudore diffuunt Indi, hoc pallium odorem exhalat circumstantibus molestum, cum lutrarum pelles fo-

minarum duntaxat manibus subactæ fuerint, non a pellionibus maceratæ, concinnatæque. Fluvii, lacubusque diutina Cœli siccitate prope ad incitas reductis, ad venandas lutras potissimum excurrunt Abipones. Cum enim aquæ jam breviores vadum præbeant, vertagorum turba, præmissa lustrarum centurias plures stipitibus impactis uno interficiunt die, quamvis mordacissimæ sint bestiæ, dentisque admodum perniciosi. Hinc ex illarum cæde & Indi, & Indorum canes vulnera referunt non raro, nec paucos intra dies sanabilia. Experimento id didici meo. In amne Narahagem hamo piscabar. Canis meus Yapitalakà in lutram ex aquis prospectantem irruit. Natantes ambo, jam hoc, jam illa caput ex undis attollente, luctabantur pertinaciter, victoria diu in neutram partem inclinante. Yapitalaka denique meus lutræ dentibus in latere sinistro misere sauciatus ad me rediit, risu jam defatigatum. Enim vero duelum hoc a natantibus ad horæ quadrantem productum vel ipse cato spectaculum cachinno decumano dignissimum judicasset. Luculentum canis vulnus, quod liagendo curabat, coaluit demum, sed mensium aliquot intervallo iterum, iterumque recrudit. Ex quo, quanta lustrarum dentibus pestis insit, arguere capi.

### Fibër, seu castor.

Fibri, Canes Pontici, seu Castores ad lustrarum classem pertinent equidem. Sed, quamvis ab ædium suarum architectura, a pilorum mollitie, a castoreo, quod pharmacopœis ministrant, medicamento passim celebrentur, nihil de iis mihi memorandum putavi, quippe Paraquariæ solo tam ignotis, quam in Ame-

America Boreali frequentibus. De hac qui egerunt, scriptores consule, in hoc de castoribus argumento satis, superque prolixos.

### Yguana, lacertus.

Yguana quadrupes (Teyu guazù Quaranijs, Navolgaik Abiponibus) lacertorum ex genere, & draconum, quem pictores Divo Georgio equitanti substerunt, majori ex parte similis. Ulnam longitudine excedit interdum. Vasti abdominis. Pellis vestitur squamis colore viridi, albo, flavoque, quin & rubro eleganter pictis. A capite ad caudæ extremitatem pinnæ eminebat serræ instar denticulata spinam dorsum coronat. Cauda ejus & crassa & prælonga quibusdam veluti annulis, maculis hinc illinc rubris admixtis, interstingitur, ac in tenuissimum desinit acumen. Oculi amplius & nigricantibus, naso ad labiorum fines bipatente, dentibus curtis, lingua bifurca, quam irritata celerissime agit, pedibus quatuor, digitis quinque inferius plantæ instar latioribus ac tela exili subductis, quod ad natandum confert, est instructa; Jam enim aquis innatat, jam arbores scandit, jam in ædium angulis delitescit diu, inedix, si quod aliud animal, tolerantissima. Nemini mortalium noxam infert. Alveariorum melle, volucrum ovulis, malis aureis, citrinis dulcibus, aliis arborum frugibus vescitur. Vitæ est supra fidem tenax; Quamvis enim pelle nudata jam, crebris ictibus, vulneribusque ejus capiti inflictis hand exstinguitur, nisi cervice demum resecta. Ut horrida Yguanz figura aspectantium perterret oculos, sic ejus, maxime si junior sit, caro candidissima palatum oblectat plurimorum. Illam a Socio meo deceptus semel pro pisce, pro pullo comedi alias, & gratissimi esse

esse saporis pronunciavi. Nunquam tamen, ut sciens Yguanâ vescerer a me potui impetrare. Tantum exterior illius species & mihi, & plurimis aliis peperit horrorem. Pater Josephus Gumilla in novi regni Granatensis Colonis annos plurimos versatus in sua fluminis Orinoco historia fatetur, se ab Yguanæ esu semper abhorruisse vel hoc nomine, quod illa perinde ac quisque alius serpens, dum tabacæ folium ejus faucibus ingeritur, confestim emoriatur, quo experimento inductus Yguanam serpentum familiæ accensuit, ac de veneno semper habuit suspectam. Verum hanc suspicionem & mea, & aliorum, qui Yguanæ carnibus impune usi sunt, experientia evidentissime discussit. Yguana continuatis per totidem dies partibus ova enititur, circiter quadraginta: Rotunda sunt, juglandis magnitudine, albi, luteique, uti gallinarum ova, coloris. Eduntur a quibusdam in sartagine friza. Illis, cum nativo adipe turgeant, olei butyrique loco parum aquæ infunditur. In capite yguanæ lapillos interdum reperiri, ajunt, qui in pulveres contriti & salubri cum potione hausti, vel corpori duntaxat adstricti calculum in renibus comminere, aut expellere dicuntur. Alii lapidem, qui pondere suo unciam æquat, candidum in, nescio, qua Yguanæ parte inveniri aliquando, affirmant, qui redactus in pulveres, potusque cum aqua tepida lotii detenti cursum promovere, putatur. Ego quidem nec ejusmodi lapidem, neque lapillos vidi unquam; Nunquam eorum virtutem exploravi. Alia præterea lacertorum genera, quibus alia, aliaque forma, color alius, in Paraquaria videntur passim, sed nihil singulare, quod de illis referam, habeo. Chamæleon, lacerto similis, rarissime videndum se præbet. Unicum e lintre, qui

hum

humis stratus in litore procubuit, proflientem obiter vidi, quin tamen illum observare mihi vacavit.

### Lupi fluviatiles.

Fluvii plerique, quin & minores rivi duplicem luporum speciem educant. Majores Oanelkiraik, minores Lakopàch ab Abiponibus dicuntur. Istorum catulos fœminæ Abiponenses domi cicurant quandoque, uberibusque suis, cœni proles, admotos lactant. Canum quoque catulis idem amoris officium præstant nonnullæ, quamvis citra gravissimam mariti offensam, & repudiationis periculum alienam sobolem lactare nulli liceat uxori. Hos lupos, qui sub aquis fere latitant, etsi ad ripas egrediantur sæpe, vel cavatis in litore altiori specubus immorentur aliquamdiu, spiculis variis trucidant Abipones, quibus licet eorum caro minime sit esculenta, pellis tamen fusca, & per intervalla flavescens, pilique blandissimi usui esse solet. Quoties lupi, ut alias memini, adverso nant flumine, & festiva corporum jactatione veluti choreas agere videntur, aut alluvionem propinquam, aut procellam sæviorem portendunt. Ex repetitis per majora flumina navigationibus id mihi compertissimum. Sane pereundum nobis erat semel, nî malo luporum omine bene usi fida in statione navim collocassemus nostram; Auster enim procellosissimus in fluvio Paraquay pertinacem adeo concitavit turbinem, vel in portu triduum ipsum ut trepidaretur.

### Lupi marini.

Lupi marini vasti corporis mole eminent, ac in flumine argenteo quoque spectantur innumerabiles;

maxime ad ostium, per quod in mare devolvitur. Prima, quæ id flumen ingredientibus insula occurrit, a lupis nomen habet (la ysla de lobos) quibus abundat. Eorum greges istuc ambulantes ipsi conspeximus, risimusque matres navis nostræ strepitu perterritas cum parvulis suis hac illac diffugientes. Adipis plus, quam carnis habent, ut adeo extrema solum fames eos reddere queat esculentos. Eorum tamen pellis eleganter flavescens nigra per tergus linea insignis, pilique mollissimi pretio sat magno venit Europæis. Socii nostri, qui Philippi quinti Regis jussu Magallanica litora lustrârunt, in suis de hac navigatione commentariolis narrant: Lupos marinos istuc juvenum prope biennem magnitudine superare: Arenoso in litore elatis columnæ instar corporibus sæpe luctari: Hallucinari Geographorum multos, qui his lupis & jubam, & leonum marinorum nomen affingunt. Quamvis haud desint, qui & lupos, & leones marinos existere contendant. Mihi istuc nec feritur, nec metitur, sententiam ferant alii. Ego litem esse de nomine, opinor.

### Ranæ, Bufones.

Pedisequarum instar amphibiorum agmen claudant Bufones, & Ranæ, quibus non fluvii modo, omnes, lacus, & paludes, sed & ipsi, quoquo te vertas, campi Paraquariæ implentur. Sed quis demum illarum usus, quæ occupatio? Veterem in limo pergunt cantare querelam, cum tamen nulla illis sit in Paraquaria. conquerendi causa; Nam illic è ciborum numero expunctæ, culina omni exclusæ nec amatores habent neque insidiatores, atque adeo plenissima vitæ securitate potiuntur, ranis Europæis feliciores utique, quæ jam elixæ, jam frixæ ad oblectan-


lectandum palatum sapissime, sæpe ad valetudinem restaurandam absumuntur, me nemini equidem invidente. Ad ranarum progeniem internecione delendam optaveram dudum, ut ad eas vorandas Indi edacissimi animum adjicerent aliquando; Incredibile enim, quantum nos in lacuum, amniumque litoribus sub dio dormientes tot ranarum coaxantium chorus defatigârit. Ut colorum illis, sic vocum mira est varietas; Lenem, clarum, acutum sonum edunt aliæ, aliæ, fors annosiores, aspero, rauco, gravi boatu stygiis his cantatricibus consonant. Plaustri male uncti stridor multo tolerabilior cuique videatur. De Bufonibus, hirudinibus, aliisque insectis noxiis alio loco agemus. Rana ægergetetè, Bufo Hiymeya ab Abiponibus appellatur.

## Aves.

Avibus Eûropæis, præter hirundinem, fere omnibus destituitur Paraquaria, sed abundat indigenis, Europæ prorsus peregrinis. Illæ cantus suavitate, hæ plumarum elegantia præcellunt. Paucas e plurimis describam.

### Picaflor avicula.

Oculos maxime percellit avicula omnium minutissima simul, simul pulcherrima. Hanc Abipones vocant Oachimiegrata: Hispani jam Picaflor, jam lisongero jure appellant; Nam flores, è quibus apum instar succum sugit, vellicat. Plumarum, colorumque venustate exquisitissima oculis blanditur. Corpusculum ejus, quantum est, olivam majorem, vel nucem moschatam vix excedit. Rostellum prælongum, sed acu gracilius, oculos vividissimos, lin-



guam largam, sed filo serico subtiliorem habet. Sibilum, ægerrime percipi qui possit, suavem edit aliquando. Ruri in sacello quodam dudum deserto ejus nidum inveni, juglande vulgari vix majorem ex duobus muri angulis seta equina unica suspensum, in quo mater duobus ovulis, quæ pisi hujatis instar, tunc incubabat. Ex nido aviculæ tum exilitatem, tum levitatem conjicies. Illius plumæ jam læte virides, jam (Novem enim species Picaflor aviculæ deteximus) cæruleæ, jam crocei, ignei, rubri coloris; sed omnes auro fulgentissimo videntur vestitæ. Earum splendorem, dum a sole illustrantur, oculus haud fert humanus. Aureus ille color, qui seu in cauda pavonis expansa, seu in collo anatis refulcet, umbra est, si cum aviculæ istius fulgore aureo conferatur. Succum e floribus dum fugit, haud insidit pedibus, sed ex aere pendere videtur, semperque pennis veluti suspensis, & tremulis per auram celerissime circumfertur. Ejus generis aves domi captas habuerunt nonnulli, & quamvis saccharo aquis liquato aluerint diligenter, vix ultra quatrimum superstites eas viderunt, soli quippe florum nectari assvetas. Indi Peruviani ex plumis, quas natura exquisitissimis coloribus pinxit, inauravitque, icnunculas olim concinnasse scribuntur adeo elegantes, ut penicillo artificii expressas, bracteolisque aureis vestitas quisque jurer. In contemplantis his aviculis, quæ passim obvix in Paraquaria, defixis sæpe, attonitisque oculis hæsi, plusque admirandam putavi tantam tantillo in corpusculo venustatem, quam Iliadem vastam homeri in angusta nuce. Cuius Europæo adventæ: Nescio, quæ parvis gratia rebus inest! Lubuit exclamare aviculâ Picaflor primum conspecta, suspicereque maximum in minimis quoque rebus conditorem Deum. Istas aves, quarum vulgatum nomen Picaflor inter



Hispanos, alii etiam Colibros, Quentos, Quindos, Rabilargos, Quachichil. &c. appellare consueverunt suis in lexicis. Apud Germanos die Blumenhacker audiunt, Rectius; Die Blumenfanger dicerentur.

## Condor Vultur.

A minima volucrum ad maximam transeamus. Condor, vel ut alii scribunt, Cuntur, accipitrum de genere in Tucumaniz, aliisque eminentissimis alpium jugis frequens habitat, unde ad subjectas valles, pecudes prædaturus, devolare consuevit. Magnitudinis est propemodum incredibilis. Illius alæ expansæ ab extremitate altera ad alteram ad decem circiter (tunc ad sexdecim aliquando, ut alii scribunt) pedes porriguntur. Pennarum singularum tubulus, quo scilicet ad scribendum utimur, virilis digiti latitudinem æquat. Occisi Condoris alam, quæ Cordubæ nostro servabatur in collegio, spectavi, manibus contrectavi, haud tamen mensus fui. Unguibus Gallinarum acutis, rostro valido tamque mucronato instruitur, corium bubulum pertundere ut queat. Coloris est atrii, plumulis candidis per intervalla interspersis. In vertice, Gallorum more, cristulam gerit, haud tamen denticulatam. Robore pollet singulari animantibus quibusque metuendus, maxime vitulis, equulisque recens in lucem editis, quos, effossis rostro oculis, perimit, consumitque, quod meis ipse oculis spectavi. Agnos per aerem raptare, dicitur. Quantam armentis, gregibusque stragem inferant quotidie, fidem superat. Ad rapidam plures semper convolant, & multitudine formidabiles in adultas etiam bestias invadunt. Saturi jam, & onerato carnibus stomacho graves avolare cum nequeant, vomitu procurato stomachum exonerare

fatagunt, leviores ut fiant, & ad volatum expediti. Quod cum adverterint crebro Hispani prædiorum custodes, carnem bubulam sale copioso conspersam condoribus objiciunt. Hanc avidissime devoratum vomitu egerere nequitiam cum possint, volatus impotes, hac illac per campum curfitantes stirpibus lapidibusque passim mactantur. Ex quo, quam beneficum sal sit humano etiam stomacho, liceat conjectare. Alias turmatim advolantes condores ad audientium terrorem alarum ingentium jactatione immanem edunt stridorem. Pennis in aera sublatis nostris passeribus vix majores videntur. Adeo sublime feruntur. Et volantes, & in campo pecoribus insidiantes, dum alpes Cordubenses peragrabam, spectavi plurimos, & eorum vasta corpora non potui non demirari. Vultures, qui in variis Germaniæ alpibus rupicapris insidiantur, ut ut prægrandes, cum Americanis Condoribus comparari haud posse, semper existimavi.

### Struthio.

Struthio in Paraquaria magnam partem campestri frequentissimus Europæis notior est, quam ut ejusforma describi multis a me debeat. Illius tamen proprietates, quas nosse neminem pigeat, obiter adnotabo. Hæc avis ab Hispanis Avestruz, ab Abiponibus Gejenk, ab alijs Chuni dicitur. Alitibus adnumeratur struthio, quia alatus, quamvis alis pro tanti corporis pondere imbecillioribus non ad volandum utatur, sed iis, veluti velis, remisque ad accelerandum cursum pedestrem adjuvetur, vento præsertim secundo aspirante; Contrarius enim ejus cursum retardat. Maxime ardua est illius insectatio; Non solum equidem pernicitate summa, sed & per anfractus, ambagesque

fu,

fugiens procurrit. Ad hunc igitur assequendum equus venatoris celerrime insequentis tanta habenarum inflexione, mutationeque viarum turbatur sæpe, sternitur, sternitque fessorem. Ad struthionum venationem & equis, & equitibus strenuissimis opus esse, inde conjicias. A peditibus, nisi adeo numerosi sint, ut struthiones velut indagine cingant, rarius, difficiliusque capiuntur, visa hominis umbra fugacissimi. Collo erecto adstantes viri quantumvis proceri verticem attingunt, id quod colli duntaxat, & pedum longitudini tribuendum; Caput enim struthionum exile admodum. Oculis minutis prolixum incubat supercilium. Corpus agnum pondere æquat. Eorum carnem magnopere appetunt, dilaudantque Indi, multo plerumque adipe fartam. Hispani neglecta carne cætera eorum alas avide consumunt, portionemque struthionis nobilissimam putant. Illis & ego vescabar aliquamdiu, sed suborta dein' nausea ab eorum esu abhorruī semper. Ex struthionum pelli-  
bus manticas, bursas, pulvinaria Concinnant sibi Abipones. Pellis partem eclunibus avulsam pro capitis tegumento ceu galericulum adhibent. Maximus variusque est plumarum usus. Ex iis confiunt passim muscaria, flabella, umbellæ, quas & Hispani nobiliores, & Abiponenses fœminæ, quoties equitant, soli opponunt, ne illius ardore vultus fuscerentur. Abipones masculi, qui faciem solaribus radiis tostam militibus decoram existimant, ejusmodi umbellis abstinent religiose. In postica ephippiorum extremitate Indi, cujuscunque sint nationis, struthionum longiores pennas erectas figunt; Hæ siquidem, cum equo gradiente moveantur identidem, muscas, tabanos, crabrones, culices undique assiliētes arcunt plurimum. Struthiones fœminæ, quotquot vicinæ degunt, ova sua eodem in loco deponunt, e quibus

subinde, nemine curante, coeli aestu excluduntur pulli. Istos masculi, non foemellæ alunt. Hi ova adhuc plena, ne in lucem jam editis esca desit, a se contracta parvulis alendis impendere solent. Atque adeo fratres nondum nati a fratribus recens natis vorantur. Eodem in nido sexaginta, quin & centenis plura inveniuntur aliquando ova, &, ut gallinacea, jam frixa, jam aqua ferventi cocta ab Hispanis perinde, ac Indis comeduntur, difficilius tamen, si vinum desit, tardiusque a stomacho digerenda. Nobis iter agentibus per solitudines pro lauto sæpe epulo fuerunt. Ovum unicum pluribus saturandis sufficit; Nam sex, & triginta ova gallinacea in unicam ovi Struthionis testam possunt evacuari. Id medici anonymi, quid id experimentum a se factum scribit, autoritate confisus, affirmo. Num ita sit; experiri cuivis licet, cum struthionum ova in pluribus aromatatum tabernis venalia, certe spectanda prostant Vindobonæ, ubi hæc scribo. Ovorum struthionis testa, firma est, & ceu vas testaceum, variis opportuna usibus. Aquæ lustrali servandæ a quibusdam adhibetur; Aris templi ornandis alicubi affigitur. Nam turcos quoque, ac Persas ejusmodi ova e Laquearibus delubrorum suspensa lampades inter ornatus gratia collocare, scribunt nonnulli. Nunquam sine nausea spectavi, ova struthionum jam putida, in quibus embrio spectabilior jam, ab Abiponibus sibi deligi, avidiusque vorari. Nil tamen id mirabar, cum & vitulos, qui e Vaccæ jugulatz utero eximuntur, embriones Indis omnibus in deliciis esse sim expertus. Struthiones gramine, tritico, frugibus, obviis quisquiliis in campo vescuntur. Quod si quid ferri, vel ossis imprudentes glutiverint, id indigestum, nullaque ex parte alteratum egerunt subinde. Sylvulas campis interjectas, ubi

um.

umbrâ frui liceat, amant cumprimis, maximeque frequentant. Volupe mihi fuit proficiscenti, illos manipulatim inde egredientes, obambulantesque spectare. Sed enim breve id spectaculum erat; conspecto enim eminus equite, pediteve protinus dilabuntur. Capti adhuc juvenes citissime manscunt, Gallinarum, Canumque ritu forum perambulant, vel domus aream, cum pueris nugantur impavidi, neque, etsi propinquus sit, ac in conspectu campus, diffugiunt unquam. Vix ullum est Indorum oppidum, ubi cicures ejusmodi struthiones non videas. Noveris præterea, in variis terrarum tractibus variam esse struthionibus magnitudinem, habitudinemque, ut pluribus usu venit feris, plantis, arboribus. Qui enim in campis Boniaeris, ac Tucumanæ versantur, grãdiore sunt, plumisque tum nigris, tum candidis, tum cinereis vestiuntur. Alii freto Magallanico viciniore minus corporis, plus venustatis ostentant; Eorum enim pennæ nivæ in extremitatem nigram, nigræ in niveam elegantissime desinunt, Europæorum cassides, pileosque insigniter ornaturæ. Umbrellas ex his contextas maximi faciunt nobiliores Hispani.

### Tuncà.

Tunca rostro potissimum est memorabili, quod longitudine toti ejus corpori respondet. Est papyri instar levissimum, citrini coloris, lineâ rubra, nigraque macula circa extremitatem distinctum, in marginibus ferræ instar denticulatum. Linguam habet prælongam, oculos grãdiore, quos circulus minor subviridis, major alter insigniter flavus circumdat. Majori ex parte ejus plumæ nigrescunt, præter collum, quod candidum, & caudam in ex-



tremitate eleganter rubram. Sunt, quibus nigri coloris loco cæruleus est. Magnitudine columbam æquat. Tuncà a quibuedam el pajaro predicator, avis prædicator dicitur ob sonantiolem, credo, vocem. Vix aliis sociatam videbis hanc avem. Sed neque adeo rara est, ut per viam non frequentissime conspiciatur. Seminibus maturis Caa arboris, ex cujus foliis herbam Paraquaricam conficiunt, vescitur; Verum cum illa, quippe nimium glutinosa, digerere haud possit, integra egerit, e quibus novæ passim arbores, ac ex illis multiplicatis sylvæ oriuntur demum, incredibilem indigenarum cum quæstu. Abiponem novi Yaaukanigam, qui pugnaturus rostrum ingens Tuncæ naribus semper illigavit suis, quo hosti coloniam invasuro se redderet terribiliorem.

### Cardinalis.

Eximia cantus suavitate eminent Cardinales, & canariis hujatibus palmam, me iudice, præriperent, si ut istæ, vocem crispare uno spiritu nossent. A fulgente purpura, qua plumæ illorum omnes superbiunt, nomen Cardinalium nacti sunt. Vertex solus capitis cristula nigra, veluti galericulo, ornatur. Sunt carduelium magnitudine. Ad campos sterilissimos, ubi carduorum plus, quam graminis nascitur, turmatim convolant, & nullo negotio a pueris capiuntur; His acum unicam si dederis in urbe correntina, Cardinales vivos tres, quatuorve tibi porrigent. Gallum istie Laicum nostrum decrepitum novi, qui avium purpuratarum cantu adeo capiebatur, ut integrum earum conclave annis pluribus aleret. Alios vidi Cardinales prioribus cætera simillimos, sed multo majores, quippe sturno pares,

## Chopì.

Chopì, hirundinibus mole æquales, plumis fuscis, sed si a sole illustrentur, cæruleis vestiti passerum Europæorum ritu turmatim per tecta, agrosque tritico quovis confitos circumvolitant, cantumque auribus jucundum callent. Fuit, qui sub meridiem panis micas, granaque minuta per domus aream quotidie sparserat, ad quæ absumenda numerosissimum semper-istarum volucrum agmen stata hora convolavit. Minutissimæ quædam aviculæ, nomen ignoro etiamnum, in hortis arborum ramos inter suavissime concinunt; Sed captæ caveam haud diu ferunt.

## Quirapù.

Quirapù, quod vocabulum apud Quaranos avem tinnientem significat, cum ejus vox campanulæ instar tinnulum metalli sonum edat. Columbam refert. Cinerei, vel subalbi coloris est. Oculus habet perpulchros, caput amplum, ingluviem viridem, quæ, dum clangit, inflatur. Nulli diu stationi immoratur. Ex arbore ad orborem celerrime transvolat. Hinc & rarissime & difficillime capitur. Aves aliæ ejusdem nominis (Quirapù mîrî) sed minores, colorisque candidi cum fusco mixti catervatim volant, una illarum resonante cæteræ omnes conticescunt.

## Tiñini.

Avis Tiñini noctibus potissimum humanam imitatur vocem, & in sylva dormientes advenas terreat non raro, cum vel hostis affilientis, vel hostilis

lis exploratoris ingerat suspicionem. Memini quemdam noctem prorsus insomnem idcirco egisse, ut ipse mihi dein est factus.

### Tijeras.

Avem, nostrate passere minorem, undique albam Hispani Tijeras, forcem appellant, quod caudam e duabus pennis & longis & candidissimis compositam forcis instar identidem jam aperit, jam claudit.

### Columbæ variæ sylvestres.

Apicazù, Yeruti, aliaque columbarum sylvestrium genera gregatim oberrant, agris, hortisque perniciem inferunt non mediocrem, avis maxime, si quæ in vitibus, quas formicæ plerumque corrodunt, reliquæ fuerint. Colorum varietate incredibili oculis blandiuntur conspectæ, sed assæ, vel elixæ palato magis.

### Iñambù.

Iñambu Quaraniis, Abiponibus Uimifal, vel Nahàl, Perdiz Hispanis Camporum planitiem omnem occupat. Partim perdicis, partim coturnicis speciem refert. Ejus caro candidissima equidem est, & boni saporis, sed sicca admodum. Avem stupidiorẽ, & quæ facilius, frequentiusque capiatur, vix uspiam deprehendas. Illam in cespite confidentem circumit aliquoties eques, eamque pariter circum euntem vel loro longiori, quod pro habenis est, vel tenui arundine sternit. Innumerabiles Urbis boni aeris inferuntur quotidie, & levissimo pretio veneunt.



## Martinetes, & Gallinetas.

Perdicum quoque e genere censentur alix Gal-  
lina vulgari maiores, colorum varietate ornatissimæ,  
crista eleganti insignes, jucundique saporis. Ab Hi-  
spanis dicuntur Martinetes, & Gallinetas; Ab Abi-  
ponibus Yauik Loapèl ob Cassidem plumis ruberri-  
mis splendentem.

## Phasiani species

Nusquam desunt in Paraquaria volucres, Pha-  
sianis Europæis aliqua ratione similes. Frequentior  
est, quam Quaranii Yacù, Abipones Akilgitá, Hispa-  
ni la Pava, Indi alii Charrata vocant. Pullo adul-  
tidri magnitudine par, nigerrimi coloris, carnis op-  
timæ. Sylvas amni vel lacui propinquas maxime  
insidet. Sole vel occumbente vel oriente plurimas  
eadem in arbore deprehendas. Una sclopo prostratâ  
reliquæ haud avolant, sed eodem in ramo, cui in-  
sident, tantillum recedunt, remanentque, ut adeo  
repetitis sclopi ictibus necentur universæ. Id specta-  
vi ipse frequenter, magnopereque mirabar, has vo-  
lucres nec nitrati pulveris tonitruu terri, neque so-  
ciarum mortibus ad fugam impelli. Tanta equidem  
eadem in statione pertinacia, ut militi commilitonum  
inter funera in acie intrepido laudi datur, sic incre-  
dibilem harum avium arguit stupiditatem, a qua lon-  
gissime absunt pleræque omnes pennati generis feræ,  
cum minimus ferè strepitus illis fugandis sufficiat.  
In oppido S. Ferdinandi, quod sylvæ, lacusque am-  
biebant, Pater Josephus Klein per vicennium ejus-  
modi phasianôs Paraquarienses innumeros trajecit.





## Mbituù.

In Phasianorum classe majori jure numerandus videtur Mbituù avis Gallo Calecutensi, quem vulgus Indicum appellat, propemodum par. Pennæ ejus nigerrimæ in albam extremitatem desinunt; Venter tamen colore perdicibus proprio variatur. In vertice cristam, mitræ instar, plumis nigris, albisque, ac ferici more blandissimis conspicuam gerit, quam, quoties, excandescit, arrigere consuevit. Rostro armatur longo, adunco, & nigricante. Cauda illi proluxa, & fere expansa. Caput elegans oculis grandioribus nigris, clarisque ornatur. Crura altissima digitis quatuor Gallinaceis insistent. Talem in S. Joachimi oppido domi nostræ aluimus aliquamdiu; Cito enim manscescit, & loco gaudet editiore. Nemo est, qui tenerrimam ejus carnem non dilaudet. Utinam, quam optabilis in mensa, tam frequens in sylva venatoribus Indis occurreret!

## Pfittacorum genera.

Pfittacorum varietatem, multitudinemque prope innumerabilem dixero. Singulæ eorum species corporum conformatione, voce, plumis differunt luculenter, ut legionarii milites vestium colore, armis, signisque alii ab aliis dignoscuntur. Pfittacus quicumque ab Hispanis loro, vel Papagayo, ab Abiponibus Kahaoſa dicitur. Quaranii diversis Pfittacis diversæ, ut mox dicam, nomina indidere. Mihi notissimi sunt: Paracauteë. Paracaubay. Iribaya. Aruay. Tui. Mbaracana. Quaa, aliis Quacamayo, Abiponibus Natalgela Latenk. Caninde. Catira, Abiponibus Kikilk, aliique quam plurimi, quorum, etſi figura oculis obſerſetur meis, nomina tamen me-

moriâ excidere. De singulis, mihi notioribus, memorabo præcipua. Paracautē verum legitimūque psittacum significat, qui majori scilicet præ cæteris ingenio, docilitateque pollet ad voces hominum, ferarumque facilius, feliciusque imitandas. Magnitudine Columbæ juniore par, viridibus pennis, sed & flavis, rubris, cæruleisque in capite, alis, & cauda affatim ornatur. Talis mihi (Don Pedro vocabatur) per quinquennium fuit, multis, magnisque mecum itineribus defunctus. Vocabula plurima, quinquæsententias integras Hispanica, Quarantica, & Abiponica lingua articulatè pronunciabat. Cum his enim nationibus per intervalla sum versatus. Cantunculam Hispanicam belle didicit. Tussim præterea violentam, risum, fletum, latratum, & trecenta alia dexterrime expressit. Hominem te audire, jurasses. Quoties eques iter feci, vel pedes obambulavi, humeris insedit meis semper vocalis, semper nugax. Si quando seu clamorem ejus, seu pondus jam pertæsus Indo comiti illum portandum tradidi, ejus momordit auriculam iracundus, & ad me revolavit. Indam Quaranicam asino insidentem, quæ nobis in itinere obvia, cachinnis sonantissimis diu est profectus. Toto etsi die in humeris conquiesceret meis, sole in occasum declinante jam Gallinarum more quietis avidus indignari cæpit quotidie, & alarum jactatione, repetitisque auriculæ meæ morsibus, iter tandem ut abrumperemus, me commonefecit. Postridie consensu rursus a me equo lætissimus nulum fecit cantandi, cachinnandique finem. In oppido dum commorabar, funem prælongum in domus ambitu duabus e columnis suspensum interdum perambulabat; Noctes enim in meo egit cubiculo, ne a felibus raperetur. Triclinium ingredientem me mox advolans secutus est. Nobis prædentibus men-



sam excubitoris more percurrit omnem, & ad Indum, qui ciborum reliquias cum scutellis asportaturus accesserat, mordendum iratus semper accurrit. Quidquid ei dapum arriserat, delibavit, rapuit, glutitque. Interdum per domus aream spatatus in arenis, quas & pro medicina mandit sæpius, rostrum perfricuit, exacuitque suum. Alias nimbo præcipitante alis latissime explicatis, plumis capitis fœdissime arrectis, contortis hac illac oculis, ore hiantem tecti stillantis aquam procurrentem toto excepit corpore, spectri stygii instar visu horrendus, dum penitissime perlutus denique, & frigore tremiscens, veluti naufragio defunctus, portum meo in sinu inveniret, ubi & abstergendum se noverat, & calefaciendum. Ejusmodi balneo ad pediculos, qui avium cuti innascuntur, enecandos fuisse usus, mihi videbatur. Psittacum minorem alterius speciei, quod me illi blandientem invidis oculis observaverat, rostro configere tentabat aliquamdiu; sed adulatione parvuli victus demum eum non toleravit modo sub alis suis dormientem, sed etiam discipuli, & prope dicerem, filii instar habuit posthac. Quæ gravi voce pronunciavit senior, junior voce gracili repetebat omnia. Hanc scholam sine risu spectavit nemo. Quaranii psittacos, quot quot domi alunt, chorda longæ arundini pede uno illigatos habent, ad eorum fugam impediendam. Hæc nobis vincula displicere. Hinc Psittacis nostris alam unam mutilavimus tantillum, ne volare diu, neu procul avolare possent, ambulationis libertate penitus iis relicta. Meus ille Don Pedro tot annos fidelis, cum pennæ illi me inficio excrevisset nimium, avolavit, evanuitque. A plurimis nequidquam quæsitus nusquam comparuit. Lapso jam triduo celsæ arbori insidens me sylvam transeuntem vidit, & agnovit. Nec mora: Et rostri,

ftri, & unguium præsidio per ramos celerrime adreptans, suumque illud; *Don Pedro* identidem repetens ad meos humeros advolavit. Sed quamvis effusse mihi blandiretur, pennarum luxuriantium mutilatione transfugium mox luit suum. Mirabar sæpe, hunc Psittacum sententias, quas noverat, adeo opportune recitasse, ut illarum significationem intellexisse videri posset. Esuriens namque : *Fobre Don Pedro* Pauperculus Dominus Petrus, voce ad ciendam commiserationem appositissima iterum, iterumque dictitabat, dum denique radices esculentæ, panis vel quidquid aliud escæ sibi porrigeretur. Hæc de meo psittaco, cujus jucunda mihi etiamnum recordatio, prolixius forte commemoravi; ut, quantum possit vel apud feras disciplina, perspicias, easque præ multis Barbaris magistro suo magis gratas, magis morigeras esse, cognoscas. Fœmellæ præ psittacis maribus citius pleniusque humanas discunt voces. Talem socius meus habuit, quæ orationem Dominicam lingua Quarantica scitissime novit recitare : *Ore-ruba ybape ereybae &c.* Puerum præcantem audire mihi videbar. Id quod insolens profecto, ac admiratione dignum, cum aliarum avium fœmellas elingues propemodum, ac mutas fere experiamur. Nunquam comprehendere, quemadmodum psittaci ex ultimis Asiæ, Africæ, Americæ sinibus a Batavis, Anglisve advekti, menses, fors annos plures peregrinati linguam tamen seu Germanicam, seu Gallicam, seu aliam quamvis discant, sententias proferant, cum in Paraquaria non nisi implumes, e nido rapti psittacorum pulli ad locutionem imitandam habiles putentur. Enimvero adultiores omnino indociles experti sumus. Noctu potissimum, vel tenebricoso in cubiculo, ubi rei nullius imago eorum oculis, strepitus nullus auribus obiciatur, opportunissime, cœtissime-

Z

que

que loquelam doceantur. Quamvis & in domus area funi suo, vel perticæ inambulantes interdum canes latrantes, equos hinnientes, boantes vaccas, senes tussientes, pueros fistulantes, ridentes, flentesque sensim discant imitari, ad omnia attentissimi. Longo item rerum istarum experimento didicimus, psittacos quosvis a pueris, fœminisque, quibus scilicet vox suavior, felicius, lubentiusque, quam a viris erudiri.

Paracaubây dicti ejusdem, cujus Paracautêe, magnitudinis, ac figuræ sunt, nisi quod plumis solum viridantibus, cæruleis pauculis vestiantur, quin plumulam seu croceam, seu roseam capiti, alis, caudæ inspersam circumferant. Hi quoque natura magistra concionabundi deblaterant aliqua, quæ nemo intelligat. Vocem articulatam nec proferunt unquam, neque condiscunt, fruges consumere nati.


Aruay prioribus aliquantulum minor, formæ venustissimæ, coloribus item roseo, flavoque, & viriditate longe amænissima ornatus, ac, si magistri solertia accesserit, mire loquax.

Iribaya, carduelibus Europæis vix major, obscure viridis, plumulis rubeis, cæruleisque parce conspersus. Circulus albus, qui oculos circumdat, a cæteris eum distinguit. Vividissimi quamvis ingenii, garrulus, inquietus, mordax, hilaris, ad locutionem tamen condiscendam ineptus, ac stridulæ vocis. Quibusdam in sylvis innumerabiles oberrant adeo, ut alterius generis psittacus nusquam compareat.

Mbaracanà, aliquæ plures ejusmodi undique virides docilitate, venustateque omni carent, ab Indis tamen sæpe educantur. Tui plures in species di-

dividuntur. Pennarum viriditas omnes commendat. Illorum minimi digitum viri auricularem longitudine non excedunt, admodum festivi, & quibusvis aliis mordaciores.

Psittacorum, quos quidem Paraquaria gignit, omnium maximæ, elegantissimique sunt Quaa, vel ut alii dicunt, Quacamayo, & Canindè. Hic pennis cærulei, quem Berolinensem vocant, & flavissimi coloris; Ille ruberrimis, & obscure cæruleis omni ex parte ornatur. Illorum cauda pennis cubitum longis superbit. Eadem utriusque forma, & magnitudo, qua Gallum Gallinaceum longissime superant. Rostrum illis tam validum, corticem amygdali durissimum primo impetu ut confringant; caute propterea manibus contrectandi. Domi ultra, quam credi possit, cicurantur. In S. Joachimi oppido & Quaa, & Caninde mire mansuetos mensibus aliquot habui. In domus nostræ area totis ambulabant diebus. Alter ab altero avelli nunquam potuit; Sed consociati-usque rixabantur, ut illud poetæ: *Nec tecum possum vivere, nec sine te* in illos verissime quadrarit. Coelo sudo in turrim campanariam, quatuor e columnis ligneis, ut istic moris est, constructam per gradus ligneos, ascenderunt frequenter, unde concionatorum more, continua alarum jactatione, vocis contentione, variationeque maxima ad circumstantes verba faciebant, sed nihil prorsus significantia; vix enim loquelam condiscunt, nisi quod Quaa hoc nomen suum voce rauca articulate pronunciet identidem, clamoseque. Hos psittacos ad Boni aeris Gubernatorem victoriis clarissimum Petrum de Zeballos misi, id temporis in Quaranicq sancti Borgix oppido ad orientale Uruguayi litus cum quingentis equitibus desultoriis commorantem, qui, etsi admodum serius cætera, ac mi-



lirariter gravis has volueres in deliciis habuit, maxime Caninde, quod is dimachis suis, qui flavis pariter cæruleisque vestibus utebantur, concolor esset. Optavérám sæpe, ut Caninde pullus adhuc implumis e nido mihi afferretur, loquelam certissime a me docendus. Verum irrita hæc erant vota; Nam Indi senissimi quique in sylvis nati, versatique una omnes voce mihi respondere: *Tupá immonangára n'ose oiquad* &c. Deus omnium conditor solus novit, ubi Canindè nidos condat suos. In abstrusis nempe nemorum latebris, quas pauci subeunt, fortis abdere suos creditur, unde cum pullis adolescentibus ad campos patentes advolat demum, ubi palmæ humiles Yatai naves suas pro esca propinant psittacorum gregi. His in pascuis per latentes sub frondibus Indo Canindes plurimi Laqueis capiebantur. Vindobonæ in Cæsareo palatio, quod Belveder hodie audit, inter imagines, clarissimorum omni ætate pictorum artificia effigiem Caninde psittaci vivis, verisque coloribus optime expressam attonitus spectavi, optavique, eadem ut fidelitate Americæ res perscriberent historici, qua pictor Americanam hanc avem figuravit. Tot psittacorum species etsi seu venales prostant in mercatorum Ulyssiponensium tabernis, seu in hortis principum spectandæ passim exhibeantur, Caninde tamen psittacorum nulli venustate secundum nusquam deprehendi extra Paraquariam, quamvis & illa in provincia haud ubique terrarum visatur, cum, ut alii, quorum memini, elegantiores psittaci in sylvis duntaxat septentrioni propioribus incunabula sua, ac stativa soleat habere. In locis ad Austrum magis vergentibus Psittaci prægrandes, sed obscura viriditate tristes, inconditis clamoribus molesti nemora, præsertim palmeta gregatim pervagantur. Haud spernendi tamen, qui ibidem copiosissimi circumvolant, psittaci par-



parvuli alaudæ magnitudine, pennis pallide viridantibus conspicui, quos Hispanus Catitas, Abipon Kilk vocat. Hilares sunt, agiles, festivi, astuti, & ad verba aliquot pronuncianda sat dociles. Coriaceis in cavois passim servantur. Incredibile, quantam stragem agris tritico Turcico confitis inferant. Custodibus, qui eas identidem arceant, est opus. In Sancti Joachimi oppido psittacos novem, singulos diversi generis, nominisque, rotunda in tabula, quæ tornato pede sulcata ex alio in alium locum poterat transferri, collectos mensibus aliquot alui, observavique. Verum cum me absente felis vorasset aliquot, Aruay omnium venustissimus avolasset, superstites libertate donavi. Indi colorem nativum psittaci sui mutare norunt in alium, quem ipsi optaverint. Operæ pretium est singulare artificium explanare. Plumæ naturales radicitus evellunt. Locum, unde avulsæ fuerunt plumæ, manu perfricant, donec rubescat, sanguisque inde scaturiat. Plumarum veterum poris, seu alveolis succum ejus coloris, quem volunt, instillant, imprimuntque. Si alis, si caudæ flavum, si cæruleum, si purpureum colorem infuderint, pennæ flavæ, cæruleæ, purpureæ sensim subnascentur. Id apud Brasiles, Quarantos, & teste Patre Joseph Sanchez labrador apud Mbayas Barbaros usu receptum. Sed, ut idem observavit, vere, vel autumnoincunte id præstari ab Indis: Colorem viridem in flavum facillime mutari: Plumis flavis, si evellantur, non nisi flavas succrescere. Hæc illius sunt & monita, & experimenta. Quid si cui luberet idem Europæis in avibus experiri? Rara certe avis, ac pretiosa esset canaria rubicunda, Acanthis crocea, Alauda cærulea. Varios e succis colores haud equidem puto Europæis defuturos. Indi pro purpureo granâ, seu cochinilla, pro rubro magis diluto Achote Uru-

ou, Nibadena, pro flavo lucidissimo virga aurea, pro  
 cæruleo Indigo, pro nigro Nandipà utuntur. Psitta-  
 corum amoenus color, ac hilaris garrulitas ut oculis,  
 auribusque oblectandis, sic caro stomacho satiendo  
 egregie servit. Hæc, cum sit duriuscula, ut mites-  
 cat, tantisper maceranda est. Indis tamen in iti-  
 nere esurientibus, quin & mihi ea uti industria nun-  
 quam vacavit. Fames optimum cibi condimentum.  
 Quantavis mandendi molestiam dentes tolerant,  
 latrans dummodo stomachus tranquilletur. Suspi-  
 —cissimi cum sint psittaci, non quodvis tempus illis  
 venandis est opportunum. In arborum ramis altis-  
 simis congregati dum confident, eorum quispiam  
 summum arboris cacumen occupat, ubi ceu in spe-  
 cula excubans, si quis hominum propinquet, cla-  
 more subito socios de periculo commonet, & ad fu-  
 gam hortatur. Sole jam declinante Gallinarum mo-  
 re ad quietem componunt se se. Ingens plerumque  
 caterva ad eandem confluit arborem. Eorum qui-  
 —vis eminentiorem sibi dum ambit ramum, rixa coo-  
 ritur quotidie, alter alterum de capta jam statione  
 deturbat; Horrendos inter clamores plumis, quas  
 jam rostro mordaci, jam unguibus sibi evellunt, hac  
 illac volitantibus. Has inter de loci eminentia pug-  
 nas lanceo adrepat pede Indus, Hispanusve venator,  
 & seu sclopo, seu arcu psittacos litigantes sternit.  
 En ambiciosorum bellam imaginem. Dum alius ali-  
 um e dignitatis gradu dejicere contendit, uterque  
 non raro procumbit. In sylva, quam fluvius Em-  
 palado alluit, cum Indis viz comitibus dum noctem  
 agerem, fœdissima tempestate exorta fulmen in vi-  
 cinam nobis arborem psittacis innumeris refertam  
 excussum est. Qua qua versus sparsi vociferatione in-  
 credibili & aures nostras, & omnem late viciniam  
 com-

compleverunt. Si quando psittacos, quos nobilium in ædibus videris, aliis, quam dixerim, nominibus audias appellari, memineris, eos vel ex aliis Asiæ, Africæ, Americæve provinciis a Batavis, Anglis, Lusitanis fuisse allatos, vel novis pro arbitrato nominibus fuisse initiatos. Psittacos albos cristula rubra insignes, Cacatū hic dictos: Alios item cinerei coloris, quos crebrius vidi in Germania, pluresque ejusmodi Paraquaria penitus ignorat. Psittacos minores, quos Tuy lingua Quaranica dicimus, in Europa Perroquet lingua Gallica appellant. Grandiores illos rubeis, cæruleisque pennis distinctos Quaa, ve Quacamayos vocamus, Germani Corvos Indicos perperam dicunt. Corvi Americani quales sint, mox exponam.

### Corvi Americani.

Corvi Americani nigri sunt equidem, ut Europæi, sed his inulto longiores. Caput, collumque ad alarum principium usque calvum, glabrum, prorsus implume, sed rmgis consitum habet. Cadaveribus quoque, & bestiarum, quæ cæduntur, visceribus vescuntur. Quoties patente in campo, ut istic mos fert, boves jugulantur, tectis, arboribusve insidentes corvi mox in relictis intestina irrunt, eorumque extremitates singulas singuli arripiunt, ac funis prælongi instar expansas avolantes per aera raptant. Rex illis est pennis candidissimis nitens, qui, etsi varius videatur, a corvis cæteris, undique nigris, veluti satellitibus stipatus volat. Rem nobis antea incredibilem in S. Hieronymi oppido ipsi spectavimus, de Regis corvorum adventu per Abipones commoniti. Hunc isti Oaenik, corvos vulgares Rategham, Ha-peu, Roerepiglemarat appellant. Cum similis simi-

li gaudeat, Abipones, qui, rapto vivebant, corvorum rapacium pullos domi educare, mirumque in modum mansuefacere solent; Nam adulti heros suos equites, dum ad plures sæpe leucas rusticatum, venatumque excurrunt, volantes comitantur, illis subsistentibus subsistunt, cum redeuntibus ad oppidum redeunt, quin ab obviis Corvorum volantium catervis ad heros suos deferendos pellici se finant aliquando. Corvorum pennas, quippe firmiores, sagittis adhibent suis plerique Barbarorum.

### Caracarà, vel Carrancho.

Corvorum tribules, adjutoresque sunt aves, quas Hispani Caracaràs, vel Carranchos, Abipones Eepšai vocant. Corpus ravi est coloris, ex fulvo scilicet in nigredinem desinentis, sed flavis, albisque punctulis variatur. Magnitudine gallinam, capite, rostro adunco, oculis, longisque unguibus, longa cauda accipitrem expriment. Cadaveribus, ut corvi, inhiant, Gallinis domesticis, avibusque cæteris perditissime insidiantur. Illorum caro nulli est usui.

### Accipitres varii.

Caracaràs Kirikiri sequuntur accipitres varii coloris punctulis maculosi. Infinitus sim, si omnes, qui accipitrum ad genus pertinent, persequar. Horum e numero sunt Nariam Gavilan, Kataingit Halcon &c. E nocturnis frequentiores sunt Kikik Lechurza, Kaalekavak mochuelo. Vespertilio Abiponibus Kahit, Hispanis Murcielago varius, ut alibi dicetur, ac frequens est.

## Anser.

Volucrum aquatiliū tantus est passim numerus, dissimilitudo tanta, ut si rite describerentur, justum volumen implerent. Aliquas obiter attingam. Anserum, Enropæis similiū, incredibilem in lacubus multitudinem, rarius tamen, deprehendi. Anatum vero tanta varietas, atque frequentia non lacubus modo, sed & omnibus plerisque inest, ut aqua innantium bestiarum stercore contaminata, potari a nobis nentiquam posset.

## Anates varii.

Anates nigris, albisque pennis vestitæ, quas Hispanus Patos Reales anates Regias, Abipon Kaénra vocat, frequentissimæ diem in aqua, noctem in arboribus aquæ vicinis transigere solent. Facilius, crebriusque extra aquam sclopis trājiuntur. Eorum pulli ad oppidum translati, rarissime manscunt. Anatibus aliis, quæ Roakabi ab Abiponibus dicuntur, plumæ versicolores, pedes eleganter rubicundi sunt. Anaticulæ, Abiponibus Ruililiè, noctu multo cum sibilo gregatim velitant, & a superstiosis Abiponibus manes, umbræ, seu vita functorum spiritus (Mehalenkachiè) creduntur. Memorabiles præ multis aliis videntur anates mediocres, roseo colore à capite ad caudam eleganter pictæ, sed pulchritudinis humanæ symbola. Nam quantum pennarum venustate oculos spectantium oblectant, tantum nares propinquantium innato sibi fœtore affligunt. Sub pennis alarum, cæterisque corporis pulcherrimis (quarum non plumæ modo, sed & ipsi, quibus ad scribendum utimur, tubuli ruberrimo tincti sunt colore) pellis, & ossa, caro modicissima, putidissimaque la-



tet. Incredibilis tolerandus est fœtor illis, qui foetido e corpore pennas roseas evellunt. Pennis anserinis sunt graciliores. His Abipones ad vertices suos ornandos, coronandosque; Ego ad scribendum diutissime sum usus.

### Ciconiæ.

Haud defunt in Paraquaria aves fluviatiles, ardeis, Ciconiisque Europæis admodum similes: Has Hispanus figuénas, Abipon Nétaganak, illas Hispanus Garzas, Yauige Lichil Abipon vocat.

### Haria.

Haria Ciconiæ par magnitudine cum serpentibus congregitur acerrime, iisque rostro confossis vescitur. Mansvescit cito in domibus Hispanorum, utilissimamque hortis operam navat, cum insecta noxia perimere soleat, certe fugare. Risum mihi sæpe movit avis alia fluviatilis ingens, quæ si collum protendat, virum procerum altitudine transcendit, corporis pondere agnum superat. Albi est coloris undique, pedibusque prælongis. Horas complures motus omnis expers, veluti meditabunda in aquis persistit. Fateor, me illius nomen jam ignorare.

### Corvi aquatiles.

In flumine Parana, & alibi corvi aquatiles, Abiponibus Halemñaye, numerosi visuntur, quorum pullis Barbari avidissime vescuntur, quamvis  
ab

ab avium, Gallinarum, pullorumque esu abhorreant universi. Longum mihi sit, varia avium aquatilium genera commemorare, quæ turmatim majora pervagantur flumina, & solo victitant piscatu.

## Hirundines.

Ab avibus ad pisces jam jam transiture mihi visum est corollarii instar paucula de gallinis vulgaribus, & Hirundinibus adjicere. Istæ ab Europæis figura, voce, moribus nil differunt. Quamvis Paraquaria nivibus careat, cum tamen hybernis mensibus Austro frigido sæpius grassante aer tantillum exasperetur, autumno ineunte, perinde ut Europææ, alio migrare solent hirundines, hyememque, in nescio quibus, latebris transigere, sub veris initium redivertunt.

## Gallinæ Brasilæ.

Gallarum Paraquariensium eadem, quæ Europæarum, forma est, ac plumarum varietas. Paucos ante annos ex vicina Brasilia Paraquariæ illatæ sunt Gallinæ vulgaribus multo majores, sed non meliores. Durior est illarum caro, & saporis minus grati. Pulli ex ovibus exclusi penitus nudi diutissime circumeunt, & non nisi aliquot hebdomadibus lapsis pluma vestiuntur denique. Gallus insolite est magnitudinis. Pro crista, quam nostrates circumferunt, coronam prægrandem purpurei coloris magnifice ostendit. An. 1748. in horto magni Hetruriz Ducis Florentiz diversissima Gallinarum, quæ ex Africa, Asiaque allatæ, genera spectavi, & exoticas earum figuras non potui non admirari. Jam squamigerum Paraquariæ gregem juvat contemplari.

## Piscium genera.

\* Pisces Europæos haud equidem, deprehendi in universa Paraquaria, sed illis aliqua ex parte consimiles non paucos. Mihi notiores nominibus seu Hispanicis, seu Indicis insignitos breviter exponam. Vingtiquot eorum species memoria retinui: Dorado; Pacù, Corvino, Mungrullù, Sábalo, Boga, Armado, Zurbì, Palometa, Pati, Peje blanco, Dentudo, Raya, Vagre, vel Nundià, Mandi, Machete, Suchi, Mojarra, Vieja, Anguilla, Murena, Peje Rey, Sardina, Almeja grande, Lifa, Piqui varii &c. &c.

### Dorado.

Piscis Dorado, qui a Quaraniis Pytayù, ab Abiponibus Henegelsaik vocatur, a squamis auri instar fulgentibus piscis inaurati nomen obtinuit. Magni sæpe est ponderis. Carnem offert solidam, candidam, palato jucundam. Illius caput in cupediis jure numeratur, etsi pisces alii plerique omnes sine capite, quod in culina resectum abjicitur, mensæ inferantur in Paraquaria. Aurati hi pisces & in fluviis capiuntur, & in quibusdam Oceani tractibus hamò capti sunt a nobis quam plurimi, præsertim dum procellosus aliquot horarum turbo nobis impendebat, Certatim hami escam prensarunt adeo, ut tempestatem sævissimam prælagisse, timuisseque maris jactationem nobis viderentur.

### Pacù.

Pacù, Abiponibus Katlaàn, Lancea, non longitudine tantum, sed & latitudine, egregioque carnis sapore eximius, quam adepti copiosus commendat.

Squa-



Squamæ fusci, & in quibusdam sulphurei sunt coloris. Caput pro tanta corporis amplitudine videtur minutius. Parana præstantissimo hoc pisce abundat, quin & minores, qui hoc cum flumine miscentur, ampes.

### Coruino.

Coruino in vicinia potissimum portuum Montevideo, & Maldonado, ubi aqua dulcis fluminis argentei cum marina commiscetur, hamis fere capitur. Speciem aliquam Carpionis refert, sed mole corporis, saporisque præstantia excellit adeo, ut a remotis quoque civitatibus impense expetatur.

### Mungrúllu.

Mungrúllu fluviatilium in Paraquaria fors maximus, robustissimusque. Interdum centenarii pondus excedit. Ejus caro firma, & rubicunda.

### Zurubì.

Zurubì, Abiponibus Etapamak, priori vix minor, non squamis tegitur, sed pelle lubrica coloris, qui ad cinereum accedit, & punctis nigris majusculis, tigrinum more, undique est maculatus. Carnem præbet candidam, solidam, sapidam, ac salutarem. Pondus ejusmodi piscis ex hoc conjice, quod e peritica suspensus bajulatusque binorum Indorum humeros fatiget.

## Patì.


Patì superiori & pondere, & bonitate prope-  
modum par censetur.

## Armado.


Piscis Armado nomine suo dignus utique, quippe a lateribus, a tergo branchiis, pinnisque octo acutissimis undique armatus, quibus piscatorem, dum hamum ejus e faucibus retrahit, horrendum rugiens, se seque jactans configere nititur. Id circo, ut primum ex flumine protrahitur, valido stipite ejus caput est contundendum; Hoc latum, ranarum capiti simile, testa durissima, ceu clypeo, munitum. Oculos habet exiles, sed claros, ac circulo aureo cinctos. Os illi angustum, sed barbâ hispidâ, ut militem decet, terrificum. Corpus ferrei coloris, squamis oblongis, durissimisque veluti loricatum. Crassior hic piscis, quam longior quatuor sæpe, sæpe sex librarum, quin & plurium esse solet. Ejus caro solida, optimi saporis, & ipsis adeo ægrotantibus saluberrima putatur. Nobili hoc pisce Paraquayns fluvius abundat. Ex Assumptionis urbe ad Boni aeris portum navigantes quotidie hamò cepimus complures. Lineam, qua piscabar, manui circumplicatam cum haberem, parum sane abfuit; quin ab Armado prægrandi hamum trahente e navis prora in flumen raptarer. Sed miles Hispanus, ut Raphael Tobiz quondam, periclitanti, vociferantique mihi opem tulit, linea, ut extricare manum possèm, utroque brachio arrepta.

Vagre.


*Palomota*



*Raya*



*Armado.*





## Vagre.

Vagre, Abiponibus Ypik, vel Yhelofaye, Quaraniis Nundia, truttarum e genere. Ejus caput dura testa tegitur. Cutis glabra, lubrica, punctulis rubris picta. Caro sapidissima est. In omnibus variis varietatibus istorum species occurrunt, quæ pinnarum, branchiarum, barbarum numero; magnitudine, & colore discriminantur, omnes tamen sapidissimæ. Ex eorum vesica, quæ dentibus, primum conteritur, admixtoque vino cremato gluten tenacissimum conficitur, quo ad conglutinandas chelium tabulas Hispani, Indi Vitelæ, dexterrimi sagittarii, ad pennam mucronemque sagittarum arundini agglutinandum feliciter utuntur. Ad ejusmodi varios fines vesica Husonis, piscis Hungarici, usui est fabris Europæis.

## Sávalo.

Sávalo ad Carpionis nostri similitudinem aliquantulum accedit, tenuior tamen, sapidiorque. Duabus libris graviores vix invenias. Est spinosissimus præterea. Nusquam hamo capitur, licet in plevisque rivis, lacubusque frequentissimus. Cur isti nomen Piscis per antonomasiam ab Indis passim tribuatur, haud intelligo, cum cæteros minime excelsat pisces. Ab Abiponibus certe Noay, quæ vox piscem quemcunque significat, dicitur. Idem apud Indios Mataràs observavi.

## Bòga.

Bòga, ab Abiponibus Parik vocatus, a Sávalo parum differt; Hoc tamen præstantior, etsi minus frequens.



## Peje Rey.

Peje Rey piscem Regium denotat. Re enim ipsa, etsi corporis sit vix mediocris, carne nobilissima præcellit. Et capitis. & oris est amplissimi. Pinguedine omnino caret. In fluvio Parana, ubi sanctæ fidei urbis agrum alluit, capitur duntaxat, vel in finitimis amnibus, ad quos fortificandi gratia se recipere consuevit. Recens adhuc inter præcipuas mensarum nobiliorum delicias numeratur. Solo aere, quin salis mica illi inspergatur, siccatus ex illa urbe ad alias mitti solet copiosus, diuque servari potest incolumis. Si per viam tamen madefiat, confestim putrescit. Ab Abiponibus Lalagfaik albus vocatur.

## La vieja.

La vieja, quod Vetulam significat, Abiponibus Aofaik, piscis est singularis, & exoticus; Corpus enim ejus totum testa valida, seu corrice corneo undique clauditur, quem ne culter quidem perfrumat. Hinc captus una cum concha sua prunis ardentibus imponitur. Sic assus comedi solet. Rarissime capitur hamo. Raro libram unam excedit. Amnibus biennali siccitate exhaustis seu mortuos jam, seu moribundos plures in fundo deprehendimus.

## Dentudo.

Dentudo ubique frequentissimus, & palato, ni tot spinis horreret, perquam jucundus esset. Vix unum pondo æquat. Hamo cepi innumeros, edique; sed & hamos non paucos, corrosa a validis eorum dentibus lineâ, amisi.

## Raya.

Raya figuræ tam insolitæ piscis est, piscibus ut vix adnumerandus videatur. Abipones Epaſanik eum appellant. Lancem, qua cibi menſæ inferuntur, ovatam planæ ſuperficiæ refert. ſiſus tergus nigrum, venter albus eſt. In ejus medio os anguſtum, ſeu bucca conſpicitur. Caudam teretem, tenuem, ſed prælongam habet, quæ ferræ inſtar denticulata aculeo venenato armatur in extremitate. Sub litoris arena latitans hoc aculeo nudos nautarum ambulantium pedes graviffime ſauciat, dum poteſt. Vulnus mox tumefcit, inflammatur, & niſi cinis calens ei protinus applicetur, mortem adfert. Hinc nautæ cautioreſ, dum remigationem moleſtam pertæſi adverſo flumine navim fune trahunt pediteſ, ſociorum aliquem præmittere ſolent, qui litoris, quod perambulandum, arenas bâculo fodicet, feriatque identidem, ut Rayas, ſi quæ iſtic lateant, ſeu detegat, ſeu arceat. Mirandum ſane, venenato hoc Rayæ aculeo, ceu ſcalpello ad ſecandam venam, Abiponeſ impune, feliciterque uti. Caro Rayarum eſculenta eſt equidem, ſed a non eſurientibus ſpernitur paſſim. Fateor tamen, diligenter frixam mihi eam ſapuiſſe. Magnitudo, & forma Rayarum (Plureſ equidem earum ſpecies novimus) in variis varia eſt. Illaſ eſſe viviparaſ, conſtat. Earum in ventre embrioneſ inventi ſunt frequenter.

## Palometa.

Palometa, quam Abiponeſ Rakik dicunt, nantibus præ quovis Crocodilo eſt formidabilior. Maxilla enim quælibet quatuordecim acutiſſimis, triangularibus dentibus, ceu totidem mucronibus inſtructa il-



li pro armamentario est, quibus quamvis humani corporis partem invadit, unoque facit ictu. Plantam pedis altissime fissam in Abipone strenuo, Pedis digitos quatuor in Abipone puero propemodum resecutos, & sola e cute pendentes ipse vidi. Binos milites Hispanos, qui nantes in flumine nantes equos sequebantur, perfectissime eviratos a palometis novi. Horum alter ex urbe sanctæ fidei fluvium Rey' (Abiponibus Ychimaye) id temporis tumidissimum transmisit; Alter Correntinus ingens flumen Parana jam Paraquayo conjunctum. Incredibilia hæc tibi ne videantur, noveris, Abiponenses forminas Palometæ mandibulâ, seu forficibus, ad tondendas oves etiamnum uti. Eadem, dum cultris fereis adhuc carverant, ad Hispanorum cervices resecandas Abipones olim utebantur. Hic piscis ubique frequens, ubique obviis hoc tamen discrimine, quod in rivis minoribus minor sit, & vix semilibram æquet; In fluviis majoribus in duarum, pluriumve librarum molem excreseat, ejus tamen longitudine latitudini nunquam respondente. Tergore est curvo, capite obtuso, orihante, oculis minutis, rotundisque, cauda bifurca, & late expansa. Præter mandibulam, ut dixi, formidabilem, branchiis ossibus grandioribus, & septem pinnis aculeatis aggressori cuicumque minatur, quarum una medio in tergore longior caudam versus excurrit. Corpus squamulis dilute cinereis tegitur, colore cæruleo, igneo, flavoque per intervalla intermicante. Caro illorum firma, candidaque non esculenta modo, sed & perquam sapida, utinam minus spinosa esset! Hamo cepi, edique innumeros. Eorum e faucibus dum hamus extricatur, cautis manibus atrectandi sunt, ne seu dentibus, seu pinnis aculeatis vulnus infligant, quod & doloris, & periculi plenum experti sumus.



## Mbuzù.

Cœnosis in lacunis, quin & in amnibus pisces visuntur, anguillis Europæis simillimi. A Quaraniis Mbuzù, quod magnum significat, ab Abiponibus Nanin vocantur, sed a neutris, quod anguium speciem referunt, eduntur. Cum ejusmodi piscem, e fluvio salado forte allatum, comederimus, rumor Indos inter vulgabatur illico, Europæor homines serpentibus vesci. Illi pisces revera anguillæ num sint, an anguium genus, necdum ausim affirmare. De cæteris, quorum nomina recensui, piscibus nihil admodum memorabile mihi in mentem venit.

## Cancer fluviatilis.

Et si vario piscium lectissimorum genere abundet Paraquaria, Cancros propemodum ignorat. In quibusdam agri Uruquayensis rivulis latere aliquos, ast minutissimos, & forma non marinis, sed fluvialibus Germaniæ canceris similes, intellexi dudum, quin & ipse in Uruquayensi Conceptionis oppido mensæ nostræ illatos aliquot vidi, sed tales, ut, si cum hujatibus conferantur, pigmæ, cancerorum umbræ, vel embriones possent putari. In tantis per Paraquariam itineribus, navigationibus, piscationibusque cum cancer præterea nullus uspiam in conspectum mihi venerit, aut nullos passim dari, aut paucissimos, usque opinor. Cancer ab Abiponibus Oateleè dicitur. Miror illis nomen animalis suppetere, quod nemo eorum, certe paucissimi unquam viderint.

## Cancrī marini.

Cancrorum marinorum multa varietas, varietate est magnitudo. Minores squillæ, Gamari mediocres, grādiōres Astaci a latinis dicuntur. Quantæ sint molis aliqui, vel ex hoc, quod referam, coniectabis. Anno 1748. die sexta decima Augusti Ulyssipone in mensa, cui interfui, cancrī marini chela, seu brachium unicum lanci prægrandi, pernæ suillæ instar impositum sexaginta aliquot hospitibus, quorum plerique aliquid sibi inde decerpserant, satis fuit, superque. Hæc Cancrī immanis portio oculis multum admirationis, jucunditatis prorsus nihil attulit palato.

## Testudines fluviatiles.

Cancrorum penuriam in Paraquaria Testudinum frequentia supplet, quæ nostratibus multo majores, sed neutiquam meliores sunt. Ab Abiponibus Epafek dicuntur. His amnes, lacus, flumina scatent. Vix hamum aquæ iniecinus, ei mox testudo adhæsit, a nobis semper rejecta; Nam nec ab Hispanis, neque ab Indis in majori Paraquariæ parte editur. Timent Abipones, ne ex testudinum esu innatam illis lentitudinem contraherent. In bimestri per Paraquayum & Paranam navigatione quotidie piscantes sæpe hamo testudinem cepimus, sed a nautis citra moram in flumen ejectam: Malum hoc omen esse, affirmantibus timendumque vel naufragium, certe navis, si testudo illa remaneret, tarditatem. Tantam eorum in cerebro stupiditatem ecquis non rideat? Sed enim quis nescit, trecentas superstitiones ubique gentium plebejis mentibus dominari? In sancti Hieronymi, oppido testudinem eandem semel, iterum, ac tertio

coquendam nobis curavimus. Verum vel toties cocta, recoctaue ea fuit duritie, ut illi mandendæ dentes nostros impares doleremus. Is solum testudinum fructus in Paraquaria, quod earum conchis amplissimis pro patinis, lancibusque in culina vulgus utatur.

### Testudines marinæ.

Testudines immanes, quæ centenarium pondere excedant, varis in maribus reperiri tum historicorum autoritas, tum mea me experientia docuit. Ex portu liburnensi Ulyssiponem navigantes nos mense Januario exeunte pertinax multarum horarum malacia detinuit prope Algiriensem piratarum urbem. Per tranquilli, mensæque instar planissimi maris superficiem innumera testudines dormientes hac illac fluitabant. Cornelius Jansen navarchus suecus, vir optimus, ut scapha conscensa eas captarent, nautis petentibus copiam fecit. Isti remis binis testudinum dormientium ventri suppositis duas supra triginta in scapham dextre jactarunt, & ad nos demum reduces attulerunt. Ponderatæ sunt a Navarcho nobis aspectantibus. Plerasque omnes quinquaginta circiter librarum esse, compërimus, præter duas nondum adultas, quas in sveciam transferre constituit Navarchus. In Scapha minori, cui aquam infuderunt nautæ, collocatas testudines observavi diligenter. Mandibulis erant tam validis, ut stipitem illis a me porrectum uno morsu, cæi stramen, contriverint. Noctu dormientes rhonchos edebant, quales nauta temulentus solet. Sveci illas sensim consumpserunt, una nobis dono data, qua tamen vesci ut possemus, svecorum dentes a nobis desiderabantur. Tantæ erat duritiei. Navarchi navis Anglicæ, cui Principis Friderici nomen,

men, bellicæ vicario, ad nos bello scilicet ardente, examinandos misso binas item testudines noster Cornelius impertiit. Testudines porro, quas in Mediterraneo cepimus, etsi sat grandes, haud erant ex illarum genere, quarum e conchis pixides, & vascula varia confieri solent: Haud equidem solidæ, sed veluti ex pelliculis variis, uti cæparum superficies, compactæ conchæ illæ videbantur. Pretiosæ aliz artificibus ad varia opera utiles ex insulis Cuba, Jamaica, aliisque e provinciis adferuntur. In Guyana conchæ testudinum albo, rubeo, cæruleoque colore variatæ suppetunt. In Acadia pedes duos in diametro habere dicuntur. Plures alibi.

### Testudines terrestres.

Ut Abipones, Quaranii, alique, quos inter versatus sum, Indi a testudinibus non abstinere modo, sed abhorrent etiam, sic Indi Chiquiri illis potissimum per maiorem anni partem aluntur. Eas, variis coloribus distinctas, per nemora, rupesque conquirunt laboriose, ne illis mensibus, quibus eorum territoria alluvione merguntur, deficiat annona. Cum enim istic plus sylvarum, montiumque, quam camporum sit, deficientibus pascuis nec tot boves ali, neque pro Indorum sustentatione cædi queunt, uti Quaraniorum, Abiponumque in Colonis solent. Carnem igitur bubulam apud Chiquitos testudo supplet, quæ in Quaraniis carumbe appellatur.

### Cochleæ.

Cochleæ, seu limaces conchis suis impliciti in sylvis, campis, lacuumque marginibus innumerabiles passim visuntur. Ab Hispanis Caracoles, ab Abi-

ponibus *Nalaginiga* vocantur, sed quod quidem sciam a nemine mortalium in *Paraquaria* eduntur. Vacuæ *Cochlearum*, seu limacum conchæ foco in calcem redactæ parietibus dealbandis serviunt apud *Quarani*os, ubi lapides calci parandæ idonei desiderantur, quamvis terram candidam, quæ *Tobaty* dicitur, *Tripolitanæ* consimilem in promptu habeant multi, quæ ad albedinem muris inducendam fere utuntur. Ex candidis limacum quorundam conchis *Indi* pedites *Vilelæ* incredibili cum patientia orbiculos, seu sphæru-  
las minutissimas, in medio perforatas, elaborare norunt, venduntque aliis *Indis*. Ingentes ejusmodi *Sphæricularum* chordæ insertarum fasces magni ponderis e collo suspendunt *Abipones*; Viri, foeminaeque eo ornatiores sibi videntur, quo magis onerantur. Ad *Uruquay* fluminis ripas quædam limacum singularium species visitur, qui virili pugno majores sua in concha assi ab *Indis* avide vorantur. De conchis, conchiliisque, si quæ ignobilia usquam suppetunt, cæteris nihil admodum memoratu dignum se mihi offert. *Unionibus*, lapillis nobilioribus, aliisque, quibus cæteræ per *Americam* provinciæ superbiunt, thesauris destituitur *Paraquaria*. *Quadrupedantes*, cornutasque bestias *Paraquariensium* opes præcipuas esse, dudum affirmavi, id iterum, iterumque affirmo.

### Piscationis modi.

De piscibus postquam dixi aliqua, aliqua de variis piscandi rationibus dicenda restant. In urbe *Boni* aeris *Hispani* piscatores flumen argenteum, quatenus vadofum est circa litus, equites ingrediuntur. Funis, quo rete seu expanditur, seu piscibus repletum contrahitur, extremitates bini manibus retinent,

& horis sæpe non multis plurimos, nobilissimosque pisces ad litus efferunt, cuicumque mox venales. Indi, quos Payaguas, & Vilelas dicimus, piscibus potissimum victitant. Cum in fluminum, lacuumve ripis stativa habeant sua, piscer natando & æmulari norunt, & capere. Piscatui rete perexiguum adhibent; Binas ejus extremitates præcinctorii instar ventri adstringunt suo, binas alias utraque manu complectuntur. Sic præcincti e litore in aquarum gurgitem præcipitant. Si quem in fundo piscem conspiciant, eum sub aqua nando insectantur, & reti, quod ejus corpori supponunt, concludunt denique, ac a ripam deportant. Indum, quem sub aquis dilutissime latitantem jam submersum crederes, remotissimo in loco præda onustum e lacu emergere stupebis. Hos sane urinatores rectius, quam piscatores dixerimus. Pellucida fluvii unda, qualis est fluminis salado, si pisces reddat aspectabiles, eos jam sagitta, jam hasta, jam ferreo tridente in illos jacto Paraquarii configunt. Indi sylvicolæ astibus, artibusque sæpius, quam armis capiunt pisces. Interdum amnis spatium aliquod stipitibus injectis, ramisque arborum scite implexis ita sæpiunt utrinque, ac claudunt, ut ingressus quidem piscibus pateat, exitus haud item; Eo fere id præstant modo, quo Europæi piscatores fiscellas, corbium instar, e vimine, vel juncis textas in diversis fluvii stationibus collocant, quas pisces, quin egredi queant, ingrediuntur. Alias plantam Ycipotingi, quæ per arbores serpit, vel Caraquatæ folia, aut radicem ejus recentem bene contritam aquis injiciunt, quibus pisces inebriantur, & dum sui impotes in superficie fluitant, manibus capiuntur. Sæpe foliis cujusdam arboris, quæ ad ripas amnis Atingy frequens, aquam flagellant. Succum ejusmodi foliorum piscibus esse fatalem, ajunt. Ad

sun-

euudem pisces inebriandi finem Europæos quoque nucibus quibusdam ex Ægypto, vel Malabarâ allatis, quæ cocculi di levante vulgo dicuntur, uti aliquando, puer adhuc intellexi. Nonnunquam uncis e ligno, vel arundine factis pisces capiunt Indi. Commune piscandi instrumentum, atque unicuique nobis hamus ferreus fuit, cui bubulam recentem pro esca præfiximus. Ne vetita quibusdam diebus carne vesci cogeremur, dum Abipomum novis in coloniis versabamur, ipsi ad remotiores sæpe amnes piscatum excurrimus, sæpe ob palantes Barbaros cum vitæ periculo, nunquam citra molestiam, quippe a culicibus, penes aquam frequentioribus, undique obsessi. Vacuis eheu! non raro manibus domum redivimus.

### Piscatus maritimus.

Et Lusitani, qui in Americam navi nos vexerant, & Hispani, qui in Europam nos revexere, piscatui operam dederunt frequenter. Ad tempus fallendum alii, alii ad stomachum recreandum, cum piscis recens præ siccis, falsis, rancidisque carnibus, præ lentibus, & fabis optabilior plerisque videretur. Ratio piscandi varia. Lusitani ad alliciendos pisces panni rubri segmentum, quod carnis speciem referat, hamo appendunt; Hispani vero albas plumulas e Gallinarum clunibus avulsas, quas pisces majores pro pisciculis volantibus habent, avideque arripiunt. Ex quo quidem, pisces marinos vel magis esurire, vel magis stupidos esse, quam fluviatiles arguo, cum sola carnis specie oculis objecta decipi se, capique patiantur; Alii enim, qui in fluviis degunt, nisi carnem ipsam, vel vermiculos seu visum, seu odorem perceperint, hamum vix attingent. In diversis Oceani tractibus diversos commorari pisces, iden-



tidem observavi. Nam primis hebdomadibus non nisi Dorados cepimus. Multarum leucarum spatia emensi non nisi Bonitos, quin Dorado vel unicus jam compareret.

### Pisciculi volucres.

Piscis hic præ aliis pisciculos volatores, quos Quaranii Pirabebè, Hispani Peje volador, alii Pisces Hirundines appellant, maxime procelloso mari insectatur; E mari evolant, ne vorentur. Lusitani nautæ diem Divo Francisco Affixati sacrum magnopere reformidant, quod ejus fune flagellari mare tunc, irritarique credunt. Hanc opinionem a majorebus suis acceptam, quamvis nobis ridicula, luculenterque superstitiosa videatur, experientia tuentur sua. Et vero, quod fortuitum utique, ipsi nos idem experti sumus. Eo equidem die vento tumultuosissimo, licet nobis secundo, adco concitatum est æquor, exasperatumque, Ut post multos navigationis dies tunc demum pisciculos illos catervatim volantes viderimus. Eorum non pauci in navim decidere nostram, a nobis cominus diligentissime considerati. Magnitudine hælci majori pares sunt. Corpus illis teres, & circa caudam tenuius. Caput amplum & compressum. Oculi prægrandes, Globosi, pupillæ nigerrimæ, circulo croceo, alioque maiori nigricante circumdati. Os mediocre, dentibus orbum, sed mandibulis limæ instar leviter denticulatis armatum. Cauda late expansa, & bifida. Alæ sat grandes, e membrana, papyro subtiliori, compositæ coloris, qui cinereo proximus, albescens. Pinnulis sex, testa ossea, & in fine aculeata, squamis varii coloris, varique figuræ, & hælci instar relucens vestiuntur. Dorados sibi insidiantes eva-



evasuri, ex undis avolant. Sed enim hic volatus paucorum momentorum est; Nam alis aere siccat in æquor recidunt. His denuo madefactis repetunt volatum. Diversis in maribus diversam esse eorum figuram, ac magnitudinem, noveris præterea. Nautæ lusitani illorum carnem haud aspernantur.

### Tuburon piscis prægrandis.

Sed cum huic hominū generi major plerumque esuries sit, stomachusque capacior, pisciculis palmaribus neutiquam saturandi, piscibus grandioribus inhiant, Tuburonibus, cumprimis, quorum plurimos nostra in navigatione ferreo librarum plurimum habuimus ceperunt. Tuburones plerumque naves sequuntur, ac quidquid ex his seu cadaverum, seu quisquiliarum, sordiumque ejectum fuerit, absorbent. Adeo vasti sunt corporis, ponderisque tanti, ut nautæ robusti duodecim singulis e mari ad navim fuisse trahendis vix, ac ne vix quidem sufficiant. Neque id mireris, velim; Tuburon enim ad novem circiter pedes longus, tres, pluresve latus est. Horrendæ illius fauces, in quibus dentes serrati triangulares triplici ordine locati excubant, ad quidquid discerpendum prompti. Truculento, & semper vigili est obtutu. Pelle tegitur asperrima varii coloris. Quoties a nautis captus exenterabatur, ejus stomachus risu dignum spectaculum nobis fuit. Scrutariam quisquiliarum omnium tabernam videre nobis videbamus. Attritas usu vestes, obsoletas interulas, vento abreptos petasos, Gallinas integras, quidquid demum a nautis in mare dejectum, in eo deprehendimus. Repentinus venti impetus pileolum, quem soli Deo vulgo dicimus, sociorum meorum cuiquam noctu rapuit, & in mare deturbavit. Postdie in  
sto-

stomacho Tuburonis ante meridiem capti repertus idem pileolus, sed phlegmate viridi, cœu musco obductus, domino redditus est suo mire plaudenti, quod alium, quo caput tegetet, non haberet. Nostrum plerique, eum pileolum, qui noctem integram in Tuburonis abdomine egerit, non in capite porro gestandum, sed in rerum exoticarum cimelio dein servandum esse, existimarunt. Sunt, qui Jonam Prophetam a Tuburone olim absorptum fuisse, opinentur, eumque piscem canem Carchariam, vel Lamiam vocari, nescio, quo jure, contendunt. Illud mihi compertum, humanis cadaveribus vel globos tormentarios, vel saxa appendi, ut, dum in mare jactantur, fundum petant, ne in maris superficie fluvitania a Tuburonibus confestim dilacerentur. Illorum carnes, licet candidissimas, præter nautas famelicos nemo unus degustavit. Quamvis & hi Tuburones fœmellas aspernentur. Unam, quam me adstante ingenti cum labore cepertant, sexu ejus cognito in mare protinus rejecerunt. Causam discriminis ignoro. Abipones locustas fœminas assas comedunt, fastidiunt, abjiciuntque masculos. Cur? Ipsi novērunt.

### Delphini.

Novem mensibus, quos in Mediterraneo, Oceanoque navigans, renavigansque consumpsi, plures alias squamigeri gregis formas visu terribiles spectavi equidem; Sed præter pisces mediocres, ac Tuburones ex hac Neptuni familia a nautis captum est nihil. Mari tranquillo, vento quiescente Delphinos festiva corporum jactatione, veluti choreas agere vidimus crebro, quin tamen ejusmodi spectaculum nobis fuisset

fer juctandum, Delphini tripudium turbinis, tempestatisque impendentis prænuncium esse, ac prodromum, toties expertis.

### Balenæ.

Balenarum immanium, etsi nunquam navi propinquaverint, conspectus in Oceano nobis minime rarus, sed bis omnino terrificus fuit. In Brasiliæ desertis litoribus myoparonem piraticum videre nobis videbamus. Ne quid sinistri nobis accideret, Navarchus lusitanus, qui tum domierat, confestim accersitur. Is e supremi mali fastigio cetum amplissimi corporis tubo optico detexit. Fluctus inter jactans se se immanis bellua navis speciem referebat. Pinna eminens, quæ interdum ad quinquaginta pedes alta dicitur, malum expressit. Ex horrenda capitis branchia, veluti ex siphone grandi incendiario, vim aquarum incredibilem identidem in altum ejaculabatur, quæ a vento dispersæ, & a solis radiis (Nam paulo post meridiem fuit) illustratæ velorum navalium more albescabant. Hæc erroris nostri, terrorisque Panici origo fuit, qui mox communem in risum desit; Adeo enim cetus nobis jam propinquior, nunc columnæ instar in altum erectus, mox fluctibus depressus mimicis gesticulationibus histriorem egit. In Europam renavigantes aquas modo insolito subsilientes, refractasque haud procul a navi conspeximus. Scopulos, vel breviora in propinquo suspicatus Navarchus proram aliorum verti jusserat. Ast fœtor intolerabilis putridum ceti prægrandis cadaver, in quod aquæ resiliences impingebant, nobis detexit, cura que absterfit omnes. Ad stygiam illam mephitim levandam plus tabacæ Hispalensis nariibus intrusum hora unica, quam integris alias diebus.



-Balenz eodem, quo naves, fato intereunt, dum vadis, brevibusque illis sensim emoriuntur; Earum tamen cadavera a pelago æstuante ad litora interdum ejecta, spectamus. De melotis piscibus vastissimis, quarum greges innumerabiles hebdomadam aliquot spatio mense Novembri obvios habuimus, alio jam loco mentionem feci. De piscibus seu marinis, seu fluviatilibus, de conchiliis &c. plura nosse si cupias, Ychthyologiam Kleinii, Linnæum, Aldrovandum, Gesnerum, Rondeletium, Listerum, Rumphium, aliosque id genus viros clarissimos consulte; Hi ex instituto ista fuse, & ut ajunt, systematice pertractarunt; Ego velut aliud agens mea potissimum experimenta adnotavi, & ad Abipones, scriptionis meæ scopum præcipuum, festino, quibus pro pisce quovis bubula, vel ferina caro magis probatur, esse plures Americæ populi Ychthyophagi piscibus non vescantur modo, sed & mirum in modum oblectentur. Ex aqua jam ad campos, sylvasque Paraquariæ tot plantis, arboribusque exoticis superbientes transamus.

## Plantæ.

Sacerdos noster Thomas Falkoner Anglus scientia medica, Botanicaque in paucis clarissimus, qui Barbaros inter australes fretum Magallanicum versus diu versatus Paraquariæ annos permultos utilem navavit operam, sæpe, palamque dictitabat: Paraquariam tot plantis, radicibus. resinis, lignis, fructibusque saluberrimis a benefica natura fuisse locupletatam, ut quisquis earum rerum cognitione tinctus sit, ad morbos quosvis profligandos Europæorum pharmacopæis nequitquam habeat opus. Nam, seneca teste, medicina paucarum quondam fuit scientia

na herbarum, deinde ad hanc pervenit tam multiplicem varietatem. E multis, quæ seu ad medicamenta, seu ad alios hominum usus offert Paraquariæ solum, præcipua exponam eo, quo mihi in mentem venerint, ordine. Articulatus, enucleatusque ista aucthores Botanici scripserint, nil dubito; Num verius quoque, istud non ausim polliceri de singulis.

### China chinæ, seu cortex Peruvianus.

Arbor Pizões ab Indis chiquitis dicta eorundem in finibus perfrequens, & si quæ alia, memorabilis, quippe cujus cortex china chinæ, cortex Peruvianus, vel Febrifugus appellatur. Arbor hæc mediocris proceritatis, neque magnæ molis fructum profert prope orbiculatum, in medio non nihil elatiorem, sed minime esculentum, qui nucleos duos flavescentes, & amygdalorum corticis instar undique sulcatos continent. Liquore balsamico fusci coloris, odoris suavissimi, sed insigniter amaro turget. Indi hoc balsamo dolores oculorum, gutturis & stomachi sedant, si ex frigore fuerint orti. Cortex arboris natura sua albet, sed a trunco avulsus in superficie sensim obscure flavescit, maculisque pallidis aliquantulum variatur; Intus vero non sanguinis, sed cinnamomi more est rubicundus, & flavedine quadam tinctus; Saporis est asuari, sed aromatici, odoris grati quidem, sed quodammodo ranciduli. Supervacanea hæc descriptio rei, quæ in omnium oculis, ac manibus hodie versatur, cuiquam posset videri. Corticis istius cum tantus ubique gentium sit usus in febribus, morbisque aliis curandis, sæpe mirabar, Peruvienſes, Quitenſesque, ubi arbor hæc maxime nascitur, sylvas dudum exhaustas non fuisse. A quibusdam cortex Peruvianus pulvis Jesuiticus dicitur quod Jesuitæ  
in



in Peruvio Missionarii singularem ejus ad febres expellendas virtutem primi vulgaverint. Ab Eminentiſſimo Cardinali de Lugo, Jeſuita prius Hiſpano, hæc medicina anno 1050 in Europam allata dicitur a Clariffimo Medico Woyts.

### Zarza parrilla.

Zarza Parrilla radix eſt plantæ ſarmentofæ viridis, ſpinis per intervalla minutiffimis armatæ. Folia habet prope ſpithamam longa, ad quorum exortum duo capreoli, veluti cincinni prodeunt, quibus ſe plantis alijs implicat. Flores racematim naſcuntur, quibus baccæ ſuccedunt primum virides, dein' rubæ, denique, poſtquam maturuerint, nigræ, & ceraſorum ſiccorum inſtar rugofæ, quorum formam quoque, ac magnitudinem imitantur. Hæc planta a Quaraniis Yuape cangà, ab Hiſpanis Zarza parrilla dicitur, quia ut dixeram, ſpinofa eſt; Zarza enim Hiſpanis plantam ſpinofam denotat, uti eſt Zarza mora, Rubus. Parrilla Hiſpanis eſt Craticula, in qua carnes aſſantur. Cum igitur plantæ iſtius folia tribus nervis majuſculis in longum exeurrentibus, multis autem venulis tranſverſim poſitis craticulæ formam aliquomodo exprimant, nomen *Parrilla*, ſeu Craticula plantæ obtigit, quam Botanici ſmilacem aſperam Peruvianam, alii ſarmentum Indicum appellare ſolent. In litoribus fluviorum Uruquayi, & Nigri, quorum aqua a ſalubritate eximia laudatur, Zarza parrilla perſequens eſt, imo & in ripis fluvii tertii (El Rio Terzero) reperitur in urbis ſanctæ Fidei agro, & in alijs Americæ terris. Quæ ex territorio de las Honduras adſertur, plurimum celebratur. Radices zarzæ parrillæ, quibus duntaxat virtus medica ineſt, penna anſeris, qua ſcribitur, vix craſſiores, in ſuperficie rugofæ, & fulcæ

fusce, intus vero candidæ sunt, omnesque ex eodem plantæ condylo, seu nodo nascuntur. Sapore, odoreque singulari carent. Ex resina & gummi, quod pars earum lenior est, constant. Coctæ aquam rubro tingunt colore. Radicum harum usus multiplex medicis, quin & ægrotantibus notior est, quam ut explanari a me debeat. Aliud quoque est plantæ Yuapecangæ genus, quod venenatis animalium moribus dicitur mederi, & Vejucus serpentium, uno Radix Chinæ ab aliis putatur.

### Rhabarbarum.

Rhabarbarum, Hispanis Ruybarbo, radix est plantæ ex genere lapathorum. Ex foliorum vagina oritur florum fasciculus in plures ramos divisus, cui flores quatuor foliis cincti incumbunt, e quibus semen triangulare oritur. Radices sunt longiusculæ, non nihil spongiosæ, sat multi ponderis, foris flavescences, intus, ut nux moschata, marmoris instar variegatæ, saporis ætioris, amaræ. Eas mandentibus fastidium creant, & aroma redolent. In diversis Paraquariæ tractibus, maxime in alpihus (la Cordillera) Assumptionis urbi propinquis, ad ripas quoque amnium Ypane miri, & Tapiaguay Rhabarbarum provenit Alexandrino colore, sapore, odore, virtuteque simile eo tamen discrimine, quod folia Alexandrini in suo exortu cuspidata, in fine sint latiora; Paraquariensis vero Rhabarbari folia primum lata, dein' in cuspidem desinant, uti folia liliorum, teste Josepho Sanchez labrador, cujus fide id scribo. Rhabarbarum ex Indiis, quæ solem orientem respiciunt, ex Persia item, Moscovia, & Tartaria allatum a medicis Americano præferri, audio.

## Jalapa radix.

Abundat Paraquaria radicibus Jalapa, ejus planta Mirabilis Peruviana a Botanicis dicitur. Hæ radices longiusculæ sunt, Crassæ, & resinosæ. Si foris leucophæi, seu cinerei coloris sint, intus vèro citra ullam cariei notam splendescant, maxime probantur. Non bilem solum, ac pituitam, sed alios etiam noxios humores e corporibus expellunt. Fit ex illis Resina Jalapæ, utilitatis luculentæ. Jalapa a quibusdam Mechoacàn nigrum appellatur.

## Mechoacàn.

Mechoacàn radix ingens, sed levis, initio undique alba, deinde cinerea evadit. Ab aliquibus Bryonia Indica dicitur; Sed licet ad similitudinem Bryoniæ accedat, ejus planta convolvulus est, folia gerit cordis figuram exhibentia, & baccas exiles producit. Mechoacàn etiam Rhabarbarum album vocatur, infantibus leniter purgandis opportunissimum; Pulvis enim, in quem radix redigitur, saporis expers farinæ speciem refert.

## Sassafràs.

Sassafras arbor, per omnem prope Americam frequens, & salubritate, & elegantia se commendat sua. Trunco est rectissimo, plano, & ad triginta circiter pedes procero, ubi demum in ramos, frondesque ejus se explicat cacumen. Non lignum modo istius arboris, sed & cortex, & radix insigni pollet fœniculi fragrantia, quæ cum eariem, putredinemque arceat, hoc lignum per annos quàm plurimos durat, ut pharmacopœorum, sic fabricorum  
of-



officinæ utilissimum. Santali instar coloris est e cinereo in flavum definentis: Saporis acris aromatici, sed una grati odoris. Circumspiciendum caute pharmacopolis, ne pro ligno Sassafras lignum abietis rubræ in aqua cum fœniculo coctum sibi a negotiatoribus exteris obstrudatur. Est & alia arboris Sassafras species. Hæc foliis lauri vestita fructum gignit odoriferum, & postquam maturaverit, nigrescentem. Cortex e cinereo obscure rubri coloris est. Iisdem, quibus prima, hæc altera species virtutibus pollere dicitur ad sudores, & urinam ciendam, ad morbos e frigore ortos, ad lœm Gallicam, viscerum obstructionem, uteri intemperiem &c. curanda. Neque pluribus opus est. Medici nostrates ligni apprime salutaris & vim, & usum probe norunt. Apiterebî, frequens in Paraquaria septentrionali arbor, arboris Sassafras genus esse præterea quibusdam videtur.

### Lignum sanctum.

Arbor, quæ ab Hispanis Palo santo, ab aliis Lignum sanctum, ab Abiponibus Enêrasanfat dicitur, ampla quidem est, haud tamen admodum procera. Foliis vestitur parvis, & propemodum rotundis, quorum bina ex singulis pediculis, seu caulibus prodeunt, in summitate veluti incisa. Flores, qui partim in medio, partim in extremitate ramorum singuli, vel bini nascuntur, flavent. Lignum, si quod aliud, durissimum est, & vel in aquis prope æternum. Medulla arboris plumbei coloris est. Resinam, quam arbor sudat, amaram, aromaticam, perinde ut lignum, medicinale esse ajunt. Eadem, uti & illius gummi in pulveres convertuntur, quos cum aqua calida potos dysentericæ mederi credunt Para-



quarii. Quibus præterea morbis, qua ratione salutare hoc lignum adhibendum sit, meum haud est suggerere. Hispani indigenæ cochlearia, quibus in mensa utuntur, pocula, & quibus herbam Paraquaricam bibunt, fistulas, & quibus tabacæ fumum hauriunt, & ligno sancto fabricatas, pro thesauris, & alexi pharmacis domi habent. Hæc arbor non in Australi Paraquaria, sed in Boreali, ubi Mocobii, Abiponæque habitant, solum provenit, & in quibusdam Tucumaniz superioris tractibus. Milites correntini Nicolao Patron Pro-Gubernatore suo Ducem in hac provinciam eo fine excurrerunt aliquando, ut viam, qua olim herba Paraquarica per Vallem bonam (Val buena) ad urbem salta plaustris devehebatur, rursus detegerent, & Mocobios adhuc Barbaros, si locorum, temporisque opportunitas tulerit, oppido novo sancti Ferdinandi semper infestos multarent. Multum jam in hac progressos Hispanos, & citra hostium suspicionem meridianes Amokin Caziquius longo Mocobiiorum suorum agmine stipatus oppressit, terruitque. Pro-gubernator, etsi cætera strenuus, impavidusque tanto Barbarorum numero imparem cum se putaret, per interpretem suum Hispanum (Casco illi nomen erat) annos plurimos Abiponum captivum Mocobiis blandiri maluit, & ne ad manus veniretur, impedire. Auteos Caziquio pollicebatur montes, ac hostili se animo adesse, pernegabat. Neque latum unguem progredi porro ausus, re infecta, domum rediit. Milites, qui lauros, palmasque messuri excurrerant, ligno sancto, quod per viam secucere, onusti urbem ingressi sunt. Et verò rem magnam præstitisse sibi videbantur, quod ope ligni sancti, si non sanctiores, certe saniores se futuros nil dubitarint. Irrita hæc in hacum expeditio tan-

to cum strepitu suscepta, cum exitus expectationi nulla ex parte respondisset, omnium sermone, ac risu est celebrata, me id temporis in vicino S. Hieronymi oppido apud Abipones agente. Paulo post ad S. Ferdinandi oppidum translatus cum negotii causa in urbe Corrientes versabar, interpretem agere iussus sum ejusdem Caziquil Amokin, qui cum suorum Mocobiorum manipulo ad visitandum Pro gubernatorem Patron repente venerat. Sed enim vir bonus tum denique perspexit, fassusque est, se Mocobiis, dum eorum multitudine oppressum se in chaco viderat, viribus, facultatibusque suis majora promississe.

### Quayacàn.

Hallucinantur profecto, qui lignum sanctum, & Quayacàn idem esse sibi persuadent. Etsi enim utrique ligno easdem prope vires ad morbos quosdam eliminandos inesse, haud inficiemur, arbores tamen, ut nomine, sic forma differunt luculenter. Quayacàn enim, quod Abipones Enerafanfæt Laërana vocant, in majorem altitudinem assurgit, Nuci arbori propemodum par. Ramis abundat. Folia gerit dura, minuta, foliisque Algárrobi arboris, quæ filiquas græcas profert, similia. Ejus flores crocei sunt coloris, e quibus fructus, pingui semine foeti, oriuntur. Medulla arboris quo nigrior, eo magis resina prægnans. Cortex arboris ejusdem durus, resinosus, ex pluribus veluti telis seu pelliculis compactus, foris coloris cinerei maculis conspersi, intus pallidi in ruborem desinentis; Saporis amari, odoris non ingrati est, plusque efficacitatis in medicina habere creditur, quam ipsa ligni segmenta. Joannes Fabri medicus Florentinus, Fracastorius, Huttenius, Boerhave, & qui non? Quayacàn, seu, ut illi lo-



quantur, Quayacum, seu validissimum luis Gallicæ remedium laudibus in cælum tollunt. Illustrissimi quoque Barones Gerardus Van Swieten, & Antonius Störck Cæsarei Archiatri, aliique, quibus Vindobona hodie gloriatur, doctissimi Medici usum Corticis Peruviani, Rhabarbari, Zarzæ parrillæ, Jalapæ, Mechoacan, Sassafras, ligni sancti, & Quayacan magni faciunt etiamnum, etsi pluribus aliis, in quibus fidei, fiduciaeque plusculum collocarant veteres, medicamentis exteris seu contemptis, seu valere iussis. Id mecum reputans nobilissimarum plantarum descriptioni tantisper immorandum mihi putavi. Obiter perstringam, quæ memoriæ occurrerint, cæteras, variis usibus opportunas.

### Zuyñandý.

Zuyñandý arbor vasta, celsaque ligno constat molli, cortice, qui multo humore turgescit, crasso: Floribus puniceis, qui ex folio grandiori expanso, & serici instar blando videntur componi. Cortex, pellis asperioris superficie nudatus, riteque contusus vulneribus, si applicetur, curandis mirum in modum conducit, quæ seu unguibus, seu dentibus tigridis fure inflicta.

### Zamuñ.

Zamuñ & forma, & nomine ridiculo gaudet; Ab Hispanis equidem Palo borracho arbor ebria appellatur. Est procera. Truncum spinis grandioribus undique cinctum, flores majusculos, pulchreque rubentes, insolitam cæterum figuram ostentat. Nam trunci pars summa, & infima angusta, media amplissima est doliorum more. Inde est, quod

quod ex ejus ligno admodum molli facillime canthari, vel dolia conficiantur. Quanto longius a fluvio abest, tanto plus hæc arbor dilatatur. Adeo ab aqua abhorret, neque tamen sterilis est; Fructum namque profert rotundum majoribus quibusdam cucurbitis similem, corticisque minime fragilis. Hic, postquam maturuit, sponte dissilit, floccosque lanecos Gossipio similes detegit serico blandiores, sed fibræ adeo curtæ, ut fila ex iis non nisi ægerrime duci queant. Illius arboris spinæ non lædendis, sed juvandis hominibus natæ videntur; Nam contritæ coctæque aquam rubro imbuunt colore, quæ oculis ægris mederi dicitur. Idem ejus folia præstant.

### Mangay.

Mangay cerasi arboris magnitudine, floribus candidis, qui odorem spargunt per jucundum. Fructum gignit aurei coloris, & pruno majori parem. Maturus palatum suavissime afficit, quin officiat stomacho. Et arbor, & fructus lacteo quodam & resinoso affluit succo. Is (Mangayci dicitur lingua Quarantica) cortice inciso uberrimus manat, & manibus, vel tabula excipitur. Aura accedente coagulatur, & in pelliculæ speciem coit. Hæc in pilas convolvitur, vi quadam elastica tam insignes, ut a ludentibus solo leviter allisæ altissime subsiliant. Singulæ scuto, seu imperiali Hispanico in Paraquariæ urbibus veniunt, ubi aliquis viget monetæ usus; Alias, quod universim observandum, res, quæ imperialis pretium æquent, uti Gossipium, tabaca, saccharum &c. porriguntur ab emptore. Idem liquor resinofus Mangayci adversus dysenteriam multum valere dicitur. Dolendum magnopere, quod pauci admodum huic

resinæ colligendæ dent operam, multis vel in Europa usibus futuræ.

### Sanguis draconis.

Arbores Caa verà, e quibus sanguis draconis (Sangre de drago Hispanis) provenit, mediocres sunt, seu truncum eorum, seu altitudinem spectes. A botanicis quibusdam Palmæ pruniferæ foliis jaccæ appellantur, sed, me judice, nullam eum palmis habent affinitatem. Ex urbe Assumptionis ad Boni aeris portum navigantes in litoribus Paraguay & Parane, ubi tot noctes a nobis actæ, harum arborum sylvas densissimas deprehendimus. Ex earum trunco alte inciso succus profluit & colore, & spissitudine sanguini consimilis. Igne decoctus in resinam condensatur hepatici coloris. Aliquando hirci sanguinem Bolo, vel Lignum Brasiliæ rubicundum Gummi Arabico permixtum Pharmacopoliæ Europæis a mercatoribus exteris pro sanguine Draconis vendi, medici conqueruntur. Salutari arboris Caa vera ligno ad scalpendos dentes utendum suadent nonnulli. Quamvis receptum ab Hispanis proverbium: *Con oro, ò plata, ò bisnaga, ò nada* dentes vel auro, vel argento, vel bisnaga purgandos esse, vel prorsus non tangendos, affirmet. Bisnaga planta est fœniculo persimilis, & passim prostat in Paraguarina. Illius pediculos, seu caudices pro dentiscalpro adhibent plerique, ut alibi lentiscum.

### Cupay.

Paraguarientes arbores etsi fructus suos sua sponte, palamque offerant indigenis, oleum tamen, quo prægantes sunt, non nisi cæcæ, vulneratæque red-

reddunt. Harum sane de numero est Cupay arbor vasta, procera, foliis semipedem longis, nervis, venisque subrubentibus conspicua. Præter lignum obscure rubrum, durum, fabricisque idoneum præbet fructum in superficie fuscum, cujus nucleus magnitudine, ac forma juglandem imitatur. Is fructus dulcedinis plus, quam carnis licet habeat, ab Indis inter escas, a simiis inter bellaria etiam numeratur. Sed enim nominis sui claritatem, pretiumque hæc arbor oleo, quo turgescit, nobilissimo debet suum. Succum hunc plurimis apprime utilem ut elicias, armata manu opus est, opus est industriis. Multiplici experimento doctus docebo te methodum. Truncus arboris (quæ nec annosa sit, nec nimis tenera) ad medullam usque securi inciditur. Paulo post peractam incisionem crepitum tenuem, ab oleo ex ramis, & cacumine defluente excitatum senties; Aura scilicet calentior per poros sectæ arboris liberalius se insinuans oleum natura resinofum, spissumque rarefacere, fluidiusque reddere videtur. Ad hoc citius, certiusque impetrandum opposito arboris incisæ lateri ramos aridos arduos applica, quorum calore oleum per arboris fibras sparsum magis, magisque liquatur, & uberrime profluit in vas trunco subiectum. Paucas intra horas cantharum oleo repletum, videbis. Cantharos plures replere si cupis, plures arbores Cupay incide, in sylvis Paraquariensibus, quæ Boream respiciunt, frequentissimas; Alibi vel raras, vel nullas. Hæc operatio verno tempore, septembri mense, luna plena suscipienda est. Si enim luna deficiente, si æstate, si hyeme eam susceperis, actum ages, ne unam quidem olei guttam quibuscunque industriis elicies. Id certum mihi, & repetita experientia compertum. Rideo illos physicos, qui linnæ nullam in plantis vim inesse contendent.

dunt. Experimenta terra, marique a me facta contrarium me docuere. Neque mirum vernò solum tempore, quo maxime vigent arbores, oleum manare. Hoc ab aqua vix discrepat colore, sapòris est amari, odorem nec suavem, neque naribus molestum spirat, & non medicis duntaxat, sed & pictoribus magno est usui. Illius virtutem, quam ex aliis didici, nunquam tamen ipse exploravi. accipe. Calefactum, vulnerique applicitum sanguinis fluxionem sistere, fauciumque brevissime consanare dicitur. Serpentum moribus curandis, abolendisque cicatricibus servit. Illitum pectori stomachi languorem: Ventri, colicos e frigore dolores sedat. Binæ, ternæve guttulæ si cum ovo cocto sorbeantur, dysenteriam, aliasque, quæ corpori officiant, fluxiones tollunt, tonum visceribus reddunt, roburque. Interdum cum saccharo ex aqua plantaginis, vel oleo rosarum soluto enematis loco injicitur. Sed hæc non nisi e medici, cui & æger, & ægritudo perspecta fuerit, arbitrio adhibenda. Id universum omnium animis inculcatum magnopere velim, quidquid de usu, vel salubritate plantarum dixerò. Historicum ago, non medicum; Istius erit, quid obsit ægro, quid prosit, dispicere. Neque enim mihi in mentem venit unquam, in alienam messem falcem immittere. Ex eodem Cupay oleo celeberrimum per Europam balsamum Cupayba conficitur in Brasilia, & frequentius in Maragnonis provincia, quæ his arboribus abundat. Verum huic balsamo alias etiam resinas, maxime ex arbore Ybirapaye, de qua plura dicemus alibi, admisceri, odoris fragrantia singularis prodit. Pictoribus quoque ut Americanis, sic Europæis Cupay oleum multas adfert commoditates; Coctum enim cum allio præ quavis Vernice splendorem addit picturis, nullo unquam tempore obscu-



randum, si olei loco, quod ex lni femine exprimitur, cum coloribus misceatur. In sculptis præsertim e ligno imaginibus ad faciem, manus, & quidquid carnis est, vivo colore pingendum nihil opportunum magis. Vix mihi persuadeo, oleum Cupay purum putum ex America affecti hujatibus officiais, cum mercatores ad augendum pondus quæstus gratia heterogenea, nescio, quæ soleant admiscere. Tres in Paraquaria novi arbores admodum diversas, quibus, si nomeu. spectes, multa affinitas, scilicet: *Cupay*, *Curupay*, & *Curupicay*: De prima mihi hætenus sermo fuit. *Curupay* æque ut çeivil, corticem ministrat, quo ad corium bubulum macerandum utitur Indi. Hoc rubicundum ut evadat, cortici *curupay* corticem alium arboris caatigua (quod Abipones Achitè vocant) immiscent. *Curupicay* arbor sambuco nec major, nec durior ligno constat fungoso, & ad nihil, quod sciam, idoneo. Vel levi manu tacta succum lacteum, quem venenatum vulgo putant, fundit.

## Piñon del Paraguay seu Nux cathartica.

Arbuscula foliis, figura, ligno molli ficui nostri multum similis. Ex ejus trunco, ac foliis manu compressis, liquor lacteus, copioso sero mixtus, stillat. Fructus, quos profert, juglandes sunt fuscae, sub quarum duro, nigroque cortice tres nuclei candidi, candida quoque membrana tecti, totidem veluti, cameris discreti latent, & tum saporis dulcedine, tum figura amygdalam referunt. Hi nuclei Piñones del Paraguay, seu Noces pineæ Paraquarienses, a Quaraniis Mandubi quazù, a medicis jam Noces cathartice, jam Ricini Americani, vel fabæ purgatrices dicuntur. Duo enim, vel tres nuclei, quos pri-

prius alba pellicula nudandos, vino macerandos, & igni non nihil torrendos, monent plerique, ad virtutem eorum purgatricem mitigandam, comesti & vomitum cient, & alvum insigniter purgant, noxiosque expellunt humores. Nostri certe Abipones, dum stomacho nimia carne onerato invaletudinem aliquam senserant, confestim hos nucleos pro remedio a nobis poposcere, iisque feliciter usi sunt. Primi, qui Paraquariam adiére, Hispani cum nullam Americanorum fructuum cognitionem haberent, annona destituti hos nucleos, amygdalis propemodum dulciores avidè, immoderateque vorarunt; sed mox intempestivo vomitu, ventrisque purgatione immodica fatigati aviditatem damnarunt suam, & quod escam putarunt, medicinam esse multos inter cachinnos sunt experti. Num Europæis in pharmacopæis prostant venales hi nuclei? Num Medici nostrates eorum usum ægris suadeant? Ignoro. Illud certum, caute iis, & ægrotantium viribus probe circumspectis utendum esse. Ramus hujus arbusculæ resectus, terræque mandatus confestim radices agit, celerrimeque adolescit.

### Vaynilla.

Vaynilla (dulce nomen illis, qui chocolada inhiant) planta sarmentosa humidioribus in campis nascitur, & palmis quibusdam, ceu fulcris implicat se se. Foliis amplis, & circiter palmum longis, floribus candidis sed exilibus insignitur. Leguminum ritu folliculos, seu vaginas pro fructu gignit, quartam cubiti partem longas, triangulares, & postquam maturare, fusi in superficie, splendentisque coloris: odoris fragrantissimi, ac sicuum more seminibus tenuissimis refertas. Ex his seminibus Indæ mulieres ad col-

colli sui ornatum rosaria concinnant, monilium loco servitura; Haud alium equidem Vaynillæ usum noverunt quondam Barbari, quæ tamen summi, volucresque avidissime vescuntur. Cum fructus hic folliculo, seu vagina tenui claudatur, illi nomen Vaynillæ Hispani indiderunt, a quibus latinum vocabulum *Vagina vayna*, *Vaginula Vaynilla* dicitur. Istius plantæ, quæ invento Choecoladæ usu Americanis quæstuosa evasit, descriptionem Patri Josepho Sanchez in acceptis refero, qui chiquitorum terras, ubi is fructus provenit, uti & in Peruvio, & alibi, peragravit. In reliqua enim, quam ipse vidi, Paraquaria peregrina est hæc planta, non soli, sed incolarum vitio, in calentioribus ad septentriones plagis, si coleretur, haud dubie nascitura.

### Cacão.

Vaynillæ faba cacão socianda est. Arbor ejusgenitrix Mato aureæ, si folia spectes, persimilis, major tamen, in cacumine aliquam coronæ imaginem ostendit. Fructum profert magnis peponibus similem, sub illo latent nuclei pingues, amygdalis pares, alba, dulcissimaque pellicula, veluti sepe quadam, divisi singuli. Indi Peruviani nucleis, quorum pro choecolada paranda usum tum nesciverant, abjectis solam illam pelliculam, melle quovis dulciorem, mandere quondam, sugereque solebant. Istius generis arbores nativis in sylvis prognatæ in magnam accrescunt molem, peponesque, quos profert, foliorum, frondiumque amplitudine ita contegunt, ut non nisi a proxime adstantibus cernantur. Alio in solo consistit nunquam adeo ingrandescunt. In Paraquaria unicam Cacão arborem, nondum adultam vidi, paucos ante menses in horto plantatam.

In Peruvio apud Indos Mojos, in Mexico, aliisque passim Americæ provinciis hoc luculentissimi quæstus fructu sylvæ abundant. Pro regionum tamen varietate nonnulla & arboris, & fructus varietas observatur, quod aliis quoque plantis, imo & pecoribus usuenire experimur.

### Tamarindus.

Tamarindi pharmacopolis Europæis notissimi prunorum genus sunt, fusci corticis, aciduli, sed palato jucundissimi saporis, multis, pulchrisque nucleis referti. Frigidæ immerfi aliquamdiu si sumantur, ad sitim vel ardentissimam sedandam, ad alvum leniter laxandam quoque plurimum conducunt. Nascuntur in arboribus, quæ palmarum referunt speciem, & ramis, frondibusque adeo prolixis gaudent, hominum tegere multitudinem, atque adversus solis æstum umbra sua protegere ut queant. Tamarindi, quos Herbarii dactylos acidos appellant, chiquitorum in territorio proveniunt, & alibi; Per cæteras Paraquariæ oras ignorantur.

### Yçica resina.

Yçiy arbor resina scatet, quam Terebinthinæ Venetæ prorsus parem affirmant alii, alii eam gummi Elemi, quod ex Æthiopia adfertur, similem arbitrantur, quamvis hoc calidiorem eam esse, haud negent. Hæc Paraquariensis resina ad arboris radices sub terra reperitur, ad quam sole æstuante copiosissima ex illa defluere solet. A Quaraniis Yçica dicitur, & non solum curandis morbis, sed & navibus picandis, pice nautica deficiente, aliquando adhibetur.

## Abati timbaby arbor.

Abati timbaby arbor vasta copiosum Gummi aurei coloris, & crystalli purissimi instar pellucidum sole ardente effundit, e quo & Hispani plebeji, & Indi sylvicolæ cruces, inares, sphæras ad colli ornatum sibi parare norunt. En artificium! Modulos, seu prototypa ejusmodi figurarum in ligno, vel arundine cavata arbori applicant, e qua stillans Gummi in modulos subjectos defluit, aura accedente duratur, & mox crucis, inaurium, sphærarum figuras scitissime expressas miraberis, crystallinasque jurabis. Hæ vitri instar fragiles quamvis sint, nullo tamen humore liquantur. Ea est Gummi istius non modo elegantia, sed & durities. Europæis si artificibus id suppeteret, nodulos, fibulas, icunculas, mira quæque ex illo conficienda, opinor. Quid si id in medicina nobilem sibi locum mereretur? Nemo hæc ejus virtutes exploravit.

## Cedrus.

Tucumania, Paraquariaque, qua septentrionibus propinquat magis, nemora Cedris innumeris, celsissimisque superbiunt, quæ, cum trunco sint rectissimo, supra fidem procero, ac vasto, & navibus, & fabricis quibusque materiem præbent eximiam, quippe, cum cariem sentiant nunquam, vel sub aquis æternam. Ex nulla, quotquot Paraquaria gignit, arborum æsseres consunt seu longiores, seu latiores, quæ, cum non machina ab aquis impulsæ, sed humanis manibus ferram trahentibus laboriose fiant, ex Tucumania per trecentas admodum leucas planstris advecti magno sane pretio venerint in urbe Boni æris, sylvis undique destituta; Eodem ex remotissimis Assumptionis nemoribus bimestri sæpius navigatio-

tione per flumen adferuntur. In Tucumania equidem a Laico nostro germano fabrica, ubi ab aquis rotæ illabentibus ferrâ movebatur ad cedros magno laboris, temporisque compendio fundendas constructa, sed ab indigenis nova aspernantibus paulo post neglecta, destructaque fuit. Ex una interdum Cedro linter prægrandis cavatur, cui impellendo triginta remiges ægre sufficiant. Ferdinandus Arias Boni aeris, & Assumptionis Gubernator celeberrimus tali Lintre usus fuisse scribitur, dum utramque Provinciam crebro visitabat. Neque id mirum, aut insolens. Nam si Plinio, aliisque fides, in Cypro insula Cedri nascuntur centum & triginta pedes longæ, eaque crassitudine, ut quini viri eam nequeant complecti. Haud inficior, ex arbore Timboy quoque & Tabulas, & lintres breviores, tenuioresque confieri in Paraquaria, Cedri tamen primas tenent, quippe quæ amplitudine, rectissimaque proceritate trunci, materiæ docilitate, perpetuaque sub aquis incolumitate præcellunt. Cedrus a Quaraniis Ygary dicitur. Cum ex Cedro potissimum lintres fiant, ab iisdem Yga, vel Ygara, & portus, seu statio navium, Ygarupâ vocantur. Navim vero non ex una Cedro cavatam, sed pluribus e tabulis compactam Ygaratâ appellant. Quo nomine Cedrum insigniverint Abipones, fateor, me nescire. A Mocobiis, in quorum terris passim obvia est, Otelalafik dicitur. Duplex porro Cedrorum genus in Paraquaria prostat: Aliarum enim lignum eleganter rubet: Aliarum vero pallidum est. Utrumque tamen suavissimo fragrat odore, & sole ardente e trunco ramisque copiosissimum Gummi jam candidum, jam rubicundum, semper pelucidum effundere solet. Ad res conglutinandas, illustrandasque iisdem, quibus Gummi Arabicum, usus nobis fuit, quidni & medicamentis variis oportet.

tunum? Si aqua cum cedri segmentis cocta bibatur, sanguinem, ut cum medicis loquar, extravasatum eorum e corpore exturbat, qui vel præcipiti ex equo, aut arbore lapsu, vel ictu violento fuere contusi. Quamvis talia passis ad accelerandam curationem Quinoa, legumen minutissimi grani, in aqua cocta bibenda porrigitur etiam. Alii ex eadem Quinoa in mortario prius comminuta, & cum aqua cocta faciunt cataplasma, parti læsæ, vel contusæ applicandum. Humores noxios dissipat celeritate tanta, ut & medici & ægroti superet expectationem. Expertus id assevero. Idem legumen saluberrimus item quibuscunque est cibus.

### Pinus americana Curiy.

Curiy Pinum Europæam foliis, ac proceritate imitatur, ligni vero, quod pallidum rubris venis distinguitur, duritie superat. Nodi præsertim, seu tubera eminentia, quæ Paraquariensi Pino innascuntur, saxi duritiem propemodum æquant. Ex prægrandibus his nodis jam Divorum statuas sculpunt, jam sphæras præcatorias torno scitissime Quaranii elaborant. Igni minus admotæ, dum scilicet latens in ligni venis rubra resina calore eliquatur, veluti Vernice, ut vulgus ait, obductæ eleganter rubescunt, mirumque splendescunt in modum. Viva adhuc arbor Curiy, æstivis caloribus, resinam egregie rutilantem, gratissimique odoris uberrime sudat, magni ad curanda vulnera usus. Pinæas præterea nuces, seu strobilos profert cucurbitis magnitudine pares; E squamoso cortice exempti nuclei a quovis appetuntur. Ejusmodi Pini non ubique visuntur. In quibusdam tamen Paraquariæ territoriis illarum sylvas late patentes videas, quas Hispani los Pinares appellant. Etiam

ad hortos domesticos translataz Cutiy<sup>9</sup> egregie adole-  
scunt. In pluribus Quaraniarum oppidis vidi.

### Algarroba, seu filiqua græca.

Multis nominibus celebranda venit arbor, cujus  
fructus ab Hispanis Algarroba, ab Abiponibus Ha-  
map, a latinis filiqua Græca, a Græcis *νεγάριον*, a  
Galeno *νεγαριών*, a Germanis cultioribus Panis san-  
cti Joannis, a vulgo capricornu appellatur. Ast no-  
veris, Americanam Algarrobam mole, figura, colore  
differre ab illa, quæ in Germania passim venalis pro-  
stat, & ab Hispanis Algarroba de la Berberia dici-  
tur, unde in Hispaniam, & Lusitaniam a Mauris trans-  
lata est, ubi hodie sine cultu in sylvis copiosissima  
nascitur adeo, ut, quod ipse spectavi, in illis pro-  
vinciis hyberno tempore & bobus, & mulis pro pa-  
bulo quotidie obijciatur. Algarrobæ Hispanicæ va-  
gina latior est, seminibus, seu lapillis grandioribus  
referta, fuscique coloris, etsi pulpa ejus dulcis, &  
subalba videatur. Algarrobæ Paraquariensis vaginæ,  
seu folliculi spithamam fere longi, pollicem virilem  
aliquando lati pellicula flava teneriori teguntur, semi-  
nio præterea minori, molliorique turgent, ac palato  
magis blandiuntur. E pluribus, quæ Paraquaria gignit,  
Algarrobæ generibus bina cum primis memoran-  
da veniunt, quorum Alba altera, altera nigra voca-  
tur. Hanc Abipones Roak, illam oäk appellant. Al-  
ba & Sicca, ut ex arbore decedit, manditur, & in  
mortario contusa jam manducatur, jam aquæ injecta  
tandem vinescens potatur strenue ab Abiponibus, ali-  
isque Barbaris. Mulierum est eam in sylvis legere,  
equo domum deportare, in mortario molere, pelli-  
que bubulæ, quæ pro scaphio, & dolio est, cum  
frigida mixtam infundere, ubi sine rei alterius accet-  
sio.



sione post horas circiter duodecim nativo calore, multi instar, effervescent adeo, ut aëris admodum, dulcis, salutarisque potio evadat denique. Immodicus illius usus titubare facit & caput & pedes, & quod primo loco dicere oportebat, linguam. Temulentit ut sint Abipones, sui que impotes, nec Falerno, neque Tocaïno illis vino est opus. Præ utroque potus Algarrobæ, quem Laagà vocant, id præstat in plures sæpe horas, imò diès productus. Hic tamen, uti multarum ebrios inter Barbaros cædium, vulnorumque est occasiuncula, sic, si modo moderatio accesserit, valetudinis roborandæ, vivacitatisque incredibilis est instrumentum. Enimvero si quando de tabe hectica, vel cachexia suspectum, confectumque macie Abiponem conspeximus, solenne nobis erat dicere: Vivat modo, siliqua græca dum maturuerit, hac recreatus miser convalescet utique. Dictis, votisque eventus fere respondit. Tot sane, qui prostratis viribus emarcuerant jam jam, melleo potu affatim rigatos stupuimus revivuisse. Quid, quod & equi, muli, boves nunquam sint seu obefiores, seu robustiores, quam dum Algarroba pascuntur aliquamdiu, qua sylvas late omnes affluere videas, in Chaco maxime, & in sancti Jacobi finibus, quamvis alibi per immensos Paraquariæ tractus ejusmodi arboris ne umbra quidem deprehendatur. Quarani certe, qui in duas & triginta colonias tributi latissime habitant, saluberrimo hoc carent fructu. Neque nobis unquam visum est Algarrobam, quæ promptissime nascitur, plantare, ne illa, uti plerique Indorum solent, ad compotationes, temulentiamque abuterentur. Ad hanc impediendam certe nobis apud Quaranos erat vitum, ex cannis sacchari, quibus multa eorum frigida abundant, vinum, ut vulgo vocant, cremare parare, etsi ex malis Persicis, Aurantiis, Cydo-



niis, aliisque id facere licuisset. Cæterum semina Algarrobæ, quacunque in gleba vel temere effundantur, certissime, citissimeque in arbores excrescunt. Campus, ubi ad fluminis Rubri (Rio vermejo) ripas urbs conceptionis, a Barbaris dudum everfa, steterat, hodie sylva est impenetrabilis; Semina Algarrobæ, quam diu, noctuque potarunt incolæ, quotidie per urbis plateas abjecta sylvæ tantæ origo exstiterunt. Eadem de causa campi, qui Abiponum stativa fuere diu, sylvescunt omnes. Sed audi plura. Arbores Algarrobæ albæ non modo escam, potionem, medicinam ministrant, sed & materiem plaustrorum, ædium, navium fabricis opportunissimam; Earum enim lignum violacei coloris & docile est & vel in aquis firmissimum. Ex hoc navium, quæ per Paraquayum & Paranam fluvios commeant, carina potissimum struitur, cui latera, & statumina navis innituntur eo fere modo, quo spinæ dorsi animantium costæ. In sancti Jacobi nemoribus equidem, & in sylvestri urbis correntinæ, quod solis occasum spectat, litore Algarrobi vastissimæ juxta, ac insigniter proceræ passim occurrunt. Alias alibi, quo quo te vertas, conspicies, sed quas, etsi proceritate, ac crassitudine eximias, trunci tortuosi obliquitas fabris, fabricisque inutiles reddit. Folia huic arbori, quam Abipones Oaikik vocant, minuta sunt, flores pallidi, & exiles. Ex his siliquæ folliculis, ut fabæ solent, clausæ oriuntur. Mense Novembri maturescunt, & ad Martium usque vel in sylvis perdurant, vel sensim collectæ a providentioribus domi asservantur. Ab Algarroba florescente annum auspiciantur suum Abipones; Hinc vox Ynieſa florem Algarrobæ simul, simul annum significat. Si quem, quot jam ætatis annos numeret, forte interrogent: Quoties, dum vivis, algar-

garroba floruit? Hegem levera Yñiefachi? ajunt. Interrogatus, cum numeros, qui triadem excedunt, vocabulis propriis explicare nesciant, digitis pedum, manuumque exhibitis respondet. De Abiponum arithmetica alibi plura. Altera Algarrobæ species, quam Hispani nigram, Abipones Roak appellant, priori cætera similis, nisi quod ista minor illa sit, dulciorque. Cortex fuscior maculis rubris aspergitur. Ejus vaginæ si, crudæ mandantur liberalius, dulcedine mellea palatum demulcent equidem, titillantque incredibiliter, sed una linguam exasperant, & fandi adferunt difficultatem. Expertus id scribo. Nam, quod omnis alia in longo itinere annona mihi decrat, equitans ex obviis arboribus eum decerpseram fructum, latrantique stomacho objeci aliquamdiu, quo fames sedata quidem, sed loquendi facultas mihi repente fuit sublata. Horarum aliquot silentium, quod mireris, simul morbus, simul morbi remedium erat, Hispanis, qui me comitabantur, equitibus taciturnitatem meam festivo risu celebrantibus. Cæterum hoc Algarrobæ genus cibo sæpius, quam potui parando impenditur. Ejus vaginæ ligneo in mortario contritæ in farinam rediguntur; Hæc cribro purgata rotundæ e ligno arcule injicitur, comprimitur manibus, cumque admodum resinosa sit, sponte sua in panem coalescit, & saxi instar duratur. Cum enim resina pingui abundet, pollen ipse suum sibi Gluten est. Hujusmodi panes, qui in sancti Jacobi coloniis potissimum confiunt, & Patay dicuntur, ad alias missi urbes non escæ solum, sed medicamenti nomine absumuntur ab illis maxime Europæis, qui e calculo, vel stranguria laborant. Universim Algarrobam & albam & nigram, cum virtute diuretica plurimum polleat, si ve potam, si ve comestam tabescentibus, vel lotii difficultate vexatis magnòpere prodesse, nemo unus

In dubium vocavit unquam. Indigenas certe, quibus ab adolescentia prope quotidianus est Algarroba usus, morbos ejusmodi ne de nomine quidem nosse, constat. Sunt, qui ex utraque Algarroba, de qua mihi sermo hactenus, Spiritus Nephriticis, Hecticisque saluberrimos arte chemica elici posse, contendunt. Non omittenda Algarrobæ tertia species, quæ ab Acacia, Ægypti arbore, gummi Arabici genitrice, nil differre quibusdam videtur. Ligno est durissimo, obscure rubeo, foliis iisdem, quibus Algarrobi a me memoratæ, vestitur, flores profert conglomeratos, exiles, crocei coloris, & aromaticum quid exhalantes. Cortex vaginalum spissior est, & niger. Semina folliculis clausa lentibus similia, sed duriora. Folliculi sua cum pulpa resinosi, saporis acerbi, asperique, haud equidem esculenti sunt, aut poculenti. Lanas, Gossipioque atro colore tingendis, alumine tamen, vel chalcantho accedente, a cordubensibus, Jacobopolitanisque prudenter adhibetur is fructus. Ex eadem arbore refina manat, Gummi Arabico, ut ovum ovo, similis. His accedit arbor exigua, quæta Algarrobæ species. Illius folliculi purpureum, ac prope fuscum præferunt colorem; Saporis nec amari sunt, neque dulcis. Indigenæ ex his potionem conficiunt, insigniter sudoriferam, qua multi curantur, teste Thoma Falconer medico, in Europa non nisi adhibita salivatione perferendi.

### Palmæ variæ.

Palmæ solæ (quas Abipones Neboque vocant, Quaranii singulas singulis nominibus distinguunt) vasti voluminis argumentum præberent, si quis singulorum specierum nomina, figuras, proprietates, utilitatesque explanaret. Palmeta Americæ Americarum armamentaria, pharmacopolia, vestitaria, do-

mos annonarias hand abs re quis dixerit ; Namque jam potum , jam escam , jam medicinam , jam arma , jam tectum , jam vestitum Indis palmæ ministrant . Paucula de multis , quæ ipse spectavi in Paraquaria , juvat delibare .

### Caranday.

Palmæ Caranday proceræ flabelli aperti instar folia expandunt sua , dactylosque dulces propinant , quos ne ipsi quidem fastidiunt Europæi . Trunci cortex durissimus securi fissus , medullaque , seu pulpa , quæ e spinis acutissimis constat , exutus imbricatum , scandalarumque loco ædibus tegendis , etiam in urbibus quibusdam , adhibetur , quin & tuguriis struendis . Nam luna propitia , decrescenstem intelligo , sectæ palmæ si fuerint , parum cortex , me teste , fert ætatem . Illud quoque exploratum , palmas Caranday inter uberrimum , omnique pecorum generi saluberrimum pabulum procreari ; Aqua enim pluvia per earum ramos in terram defluens nescio , quid saluginis contrahit , nitrumque qua qua versus generat , optimum , jucundissimumque bestiis herbarum condimentum . In vicinis oppido palmetis plura equorum suorum millia pascebant Abipones ; Nusquam certius , citiusque , quam istic , pinguescunt .

### Pindò.

Pindò eximie proceritatis , & perfrequens palma cortice albescente , & aspero est . Pro ligno illi pulpa fungi instar rara , & levis , quæ ex filis quibusdam ad concipiendam flammam pronissimis componitur . Dactylos gignit , a Quaraniis Ybapyta dictos . In mortario contusi jam cum aqua bibuntur , jam comeduntur . Ex palmis passim nascentibus de-



cidui daëtyli sylvas occupant, ac nudos Indorum pedes innata duritie incredibiliter offendunt, quamvis, cum per omnem ætatem calceis abstineant, plantarum callo undique duratos. Ex hoc quantum me a pueritia calceis assuetum lapide asperiores hi nuclei affligerint, dum itinere in multos dies producto nudis pedibus sylvas sæpe perambulaveram, prona enique fuerit conjectura; Enimvero & tibialia coriacea, & calceos, diuturnis imbribus, paludibusque emollitos, attritos, prorsus jam inutiles abjicere demum oportebat. Verum quamvis hæ palmæ Pindò molestiam creent iter agentibus, iisdem tamen & commoditatem præstant minime spernendam. Quaranii equidem in sylvis noctem si agant, tempestate impendente præsidium adversus imbrem in promptu habent. Obvias ejus generis palmas aliquot securibus sternunt. Earum ex truncis fungosæ, mollisque materiæ tugurium extemporale citissime sibi strunt, illudque ramis palmarum, frondibus earum partim dextrorsum, partim sinistrorsum reflexis belle contegunt. Salva res est. Toto licet impetu nimbi ruant, hoc sub tecto ne gutta quidem, polliceor, ad illos pertinet. Subitario ejusmodi hospitio tetus fulgura, tornitrua, imbres crepitantes inter, & grandines noctem procellosam siccus egi toties, & Quaraniorum tum beneficentiam, tum promptitudinem suspexi. Si quando quibusdam in itineribus aquis pluviis egregie perlutum me, penetratumque fuisse, scribo, memineris, velim, mihi tunc aut Quaranios comites, aut Quaraniis palmas Pindò defuisse. Ex istarum foliis, uti alias ex viminibus, chordæ, fiscellæ, corbes contextuntur aliquando. Hæ palmæ non solum eximia altitudine, sed ramorum etiam, quos eleganter porrigunt, longitudine jucundum oculis spectaculum, hortisque egregium præbent ornamentum.

## Yatay.

**Yatay**, palma minor, præter dactylos germen tenerrimum in cacumine frondescens offert, quod butyri instar molle, aurei partim, partim candidi coloris, ut ex arbore decerpitur, crudum editur, nemini non gratissimum. Ad ejus nuces psittacorum turmæ convolant quotidie.

## Yatay quazù.

**Yatay** quazù foliis amplissimis, & lætissimæ viriditatis, trunco squamoso, & quinque minimum ulnas alto prædita nuces (Coccos vocant Hispani) ovatz figuræ producit. Caro, qua vestiuntur, permordica, sed, si coquatur, esculenta est. In singulis nucibus nuclei tres grandiores, palato amygdalarum instar jucundi sed illis pinguiores.

## Mbocayay.

**Mbocayay** in collibus frequentissima truncum, foliaque spinis prolixis, ac validis armata ostendat. Dactylorum, qui teretes, & amygdalarum instar dulces jam crudi, jam tosti eduntur, racemos præfert. Ex his nucibus oleum, olearum liquori prope par, exprimi potest. Ex eadem palma proveniunt stamina cassiabinis firmiora, e quibus Barbaræ nationes Chordas pro arcu, & lineas pro piscatione validissimas conficere solent. Ipse tali per mare sum usus. Cordubensi in territorio Palmæ visuntur, ignoti mihi nominis, e quarum foliis Scopæ sunt tam fortes, tam commodæ, ut in remotas etiam urbes

certatim asportentur. Hispani Jacobopolitani, qui ceræ, mellisque conquirendi causa sylvas adeunt, palmas quasdam ad medullam usque securi incidunt. Hebdomadam aliquot intervallo eandem ad stationem reduces in palmis a se sauciatis vermes prægrandes, multoque adipe tumidos reperiunt; quibus in lebetæ, vel olla frixis læti vescuntur. Sed longum sit cæteras Americæ palmas, earumque utilitates recensere. Enimvero tot mihi restant arbores, frutices, plantæ seu fructiferæ, seu medicinales, seu aliis usibus destinatæ, quarum si non descriptio iusta, certe mentio mihi est facienda.

### Arbores fructiferæ.

Fructus plerique, quos arbores in Europa proferunt, in Paraquaria desiderantur passim. Poma, pyra, pruna, cerasa, avellanas, castaneas &c. magnam ejus provinciæ partem pervagatus nunquam vidi, certe rarissime. Arboribus istiusmodi diligenter licet plantatis, rigatisque nec Cælum, nec solum Paraquariense videtur favisse; Nam vel steriles adstant foliis contentæ, vel fructus pariunt adeo absurdos, ut abortus naturæ potius, quam palati delicie mereantur appellari. Istorum, quos memoravi, fructuum inopiam incredibilis ubertas ficuum, malorum Persicorum, Cydoniorum, Punicorum, seu Granatorum, Citreorum dulcium, acidorumque, Aurantiorum prægrandium ad Europæ universæ invidiam liberalissime compensat. Harum arborum non hortos, sed sylvas immensas passim videas, partim Europæorum manibus confitas, partim e seminibus vento allatis fortuito exortas. Tot malorum nobilissimorum genera etsi cruda edantur a multis, a plurimis jam cocta, jam eliquata in bellaria, potiones  
que



que diversas, adjecto saccharo, convertuntur. In vicine chilensium regno, ubi aura ob incumbentium alpium juga multo rigidior, Europæi fructus prope omnes, quin & plures alii nativi, lætissime proveniunt, & quæstu non mediocri alias in provincias siccati deportantur. Sed quamvis Paraquaria multis Europæ fructibus destitatur, nativis tamen, quos ne de nomine quidem novit Europa, plurimis gloriatur. Arbores, fruticesque nullo discrimine, eo, quo in mentem venerint, ordine cursum adnotabo.

### Mistol

Mistol arbor prægrandis materiem durissimam rufi coloris, magnique ponderis fabricandis mortariorum pistillis, hastisque idoneam, fructumque præbet rubrum castaneæ nucis magnitudine, qui Ziziphi, quem Hispani Azofaisa, Pharmacopæi jujubam vocant, ex Africa olim in Hispaniam, Italiamque translatis speciem refert, & ab Abiponibus Naalà dicitur. Pellis illius tenera, nucleus grandiusculus, ac durus, pulpa edulis est, atque ex ea potus dulcis, quin & panis conficitur, Indis pergratus, sed meo, iudicio, insipidissimus. Ziziphum, seu jujubam peroris ægritudini, tussi, raucedini, pleuritidi sedandæ medici Europæi impendunt. Mistol Paraquariensis eadem nam virtute polleat, ignoro

### Chañar.

Arboris Chañar, Abiponibus Apehik, lignum prædurum flavescent; Fructus priori aliquantum similis (Abiponibus Apehè) sed minus dulcis, minusque ruber cibum, potumque suppeditat, & a quibusdam siccatus asservatur.



## Yacanè.

Fructus Yacanè arboris coloris est crocei, magnitudine Malum citreum mediocri, sapore pyrum rancidum exprimit.

## Quabyra quazu, & Quabiyù.

Quabyra quazu prunis, & Quabiyù cerasis aliquantum similis, jam cibo, jam potui adhibentur. Quabyra & copiosissima, & Indis gratissima est. Mihi nauscam creavit semper; Nam cimicem olet. Ambæ arbores, horum fructuum Genitrices, lignum torno aptissimum ministrant.

## Quabyra miri.

Quabyra miri, seu minor a priori omnino differt, & tum suavitate, tum salubritate universis Paraquariæ fructibus mihi videtur præferenda. Pomulum est mespilo & magnitudine, & figura admodum simile. Pelle tegitur duriuscula, quæ primum viridis, mox, postquam maturuit, obscure purpurea evadit. Pulpa seminibus teneris conspersa gratissimo dulcem inter, & acidulum sapore demulcet palatum, odoremque balsami suavissimum spirat, quo & cortex vel solus, & folia fragrant. Hæc in pulveres redacta herbæ Paraquariæ insperguntur, eique ut odorem, sic pretium addunt. Illud singulare: quantumvis fructus hujus, natura calidi, esitationem nemini vel noxiam esse, vel periculosam. Quabyra miri nascitur e fruticibus more Juniperi, qualis Austriaco provenit in solo; In aliis equidem provinciis Juniperus in arborem excrescit. Frutices hi trunco

tenui, sed radicibus plurimis, nodosis, crassis, longe, lateque sub terra excurrentibus nituntur. Non nisi in solo arenoso, melioris graminis, experte prodeunt. In campis Tarumensibus, ubi sancti Joachimi oppidum condidimus, in vicinis territoriis urbeculæ Curuquati, & urbis sancti Pauli finibus Brasiliam versus Quabyra miri passim in conspectu est. Sed per eodem terrarum tractus hoc fructu abundantes pascua minus læta deprehendas, vel arenis gramen suffocantibus, vel his fruticibus meliores terræ succos absumentibus. Per reliquam sane, quam peragravi, Paraquariam gleba pinguiori gaudentem nullum Quabyræ miri vestigium usquam conspexi. Neque silentio prætereunda alia plantæ hujus utilitas: In ejus ramulis cera conficitur a formicis lacte candidior, & balsami nobilissimi instar mire fragrans. Micis, seu granulis albis minutissimis per fruticem sparsis ea constat. Ex his per fœminas operose collectis, & ad focum eliquatis candelæ fiunt ad templorum usum, ubi accensæ suavissimum exhalant odorem. Dolendum profecto, ceræ cæterum præclarissimæ duritiem deesse; Nam candelæ ex ea paratæ cito colliquescunt, brevique consumuntur. Diutius ut durarent, ceræ formicarum vulgarem apum ceram admiscui frequenter. Nobilem hanc Quabyra miri ceram, viris Principibus usui, omnibus admirationi, fors & ægris levamini futuram in Europæas nunquam provincias advehi, mirabar sæpe, & magnopere dolui.

### La granadilla, seu flos Passionis Dominicæ.

Priori jure succedit fructus saluberrimus, quem Hispani la granadilla, Mburucuyà Quaranii, Netegniklepa Abipones vocant. E frutice, qui hederæ

instar sepibus, dumetisque adhærescit, copiosissimus in campo nascitur, nullo anni discrimine. Complura illius sunt genera, sola partium conformatione colorumque varietate diversa. Singula pomulum referunt mediocri, coloris aurei, rubentibus maculis distinctum, sapore acidulum inter, ac dulcem medio, odore suavi præditum, seminibus nigris rotundis refertum. Sive crudum edatur, sive cum saccharo, mali citrei instar, decoctum, ac frigida admixtum bibatur, humatis corporibus mirifice conducit. Melleus illius succus ad ventriculum roborandum, ad artus solis æstu lassos sine periculo refrigerandos facit plurimum. Elegantissimum plantæ hujus florem attentis si inspicias oculis, flagrum, coronam, clavos, crucem, columnam, aleas, fel, ac cætera, quibus servator noster excruciatum est, instrumenta in illo non obscure expressa deprehendes. Explodendi, qui id ceu phantasticum pietatis fanaticæ commentum, futilemque naturæ interpretationem explodunt. Vetusti de hoc argumento versiculi exstant, incerti auctoris.

Pulcer in America Moscho redolentior est flos,  
Qui fert occisi nobile sterama Dei.

Idcirco omnium ore Flos passionis dicitur, dignusque videbatur olim, qui ex America Romam afferretur, Paulo quinto summo Pontifice. A nostro Eusebio Nierenbergio Naturalis Historiæ libro quarto decimo, decimo capite minutatim descriptus, varie a variis calamo depictus est, sed nisi coloribus, ac penicillo exprimatur, vivam ejus imaginem nunquam animo comprehendens.

## Quembè.

Fructus Quembè eo sane memorabilior, quo minus cognitus, etiam multis, qui in Paraquaria incanvere; In Borealibus enim duntaxat ejus provinciæ nemoribus nativum illi est solum. Spithamam longus, pugno virili crassior in medio, in extremitatibus utrinque tenuior ad Cylindri figuram prope accedit, & columbam plumis nudatam exprimere videtur, aliquando bilibris. Pelle tenera flavescente, tuberculis, fusco punctulo in medio insignitis undique plena vestitur. Pulpa illi liquida dulcissimi saporis, sed spinis teneris, quas palatum duntaxat, non oculus percipit, referta est, atque eam ob rem non lente mandenda, sed celeriter glutienda. Siquis enim pulpam dentibus cunctanter contriverit, linguam spinis latentibus exasperatam sentiet aliquamdiu, & ad fandum minus expeditam. Caulis, qui, ut in tritico Turcico, medium occupat; ligneum quid habet, abjiciturque. Incredibile, quam jucundi saporis, quam salutaris hic sit fructus, quantum reficiat hominem ambulatione diuturna fessum, ac sudore diffluentem. In crebris per sylvas itineribus, quæ ad sylvicolas Barbaros quærendos pedes confeci, id sum expertus. Tanti ponderis fructus e lento frutice, qui funem refert, & hederæ ritu altis se implicat arboribus, nascitur, & ex illo, ceu fune, pendet. Is frutex, quem Quaranii Quembepi dicunt, quantæ firmitatis sit, ex eo conjice, quod Indi robustissimi, dum mellis legendi gratia celsam arborem securi incidunt, huic frutici ramis, truncoque illigato diu, tutoque insideant. Ex dicto Quembepi Hispani, Lusitanique rudentes, Cannabinis quibusvis fideliores, contexunt interdum.

## Tatayy, Morus.

Tatayy arbor procera, & grandiorum e numero Mora profert sapore, & figura nostratibus similia, sed coloris flavescentis, & mājora. Mora hæc Tatayyba a Quaraniis dicuntur. Arboris istius materies durissima, docilis, croceique coloris. Ex hac tibiæ, litui, pyxides, aliaque, ut apud Europæos e buxo, elegantissime ab Indis tornantur. Ejusdem ligni segmenta cum alumine cocta lanæ, Gossipioque flavo colore tingendis feliciter impenduntur.

## Mammones.

Mammones, fructus pomi cotonei magnitudine, imo & majores aliquando, viridi quadam, postquam maturuerunt, flavedine, in ipso arboris trunco nascuntur, & e brevibus pediculis pendeutes, mammarum speciem referunt, unde illis nomen. Eorum pulpa Melonum colorem luteum, saporemque imitatur, & jam crūda editur, jam, quod melius, cum carnibus cocta. Arbor proceritate, crassitieque est mediocri; Cinereo cortice juglandem; Foliis latioribus, & in varios angulos sectis ficum aliquomodo exprimit. Ejus lignum debile liquore lacteo, insipidoque turgescit. En alteram, cur a mammis nomen obtinuerit, rationem! Hæc arbor quavis anni parte & flores, & fructus ostentat; Sed tanta fertilitate exhauritur adeo, ut ultra quādiennium vix perduret. Recens plantata primo mox anno adulta simul, simul fructibus prægnans videtur. Dux sunt hujus arboris species, quarum Mas altera, altera femina dicitur. Quibusdam in rebus a se differunt equidem, falsum tamen, alteram sine altera sterilem esse.

esse. Hoc sexus discrimen plautis, arboribusque variis assignatur. Mammopes fructus ut in Brasilia, aliisque Americæ regionibus frequentissimi, sic rarissimi sunt in Paraquaria, & extra hortos vix spectantur.

## Alabas.

Frutex, quin rectius, carduus humilis, spinosus, & arenoso potissimum solo gaudens Alabas profert, quas in California Pitahayas, unicas indigenarum cupedias, vocant. Poma sunt rotunda, ovi Gallinæci magnitudine, cortice crasso, lento, & spinis acutissimis, sed tenuibus armato, sub quo pulpa jam sanguine rubrior, jam nive candidior, liquidiorque latet, quæ seminibus nigris tenerrimis, pulvere pycno minutioribus undique conspersa sapore dulci gratissimo palatum oblectat, corpusque calore æstuans insigniter refrigerat. Enimvero hunc fructum, si in Europa suppeteret, mensarum secundarum belleariis haud dubito adnumerandum. In quibusdam Paraquariæ tractibus passim prostat; In aliis raro videtur. In itineribus mihi sæpe ad mactandam sitim præsentissimum remedium fuit.

## Aguay.

Aguay vastæ molis arbor fructus prunis consimiles præbet. Succo acriori cum affluant, aquæ percocti sæpius, tutiusque eduntur. Hæc arbori nominis affinitate similis alia, sed re, ac figura dissimillima est.

## Anguay, vel ybira payè.

Anguay proceritatis, crassitudinisque eximie; Egm, quod ad fabrilia quoque opera idoneum, perquam duri, rubei, & insigniter fragrantis. Pro fructu offert semina dura, amygdalis similia, quæ etiam in medicina locum habent. Fructus hujus ossa violacei coloris, & triangularia, cum nitide splendeant, Indæ Barbaræ e collo suspendunt suo, & his veluti monilibus ornari se putant. Resina, quæ ex hac arbore stillat, odoris est fragrantissimi, ac saluberrimæ virtutis. Balsamum Peruvianum, & Brasiliense, ubique gentium celebre, ex hac resina, admixto oleo Cupay arboris, aliisque conflatur. Eadem & thuris loco, quod suavitate plurimum superat, in templis adhibetur. Cortices ejusdem arboris idem prope præstant, quippe resina prægnantes. Anguay arbor dicitur, quod ex illa potissimum mortaria conficiuntur a Quaraniis, quorum lingua etiam Ybira paye vocatur, Arbor præstigiatorum; Payè enim præstigiatores, magum, medicum, augurem, verbo, veteratorem significat. Hujus instituti Sycophantæ barbari, quoties visitandos se a contubernalibus, consulendosque prospexerant, hac resina foco injecta tugurium suffire suum consuevere, divinum quid spirare ut viderentur.

## Yba poroyty.

Yba poroyty pomulum est cerasis affine, aciduli, sed grati saporis. Ex arbore balsamum conficitur.



## Tarumay.

Tarumay arboris fructus ad Olivæ similitudinem accedit equidem, sed ab illius sapore abest longissimè. Ab arborum istiusmodi frequentia territorium, ubi sancti Joachimi oppidum collocavimus, Tarumà ab Hispanis Indisque appellabatur. Qui huic fructui magnopere inhiet, nemo est omnium.

## Quayába.

Quayába arbor pyra quædam, ovatz figuræ, granis referta gignit. Eorum superficies, dum maturerunt, flavescit, pulpa rubet. Cum saccharo cocta & sapiunt, & prosunt magis. Immatura si coquantur, ad ventriculum roborandum, adstringendamque alvum plus valent. Hæc arbor in solo etiam minus pingui feliciter adolescit.

## Vinál.

Vinál arbor grandior foliis oleæ, sed latioribus tegitur. Vaginas, Algarrobæ nigræ similes, dulcesque profert, sed longius protensas. Ex hoc fructu potus paratur. Spinis horret arbor spicamam longis, peracutis, robustisque. Illis qui compungitur, rem & periculi, & doloris plenissimam sentiet. Adeo virulenti sunt hi aculei. Sed & medicamentum offert arbor eadem. Succus equidem ex foliis illius, prius contritis, expressus oculis ægris mederi dicitur, si illis illinatur, maxime dum humore noxio laborant.

## Ybira yepirô.

Ex Ybira yepirô balsamum non spernendum parare nôrunt, usibus, nescio, quibus destinatum.

## Caayçy.

Caayçy, quod lentisci genus esse perhibent nonnulli, resinam pellucidam, & suavis odoris ministrat.

## Aguaribay.

Ex frutice Aguaribay, qui pariter lentisci, seu mastiches genus creditur, balsamum quoque fit, mundandis, sanandisque vulneribus perutile. Ore sumptum sanguinis profluvio, tussique sedandæ conducit.

## Molle.

Molle arbor hand obscuri nominis lignum solidum offert fabrîs, sed teredini obnoxium. Foliis lauri semper virentibus ornatur, quæ contrita macerandis pellibus caprinis, imo & medicinis serviunt. Ex ejus trunco copiosum juxta, ac fragrantissimum gummi manat, quod thuris loco accenditur. Fructus fert nigri coloris, ab Abiponibus Apafasi dictos, quibus jam maturis cortex pallide cæruleus. Ex his fructibus, quippe siliqua græca dulcioribus, cum aqua coctis, acer, dulcisque confit syrupus. Hic, si aqua permisceatur, potum dat gratum, sed vehementem. Temulentia inde orta ebriorum oculis,

nescio, quam ferocitatem infundit, & per biduum vix exhalatur. Cæterum & ramos, & resinam hujus arboris multiplices in usus convertere norunt medici, luculenta ægrorum utilitate, quam ipse fui expertus,

### Bacoba, & Bananà.

Bacoba, & Bananà fructus Americanis jucundissimi ad ficuum genus pertinent. Ovi figura, rubro colore sunt. Frutices, equibus generantur, semine, ramisque carent, sed foliis longis, latis, & virore ornatissimis superbiunt; Illorum è medio Germen, fructusque emergit. Truncus fruticum, seu caulis tenuis est, ac fragilis. Partu unico defuncti intereunt, sed per succulos ex eorum radice pullulantes compensantur. Bananæ fructus longiores sunt, figuræ quadrangularis, pellis crocæ, pulpæ mollis, succi non uberrimi, & frigidioris, atque adeo, ni omnino maturi fuerint, stomacho infesti. Bacoba igitur Bananâ salubrior. Uterque tamen fructus rite exhibitus morbis variis medetur. Potus ex illis expressus temulentiam adfert intemperantibus. Ambæ arbores in solo quavis sterilissimo oriuntur, & quavis anni parte fructus protrudunt. Sunt, qui Bacobam Platanam appellant. Verum liquet, istam inter; ac Platanum Romanorum plurimum interesse.

### Ananàs seu Piña del Paraguay.

Ananàs mensarum nobilium delicias in Europa, ac hortorum ornamenta Hispani indigenæ Piñas del Paraguay, quippe Pineis nucibus aliquantulum similes, & in Boreali Paraquariæ tractu frequentissimas, appellant. A Quaraniis Nanà, quod Carduum significat, is dicitur fructus. Hic cum & in hortis

Principum passim spectabilis, & sæpe in foro venalis proffert, supervacaneam duxi ejus descriptionem. Corollarii tamen loco subijciam aliqua. In agro Tarumenfi, ubi octennium egi, sponte sua in campo etsi frequens nascatur hic fructus, non nisi bis tamen a me fuit delibatus, quod ejus esu stomachum senserim refrigerari. Ananàs alii cum Monardo frigidus, alii cum Christophoro Acoſta calidas affirmant. Quis sententiam ferat? Paraqnarienses Europæis majores, sed has illis dulciores, observavi. Illarum succus fragorum instar suavis equidem palato, sed, nisi penitus maturuerint, acer est, & causticus; Ea de causa fructus secundum longitudinem in taleolas fractus vino generoso prius est macerandus. Ejus liquor, maxime per ignem expressus, languorem animi, stomachique nauseam abstergit, urinæ difficultatem, nephriticosque minuit dolores, ac senibus calorem reddit naturalem. Etiam saccharo condita Ananàs nonnulli asservant. Plantæ singulæ fructum quot annis unicum edunt, & efflorescunt sensim intereunt. Earum loco plantula, quæ in corona maturi fructus nascitur, inde decerpta humo inseritur, anno proxime sequenti fructum datura. Id quod in campo, nulla cultoris manu accedente, contingit etiam. Novum enim illud germea, e plantæ fastigio delapsum, radices agit.

### Mandioca.

Mandioca radix natura lethalis animantibus quibusvis, rite præparata tamen tot Barbararum gentium salutare alimentum est, & Brasiliæ, quæ tritico Europæo destituitur, totius præcipua aunona. Americanis in historiis crebra ejus mentio cum recurrit, operæ pretium fuerit illius originem, fornam, præpa-

p arationem, usum, utilitatemque diligentius explanare. Mandioca radix est arbusculæ Mandiõ, quæ proceritate virum mediocrem æquat. Trunco nititur rectissimo, gracili, pollicem majorem crasso, arundinis ritu nodofo, Cortice corylo simili, medulla, ut sambucus, spongiosa, & lactis plena. Circa fastigium ramis, ramulisque, ac foliis elegantibus, longis, sed angustis, Rosæ Pæoniæ ritu amantè virentibus. Flores lutei sunt coloris. Fructum, quo caret, supplent ejus radices tres interdum pedes longæ, fragiles, & humano brachio sæpe crassiores. Earum pellis, ut cortex coryli, obscura. Medulla candidissima liquore lacteo glutinoso, venenatoque turgescit. Ut in frutice cinnamomo solus cortex, sic in Mandio arbore sola radix humano est usui. Aliquot supra viginti arboris hujus species & figura, & virtute nativa discrepante Americanis innotuere. Mandio semen profert, semini Ricini Americani, quem Piñon del Paraquay dicimus, haud absimile, sed plantæ propagationi inutile prorsus. Hunc enim in finem truncus, seu caulis arbusculæ adultæ in taleolas duarum circiter spithamarum secatur, quarum ternæ semper terræ in tumulos congestæ infiguntur ita, ut ad spithamæ altitudinem e terra promineant. Exiguo temporis spatio germinant, frondescent, adolescuntque. Neque opus est unquam rigatione; Nam ab aqua, & umbra hæc planta abhorret, soloque gaudet aridiori, & aprico. Istiusmodi plantatio in terra probe siccata, mensibusque æstivis est suscipienda. Sex a plantatione menses postquam fluxerint, radices jam edules equidem invenies; Re tamen ipsa, ut maturefcant plene, solitamque nanciscantur magnitudinem, anno integro est opus, quo etiam lapsa quamvis non effodiantur, incolumes sub terra remanent diu, sed effossæ jam tridui spatio velerrime pu-

crescant. Idcirco radices citra cunctationem diligenter purgatæ, avulsa prius pellicula, in frustula secantur, folique, ut arescant, exponuntur per biduum. Aresacta radicum frustula cretæ instar albescent, duranturgne tantum, ad exarandos characteres illis uti ut liceat. In mortario ligneo conusa in farinam subinde rediguntur, ex qua panem coquunt variz figuræ salubrem quidem, sed illis duntaxat sapidum, qui triticum nostrum ne primoribus quidem labris degustarunt unquam. Panes ejusmodi Americani tabulæ sunt rotundæ, candidæ, ternues, corticis, qui ex subere avellitur, instar duriusculæ, & Mbeyù a Quaraniis vocantur. Liborum, quæ ex farina melle mixta in Germania fiunt, speciem referunt, sed sapore omni destituuntur. Alias ex Mandiò radicibus succum exprimunt, qui per binas horas in vasculo relictus albam in fundo deponit facem. Ex hoc siccata farinam, ex farina placentulas, globulos, & nescio, quæ alia, conficiunt. Ex eodem succo ad focum excocto pulcem parant a Quaraniis Mingau dictam, quæ ut ad famem sedandam plerumque, sic etiam amyli loco ad incrustandas vestes, imo & glutinis loco ad papicum conglutinandam aliquando adhibetur. Aliud Mandio genus est, cujus radices aquis per dies aliquot immersas, & jam melliores sub cineribus assant, eduntque imptine. Longum sit modos referre omnes, quibus Mandiocam jam in cibum, jam in potum, jam in medicinam, jam butyro, priza, saccharoque admixtis in bellaria convertere solent. Felices Americani, qui tot artificijs stomachum decipere suum, & tranquillare norunt! Ego enimvero, sæpe in itineribus esurientissimus licet, a me impetrare nunquam potui, ut Mandiocam quocunque demum modo concinctam in famis remedium adhiberem. Illam

gusta

gustavi identidem, identidem cum nausea rejeci. Americanis sapit, satis est. Haud equidem invideo. Miror magis. Fateor tamen, radicem Mandiô integram, rite perpurgatam, cum carne bubula coctam nequitiam insuavem esse palato. Talis mandiocæ usus & gratissimus mihi, & unicus fuit. Aliis quoque modis præparatas has radices, etsi insipidas Europæo, succi tamen, sanguinisque boni genitricis esse, nunquam dubitavi; Nam, ut alia taceam argumenta, matres Americanæ, siquando ad prolem lactandam lac sibi deficere sentiant, quam primum cocta Mandioca se referunt aliquoties, aridas paulo ante marinas lacte rursus impleri, experiuntur. Lusitani in Brasilia sola plerumque Mandiocæ farina (Farinha do pão) instructi ardua multorum mensium per immensas solitudines itinera pedites suscipiunt, perficiuntque. Lusitani quoque nautæ, dum in Brasiliæ portibus multos menses detinentur, dumque in suam renavigant lusitaniam, Mandiocâ potissimum aluntur, quin & major indigenarum pars; continuis enim pluviis tritici culturam impredientibus nobilissimi solum triticeo vescuntur pane farina magnis sumptibus per Oceanum Ulyssipone advectâ. Americani quoque Boreales magni faciunt, coluntque solerter mandiocam, quæ a Mexicanis yucâ, & panis ex ea coctus Cazave appellatur. Radicem Mandiô, quam a Divo Thomæ Apostolo (de quo alio in loco plura differemus) sibi detectam ex majorum suorum documentis asserunt Indi Brasili, Paraquariique, præclarissimum optimi Numinis beneficium putant, quippe unicum non raro vitæ tolerandæ subsidium. Quamvis enim jam a locustis, formicis, aliisque bestiis voracibus, jam diutina cœli siccitate triticum (Mayz) olera, legumina, pepones, arborum fruges funditus deleantur, Mandioca sub terra semper

superstes rerum cæterarum solet esse supplementum; Arboris enim hujus ramis, foliisque quacunque de causa destructis licet, ejus radices vigent, crescunt, incolumes remanent. Siccitas, plantis reliquis lethifera, isti propitia est, & maxime salutaris. Mirandum illud, breviterque discutiendum: Mandio radices crudas a bestiis citra ullam noxam vorari, ajunt; succum vero ex iis expressum bestiis juxta, ac hominibus lethalem esse, cum tamen idem rite coctus omnibus sit salutaris. Si enim venena aliquæ per calorem evadunt nocentiora, cur succus Mandiocæ igne coctus redditur innoxius? Cardenas medicus opiuatur, Mandiocæ succum e rebus duabus diversis componi, quarum altera vapor quidam subtilis virulentus sit: Altera crassior, glutinosa, & animantibus salutaris; Per ignem dissipari vaporem noxium, partem vero illam crassiorem, & innoxiam remanere. Hæc ille. Si cui aliud sentire lubuerit, nil repugnabo. Multa certe vel ob nativum frigus, vel ob calorem nimium humanis corporibus perniciose per artem chemicam ope ignis corriguntur, mutanturque adeo, ut quod crudum antea fuerat venenum, medicorum arbitrio, artificioque coctum, vel iunctis aliis temperatum subito evadat medicamentum. Ex cicuta, aliis trecentis id liquet. Cæterum auctor sum advenis Europæis, ne cibus e Mandioca paratis, uen obviis in America fructibus quibusvis temere vescantur; Indigenarum stent consilio, qui plantarum suarum scientia, experientiaque præditi escam a veneno, innoxia a noxiis discernere norunt. Elegantissimum, quod oculis mire blanditur, pomulum visceribus, si edatur, labem adferret, vel cruciatum. Sed jam nominum affinitas, ut a Mandio esculento ad laniferum Mandiyū transeamus, me monet.



## Mandyù Gossipium.

Ut Mandio ad Americanos alendos, sic Mandiyù (latinis Gossipium, Hispanis Algodon) ad eos tegendos plurimum confert. Hoc etsi oculis usarpent Europæi, versentque manibus quotidie, ejus tamen originem quam plurimi ignorant. Dicam. Procreatur a fruticibus, qui corylo hujate vix majores, lignum, corticemque sambuci referunt. Foliis tenerissimis, copiosis, laciniosisque vestiuntur. Tria inter foliola, qualibus avellanæ adhuc virides cinguntur, flores oriuntur rosas ampliores, e quinque foliis latis flavi coloris compositi, triis rubris intermixtis. Ex concavo florum fundo stamina crocea assurgunt. Flores in fructum abeunt denique viridem ovatæ figuræ, vel potius conicæ, calici, seu globo rosarum nondum explicitarum similem, qui prunum majus magnitudine excedit jam adultus. Maturus nigrescit, & sua sponte in tres finditur partes, ac Gossipium candidissimum undique protrudit, quod seminibus nigris, figura, & mole sua pistaceis similibus, est plenissimum. Sub atra horum seminum cute latens medulla coloris albi est in flavedinem inclinantis, saporis dulcis, & multæ pinguedinis, magnique ad tussim, ac respirandi difficultatem sedandam usus. Oleum ex eodem semine expressum adversus calculi dolores, ad obliterandas item cutis maculas valere dicitur. Gossipium ipsum crematum sanguinem sistit. Cum sensim maturescat, maturumque suo e clauetro erumpat gossipium, non uno, ut triticum, die colligitur, sed, qui quotidie colligant, mittendi. Quaranicis in opipidis id puellarum est negotium, quæ leni gradu agrum lustrantes blanda, ne frutices offendantur, manu fructum decerpunt. Collectum quotidie Gossipium in domus area per pelles bubulas sparsum, ut sicce-

siccetur, soli exponitur. His rite observatis vel sacco coriaceo clausum annos plures tuto vel servari potest, vel, ut primum lubucrit, in fila attenuari. Ex eo enim omnis generis tela, carbasus, sindon, byssus ab Indis texuntur. Ad semina illa e Gossipio extricanda foeminae machina lignea, quae duobus e cylindris, binos digitos crassis, constat, utuntur. Hos intruso illis Gossipio dum circumagunt manu, semina ultro humum decidunt, quia, cum crassiora sint spatium duos inter cylindros medio, ab his arcte compressis expelluntur. Germani Gossipium lanam arboream non abs te appellant, quia, etsi fere ex fruticibus colligatur, in arboribus tamen provenit aliquando. In urbe Sancti Jacobi ejus generis arborem annosam, trunci, proceritatisque mediocris ipse spectavi, ex qua collectum gossipium impendebatur ellychnio lampadis argenteae, quae nostro in templo ad significandam, honorandamque Eucharistici Numinis praesentiam diu noctuque, ut ubique mos fert, lucebat. In nonnullis Paraquariae locis gossipium flavum provenit. Sed haec rariora. Quidquid enim alias Gossipii in illa provincia est, nivis instar albet, & e fruticibus nascitur, qui e semine per agri areolas sparso orti fructum reddunt annis plurimis. Si quae forte planta vel exarescat, vel consenescat, novo semine injecto nova succrescit, ac primo mox anno est fructuosa. Gossipium amat solum apricum, lapidosum, altum, ventis undique pervium; Loca palustria, sylvis clausa, uliginosa, Coelum pertinaciter pluviosum huic plantae sunt certe exitialia. Ex humore enim, vel imbre nimio vermes innumeri procreantur, qui fruticis ramos, folia, corticem, fructum ipsum misere depascunt, sed raro impune; Nam volucres praegrandes, nominis mihi jam ignoti, turmatim advolant, a quibus vermes Gossipii vastatores devo-

devorantur, nullo tamen; vastatis scilicet jam agris, colonorum emolumento. Campus Gossipio generando suapte opportunissimus exquisitam poscit culturam. Arandus iterum, iterumque est, ac ne tribuli, lolia, herbæ increbrescant, identidem repurgandus. Sulcos, scrobesque, quibus singulis terna, quaternave Gossipii semina recentiora inferuntur, via recta, tantoque intervallo relicto facere oportet, ut per æquales areolas bobus duobus aratoribus transitus pateat. Annis equidem singulis idem arandus est denuo ager, & vere propinquante plantarum rami, foliis hyeme nudati, ut vites, putantur, novis mox frondibus vestiendi. Prolixius de Gossipii cultura disserui, quod dudum optaveram, ut de utilissima hac planta in Austriacæ ditionis provincias introducenda cogitetur aliquando, ne cogeremur tantam Gossipii vim ex Melita, Candia, vel aliis, quas seu Archipelagus, seu America habet, insulis immenso sumptu mercari. Haud equidem inficior, Gossipium non nisi mihiore sub Cœlo procreari. Ea certe de causa nec ubique terrarum provenit in America. In Boni aeris, cæterisque Austro, qui illic fri idus est, propinquioribus territoriis nusquam in campo Gossipii plantam videas. Videres forsitan, si lereretur. Hæc opinio certo mihi nititur experimento. Oppidum yapeyu, cui etiam a Sanctis tribus Regibus nomen est, septies mille Quaranos incolas Christianos numerat, in occidentali uruguayi litore situm, & ducentas admodum leucas orientem inter & Boream (Nordost) a Boni aeris urbe remotum Tabacam, Herbam Paraquaricam, Gossipium Indis habitatoribus necessaria ex aliis Quaraniorum oppidis, septentrioni vicinioribus emere cogebatur quot annis, quod aura illic rigidior ejusmodi plantarum procreationi obstare crederetur semper. Ovium, boum-

que,

que, quibus supra Europæorum fideri illud abundat oppidum, multa quot annis millia pro Goffipio, tabaca, Herba Paraquarica vendebantur. Pater Franciscus Serdaheli Hungarus, meus in Austria, & navigatione socius, & oppidi Yapeyu per annos complures Parochus illas tres plantas sevit, coluitque ea felicitate, ut uberima subinde messis omnium expectationem superarit, luculenta ejus oppidi utilitate. Etsi non omnis ferat omnia tellus, multi tamen telluris tractus a segnioribus colonis nequidquam sterilitatis accusantur. Dummodo semen, culturamque ab iis acciperent, fructum redderent haud dubie quantavis spe majorem. Plures Bannatus, Sclavoniæ, Hungariæque campi, qui vino generoso, & nativa Tabaca abundant, Goffipio pariter, si sere-retur, abundarent. De Goritienfi, vicinisque territoriis, ubi aura lenior, eo confidentius id affirmo. Quanta jam serici portio his in provinciis colligitur quot annis! Moros, bombycum altrices, quis enumeret? sericum incredibili cum quaestu vendunt nepotes, quod eorum avi, atavique de nomine duntaxat norunt. Nobilissimo Hungariæ Regno auri, argenti, æris, pecorum, vini, tritici, tabacæ, omnis generis frugum ditissimo novus hic opes augendi fons detectus est Augustissima Mariæ Theresia imperante, colonorum industriam & acunte, & remunerante. Quidsi Josepho Secundo Cæsare, sceptrorum illius dignissimo hærede his iam Provinciis dominante, & suorum commercium terra, marique ad vicinorum invidiam feliciter amplificante Goffipii quoque cultura invalesceret? Quanta inde orbi Austriaco emolumenta accedent, quanta compendia! si domi habuerimus, quod foris erat petendum. Sit, qui incipiat, principiis optati respondebunt progressus. Neque imitatores deerunt usquam coloni, utilitatum spe alle-  
cti.

ei, quin & laboris facilitate, cum multo operosior sit lini, quam Gossipii præparatio; Hoc enim a frutice avulsum, & sole horas aliquot siccatum fœminis, quæ fila ducant, potest tradi, linum e contrario, antequam ad textrinam transeat, quot hominum occupat manus! Evulsū ex agro, calycibusque jam liberum in lacuna macerandum, rursus in calefactis tuguriis torrendum, stupariis malleis contundendum, frangibulo contèrendum, ferreo pectine, ut cortices decident, & flocci, carminandum. Hæc dum rite præstentur omnia, hebdomades abeunt non paucæ. Minoris negotii gossipium est, quod maximo & temporis, & laboris compendio ex campo ad colum, vel fusum, inde ad textrinam transfertur. Quare labori ut parceretur, & tempori, Quaraniensium in coloniis non linum, etsi satum lætissime proveniat, sed Gossipium seritur, quo centena propemodum Indorum millia quot annis vestiuntur. In iisdem tamen oppidis ager lino conserebatur, sed eum duntaxat in finem, ut ex ejus feminibus oleum exprimeretur tum medicinis, tum pictoribus necessarium. Scapus lini, metu laboris, abjicitur semper. Vulgus Hispanorum Paraquariensium indusiis gossipinis utitur, opulentiores lineis. Malunt telas lineas ex Europa allatas incredibili plerumque pretio emere, quam lini colendi molestias subire. Num reprehensione minus digni Europæorum multi, qui gossipium magnis sumptibus aliunde advehunt, quod, dummodo id plantare non pigeat, tellus patria illis liberali manu largiretur. Idem prope de Oryzæ cultura in Africæ terra introducenda sentiendum.

## Oryza.

Primis, quos in Paraquaria egeram, annis adeo rara fuit, caraque oryza, ut, cum alienis e provinciis adveheretur, vix aliquando, ac ne vix quidem nostris in mensis compareret. Nusquam seminabatur, & qui sponte sua in remotissimis ad Paraquay septentrionalia litora nascentem oryzam colligeret, adferretque, nemo Hispanorum fuit, Payaguas Barbaros illic grassantes, jure formidantium. A lusitanis Brasiliis demum instructi Quaranicis in oppidis oryzam serere cepimus, tantaque passim messis erat, ut consumi neutiquam posset. Cum enim operosum sit, oryza granum suo extricare e cortice, Indi tantum laborem pertæsi triticum Turdicum, quod nullo negotio in mortariis conteritur, quam oryzam edere malunt. Uberrimam igitur messem tanta oryzae multitudo consecuta est, quanta ejus tum caritas, tum inopia quondam fuit. Neque sibi persuadeat quispiam, oryzae seminationem, educationemque artificii, nescio, quibus constare; Nam tritici Europæi more & fertur, & metitur eo tamen discrimine, quod vere incunte, campoque natura humidiori semina sint mandanda. Oryzam non nisi in locis palustribus, & uliginosis generari, perperam affirmarunt plerique. Enimvero quæ a nobis in sylvis, vel potius in campo, qui olim sylva fuit, seminata est, uberiolem longe nobis reddidit fructum, quam quæ palustri in loco seminabatur. Locus equidem ab arboribus antea occupatus nativam diu humiditatem retinet, cineresque ex arboribus excisis, ac eadem in statione crematis incredibilem humo impertiuntur fertilitatem. In hujusmodi campis Quaranii & tabacam, & Mayz, & pleraque alia, gossipium si excipias, ingenti cum scenore passim serere consueverunt. sincero, quo in

Patriam nostram feror, studio impensius hæc, prolixiusque annotanda putavi. Ardentissime enim optabam dudum, his ut in provinciis civitate donaretur Gossipii, & Oryzæ cultura, quæ innumerabilium orientem solem versus populorum princeps est, saluberrimaque annona, & humanis corporibus præ quavis carne robur infundit singulare, exiguoque temporis intervallo convalescentibus lapsas vires reddere consuevit. Experimentum multiplex de hoc me reddidit certissimum. In multis, multas in hebdomades productis itineribus oryza unicum mihi sæpe, utilissimumque viaticum fuit. Cui lubuerit, licebit tentare hunc seu Gossipii, seu Oryzæ satum, & vix pœnitebit tentasse. Alius, aliusque locus, aliud, aliudque tempus experiundum, suadeo, dum optata denique messis respondeat sementi. Quot flores, fructusque peregrini, quot plantæ ex Africa, Asia, America ad nos translatae solo huiati egregie assueverunt! sed hem! superi boni! quantum in hoc arborum, fruticum, plantarumque labyrintho me implicui, exitum e sylvis ut vix inveniam. Quin illis inorari lubet tantisper, dum, arboribus seu medicinalibus expositis alias quoque seu fabricis tantum utiles, seu alio nomine memorabiles saltem raptim enumeravero.

### Tayy urundey Quebracho.

Præter arbores jam recitatas, lignum sanctum, Quayaçan, Mistol, Tatayy, Anguay, Algarrobo, Molle &c. Singulari duritie, magnitudineque excellunt Tayy, seu Tajibo, Urundey, Quebracho seu rubri, seu pallidi coloris; utraque arbor ab Hispanis Quebracho, vel Quebrahacho dicitur, quod, ni-



si a lignatore, aut fabro perito dextre cædantur, securæ primo frangant ictu. ; Duritiæ enim ferrum prope æquant. *Hacha* securim, *quebrar* frangere significat. Quebracho colorado, seu ruber; cortice quamdiu tegitur suo, pallet. Ut primum cæditur, ac elaboratur, resina, qua abundat, per aerem calidum liquecente, & ad exteriores ligni partes affluente illico rubescit, ac Porphyrii marmoris instar splendet. Quarantã Tayy arboris segmenta comburunt, fumumque, seu fuliginem inde assurgentem scutella munda excipiunt, & aqua calida affusa bene subactum in atramentum pro scribendis literis convertere nōrunt, si gummi, & sacchari aliquid admisceatur, non aspernandum. .

## Lapacho.

Lapacho ligni sui duritiæ, pondereque eminet, molis, quibus cannæ sacchari, olivæ, aliæque exprimuntur, plaustrorum item rotis fabricandis insigniter servit.

## Virarò.

Virarò materiem albam, haud equidem durissimam, sed per diu durantem ministrat.

## Espinillo.

Espinillo, Abiponibus Apagnik, vel Aparek, lignum firmissimum, sed, quia indocile, foco, quam fabrilis operi aptius.



## Neterge.

Neterge, Hispanis Palo de dardo, ex cujus medulla hastæ, & hastilia validissima conficiuntur. Arbor est & trunci amplitudine; & proceritate insignis. Illius folia, spinis longis teretibus similia, humum versus porriguntur. Vaginas præterea, seu folliculos, ut Algarroba nigra, fructus loco proferat, spithamam circiter longos, & balsamum olentes. Arboris medulla, duritie ferro par, violacei est coloris, qui tamen, dum hastæ manibus teruntur aliquamdiu, in nigrum mutatur. Qua ratione hastilia inde parent Barbari, alibi docebimus.

## Ybarô.

Ybarô arbor magnæ molis Palo de Rosarios ab Hispanis appellatur, quod sphæras nigras, splendentes, avellanis prope pares magnitudine proferat, e quibus in medio terebratis Rosaria Mariana concinantur. Abundant & campi non nulli fruticibus, in quibus ejusdem coloris sphærulæ, sed multo minores, nascuntur, quales in Europa vulgo frutillas vocamus.

## Çevil.

Çevil arbor simul corticem præbet coriis mace-  
randis utilem, simul folliculos quosdam, quos Indi  
Barbari quondam incenderant, & arêto in tugurio  
clausi eorum fumum, follibus concitatum, ore, na-  
ribus, toto corpore excipiebant, quo ebrii, amentes,  
& aliquamdiu furiosi evasere. Sed is mos Barbarô-  
rum barbarissimus dudum exolevit. Hodie fumo  
non contenti potionibus variis temulentiam sibi,  
amentiamque accersunt. De quô plurima alias.



### Seibo.

Seibo, Abiponibus Nainik arbor mediocris, floribus violaceis superba, ramis tortuosis, ligno spongioso, & ut suber, tam molli constat, ut recens cultello quovis, ceu pomum, secari possit quidem, aridum vero neque securibus elaborari. Ramulus illius quivis humo infixus radices agit confestim, crescitque. Tigris quoties ungues sibi ardere sentit, iisdem ad dolorem mitigandum hujus arboris corticem dicitur refricare.

### Palo de leche.

Palo de leche ab Hispanis, seu arbor lactea, ab Abiponibus Nichiegik dicitur, quod ejus lignum lacte candidius sit, sed adeo blandum, ut cultro vulgari scindi possit, & ad fabrilia opuscula adhiberi.

### Yçapy.

Yçapy arbor ampla, & eximia proceritatis, foliis pomi citrinae, sed exilioribus, virorisque magis pallidi affluit. Id singulare, quod aere leniori diu, noctuque quodvis ejus folium aquam stillet copiosam, quæ circumjectum arbori spatium rigat, adeoque lutosum reddit, ut nobis sylvas perambulantibus plurimum sæpius molestiæ crearit. Lignum arboris perleve est, ac lentum, nec humiditate finditur; Quapropter stapedibus, ligneis enim vulgus utitur, opportunum. Joannes Verkens lipsiensis in relatione itineris a Batavis ad orientales Indias ductore Petro Wilhelmo Verhuffen olim suscepti narrat, in insula Ferro, ex canariis una, arborem prægrandem inveniri, quæ quavis anni parte diu, noctuque aquam  
stillant-

stillando fundit, ad quam pro suo, pecorumque suorum usu recipiendum indigenæ cantharos majores suspendunt; Incredibilem enim aquæ dulcis penuriam istic esse, affirmat. Quæ si vera sint, eandem esse arborem suspicor, quæ in Paraquaria Ycapy a Quaraniis appellatur. Hanc aquam medica quadam virtute pollere ferunt, sed quali, me latet.

### Arbor formicarum.

Arbol de hormigas, arbor formicarum dicitur. E ligno componitur imbecilli, & spongioso. Arbor, quanta est, cribri instar undique perforata, & a formicis infesta eminus fugienda, si sapiunt, transeuntibus. Si enim arborem vel attigeris, veluti classico audito formicarum exercitus e latebris suis profiliens & te, & arborem ipsam opplebit. Maturandam, illico fugam, ni misere excruciarî a formicis, dilaniarique velis, magnopere tibi suadeo.

### Umbù.

Umbù ab Abiponibus Akalmaik dicitur. Tanta est arboris hujus, si ramos, truncumque spectes, amplitudo, ejus pedem sol nunquam ut videat. Viris quinquaginta sub illa confidentibus umbram liberalem præbet, eosque adversus imbrem quantumvis tuetur. Filix Europææ cum umbru annosa composita quid? nisi umbræ, ac pumiliones.

### Salix.

Salix, Hispanis Sauçe, Abiponibus Apaşañik; et si insulas Paranzæ, & quorundam amnium ripas passim impleat, alibi ad multa sæpe terrarum spatia non

reperitur. Saligna folia, vel ligna jam medicina jam aliam in finem necessaria multo interdum, sed irritò semper labore a nobis quærebantur. Salicetorum in insulis, & ipsarum adeo insularum originem interitumque alias exposuimus.

### Ambay.

Ambay ex ficuum sylvestrium genere paucos intra menses in mediocrem assurgit altitudinem. Caudice est tenui, & sambuci instar perforato, cortice ficibus proprio, ligno betularum colorem album imitante, sed adeo molli, cultellis secari ut queat. Ramis paucissimis, foliis vero prægrandibus, ac laciniosis circa summitatem duntaxat ornatur; Major enim caudicis pars, ut palmis usuvenit, frondibus nuda adstat. Indis volupe est penes sua tuguria hanc plantare arborem, quod illis multiplici est usui. Nam radicem illius siccata bacillo ex ligno duriori facto subjiciunt, quem dum manibus velocissime circumagunt, per utriusque ligni affricum ignem eliciunt, admotaque stupa, palea, vel folio arido excipiunt, aluntque. Idem, quod Ambay radix, lignum caraquata, vel Urucuy præstat, quin seu chalybe, seu pyrite, aut silice opus sit Americanis. Adhæc Ambay arbor tum foliorum amena viriditate, qua oculos recreat, tum corticis, succi, folii, quibus vario modo applicatis jam Gonorrhœam, jam sanguinis menstrui immoderationem, jam alvi proluviem compescunt, salubritate Indis magnopere se commendat.

### Nux juglans.

Nux juglans, quæ ab hujatibus figura, fructuque nil differt, in Tucumaniz sylvis frequentissima est,

in aliis Paraquariæ territoriis rarior. Ejus lignum scloporum thecis, mannbriis, aliis arculariorum operibus impenditur. Nucum diversa sunt genera: Aliæ prægrandes, & blandi corticis: Pumilæ aliæ, & corticis prope lapidei.

## Urucuy.

Urucuy frutex arborescens ligni candore, ac corticis nigredine corylum imitatur. Ejus folia grandiora sunt, & corculi speciem referunt. Flores e quinque foliis albis non nihil rubescentibus compositi Rosam vulgarem magnitudine æquant, carent tamen odore. Pro fructu illi sunt siliquæ primum virides, dein rubicundæ, in quarum singulis quadraginta circiter grana latent pisorum instar, sed utrinque complanata, & ut malorum semina carnem habent candidam. Eorum superficies rubore luculento splendet, eoque tangentium se manus tingit confestim. Siliquæ maturæ ultro diffiliunt. Grana hæc seu sicca jam, seu recentia Minium suppleant. Contrita, aquaque conspersa jam Barbarorum corporibus ornatus gratia, jam telis, cantharis, quibusvis aliis rebus pingendis, tingendisve passim adhibentur. Coccineus hic color rebus illitus pertinacissime inhæret, si granis Urucuy aqua calida subactis urina, vel alumen admisceatur. Eadem grana aquæ feruenti injiciuntur, & ex colore in fundo subsidente tabellæ fiunt. quæ in Europa a foemineis ad fucandas facies, ad alia a pictoribus, tinctoribusque impenduntur. In medicina quoque, ac culina locum habent, variis modis parata, ac permixta. Ligno urucuy, ut paulo ante dixeram, ad eliciendum ignem Indi utuntur. Ex arboris cortice rudentes, chordas, funes,

cannabinis fortiores texunt alii. Territorium sylvis, rupibus, paludibus, stagnis horridum, quod a frequentia arborum Urucuy Urucuti appellatur, sæpe, diuque repetitis itineribus, jam eques, jam ut res ferebat, pedes, peragravi, dum in vicino sancti Joachimi territorio octennium versabar. Cum de cocineei coloris origine egerim, de plantis, quæ czruleum, purpureum, flavum, nigrumque colorem supeditant, juvar differere.

### Añil, seu Indigo.

Massa illa czrulei coloris, quæ ab Hispanis Añil, vel Añir, a cæteris Europæis Indigo dicitur, confit ex planta, cui radix tenuis, longa, in plures fureulos divisa; Inde caules prolixi partim humi serpentes, partim in altum arrecti oriuntur. Uno e latere rubescunt, ramulis, foliolisque rotundis digiti auricularis unguem mole æquantibus, hinc obscure viridibus, inde argenti instar albescentibus onerantur. Plantæ hujus flosculi purpurei non nihil pallescent, floribus pisorum, vel ut alii explicant, cassidi apertæ similes. His siliquæ a caule pendentes succedunt, semine olivarum colorem referente, & raparum semini simillimo, refertæ. Folia plantæ jam maturæ in fasciculos colligata lapideo in mortario tunduntur primum. Mox lebeti aqua tepida, vel quod alii magis probant, frigida pleno injecta macerantur aliquamdiu, ac identidem circumaguntur. In mensa denique lignea, ligneo margine altiori circumdata, in qua hinc, atque illinc scrobes cavati sint, effunduntur. Aqua inani dilabente spissior coloris materia in illis scrobibus subsidit, coagulatur, induraturque. Inde exceptæ particulæ solidæ pluribus porro diebus siccantur; Quo enim siccolores, eo propius ad

caeruleum, quem venetum appellant, colorem accedunt. Atque hic modus est colorem Indigo parandi, etsi alios aliis modis, atque instrumentis eundem in finem uti haud ignorem. Qui telas, pannosve eo colore tingunt in Paraquaria, puerorum urinam, ut firmius color inhæreat, non alumen illi adiniscunt. Hæc planta Añil alibi feritur, in Paraquaria sponte sua per campos passim nascitur, sed, ut plura alia, e quibus quæstum facere possent indigenæ, fere negligitur, industria liberalitati naturæ raro respondente. In prædio quodam urbis sancti Jacobi officinæ Indigo colori parando destinata ingentes olim herq; suo attulit utilitates, quod ex superstitibus rationum libris patet. Mortaria saxea, & nescio quæ alia desertæ officinæ instrumenta visuntur etiamnum. In Europæis quoque provinciis, ubi mitior aeris temperies, plantam hanc coli posse, dubitavi nunquam. In blandiori scilicet, beneque subactò solo jaciendum esset semen. Peneque adhuc plantulæ, ut lactucam, & brassicas solemus, transferendæ eo modo, ut alia ab alia opportuno distet intervallo. Ne lolia plantas adolescentes suffocent, curandum solerter. Hæc planta, de qua mihi sermo hætenus, quo vocabulo a latinis designetur, arduum est statuere. Arabes colorem caeruleum, & notam herbam Isatidem, vel Glastrum Nil vel Ni vocarunt. Hispani idem nomen plantæ Indigo applicuerunt, syllaba *A* ceu articulo præfixa, dicuntque Añil, vel Añir, eo fere modo, quo pro Chimia Alchimia, pro Coràn Mahumetis lege Alcoràn dici solet; *A* enim articulus nominis putatur. Vide dictionarium vetustissimum Antonii Nebrissenfis Hispani. Alii quoque lexieographi Glastrum & Isatidem pro synonymis vendunt; Hoc enim græcæ, illud latinæ originis est, quamvis linguæ Britannicæ vocabulum ab aliis rectius putetur. Nam

Cæsar libro quinto, capite quarto decimo ait: *Omnes vero se Britanni vitro insciunt, quod caruleum efficit colorem; Atque hoc horridioris sunt in pugna aspectu.* Alii non vitros sed Glastos legendum esse, multis paginis contendunt. Qui Cæsaris commentarios commentariis suis illustrarunt, ni dicere mavis, obscurarunt, incredibile est, quam acriter, quam inutiliter de diversa hac lectione inter se digladiantur; Eo enim controversia demum recidit, ut vitrum vocem latinam, Glastum Britannicam esse, & utramque eandem herbam significare, quæ caruleum efficit colorem. Nam Plinius libro 22. Capite 1. scribit: *Simile plantagini Glastum in Gallia vocatur, quo Britannorum conjugēs, nurusque toto corpore oblecta quibusdam in sacris, & nuda incedunt, Æthiopum colorem imitantes, scilicet fuscum, Glasto proprium; Haud enim colorem caruleum caelestem, seu, ut vulgo dicimus, Berolinensem imprimit, sed obscurum. Glastum vero, & vitrum synonyma esse, ut aliorum testimonia omittam, ex Humfredo Lhuyd Cambro-Britanno perspicuum est, qui ait: Nec hi, sed Britanni, ut Cæsar, & alii referunt, corpora Glasto in caruleum colorem, ut hostibus terribiliores viderentur, pingere soliti. Et nobis in hunc diem, quod antiquitatem probare videtur, caruleus color Glas dicitur, quo nomine & herba illa plantagini baud dissimilis, & mercatoribus nunc optime cognita nuncupatur. Hæc Anglus de Anglia scribens. Nos quoque Germani vitrum Glas etiamnum vocamus. De hoc argumento plura nosse si cupis, lege clarissimi viri Francisci Oudendorpii Batavi commentarios in librum quintum, caput quartum decimum Cæsaris paulo ante a me memoratum. Qui rerum naturalium historiam nostra scripserunt ætate, Isatidem tinctoriam, Germanis salix Der Waid, in Gallia, Thuringia, & alibi provenientem ab Indigo colore Americano di-*

fin.



stinguunt, Sed hæc lis de nomine est, quam aliis arbitrandam lubens committo.

## ■ Cochinilla.

Cochinilla, vel, ut alii, Cochinella noti coloris ab Abiponibus Cachil, ab Hispanis la grana dicitur, propter aliquam cum granis Chermes affinitatem, quæ ex Illice, coccigera colliguntur. Hæc arbuscula frequentissima est in Hispania, maxime in Bætica, olim Turdetana provincia, in Lusitania item, & in quibusdam Galliarum tractibus. In Illicis istius foliis cocca, seu grana rubra procreantur, reipsa, ut ferunt, vermium nidi; muscæ enim minutæ hæc folia terebrant, ac in iis ovula deponunt sua, unde grana Chermes oriri dicuntur, quibus tinctorum, pictorumque ad res colore coccineo, seu purpureo imbuendas uti solent, quem & Murex, ostrum, seu conchylium aliis ministrat. Cochinillæ Paraguarientiæ origo sunt insecta alata, quæ carduis quibusdam, quos Hispani Tunas, alii ficus Indicas appellant, semper insident, eorumque succo aluntur. Plura sunt carduorum ejusmodi genera ut fructu, sic figura discrepantia. Alios Lakà, alios Roayami, Kakeè, Nanaprahète alios vocant Abipones, omnes tamen esculentos. Carduus, in quo Cochinilla reperitur, universali nomine Tunas ab Hispanis, Jamacarù a Brasiliis. Opuntia a Botanicis vocatur. E radice admodum brevi truncus assurgit crassus jam trium, jam quatuor angulorum, viridis, tortuosus, pulpæ albæ, & fragilis, undique spinis aculeatus; huic foliorum, & frondium loco trunci alii omnino similes, sat longi hinc, atque illinc adnascuntur, succo plenissimi. Floribus flavis fructus succedunt rubri, sicut vulgari majores, dulcis simul, simul aciduli saporis, ac vel ideo palato jucundi. Eorum

rum pulpa nigris, minutisque seminibus, ut uva acinis, turget; cortice nudata mirifice sapit, maxime sitientibus, & ex calore ægris. Ex his igitur fruticibus per campos passim obviis fœminæ Cochinillam colligunt, quæ ex micis albis, perexignis, fluidis, & mucosissimis constat. Plurimæ istiusmodi particule in tabellas tenues rotundas compactæ, aerique aliquamdiu expositæ rubescunt demum, & indurantur. Neque alia, ut pingendis tingendisve rebus serviant, industria porto est opus. Sunt, qui Cochinillam vermiculum Indicum esse, ex quo tosto, vel manibus contrito color coccineus conficitur, scripserunt, quibus, si de quavis Americæ Cochinilla id dictum velint, non possum non repugnare. Plus equidem fidei oculis meis, quam verbis alienis tribuo. Massam illam albam, fluidam, e carduis collectam, a fœminis allatam toties vidi, manibus contrectavi meis, floribus pingendis, aceto colore rubro imbuendo adhibui, nunquam illi vel minimam illius insecti particulam immixtam deprehendi. Ejusmodi reculas Cochinillæ admixtas si deprehendant Europæi, id fraudibus mercatorum exterorum factum credant, qui res heterogeneas immiscendo & pondus, & luera sua augere conantur. Sic Tamarindis pruna nostratia ab illis admisceri, pharmacopola ingenue mihi erat conquestus. Paucis abhinc annis in publica urbis taberna cochinillam emi, sed adeo Corruptam, & nescio, quibus quisquiliis vitiatam, ut, cum nullum prorsus colorem redderet, nulli mihi usui fuerit. Clarissimus medicus Woyts in suo gazaphylacio, triplicem, quin quadruplicem cochinillam ab exteris mercatoribus Europæ inferri, alteram ab altera multum discrepantem, refert. Quid alibi ab aliis fiat in paranda Cochinilla, plane ignoro; Paraquaricam, de qua sola mihi sermo est, insectorum, quæ carduis

insident, excrementum esse, existimo, vel rectius eorum seminum eo prope modo, quo bombyces filarica e suis egerere visceribus consueverunt. Bombyces mori foliis, insecta cochinillæ Tunarum carduis aluntur; Hi cardui ut fructum purpureum generant, sic insecta, quæ carduis istis vescuntur, succum quemdam initio album, dein, ut primum siccatur, purpureum egerunt. Quemadmodum formicæ, quæ fruticibus Quabyræ miti fragrantissimis se nutriunt, ceram suavissimi odoris producunt, quod paulo ante memoravi. Hunc igitur, quidquid sit, insectorum succum ex carduis opuntiz collectum, & postquam aura siccatus est, in massam purpuream coalescentem cochinillam in Paraquaria vocamus, atque rebus quibusvis seu tingendis, quia alia opus sit præparatione, impendere, solemus. Ejusmodi cochinillæ, dum plura florum millia ad templi ornatum meis concinnavi manibus, vim sane magnam consumpsi, quin vel minimam insecti particulam illi inspersam deprehenderim; Si quis alter deprehenderit, muscam, aut vermiculum talem massæ illi adhuc humidæ vel fortuito, ut in cibis contingit, illapsam, vel mercatorum exterorum ponderis augendi gratia frandibus admixtam fuisse, sibi tuto persuadeat. Illud mihi exploratissimum, in Paraquaria neminem seu pictorum, seu tinctorum insectis ipsis, sed eorum, qui in carduis reperitur, succo uti. Num vero ex insectorum ejusmodi, quæ viva colorem purpureum effundunt, exanimis jam corporibus idem, vel similis color, exprimi arte queat, ignoro; Nobis equidem nunquam lubuit id experiri, cum naturalis cochinilla semper fuerit in promptu. Grana illa, grano piperis vix minora, fusci plerumque, interdum lucidi coloris, partim rotunda, partim polygona, & rugosa, quæ in aromato-

matopolarum tabernis, in tinctorum officinis passim prostant, cochinilla vulgo appellantur equidem, re tamen ipsa mihi videntur cocca ilicis, (Des stechbaln, oder gruneiche Kermes beere, scharlach beere) esse, ex Hispania, Gallia, vel ex alia Europæ provincia probabiliter allata; Nisi forte ex insulis Americanis, quæ à Joanne Berinudes Hispano, & a Georgio Sommer Anglo nomen habent, aliquando advehantur. Istic enim grana, quæ Sommerius rothholz dicuntur, generari scribunt nonnulli, purpurei, ut vera cochinilla, coloris. Quidquid sit, cochinillam Paraquariensi ulla ratione similem nusquam a me in Germania visam esse, sanctè affirmo, videoque granis variis, quæ cochinillæ colorem aliquomodo imitantur, cochinillæ nomen promiscue impertiri eodem jure, quo Indi potionem seu ex uvis, seu arborum fructibus paratam vinum appellare consueverunt, quia utriusque abusus homines, reddit temulentos. Noster Joannes Marchiseti, Fluminensis, oppidi Quaranici, cui Nuestra señora de Sancta Fe nomen dedit, diu Parochus Carduos opuntiz, seu Tunas in horto, qui latissime patebat, domestico plantandas curavit, ne cochinillam oppido suo necessariam per campos remotissimos conquirere porro opus esset. Carduis jam adultis infecta illa alata, cimicibus prope similia, quæ per Indos corbibus e campo allata, undique inspersa fuerunt successu, qui vota superaret, optimo; Tam copiosa enim, tam eximia cochinilla identidem collecta est, ut a vicinis Parochis ad oppidorum suorum usus, quovis pretio oblato, certatim posceretur, quod præ campestri illa, & Sylvestri amœnius, luculentiusque rutilabat, maxime, dum succo mali citrei conspergebatur. Annis succedentibus idem Pater Marchiseti hujusmodi carduis omnes oppidi aditus obsep-

obsepsit, ne equitibus Barbaris, a quibus multas clades acceptas, pluresque indies timendae fuerant, accessus dein tam expeditus esset. Hujus generis sepimentum vivum, quo & Hispani in hortis, praediisque utuntur suis, ut securitatis instrumentum, sic cochinillae seminarium existit semper fecundum, quae Paraquariensibus non colorem modo nobilissimum, sed & medicinam praebet cordi roborando, sudori ciendo, arcendoque veneno utilem, ut adeo aceto, aliisque liquoribus salubriter condiendis tuto misceatur. De Paraquariensi cochinilla duntaxat id a me dictum noveris; Aliam quamcunque mihi ignotam, & vel hoc nomine suspectam ne primoribus quidem labris admoverem. Abbas Vidaure scribit: Insecta foliis Opuntiae insidentia a Chilenibus aciculis compungi, capique. Chilensi id fieri in provincia esse concedamus, de Paraquaria idem affirmari haud posse, tot annorum experientia mihi constat.

### Virga aurea.

Virga aurea, Abiponibus Nakalik, candice re-  
ctissimo, foliis, frondibusque ab imo ad summum  
stipato, & jam quatuor, jam quinque pedes alto,  
flore insigniter flavo superbiens in plurimis Paraqua-  
riae Campis abundat. Illius seu caudex, seu folia  
admixto alumine in aqua percocta colorem croceum  
splendidissimum pictoribus, insectoribusque offerunt;  
si quid caerulei immisceas, colorem latissime viri-  
dem habebis. Segmenta arboris Tatayy, ut alibi  
exposui, colorem item flavium, praebent, sed mi-  
nus clarum. Eadem virga aurea magni quoque est  
apud medicos nominis, variique usus. Matronam  
nobilem, annos plures lecto affixam, cujus morbus,  
nescio, quis, & medicorum plurium sagacitatem,  
& medicamentorum vires elusit semper, ab advena

Ger-



Germano plantæ istius usu in urbe sanctæ fidei prompte, feliciterque curatam fuisse, recordor. Plura sunt virgæ aureæ genera. Unicum in Paraquaria novi.

### Radices rubri coloris.

Quaranii e campis palustribus eruere solent radices quasdam, Yzipò dictas, fusce superficie, quibus laneas, gossipinasque telas colore rubro, sed obscuriori, imbuere solent. Num hæc sit radix Rubiæ tinctorum (vulgo Der gräpp) non ausim affirmare; Etsi enim id genus plantæ in Austria jam colatur passim, a me nunquam est visum.

### Caatiquà cortex.

Cortex arboris Caatiquà, Abiponibus Achite, aquis immersus ruborem, sed pallidum, rebus imprimit, coriis, dum macerantur, maxime.

### Coloris nigri materiæ.

Ad telas nigro colore tingendas jam quadam filiquæ Græcæ specie, quam Acaciæ arbori Egyptiacæ similem alibi descripsi, jam nota herba, quæ potui servit, Paraquarica, jam argilla pingui nigerima utuntur. Gossipium nigrum colorem etsi recipiat, haud diu tamen retinet; Hinc vestes, quibus in Paraquaria fere induebamur, Gossipinæ nigro sensum emoriente nullius prope erant coloris. Matronæ Hispanæ Jacobopoli, Indique Chiquiti norunt Gossipium nigredine pertinacissima imbuere, quod artificium latet cæteros.

### Frutex anonymus colori viridi serviens.

Ad ripas amnis Naráhagem sylvæ inambulando fruticem mihi ignotum detexi, foliis tanto virore  
splen-

splendentibus præditum, ut ea degustandi lubido me incesse- rit. Ea saccharo quovis dulciora deprehendi, & herbæ Paraquariæ, dum cum aqua fervente bi- bitur, condiendæ sacchari loco adhiberi posse, judi- cavi. De utilissima, ut videbatur, inventiuncula magnopere mihi applaudens socio meo Hispano fo- lium ejus fruticis gustandum porrexì. Is vero, quod res erat, prudenter suspicatus, plantæ peregrinæ non gustatu modo, sed & tactu abstinendum sibi videri, respondit. Indæ vetulæ hac de re in oppido consul- tæ: Hæc folia rebus viridi colore inficiendis adhiberi equidem, sed virulenta esse, affirmarunt. Enimve- ro de hoc factus certior inconsiderantiam damnavi- meam, qui præcipiti manu plantam mihi nondum exploratam ori admoverim meo.

### Ligna tinctoria.

Ligna porro tinctoria varii coloris, quæ ex Brasilia, Quayana, aliisque Americæ provinciis in Europam transferuntur, pleraque suppetunt in ea Paraquariæ parte, quæ Brasiliz confinis. Idem de radicibus, arborum oleis, succis, resinis, gummi, nucleis &c. dictum puta.

### Cardones seu Cerei.

Carduis, quos tunas, vel ficus Indicas appel- lant, sociandi videntur Cardones, seu Cerei (Alaga- rik Abiponibus) quorum truncus & vastus, & procerus, pulpæ fungosæ, ac fragilis. Foliorum, ramorumque loco caudices alii crassi, & longissimi innascuntur, spinosi undique, succo turgentes, & in altum ere- cti. Flores iis albi, fructus ovo anserino grandior, figuræ ovatæ, coloris obscure rubri proveult, quo

Indi impune vescuntur. In Paraquariæ solitudinibus sylvas cardonum longe, lateque porrectas sæpe peragravi. Mel, quod in illis apes fundunt, plurimum celebratur. Singulas prope cardonum partes, succum maxime ex iis expressum in usus medicos convertere nōrunt & Europæi & Americani. Multa sunt cardonum genera, diversæ, monstrosæque figuræ. Humi serpunt alii, alii sursum arrigunt se se. Horum memorabilior cereus Peruvianus: major spinosus, ad viginti pedes altus, pedem unum crassus. Ejus truncus varios angulos, & veluti canales, tubera item, ac aculeos habet. Cortex illi viridis, pulpa carnosæ, & sub hac materia lignea, ubi medulla candida succi plena est. Parce florescit. Plura de hoc cereo nōsse si cupias, hortos Principum, ubi prostat spectabilis, adi.

### Caraquatà variæ species.

Caraquata Quaraniis, Abiponibus Kalitè, Mexicana Maguey, vel Metl ubique frequens, & ad varia peruvilis est planta, ob aliquam affinitatem species Aloës a quibusdam, atque adeo ab Hispanis Azibar, vel Závila dicitur juxta Antonii Nebrissenfis lexicon. Complures sunt ejus plantæ species in Paraquaria passim obviæ. Mihi notiores carptim memorabo. Caraquata quazù, seu grandis radice crassa, sed brevi nititur. Foliis viginti aliquot pinguissimis, utrinque serræ instar dentatis, peracutis, ad duos pedes longitudinis se se porrigentibus constat, in quorum centro scapus trunci instar assurgit, quinos, sæpe plures pedes altus. Ejus vertex croceis floribus coronatur. E foliorum fibris, ut alii e lino, vel cannabe, fila ducunt Indæ, chordas, vestes: retia sibi texunt, in quibus bina ex arbore suspen-



suspensis cubare solent. Hæc tamen fila nullo seu tempore, seu artificio perfectam nanciscuntur albedinem, neque colorem, qui illis illinitur, retinent diu. In Quayana tamen provincia ex eodem Caraquatz filo, quod Hispani hilo de pita, vel chaguar appellant, tibialia adeo venusta texi, scribunt fide digni, ut ob firmitatem juxta, ac egregiam molli- tudinem sericis tibialibus interdum præferantur in Gallia. Aliud Caraquatz genus, priori admodum simile, in sylvis visitur, sed ad fila ducenda ineptum; Hinc ab Abiponibus frater Caraquatz, Kalitè naal- hevoa, vocatur. In sylvis Mbaè verà, Acaray, & Monday fluvios inter ad Nord ost sitis non ex Caraquata, sed ex cortice arboris Pinò rite perpur- gato filo, vestesque sibi parant Indæ sylvestres sindo- nis Europææ ritu candidissimas, quas ipse toties vidi, stupuique. Tela enim ex corticis hujus filo contexta, soli aliquamdiu exposta, frequenterque irrigata non modo albescit insigniter, sed & colo- rerit, quo tincta est, quævis fidelissime servat. Dolendum sane, hanc arborem Pinò in sylvis edi- toribus duntaxat reperiri, ac per plerosque Paragua- riz tractus ignorari omnino. Caraquata alterius fi- guræ speciem cinaræ, vel Ananæ refert. Fructum coccinei coloris generat, senenque copiosum, cauli recto, sed gracili inclusum habet. Circumdatur fo- liis vastissimis, serræ instar denticulatis, ac humum versus pendentibus, in quorum centro aquæ clarissi- mæ portionem non modicam iter agentes inveniunt, sitimque levant suam in aridis solitudinibus, ubi nusquam gutta aquæ suppetit aliquando. Caraqu- ta alia foliis gladio similis, & utrinque minaci spinarum serie armata fructum inuis, foris palli- de flavescens, senne nigro refertum, succo aci- dulo, sed grato prægnantem præfert. Verum hanc

e tot aculeis, quibus folia ejus custodes horrent, citra vulnus extricare, hic labor, hoc opus est. Ex fructu, saccharo admixto, & potus saluberrimus, & nobile adversus morbos varios medicamentum paratur, fugiendum tamen maximopere foeminis prægnantibus, quibus abortum ciere dicitur. Hæc, aliæque Caraquatæ genera innumerabiles Americanis præstant utilitates. Circum hortos, prædiorumque ædes plantata præ quovis alio sepimento spinarum aculeis furtivum, noxiunve impediunt accessum, nullaque aeris intemperie necantur. Folia pro lino ad fila ducenda, pro tegulis item ad tegenda extemporalia turguria, spinæ pro acubus serviunt. E foliis compunctis succus, qui saponis loco lotricibus est usui, pinguis elicitur. Eadem, si ad ignem excoquantur, esculenta sunt. Caraquatæ fructus varios cibis adnumerant Indi. Ex ejus foliis cultro rasus liquor dulcis manat affatum, qui igne spissatus in saccharum condensatur. Quid mirum jam novo invento Domini Bouchery in Gallia saccharum e Melissis expressum magnifice promitti? Idem Caraquatæ liquor seminibus malorum aureorum, melopeponum, & aquæ immixtus vinefcit; soli expositus aliquandiu acescit. Qua ratione, quibus morbis, vulneribusque medeatur succus e Caraquata profluens, longum sit enarrare. Ad hæc Caraquatæ adnasci solet Polypodium, quod cuivis alteri Europæo præferendum e medicorum sententia. Tot, tantasque utilitates etsi præstet Caraquatæ planta indigenis, fateor tamen, mihi illam per tot annos nunquam usui, sæpissime seu equitæ, seu pediti impedimento in itineribus fuisse; Namque ut molossi diducto rictu allatrae solent venientes, sic conferti per viam, & vix penetrabiles Cardui aculeatis, lateque expansis foliis lacerant transeun-

seuntes. Paucos ante annos Posonii, quod Hungariz metropolis nobilissima, Excellentissimus Comes Erdödi suum mihi hortum spectandum exhibuit ipse, omni plantarum exoticarum genere comptissimum. Cum hinc, atque illinc Tunas, carduos, cardones, Caraquatas, aliosque Americæ frutices attonitus circumspicerem, illorum nomina, usus, proprietatesque exposui simul, simul mirari me, aiebam, tantis sumptibus ex America advehi, tanto labore coli ejusmodi plantas, quibus eradicandis nec securæ, neque trecentæ industriæ in Paraquaria nobis sufficiebant.

### Arundines variæ

Tam in campis palustribus, quam humidioribus in sylvis, arundinum ingens passim frequentia est, ac Varietas; Aliæ siquidem solidæ, concavæ aliz. Quædam crassitie femur virile excedunt, nonnullæ vix pollicem æquant; Multæ penna, qua ad scribendum utimur, anserina graciliores, sed denas facile orgyas longæ vicinis arboribus implicant se se, & a Quaraniis Taquarembo vocantur. Arundinem quamcunque Quaranii Taquá, Abipones Akatlesaye, Hispani Castia appellant. Arundines tantæ molis passim suppetunt, ædium in fabrica, in plaustris, navibusque ut lignum suppleant, & si opportuno cadantur tempore, duritie id superant etiam, ac perennitate. Fuere, qui ex amplis arundinibus lagenas prægrandes concinnarunt ad vinum in itineribus servandum idóneas, & vitreis, quippe fragilibus, meliores. Cum in variis provinciæ ejusdem tractibus arundines variæ proveniant, Indi ex arundine sagittæ per viam fortuito inventæ hostium Barbarorum, qui illac comearunt, nomen, patriamque sagaciter con-

lectant. Nemora non raro longissime patentia, arundinetæ continuo horrida pedites transivimus, quia & noctem in illo agere cogebamur sæpe, insomnes semper, & anxii. Arundineta equidem palustri fere solo cum gaudeant, insectorum, puta, ricinorum, anguium, culicumque seminaria sunt, & stativa, qui advenarum sanguini, auribusque nunquam parcunt usque sonori, & mordaces, præsertim malacia ingruente. Ventus si irruat validior, disiecto, ad quem confidemus, focò, arundines foliis aridis operæ flammam concipient illico, nosque cremabunt; Nam nec incendi sopiendi instrumenta suppetunt, neque evadendi opportunitates. Frequens id periculi genus, & pluribus exitiale. Arundines, quas germani canas Hispanicas, Hispani Indicas appellant, & pro baculis habent, Paraquaria nusquam gignit, licet in Borealis Americæ provinciis nec raras, neque caras. Ejusmodi scipione arundineo nemini, præterquam militari præfectura insigni in Paraquaria uti permissum.

### Canna saccharifera.

In calentioribus, quæ ad septentriones vergunt magis, territorii Canna saccharifera lætissime provenit, cultorum si modo solertia haud desideretur. Augusto mense, hyeme scilicet illic exeunte, cannarum taleæ pedem unum, vel duos circiter longæ sulcis agri æquali a se spatio distantibus, riteque aratis oblique inseruntur. Ex talearum sensim putrescentium fundo novum cannarum germien erumpit, quæ in octo pedum altitudinem accrescunt Denique, & decem circiter mensium intervallo maturæ resecantur. Quo diutius in agro relinquuntur, eo magis melleus earum succus, spissiorque evadit, qui variis in America modis, machinisque exprimitur subinde. In Paraqua-

saquaria Cannæ, foliis antea nudatæ, in frusta sesquipedalia secantur. Hæc duobus durissimo e ligno cylindris grandibus, quos ope rotæ majoris ligneæ boves bini circumagunt, manu intruduntur. Machinam hanc Trapiche vocant Paraquarienses. Arcta cylindrorum compressione expressus succus in subjectum lintrem, vel scaphium defluit. In lebetæ æneo plus, minusve coquitur pro diversitate usus, cui dulcis liquor destinatur; Nam si pro melle potui, ciboûe servituro adhibendus est, ad focum minus spissatur, utribusque clausus pro arbitrio conservatur. In istorum fundo, postquam mel consumptum usu, multos lapillos candidos, crystallinos, ex melle coagulato ortos, invenimus semper, quos vulgo saccharum Candi purissimum, & naturale vocant; Aliud enim, quod filis implicitum, flavumque in tabernis prostat, artificiale videtur. Si vero expressus e cannis liquor conficiundo saccharo destinetur, diutius excoquendus erit, atque spissiore in massam redigendus. Hæc in ollas ex argilla fictas, quarum fundus hinc illinc perforatus sit, transfusa quo sæpius, diutiusque soli exponitur, eo magis sacibus, in subjectum ollæ vasculum defluentibus, purgatur, eoque candidius saccharum, nobiliusque evadit. E sacibus defluus vel saccharum vilius, vel arte chimica stillatim ad ignem eliquatis aquam vitæ, ut vulgo dicitur, conficiunt Hispani. Eundem in finem cannas cylindris jam contritas necdum tamen succi omnis expertes (Bagasso dicuntur) alii impendunt. Nostis in oppidis has cannarum exuvias equis, mulisque vorandas reliquimus. Hæ pecorum omnium cupiditæ quantæ cum aviditate, quot inter rixas fuere consumptæ! Illud animadvertendum præterea: ollæ, in quibus liquor melleus soli exponitur, limo recenti madefacto diligenter conteguntur. Quidquid sacchari seu in Pa-

raquaria, seu in vicinia Brasilia paratur, farinae triticeae speciem refert. Id solum lusitanis usui est. Id ex portu ulyssiponensi qua qua versus navibus transportatur, & tum calcis, tum taurini sanguinis beneficio, aliisque, nescio, quibus industriis in lapidem veluti congelatur. Tale tot artificijs sibi suspectis transformatum saccharum, quod ipse vidi, averfantur lusitani, & purum, sincerumque sibi præoptant. Sed supervacaneum hunc esse metum equis nostrum non videt? Cum agrorum feracitati incolarum Paraguarisium industria neutiquam respondeat, saccharum istuc elaboratum illi provinciae raro sufficit, ut adeo de illo in Europam transmittendo cogitet nemo. Exquisita cannarum cultura e contrario ingentes in Brasiliam opes ex Europa derivat, lusitanici commercii nervus præcipuus, ac divitiarum fons perennis. Arundo saccharifera a Quaraniis Taquarey, ab Hispanis caña dulce vocatur, ab Abiponibus Akatleraye nocte. A sylvestri arundine nil differt, nisi quod nodos plures habeat, internodiaque minora. Foliis eleganter viridibus, amplissimisque præsertim in vertice ornatur. Quatuor fere pollices crassa est. Quamvis septem, octove pedes procera sit, multa ejus portio tamen, quæ ad ejus fastigium vergit, abjicitur, quippe tam succo vacua, quam foliis plenissima. Glebam præpinguam, solumque, uti ceteræ arundines, riguum amant, nec in collibus, etsi rigeatur idem, multum adolescit. Cañæ recens plantatæ terræ plus est aggerendum æstate, ne solis æstu exarescat; Hyeme minus, ne nimium germinet, & quo pluribus foliis superbierit, eo parcior succo turgescat. Loliam quoque, quæ humum exugunt, luxuriantia solerter extirpanda. Pruinæ moderatæ cannis adultis profunt, quod succum melleum conspissant, immoderatæ obfunt, quoniam succum omnem exhauriunt. Formicæ,

cannis adolescentibus exitiales, proviribus sunt arcedæ. Plures alias, quibus cannarum educatio, expressio, & in saccharum transformatio indiget, industrias silentio prætereundas brevitatis causa putavi. obiter adnotavi præcipua, ut sacchari, quod confumere egregie norunt Europæi, etiam genesis penitus intelligant, desinantque admirari arundineam hanc dulcedinem tam operose in America elaboratam, tam exaggerato sæpe pretio vendi in Europa.

### Mel apum.

A melle, quod cannæ præbent, ad mel, quod apes fundunt, transcamus. Alvearia, quorum adeo laboriosus est per Europam cultus, nulla per omnem videas Paraquariam, quod multiplex apum genus seu in concavis arboribus, seu in terræ cavernis, seu patente in campo mel nobile, ac Copiosum, passim deponant, in illis maxime territoriis, quæ Cælo mitiore gaudent, campisque floridioribus propinquant magis. Pro apum, locorum, temporumque varietate varium mel & nomine, & sapore reperitur. Quod sub terra latet, ab Abiponibus Naherek appellatur. Id acidulum alicubi, alibi dulcissimum. Ex una sæpe caverna ingens ejus portio eruitur frequenter, cantharos plures impletura. Quod vere ineunte æ fruticibus potissimum, vel alto e gramine pendens decerpitur, ab Hispanis indigenis lechiguana, ab Abiponibus Naatek, vel Nahaurek dicitur. Materia, qua mellis istius alveoli, seu cellulae constant, chartæ bibulae videtur simillima, tantique sæpe est voluminis, & ambitus, utroque illud brachio complecti ægre ut queas. Favos, quos in Europa vespæ quædam condunt, pari prope modo structos aliquando videmus. Mellis lechiguanæ præstantiam vel ex co

arguas, quod e primis sub veris principium floribus gignatur, & si menses aliquot intactum oculos, manusque transeuntium fugerit, sacchari instar sponte sua induretur, ac illo dulcescat magis. Nihil prorsus cere admixtum habet. Id genus favi e frutice decerpturi laneo caput suum amictu providenter obnubunt, ne apicularum, quæ domum, laboremque suum acerrime defendunt, ferocium aculeis misere compungantur. Enimvero melleum hoc nectar ab incautis multo dolore emitur interdum. Quamvis jam sub terra, jam in campo mel varium proffert, præcipua tamen apum officina sylvæ sunt, ubi in cavis, excelsisque arborum truncis ceram cum melle conficiunt, quod communi nomine Neelgék, vel Aalooiyák ab Abiponibus, ybiracy a Quaraniis dicitur, qui tamen apum, mellisque generibus singulis singula nomina indidere, ut eorum e lexicis patet. Mellis discrimen non ab apicularum duntaxat, sed a succorum, quibus illæ pascuntur, discrimine pendet, quin & a receptaculis variis, in quibus reperitur, mel variam virtutem obtinet, ac nomenclationem. Hispani Jacobopolitani illud maximi faciunt, quod in cardonibus, de quibus paulo ante disserui, invenitur. Apud Quaranos, & quosvis æquos æstimatores primum locum tenet Eyrobáña mel utique dulcissimum limpidissimumque, quod vitro infusum solo aspectu ab aqua pura discernat nemo. Idem mel si in fragrantissimo arboris ybirapaye ligno reperiatur, tunc enimvero ob incredibilem, quam ab arbore contrahit, fragrantiam omne tulit punctum, ac mella cætera, ut sol astra minora, antecellit. Arborem ybirapaye alias laudavi. Longum sit, superfluumque reliqua mellis, apicularumque ejus procreatricum discrimina, ac nomina enumerare, quod dudum alii ex operis sui instituto præstiterunt. Hallucinantur illi pro-



perfecto, qui cum Isidoro Pelusiota libro I. epistola 132. *Mel sylvestre summe amarum, & gustatui omni iussum, atque inimicum existimant.* Quod si tale fuerit in solitudine Jerusalem inter, & Jericho, ubi melle sylvestri victitans Joannes versabatur, iuxta Menochium libro 2. capite 1. ab Anatot usque Thecue, & Engaddi, id forte illarum apum, forte succi, quo alebantur, naturæ erittribuendum, quin mel sylvestre quodvis aliud, amaritiei jure possit accusari. Nam etsi melli Americano sylvestri universim propria sit dulcedo, si tamen c. ruta, absinthio, artemisia, roremarino fugant apes, amaritiem, nescio, quam melli aspergunt suo. Mensibus in Paraquaria hybernis Junio, Julio, & Augusto mel quodvis sibi minus salutare affirmant Abripones, eoque abstinent religiose. Hispani Jacobopolitani in remotissima etiam nemora ad mel, ceramque conquirendam turmatim proficiscuntur; Hanc ad solem labore improbo dealbatam, Chilenis, Peruvianisque venalem quæstu vix mediocri transmittunt. Ubi ubi latentia in sylvis alvearia detegere, spoliareque, Abiponibus nullum prope est negotium; Cælo fudo, claro sole in campum equites excurrunt. Apiculas, ut incredibili pollent oculorum acie, qua qua versus volitantes observant, & relicto ad sylvæ margines equo, pedites sequuntur, dum, quam arborem illæ iniverint, videant denique; Hanc simiorum instar pernice conscendunt, foramen, alvearii scilicet portam, ac indicem, securi aperiant, mel supposito vase coriaceo, ceramque eximunt, ac domum deportant, ubi a confidentibus amicis, prolibus, conjugibusque adventitia illa dulcedo jam, ceu ambrosia Lingendo, jam ceu nectar bibendo suavissime consumitur. Quod si communis viros inter compotatio quocunque nomine indicta fuerit, mel allatum frigida miscetur, stipite obvio

exagitatum tantisper, nullo præterea fermento accedente, horarum aliquot intervallo ebullit, spumat, vinefcit, & vel parce hauſtum vini meraciſſimi inſtar temulentiam accelerat Indis, ad quorum mentem natura imbecillam opprimendam bina, ternave pocilla ſatis eſſe, ſuperque experti ſumus. Cerae, quam loapal Abipones, yraiti Quarani vocant, vix ullus eſt apud hos Indos uſus; Focus enim in tugurii pavimento uſque vivus ut culinæ interdiu, ſic candelæ vices agit noctu. ſi quam tamen ceram domi in promptu habeant, pro crepundiis, pro ſerutis quibusvis obvio Hiſpano eam porrigere conſueverunt. Crebrum mellis uſum, cur Abipones adeo vegeti ſint, & vivaces, cauſam eſſe aliquam, alio loco oſtendam.

### Sal.

Melli ſal ſuccedat. Hoc ut beſtiæ pleraque omnes, ſic Barbari incredibiliter appetunt, quamvis raro illius compotes ſiant. Licet enim Paraquaria alicubi ſale abundet ſeu naturali, ſeu artificiali, per immenſos tamen terrarum tractus neutrum ſuppedit, niſi forte magnis ſumptibus aliunde allatum. Quaraniſſimum certe oppida latiffime diſcuſa & calce, & ſale carent; utrumque e remotis Hiſpanorum coloniis jam navibus, jam plauſtris advehendum eſt, pretioque emendum ſæpe intolerabili, ſæpe nullo impetrandum, Cordubeniſi in territorio, & alibi lacus diutina cœli ſiccitate exhauiſti ſal coagulatum offerunt equidem, ſed eadem ſiccitate durante ad hos lacus perveniri ægerime poteſt, cum Campi, per quos tranſeundum, aquam negent & vectoribus, & bobus, a quibus ſal plauſtris ad urbes eſt tranſportandum. Annis pluvioſis, lacubus illis redundantibus ſal haud coagulatur.

Quod

Quod cum eveniat frequenter, frequens est salis penuria, caritasque. Quibusdam in locis, quæ urbis Assumptionis, & Sancti Jacobi iuribus obnoxia, jam nitrum e Campo collectum, jam aquas salvas minoribus in ollis excoctas in sal probum convertunt. Ad conceptionis oppidum sal in oppidulo Sanctæ Lucie coctum adeo amarum venerat aliquando, ut satius fuerit insulas edere carnes, quam stomachos nostros tanta amaritie excruciare. Sal, quod in Indorum oppido lambare, & in Cochinoco Peruvio confini paratur, plurimi fit, quippe lapidi similis, candidus, & medicamentis maxime idoneum. Cives Boni aeris interdum navibus per mare Australe, alias per terram sal plaustris advehunt ex laeubus, ubi salis nativi, niveique infinita congeries. Hi lacus fretum Magallanicum versus siti cum multorum dierum itinere absint ab urbe, nunquam sine multis sumptibus, raro sine discrimine possunt adiri. Ingens sæpe Hispanorum Turma, qui sal istic conquisituri abieſant, per Barbaros Australes misere contrucidata vitæ, plaustrorum, bestiarumque omnium jacturam fecit, vix uno, qui cladem in urbe nunciaret, superſtite. Has difficultates si perpenderit, sal in Paraquaria plerumque rarum, sæpe nullum esse, nihil admodum miraberis porro. In ditionis Jacobopolitanæ oppido Moppa Hispanus nobilis, qui ex ehaco advenam me hospitio comiter excepit, tantum salis, quantum binis ovis sorbilibus ſaliendis ſufficeret, quovis pretio per omnes loci plateas quaſitum non impetravit. Id temporis libra ceræ pro libra ſalis paſſim pendebatur. Quarani carnem, & quidquid obſoniorum habent, ne mica quidem ſalis conditam edunt plerumque; Enim vero ſingulis patribusfamilias cochlear unicum ſale plenum, hebdomadi integræ ſuffe-

fecturum diebus dominicis tribui solebat, libera, liberalique Parochorum beneficentia. Tantilla salis portio sumptuosa tamen oppidis singulis fuit, quorum alia mille familias, alia cœtingentas, vel septingentas numerarunt. Nam cum arroba (Pondus est Hispanicum quinque & viginti librarum) salis quatuor scutis, octo scilicet florenis Austriacis comparanda fuerit sæpe, libra viginti circiter cruciferis hujatibus constabat. Quamvis argenti loco, cum nullus istic monetæ sit usus, tabacæ folia, coria bubula, tela gossipina &c. Venditoribus porrigerentur. Barbari, qui in abstrusis habitant solitudinibus, insulto fere cibo vescuntur, cum nec sal illis suppetat, neque salina. Eam ob rem illorum non pauci scabie laborare mihi videbantur. Solertiores alii jam fruticem, quem Hispani la vidriera, Quarani Yuqui, Abipones Achibitaik, vel Atataik, id est, sal vocant, jam alias plantas cremare solent, earumque cineribus seu ad cibum condiendum, seu ad paranda medicamenta pro sale uti consueverunt, maxime Abipones. Hi, quibus & esus, & potus mellis prope quotidianus est, dentes profecto non labefactarent modo suos, sed & brevi amitterent omnes, ni quodam, quod a majoribus accepere suis, remedio sibi consultum irent identidem. Tabacæ folia scilicet mulierculis vetulis mandanda committunt, quæ illa dentibus contrita spumante cum saliva ad manus suæ palmam exspuunt, sale conspersa digito exagitant, subiguntque tamdiu, dum denique massæ nigræ resinosæ, & theriacæ speciem referant. Hanc massam e tabacæ, sale, & vularum saliva conflatam Noeræ medicinam vocant suam, cornu tenui clausam e veste pendentem a pueris circumferunt semper, particulam ex ea unguibus

bus decerptam ori injiciunt suo identidem, ac, ut nos pulveres Nicotianos, amicis obviis propinant. Id genus medicamenti barbari ut nauscam, ac prope vomitum ciet spectanti Europæo, sic, qui eo utuntur per omnem ætatem, Barbaris incredibiles adfert utilitates; Nam, quid demum rei sit dentium dolor, plerique ignorant; Plerique dentes suos tumultu inferunt omnes, omnique ex parte incolumes. Quotidiani propterea Abipónum ad nostras aedes fiebant concursus, tabacæ folia, & sal postulantium, ad medicinam illam dentium concinnandam necessaria. Olim tabacæ, quam nunquam plantaverant, loco radices plantæ ejusdam adhibuere, quam Hispani Coro, Abipones Noeta appellant.

### Coro planta.

Hæc folium, mordacitatem, salivæque ciendæ facultatem tabacæ propriam plurimum imitatur. De Tabacæ cultura, & varietate alias a me actum. Quarani Tabacam Petý, Abipones Npeeték corrupto non nihil Quaránico vocabulo dicunt; Quin & latini Tabacam Petum hodie vocant, voce ex nomine Petý utique derivata. Ab alijs herba Nicotiana appellatur, quod Joannes Nicot lusitanus ante annos centum, & octoginta circiter tabacam ex Brasiliæ primus in Europam attulisse, scribitur. Ipsum Tabacæ nomen ab insula Americana Tabago, unde olim venerat, fluxisse, opinor.

Ecquando scribendi finem inveniam, si fructum, plantarumque ad unam omnium vel nomina recensuero? Rorismarini, Rutæ, Artemisiæ, virgæ aureæ, Menthæ, absinthii sylvas amplissimas in quibusdam Quaraniarum oppidis deprehendi, Salvia triplex diversæ quidem formæ, virtutis tamen ejusdem nobis innotuit. Quæ salvia Regia, ab Hispanis dicitur, rarior est ob cultorum paucitatem. Borrago, Plantago, Malva, Origanum, Nasturtium hortense, buglossum, Verbena, Fumaria, Portulaca, Liquiritia, seu Regalitia, Pipetis genus triplex scilicet, ut Quaranii vocant, gý piper vulgare, Cumbarý grani exilis, sed mordacissimum, & Aji, quod Turcicum vocamus, etiam Europæ proprium &c. passim, haud tamen ubique, proveniunt. Piper quæcunque ab Abiponibus Keeráye dicitur, & ut amara & acida quævis, a plerisque fastiditur. Zingiber ex plantata ejus radice copiosus nascitur. Urtica nostrates, quod mireris, per multa terrarum spacia nusquam vidi. Herbas innumeras medicis utiles, uti contrayerva &c. Liberali naturæ Paraquariense solum in acceptis refert. De frugibus, quæ ad Indorum alimenta maxime pertinent, juvat paucula jam adnotare.

### Mayz, triticum Turcicum.

Frumentum vulgo Turcicum, quod Hispani mayz, Quaranii Abati, Abipones Nemelk, Europæi quidam kukurúz vocant, præcipua est Americanorum añona. Varii coloris grana profert. Quaranii diversa ejus genera serunt. Mihi notiora sunt. Abati hata e granis durissimis componitur. Abati moroti e contrario candidissimis, mollissimisque e gra-

granis. Abati mihi mensis unius spatio maturescit, sed spicas profert exiles admodum, pumilasque. Celeberrimum est Mayz Bisingallo, cujus grana angulata sunt, mucronataque. In mortario ligneo contrita farinam reddunt saluberrimam juxta, ac suavissimam; Ista vel sola vel melle, aut saccharo admisto si cum aqua bibatur, & sitim ardentissimam, & famem celerrime sedat. Farina hæc militum Jacobopolitanorum, dum fugitivos insectantur Barbaros, viaticum est exquisitissimum, quo longas sæpe, arduasque excursiones, quin vel focum pro cibo coquendo excitare necesse sit, paucis diebus feliciter absolvunt. Mihi quoque in calamitosis itineribus Cælo æstante eadem farina levamini sæpe fuit. Ex granis Mayz cujuscunque seu integris seu in mortario comminutis varias ciborum formas, quin & panem tenuem arduentes inter prunas coctum Indæ conficiunt, qui tamen extra famem immodicam Europæis stomachis minime jucundus. A' Quaraniis Mbuyapè, ab aliis Chipà, vel tortilla, ab Abiponibus Etantà panis quicunque vocatur. Matronæ Hispanæ ex farina Mayz, quam cribrò solertissime purgant, panes candidos, & quamdiu recentes, grati saporis parare norunt. Mihi præ quovis pane triticeo fuerunt. Grana Mayz, mortario contrita, & aqua affusa post horas aliquot vinescuntia potionem frequenter præbent Hispanæ plebi, Indis quibusdam frequentissime, quæ Chicha, vel aloja vocatur. Nunquam te, spondeo, lubido incesset hunc gustandi potum, si quibus modis apud Indos paretur, intellexeris. Quoties communis statuta est compotatio, vetulæ effæte, rancidæ eundem evocantur in locum, ubi confidentes porrecta sibi Mayz grana dentibus molunt suis, & in parata vasa cum saliva exponunt, quam optimum esse potus fermentum, condimentumque

Barbari putant, foeminaeque juniores, quod impuris humoribus scatere videantur, honorifico Mayz grana dentibus terendi munere excludunt. Potus ex aqua, & execrabili hac massa compositus eccui demum stomacho nauseam non ciest, ac vomitum? Hic tamen mos sane barbarus apud plerasque Barbaras Americæ gentes Civitate est donatus. Abipones, quibus mellis, & siliquæ græcæ copia est, tritico Turcico etsi vescantur avide, illo tamen ad portionem parandam nunquam utuntur. Cæterum multæ sunt, luculentæque tritici Mayz prærogativæ; Nam in gleba etiam non optima satum bene provenit. Granum unum sæpe millenis plura grana reddit cultori. Illius spicæ teneræ adhuc, & lactescentes seu assæ, seu cum carnibus coctæ & Americanis, & Europæis plurimum arrident. Id tritici genus quocunque demum modo præparatum ad roborandum insigniter corpus, ad sanguinem augendum, ad vitam producendam multum conferre, Indi experiuntur. Neque ad gallinas, aliasque bestias saginandas præstantius illo pabulum deteximus usquam.

### Batatæ.

In cibariis Indorum penu locum non infimum habent radices quædam, quas Hispanus Batatas, vel Camotes de Malaga, Quaranius yeti, Germanus Poma terrestria (Erdäpfel) appellat. Supervacaneum sit rem omnibus perspectam prolixius describere. Paraquarienses Germanicis, sive earum molem, sive saporem spectemus, multum præstare; extra dubium est. Istæ radices, rapas malleum dicere, jam albi, jam rubri, jam flavi coloris sunt in Paraquaria. Batatas purpureas præ aliis viliores, Flavas, quas yeti paracà vocant Quarani, omnium optimas semper judicavi.

Man-



## Mandubi.

Mandubi Quaraniis, Hispanis Mani fructus est Americæ invidendus, optandus Europæ. Amygdalam pinguedine, dulcedine, & si corticem excipias, etiam figura refert. Sub terra nascitur e planta pulcherrima duos circiter pedes alta. Caulis illi quatuor laterum, pilis aspersus, colore viridi, & tantillum rubescens. Rami graciles quaternis singuli foliolis hinc læto virore, inde albedine quadam tinctis, & lanugine tenerima vestiuntur. Ad ramulorum originem flosculi crocei, & in marginibus rubicundi brevi pediculo insistentes tribus foliolis circumdantur. Radices hujus plantæ breves sunt, angustæ, ac tortuosæ, quibus vaginæ oblongæ lutei, coloris, & imbecilli corticis inhærent. Vaginis singulis jam singuli (Nam diversæ sunt Mandubi species) jam bini nuclei clauduntur, cuticula eleganter purpurea tecti, pulpa candidissima, pinguiissimaque præditi. Nucleos hos seu leviter frixos, seu assos vel Europæi appetunt, celebrantque. Oleum ex nucleis torculari expressum pro, imo præ omni olivarum oleo lactucæ, cibis quoque butyri, vel adipis bubuli loco a plurimis adhibetur. Italum novi Bergomatem, qui tabacæ pulveres rite præparatos, hocque Mandubi oleo recenti obiter aspersos tabacæ Hispanensi simillimos reddebat. Præclarum hunc fructum Europæ nostræ identidem peroptavi, multiplici certe usui futurum.

## Varia leguminum genera.

Præter lentes, fabas, Faselos, seu phascolos, aliaque leguminum genera (Quaraniis cumandæ, abiponibus Nauvirgila) ex Anglia, Italia, Germania-



nia, Africa in Paraquariam translata incredibilis est quoque Peponum, cucurbitarum, cucumerum esculentorum varietas, Qui variis cocti modis non ventribus modo implendis, sed & palato interdum oblectando bellè serviunt. Hispani Zapallos vocant, quorum alii dulciores ex Angola, Africæ provincia, olim adducti; Alii Quarahià, carapepè &c. a Quaraniis dicuntur. Curuquà, cucurbitæ genus, eximie magnitudinis. E caudice pendens suo per sepes, arboresque vicinas hederæ instar serpit. Cocta hæc cucurbita alimentum est non insuave, & medicamentum celebre feбри tertianâ laborantium. Domi menses etsi complures servata cubiculum fragrantia suavissima implet, qua illius quoque semina pollent. Melopepones nimis propemodum dulcedinis ubique proveniunt, sed nisi, ut primum maturuere, decerpantur, illico amarescunt, & cimicibus fætidissimis implentur. Pepones, seu melones aquatiles, quos Hispani sandias, Abipones Kaamalakà escam Hispanorum appellant, copiosi juxta, ac ingentes passim visuntur; In Sancti Jacobi de storea solo, quippe arenoso, maxime & dulcissimi, & monstrosæ, quæ fidem superet, magnitudinis proveniunt, quamvis prægrandes alibi quoque nascantur. Illorum pulpa jam rosea, jam crocea, semper glaciei instar gelida Fauces siti ardentes, cæterosque corporis artus validissime re-creat citra ullam stomachi noxam, maxime si aquæ haustus illi succedat; vini enim, quod mireris, societatem hi pepones refugiunt. In loco, quem aer permeat, patente suspensi maxima anni parte incolumes conservantur, Anni pluviosi peponibus aquatilibus nondum plene adultis officiant magnopere; Tantum enim aquæ absorbent, ut, antequam maturescant, disrumpantur, vel maturi jam paucas intra hebdomades computrescant.

## Lactuca.

Lactuca, five Endivia, quæ Intybus sativus à latinis, ab Hispanis Escarola dicitur; Sive crispa illa, & Brassicæ instar capitata hybernis mensibus, si rite colatur, in promptu est; Æstivis rarissime, nisi in rivorum litoribus plantetur; In horto enim ob nimium Cœli æstus in germen illico, & semen excresecit. Rapæ Europææ primo, quo feruntur, anno feliciter oriuntur, proxime sequenti in raphanos nigros mordacissimos solent degenerare.

## Raphanus.

Enimvero tellus Paraquariensis Raphanis admodum opportuna videtur; Eorum semine per ventum disperso in stupendam ubique accrescunt molem, & loliorum more agros implent, tritici pestes

## Sinapi.

Sinapi (Hispanis Mostaza) salubre ciborum condimentum in hortis cultioribus raro desideratur.

## Nasturtium.

Nasturtium Europæum, cujus radices carni bubulæ adhibent Germani, Paraquariæ universæ omnino ignotum, etsi Nasturtium seu hortense, seu aquaticum (Hispania Mastuerzo, Germanis Bruñkres) in locis riguis sponte nascatur.



## Crocus.

**Crocus** (Hispanis *Azafrán*) Europæus tota exultat Paraquaria. Americanus, solo nomine, & **Figura** crocus, non cibis condiendis utilis est, sed rebus duntaxat flavo colore tingendis.

## Asparagi.

**Asparagi** in Campis cernuntur, sed amari, & flô prope graciliores, gigantes utique futuri, si ad hortos translati culturam nanciscerentur.

## Cæppæ & Allia.

**Cæppæ**, & **Allia** prima apud plures Europæ populos ciborum elementa, culinarum ornamenta, deliciaeque mensarum incredibili studio, ac sumptu certatim coluntur ab Hispanis, quin & cruda a jejunis avidè manduntur.

## Fungi.

**Fungi** multiplices in campis æque, ac sylvis prostant, nemo tamen est omnium, qui manus, qui labia iis ausit applicare. **Verenjena**, Latinis **Melongena**, **Tomates**, Germanis **Poma paradisi**, aliaque ejusmodi Hispanis, quam Teutonicis gentibus notiora gustus irritamenta in hortis passim videntur, & sæpe in mensis. Indi dulcia appetunt, raphanos, sinapi, nasturtium hortense, lactucas aceto perfusas, & quio.

quidquid acre, acidum, vel amarum cane pejus, & angue averfantur. Abipones, quibus, dum palantes adhuc ultro, citroque comabant, nec ferendi cura, neque metendi necessitas unquam fuit, volnerum, ferarumque ritu iis alebantur quondam, quæ seu prædandi studium suppeditaverat, seu liberalis Natura in Campis, sylvis, aronibus, lacubusve gignit, & venantibus gratuito porrigere solet. In terrarum superficie si nusquam esca se offerat, sub terra, sub aquis radices esculentas inveniunt, quarum alias Neeyeks; alias Hakamik, leekate alias appellant. Est & fabarum minutissimarum genus, quas Navirgila dicunt, in sylvis plerisque obvium. Eliæ hæc fabæ etsi ad palatum demulcendum nihil; ad vacuos tamen Indorum ventres implendos aliquantum faciunt.

### Triticum.

Gleba Paraquariensis, præsertim in agro Boni æris, Montevideo, Sanctique Jacobi Tucumanorum, tritici est feracissima. Illud mirum igitur, sed exploratissimum, maximam Hispanorum indigenarum partem triticeum panem vix delibare, quod ferendi, molendique tritici refugiant difficultatem. Enimvero Molam, quæ aquarum impulsu moveatur, nullam usquam videas. Lapis molaris per equos, vel mulos circumagitur; Alicubi a vento. Molas hujusmodi pneumaticas binas duntaxat in urbe Boni æris vidi. Triticum Europæum a Paraquariensi differt, quod huic curtissimi sint culmi, spicæ vero grandiores, granisque majoribus gravidæ. Messores Quaranii, spicas cultro vulgari, solas resecat, cul-

mis in agro remanentibus, qui stantes subinde cremantur; Cineres enim præ quovis fimo arvom fecundant. In singulis Quaraniarum oppidis tantum tritici seritur, quantum uni anno sufficere putatur. Facta messe prospera, quidquid tritici seu in saccis, seu in horreo reliquum fecit annus superior, Indis gratuito tribuitur, qui pro nativa segnitie illud cotum edere, quam molere, ac pinsere malunt. Quotidie iisdem in oppidis panis e tritico similagineus recens binorum, qui oppidum procurant, Sacerdotum mensæ apponitur. Panis ex eadem massa insignis portio, cum carnibus nostra in culina elixis ad ægrotantium singulorum ædes, recepto dudum more, mittitur ipso meridie. Numerosioribus in oppidis, quorum multa quatuor, quinque, bina septem capitum millibus definiuntur, ingens panum candidissimorum numerus ægris impenditur quotidie. Oppidi quoque magistratibus, quoties statis per annum diebus solenne illis epulam datur, ejusmodi panes e flore farinæ primarii obtingunt. Non ægris modo, & oppidi primoribus Indis, sed & plebeis aliis, ut occasio ferebat, panem identidem sumus largiti, ut adeo certissimum sit, triticum ab iisdem potissimum absumi, qui illud severunt, mesueruntque. Quod quidem æquissimum mihi semper videbatur. Grana tritici e spicis excutiantur non hominum tribula armatorum manibus, sed pedibus egnorum, quorum centum, vel ducenti per aream, ubi spicæ humi confertæ jacent, sepibus clausam circumaguntur, magno temporis, maximo operarum compendio.

## Avena.

Avena ne de nomine quidem nota est Paraquariis. Quid, quod & in Hispania loliorum more duntaxat alicubi oriatur, &, ut ab ipsis Hispanis acceperam, nusquam feratur; Equorum enim pabulum istuc non avena, sed hordeum esse solet.

## Vinum.

Extra Tucumanæ urbes Cordubam, Riojam, & vallem catamarcam vindemia propemodum nulla. Vinum quod his in locis confieri solet, ne Sacerdotibus quidem ad aram operantibus est satis, ut adeo ex chilensibus Mendoza, Sancti Ludovici, & Sancti Joannis cis alpes sitis urbeculis immani labore, immodico sumptu sit advehendum. Hispani Paraquarienses ut a vino, sic a vinearum cultura abhorruerunt nunquam. Solum, Cœlumque Paraquariæ vineis sane propitium est, &, siquod aliud, vitibus maxime opportunum; Vinum gignit generosum juxta, ac saluberrimum, sed pro tanta Provinciae amplitudine permodicum, quod neutiquam incolarum socordiae, formicarum potius voracissimarum infinitati tribuendum, a quibus, nulla cultorum industria proficiente, vites corroduuntur. Si qui tamen in lucem prædeant racemi, columbarum sylvestrium, Vesperumque, quæ noctu turmatim advolant, edacitate absumentur. Verum de hoc argumento jam alias discernimus.

## Petrificatio lignorum, & Cornuum.

De fluviis, lacubusque Paraquariæ, præter ea, quæ scripsi, nil admodum memoratu dignum mihi succurrit. Jam alias memini, in Parana flumine vastissimos quandoque stipites in lapides converti, qui, si in Europam transveherentur, ingenti sane pretio, præsertim in Gallie, artificum clarissimorum patria, venumirent, Principum conclavia, Cimeliaque ornaturi. Boum quoque Cornua in lapides marmoris instar versicoloreæ simul, simul filicis more, ut primum chalybi illidebantur, flammivomos mutata complura ipsius in sylva urucutÿy deprehendi, & socio meo Germano exhibenda, ad Sancti Joachimi oppidum deportavi.

## Thermæ.

Per illos, quos peragravi, Paraquariæ tractus aquas minerales, vel ægris salubres nusquam detexi. Pater Josephus Sanchez labrador tamen, cujus alias honorifica facta est mentio, in suis per Chiquitorum oppida itineribus Thermas salutares duobus in locis esse, comperit, quas illius prope verbis latine describo. A' Sancti Jacobi oppido haud procul abest thermarum scaturigo, sylvis undique cincta. Ampla est, ac ternos circiter pedes profunda; Aquis ex imo ebullientibus, lebetis ad focum effervescentis more, clangorem, nescio, quem edit. Pedem si illi immergas, colorem senties vehementiorem, qui tamen paulo post fit tolerabilior. Aquis pisciculi innatant, sed neutiquam molesti. Odor sulphuris fastidii plusculum adfert. Lapides, e quibus calx



balx parari solet, fontis ripas ambiunt. Aqua sca-  
 tens, quo magis a fonte recedit, eo plus refriges-  
 cens rivum denique efficit, qui ad oppidum a San-  
 ctissimo Corde JEsu nuncupatum decurrens trium  
 inde leucarum spatio in vastissimis palmetis disper-  
 sus desinit. Multis diu, graviterque ægrotantibus  
 hæ thermæ saluti fuerunt. In conspectu oppidi Sancti  
 Joannis ad rupium margines fons aliter exiguus, a-  
 quis calidis ebulliens, nascitur, qui propinqua in  
 valle lacunam componit, ex cujus aquis inde redun-  
 dantibus amnis oritur. In primæ scatebra æstuat qui-  
 dem illa aqua, sed tantillum progressa refrigeratur  
 sensim, potaturque a Chiquitis. Verum ut ingratū  
 saporis est, sic salubritatis haud maximæ. Enimve-  
 ro huic aquæ plerique tribuunt minorem illi in  
 oppido matrum Indarum fecunditatem. Idem  
 Sancti Jacobi oppidi habitatores queruntur. Ex quo  
 id unum colligo, has thetmarum undas lavantibus  
 se se ægris, minime tamen eas bibentibus expedire.  
 Hæc, quæ de Chiquitorum rebus memoravi, & non  
 nulla alia Josephi Sanchez diligentissimi naturæ ex-  
 ploratoris, observationibus, relationibusque debeo;  
 cujus quotidiana consuetudine tum in Paraquaria,  
 tum in plurium mensium navigationibus sum usus.  
 Utinam ad manus mihi essent ferarum, volucrum,  
 piscium, plantarum imagines solerti ejusdem calami  
 expressæ, dignissimæ profecto, quæ ad Historiam  
 meam ornatam Vindobonensi scalpello excuderentur.  
 De metallis, rectius dixero, de metallorum omnium  
 inopia, alias egimus. Cætera, quæ ad Paraquariam  
 pertinent, commentariis meis, ut occasio forebat,  
 breviter inspersi. De feris, plantis, arboribus stri-  
 ctim duntaxat, carptimque, & illorum more, qui  
 iter præcipitant, obiter disserui, sed maxima, quæ  
 potui, fide. Enucleatius nosse talia si cupis, officina-  
 nas

nas Herbarias, Botanologos inspicere, qui ex instituto hoc argumentum amplis voluminibus sunt complexi. Si quid istis contrarium apud me deprehenderis, cave, præcipiti iudicio seu erroris, seu ignorantie vel me, vel illos arguas; Noveris equidem, doctissimos hos inter scriptores de rerum, maxime Americanarum, nomine, forma, proprietatibusque trecentas fervere discordias, idem affirmante altero, altero mordicus negante. Ambo sæpius idem reipsa sentiunt, verbis duntaxat discrepant, alius alium perperam intelligit, cum hic de aliis loquatur, ille de capis respondet. Linguarum jam diversitas, jam ignorantia altercationum unica sæpe fuit origo, ut adeo perarduum sit, utri litigantium fidem adhibeas, statuere. Ego quidem, dum ad res Paraquarienses scribendas animum adjeci, oculis meis, quam alienis descriptionibus plus credendum semper putavi, illorum minime, qui de Americanis provinciis differunt, quas vel nunquam, vel peregrinantium more obiter inspexerunt. Neque tamen ulli, in mea ut juret verba, arroganter suaferim. Pertinaciter affirmo nihil. Novi probe, bonum quandoque dormire Homerum, clari cætera nominis historicos opinione falli sua, memoria labi quibusdam in rebus, ac hallucinari ecquis nostrum ignorat? Nec plura. Ad Abipones jam, historię meæ princeps argumentum, properemus, ne in operis vestibulo hæsisse nimium videamur.





# I N D E X.

## Primæ Partis.

- L**iber prodromus de Paraquariæ habitu.  
De ejus longitudine, & latitudine.  
De tabulis chorographicis Paraquariæ, & earum  
mendis.  
De provinciæ totius divisione.  
De urbe, portu, incolis Boni aeris, deque hujus  
nominis origine.  
De colonia Sanctissimi Sacramenti olim lusitanicæ,  
jam Hispanicæ ditionis.  
De Enovis in Peraquaria limitibus Hispanos, ac lusi-  
tanos inter pace ultima Sancitis.  
De urbis Montevidei portu, castro, & munitione.  
De sinu Maldonati, & qua ratione muniti posset per  
vicinam luporum insulam.  
De Sanctæ fidei, & septem eurrentium urbeculis  
varia.  
De triginta Quaraniarum oppidis, gubernatoris Boni  
aeris juribus obnoxiiis.  
De seditione uruguayensium propter oppida lusitani-  
nis cedenda.  
De commentitii Regis Nicolai fabula, eiusque ori-  
gine.  
De Regio gubernatore Boni aeris, Duceque præcla-  
rissimo Pedro Zeballos.  
De Tucumania, ejusque urbibus Corduba, Sancti  
Jacobi &c. memorabilia.  
De Sancta Cruce de la sierra, & chiquitorum co-  
loniis.  
De Jesuitis ab Episcopo Tucumanorum Francisco  
Victoria in Tucumaniam, evocatis.



- De provincia Paraguay, ejus metropoli Assumptionis.
- De novis ytatinguarum Indorum coloniis S. Joachimi & S. Stanislai.
- De Barbaris in Mbae vera, & ad fluvium Empalado a me inventis.
- De colonia, quam illis condere meditabar, ab improbo homine impedita.
- De colonia Belen equitibus Barbaris Mbayas frustra.
- De Nativis fructibus hujus provinciae.
- De herba Paraquarica, de ejus genesi, fabrica, commercio, usibus.
- De Tabaca, Brasiliensium more praeparata.
- De Barbaris, quos Payaguas, Quaycurus, Abipones, Mocobies &c. Vocant, huic provinciae infestis.
- De Chaco provincia, nationum Barbararum latibulo.
- De reliquis Indorum nationibus, quae extra chacum vagantur, maxime quae Austrum versus degunt.
- De eximia fidelitate, & insigni opera, quam Quaranii Hispanis semper praestiterunt Regiis in castris militantes.
- De coloniis per nos Indis terrae Magallanae conditis, earumque fato.
- De navigatione Jesuitarum trium ad Magallanicas oras explorandas Regis Philippi V. jussu suscepta.
- De naufragio Hispanorum prope insulam ignis. De ejus insulae habitatoribus quaedam.
- De insula Maloina a Gallis occupata, mox Hispanis vendita.
- De Mammalucis Brasiliensibus oppidorum Quaranicorum everforibus, Indorumque venatoribus.
- De servitute Indorum Regiis legibus jam prohibita, jam temperata.



- De fluminibus præcipuis Parana, Parawayo, & Uruquayo, deque aliis minoribus, quæ ab illis ablorbentur.
- De cataracta, seu præcipitio horrendo fluminis Paranae. De alio minori.
- De insularum novarum ortu, veterum interitu.
- De insulis item fluitantibus.
- De binis per annum alluvionibus.
- De Paranae, qui prope urbem Boni aeris flumen argenteum dicitur, magnitudine, portibus, vadis, &c.
- De multiplici per hoc flumen navigantium periculo.
- De metallorum, lapidumque pretiosorum per Paraquariam penuria.
- De tentaminibus variis, fabulisque metalla somniantium Hispanorum, lusitanorumque.
- De incredibili equorum, mulorum, boum, ovium frequentia.
- De venatione boum ferociam, qui sunt primi capientis
- De Indorum voracitate.
- De equorum Paraquariensium forma, varietate, institutione, morbis, curatione &c.
- De mulorum genesi artificii plena, & habilitatibus.
- De ovium procuratione.
- De varia aeris temperie, aliisque Coeli Paraquariensis proprietatibus.
- De feris quibusdam singularibus, uti de tigride, leone, alce, urso formicario, huanaco &c. &c.
- De amphibiiis vg. de crocodilo, lupo marino, lutris, porco aquatili, yguana &c.
- De avibus rarioribus vg. de struthione, plittaco, Tuncã, Cardinali &c.
- De piscium multis generibus, Europæ ignotis, & de varia piscandi methodo.



**De** arboribus præcipuis vg. de ligno sancto, Quayaçan, Cedro, Cupay &c.

**De** plantis medicinalibus vg. de virga aurea, Ruibarbo, Vaynilla, Cortice Peruviano, Saffras. &c. &c.

**De** frugibus Americanis, Canna sacchari, gossipio, oryza, Mandioca &c.

**De** Thermis.





---

*Cum in toto volumine vocabula Hispanica, Quar-  
ranica, Abiponica passim recurrant, de eo-  
rum recta enuntiatione præmonendus  
mibi videbaris, lector benevole!*

---

Ch. ab Hispanis enunciat, ut tſch a Ger-  
manis. sic: Mucho, Chili, profertur Mutſcho, Tſchili.

X & J veluti H cum aspiratione gutturali pro-  
nunciandum. sic: Mujer, mulier, muher. jamas Ha-  
mas. Ximenez Himenez Sonat.

ç æquivalet Z. sic: çevallos profer ut Zeballos.

LL. Ñ veluti I interjiciendo suspensa non ni-  
hil lingua profertur. sic: España dic, veluti Esppania.  
Colmillo dens Colmilio.

Z. suavius, quam Germani solent, & veluti s  
enunciandum. sic: Rodríguez Rodrigues sonat. Ad-  
verte, u literæ G post positum haud pronunciari;  
Hino Rodriges dicitur.

Qu. Græco Kapa æquivalet. sic: Quemo uro,  
pronunciatur Kemo.

In Quararica lingua y ut tſch effertur leniter.  
sic yu flavus tſchu. Ayuca maſto. Atſchuca dicen-  
dum.

Signum mediæ lunæ cornibus sursum erectis  
denotat, literam illam cum gutturi impetu esse pro-  
nunciandam. sic y aqua, veluti Jh profertur.

Cornibus deorsum flexis litera per nasum enun-  
ciatur. sic: Peti tabaca.



Si circumflexo insigniatur litera, per guttur simul simul per nasum profertur. sic: Gŷ piper. Idem vocabulum aliter, aliterque pronunciatum aliud, atque aliud Quaraniis significat. Sic verbum Tupa per nasum si pronuncietur, Deum significat. Tupa simpliciter sellam, lectum.

In lingua Abiponica, vel Mocobiëa litera R sic scripta sonum ex R. & G mixtum habet. sic Naetarat filius eo fere modo enunciat, ut quidam naturæ vitio balbutientes literam R pronuntiant. Sed hæc pronuntiatio viva voce duntaxat exprimi potest.

Multa literarum signa, & accentus à typotheta partim perperam locati, partim omissi fuere. Hæc ad tuam institutionem, ad meam excusationem mihi visum est memorare, ne alienus error à linguarum gnaris ignorantiae meae tribuatur.





## Menda sic corrige.

Pag.	Lin.	Pro	Legs
7	22	Recrudescente	— Recrudescente
17	24	Jesuiticum	— Jesuiticum
20	31	Sacromontum	— Sacramentum
25	19	cohibet	— cohibiti
26	27	cachinis	— cachinnis
28	10	Rericendum	— Reticendum
47	22	Prumæ	— Pruina
61	21	Post verbum : Mil-	— deest punctum
		<i>liaria</i>	
—	—	collocat	— collocati
66	31	Monday, & Acaray	— Monday, & Acaray
72	14	Turmatin	— Turmatim
—	26	Tupa	— Tupâ
73	4	sibs	— sibi
74	19	i	— o
—	25	osculum	— osculum
78	20	Possunr	— Possunt
83	13	Benevolumo	— Benevolum.
85	11	Filia	— Filia
87	27	obscœintates	— obscœnitates
—	32	Dedocere illique	— Dedocere, illique
89	6	Fuir	— Fuit
97	24	<i>servatori</i>	— frustra duplicatur.
—	31	Monday	— Monday
—	—	Miri	— Miri
99	33	circumligata	— circumligata
101	29	E superfluum est	
—	32	Pœtis	— Poetis
104	9	Placidamque	— Placidumque
—	35	Incoluptu	— Incolumem

Pag.	Lin.	Pro	Lege
105	2	ferorque	— fororque
—	14	Interrogationibus- que	— Interrogationibus, Præparationibusque necessariis
106	1	Mihic	— Mihi
107	12	Tumuland	— Tumulandis
111	—	Imandiocæ	— Mandiocæ
—	25	Fornicarum	— Formicarum
116	21	Idēdidem	— Identidem
142	23	Post verbum Ru- pibus	— deest: Quæ
144	7	violatione	— violationem
146	31	lagenul	— lagenula
147	10	Incolumen	— Incolumem
173	30	Navigationes	— Navigatione
174	7	genitus	— gemitus
178	26	Saranam	— Paranam
192	21	cepi	— cæpi
211	28	Buevem	— Brevem
230	22	Inetalla	— Metalla
235	7	Ingenus	— Ingenuus
247	3	Affigere	— Affigere
249	16	oppositis	— appositis
251	19	Pedes	— Pedis
257	24	Bajs	— Bajis
260	19	obscribatur	— observabatur
264	10	Nio	— Nio
267	7	Frigidore	— Frigidiore
274	9	Tunc impotes.	— Tunc sui impotes
278	1	Paucos sjugulant	— Paucos jugulant
283	5	Evaderet	— longior evaderet
295	—	cariacæo	— coriaceo
298	31	cachinis	— cachinnis
301	5	Degliticndis	— Deglutiendis

<i>Pag.</i>	<i>Lin.</i>	<i>Pro</i>	<i>Lege</i>
315	14	Auscultantes	— Auscultantes
316	4	Perico	— Perrico
331	13	cerus	— certus
335	27	Hund	— Haud
338	24	omnes	— amnes
—	31	Europæi	— Europæis
347	18	orborem	— arborem
350	25	Diverſæ	— Diverſa
356	1	Mililariter	— Militariter
—	8	Imoſangara	— Imoſangara
378	29	cinero	— cinereo
380	15	fluvitantia	— Fluitantia
387	6	obſtrudatur	— obtrudatur
393	35	Lnnæ	— Lunæ
394	6	duntaxar	— duntaxat
399	15	Quægre	— Quæque
403	21	obefioret	— obefiores
422	30	Aunona	— Annona
424	18	Ex hoc	— Ex hac
431	31	Terra	— Terras
434	21	lignum	— lignum
—	—	Soco	— Foco
—	22	Abrili	— Fabrili
436	19	Perambulantibus	— Perambulantibus
437	2	recipiendum	— recipiendam
439	2	Mannbrüis	— Manubriis
444	30	Gazaphylocio	— Gazophylacio
445	9	Miri	— Miri
450	17	caragnata	— caraquata
452	32	Allatrae	— Allatrare
465	7	Ardentiſſimam	— Ardentiffimam
—	33	Moluut	— Molunt

<i>Pag.</i>	<i>Lin.</i>	<i>Pro</i>	<i>Lege</i>
467	17	condidissima	— candidissima
474	25	colorem	— calorem

Si quæ alia minoris momenti menda deprehenderis,  
tute vel corriges, vel excusabis.

Tabula Geographica, quam promisi, totius Paraqua-  
riæ à me dudum, necdum à chalcographo elabo-  
rata secundæ parti meæ historiæ præfigetur.





